

942

संस्कृत-विद्यापीठ

मुंबई

संस्कृत-विद्यापीठ

मुंबई

संस्कृत-विद्यापीठ

मुंबई

संस्कृत-विद्यापीठ

मुंबई

संस्कृत-विद्यापीठ

मुंबई

संस्कृत-विद्यापीठ

ধম্ম তত্ত্ব ।

(বিবেক ও বুদ্ধির কথোপকথন)

—:—

স্বর্গগত উপাধ্যায় গৌরগোবিন্দ রায় প্রণীত ।

প্রথম খণ্ড ।

কলিকাতা ।

৩নং ব্রহ্মনাথ মজুমদারের ষ্ট্রীট ।

“মঙ্গলগঞ্জ মিসন প্রেসে”,

কে, পি, নাথ কর্তৃক মুদ্রিত ও প্রকাশিত ।

১৮৩৬ শক ।

[All rights reserved.]

মূল্য #০/০ আনা ।

বিজ্ঞপ্তি ।

নববিধান-মণ্ডলীর উপাধ্যায় স্বর্গীয় গৌরগোবিন্দ রায় মহাশয় ধর্মতত্ত্ব নামক পাক্ষিক পত্রিকার সম্পাদন কালে ১৮২০শকের ১লা মাঘ হইতে ১৮৩১ শকের ১৬ই অগ্রহায়ণ পর্য্যন্ত পূর্ণ একাদশবর্ষ কাল প্রায় প্রত্যেক সংখ্যাতেই বিবেক ও বুদ্ধির কথোপকথনচ্ছলে ধর্মতত্ত্বসংক্রীয় নানা গুরুতর বিষয়ের আলোচনা ও মীমাংসা করিয়াছেন। ততৎসময়ে যাহারা উহা পাঠ করিয়াছিলেন, অনেকেই উপকৃত হইয়া ঐ সকল পুস্তকাকারে প্রকাশ করিতে অনুরোধ করেন। এতদিন নানাকারণে আমরা পাঠকবর্গের ইচ্ছামত কার্য্য করিতে পারি নাই। সর্ব্ব-মঙ্গলদাতা শ্রীভগবানের আশীর্ব্বাদে এবং ধর্ম্মপিপাসু বাকুলায়ুগণের আগ্রহ ও শুভাকাঙ্ক্ষায় আমরা এবার প্রথম হইতে ১৮২৪ শকের ১৬ই পৌষ পর্য্যন্ত চারি বৎসরের লিখিত বিষয়গুলি প্রথমথগুরুপে পুস্তকাকারে সর্ব্বসমক্ষে প্রকাশ করিতে সক্ষম হইলাম। এজন্য দয়াময় শ্রীহরির চরণে বারবার প্রণাম করি।

আমাদের অক্ষমতা ও অজ্ঞতাবশতঃ অনেকস্থলেই বিষয় নির্বাচন সম্বন্ধে হয়ত ত্রুটি লক্ষিত হইতে পারে। আশা করি ধর্ম্মার্থী ব্যক্তিগণ তজ্জন্তু আমা-দিগকে ক্ষমা করিবেন। সকলের সহানুভূতি ও সাহায্য পাইলে ভবিষ্যতে অবশিষ্ট বিষয়গুলি এইরূপ পুস্তকাকারে প্রকাশিত করিবার বাসনা রহিল। দয়াময় ঈশ্বর আমাদের সহায় হউন।

কলিকাতা

প্রকাশক।

১লা মাঘ, ১৮৩৬ শক।

সূচীপত্র ।

বিষয় ।	পৃষ্ঠা ।
বিজ্ঞান	১
অদৃষ্ট	৬
বিবেক ঈশ্বরবাণী ও শাস্তা	৩
ধন	৬
শাস্ত্র	৪
সুখসুবিধা	৩
দৃশ্য ও অদৃশ্য	১১
নিশ্চিততা	১২
ঘটনাতে তাঁর অভিপ্রায়	১৩
ভ্রান্তি	১৫
অভিলাষ	১৬
অলৌকিকতা	১৮
বিবেকের কর্তৃত্ব	২১
নিষ্পৃহতা	২৫
পুরুষকার	২৬
ধৈর্য	২৭
অন্তর ও বহিঃপ্রকৃতি	২৮
সাকার ও নিরাকার	৩১
হৃৎকল সবল হয়	৩২
দৃশ্য ও অদৃশ্যের রঙ্গভূমি	৩৪
মানুষ কি জন্মপাপী	৩৫
প্রেম	৩৭
ঈশ্বরের ইচ্ছানুবর্তন	৩৮
ভগবানের গতিক্রিয়া	৩৯

বিষয়।				পৃষ্ঠা।
ঈশ্বর ও দেবগণের প্রিয়	৪১
খ্রীতি দীর্ঘকাল সহ্য করে	৪৩
ভারপ্রাপ্ত ব্যক্তিগণের সম্মান	৪৬
সঙ্গদোষগুণ	৪৮
দৈত্য ও সাধু	৫১
স্বল্পপাপে সাবধানতা	৫৩
শীঘ্রকারিতা	৫৪
কোন দান গ্রহণীয়	৫৪
বাবসায়	৫৫
বুদ্ধি ও বিবেকের বিরোধ	৫৫
ভালবাসার পাশ্বে নিষ্ঠুরতা	৫৭
সাংসারিকতার লক্ষণ	৬০
পরীক্ষা	৬২
রোগের প্রতীকার	৬৬
ঈশ্বরের ইচ্ছা বুঝিবার উপায়	৬৭
প্রার্থনা	৬৮
উদ্বোধন	৭০
সংগ ও নিগুণবাদ	৭২
আরাধনা	৭৬
সত্যস্বরূপ	৮১
জ্ঞানস্বরূপ	৮৪
অনন্তস্বরূপ	৮৭
প্রেমস্বরূপ	৯১
অদ্বিতীয় স্বরূপ	৯৪
পুণ্যস্বরূপ	৯৭
আনন্দস্বরূপ	১০০
ধ্যান	১০২

ବିଷୟ ।	ପୃଷ୍ଠା ।
ସାଧାରଣ ପ୍ରାର୍ଥନା ...	୧୦୬
ସ୍ତୋତ୍ରପାଠ ...	୧୧୦
ପ୍ରବଚନପାଠ ...	୧୧୪
ଉପଦେଶ ଓ ପ୍ରାର୍ଥନା ...	୧୧୬
କয়েକଟି କଥାର ସମାଧାନ ...	୧୧୯
ଆଶୀର୍ବାଚନ ...	୧୨୫
ବିଜ୍ଞାନ ଓ ବିଶ୍ୱାସ ...	୧୨୫
ସ୍ୱରୂପଗୁଣର ପରସ୍ପର ସମ୍ବନ୍ଧ ...	୧୨୮
'ତାମି' 'ତୁମି' ...	୧୩୦
ପ୍ରାର୍ଥନାପାଠ ...	୧୩୨
ଉପାସନାର ଅନ୍ତର୍ଯ୍ୟାମିତ୍ୟ ...	୧୩୪
ସମ୍ମାନସମ୍ବନ୍ଧେ ଦାୟିତ୍ୱ ...	୧୩୮
ସମ୍ବନ୍ଧ ...	୧୪୦
ପ୍ରେମ ଓ ପୁଣ୍ୟ ...	୧୪୨
ରୂପାଦି ଓ ସତ୍ୟାଦି ...	୧୪୫
ରୂପ ଓ ସତ୍ୟ ...	୧୪୯
ଶକ୍ତ ଓ ଜ୍ଞାନ ...	୧୫୧
ରସ ଓ ପ୍ରେମ ...	୧୫୩
ଗନ୍ଧ ଓ ପୁଣ୍ୟ ...	୧୫୫
ସ୍ପର୍ଶ ଓ ଆନନ୍ଦ ...	୧୫୯
ବ୍ରାହ୍ମସମାଜର ଇତିହାସେ ସ୍ୱରୂପର କ୍ରମ ...	୧୬୨
ଜୀବନେ ସ୍ୱରୂପସାଧନ ...	୧୬୪
ସ୍ୱର୍ଗ ...	୧୬୯

ধম্ম তত্ত্ব ।

(বুদ্ধি ও বিবেকের কথাপকথন ।)

বিজ্ঞান ।

বুদ্ধি—বিবেক, আমি তোমায় আদর করি । তুমি আমার গৌরবের কারণ, তুমি আমার বংশের ভূষণ । প্রাচীনগণ তোমায় সদসদ্বুদ্ধি বলিয়া থাকেন । তাই বুদ্ধিমাছি, তুমি ও আমি একবংশজাত । তোমায় আমি মানিতে পারি, কিন্তু বল আমি বিজ্ঞানকে মানিব কেন ? বিজ্ঞান বাহিরের সামগ্রী, তুমি অন্তরের সামগ্রী । বাহিরের ব্যক্তিকে আপনার বলিয়া গ্রহণ কি বুদ্ধির কার্য ? তুমি আমার নিকটে বিজ্ঞানের কথা তুলিও না, আমি চিরদিন তোমায় আদর করিয়া চলিব ।

বিবেক—বিজ্ঞানকে অনাদর করিয়া তুমি আমার আদর করিবে, এ কথাই আমি সায় দিতে পারি না । আমি ও বিজ্ঞান কি ভিন্ন ? একেরই দুই দিক—বিবেক ও বিজ্ঞান । যেখানে ভিতর আছে, সেখানেই বাহির আছে, ভিতর বাহির লইয়া সমুদায় । আমার তুমি ভিতরের লোক বলিয়া আদর করিলে, আর বিজ্ঞানকে বাহিরের লোক বলিয়া অনাদর করিলে, এতে তুমি সু-বুদ্ধি নও, কু-বুদ্ধি ইহাই প্রকাশ পাইল । যদি তুমি সুবুদ্ধি স্মৃতি হইতে চাও, তাহা হইলে আমাতে ও বিজ্ঞানে কোন কালে পৃথক করিও না । তোমার নিকটে তোমার ইষ্টদেবতার কথা আমার ও বিজ্ঞানের ভিতর দিয়া সমানে আইসে, আমাদের হৃদয়ের একজনকে অনাদর করিলে জানিও তুমি মহান্নমে পড়িবে, এবং তোমার দুর্গতির অবধি থাকিবে না । দুর্গতি কি জান ? ঈশ্বর হইতে বিচ্যুতি ।

বুদ্ধি—তুমি বিজ্ঞানকে অত বাড়াইতেছ ইহা আমার ভাল লাগিল না । দেখ পূর্বের বত ধার্মিকগণ তাঁহারা তোমার কথা শুনিয়া প্রাণ পর্যন্ত দিয়াছেন, কিন্তু বিজ্ঞানকে ঘণার চক্ষে দেখিয়াছেন । আর তুমি যেমন নিশ্চয় করিয়া সকল কথা বল বিজ্ঞানতো তেমন করিয়া কিছু বলে না ; কেবল সম্ভাবনা দেখায় । যাহা সম্ভাবনা তাহা হইতেও পারে, নাও হইতে পারে, সুতরাং তাহার উপরে আবার একটা নির্ভর কি ? তুমি বল আর আমি শুনি, বিজ্ঞানকে দিয়া কি প্রয়োজন ? বিজ্ঞান রোগ ও বিপদের সময় যতটুকু সাহায্য করিতে পারে গ্রহণ করিব ; জীবনের বিষয়সম্বন্ধে তুমি আর আমি ।

বিবেক—তোমার মূলেই ভুল । ইতিহাস তুমি ভাল করিয়া পড় নাই, হৃদয়ঙ্গম কর নাই, তাই তুমি সুবুদ্ধি না হইয়া কুবুদ্ধি হইয়াছ । আমার কথা শুনিয়া ধর্মের জ্ঞান যাহারা প্রাণ দিয়াছেন, স্বর্গে তাঁহারা গৌরবান্বিত হইয়াছেন ; কিন্তু আমার নামের দোহাই দিয়া যাহারা শত শত লোককে আগুনে পুড়াইয়াছেন, বিবিধ উপায়ে প্রাণে বধ করিয়াছেন, তাঁহারাও কি তাহাতে নিরাপরাধী বলিয়া গণ্য ? আমার অস্ত্র দিক্ বিজ্ঞানের প্রতি যদি তাঁহাদের আদর থাকিত, তাহা হইলে নিজ নিজ নীচ বাসনার কুহকে পড়িয়া কখন সেই বাসনাকে তাঁহারা আমার সঙ্গে এক করিয়া ফেলিতেন না । তুমি যদি বিজ্ঞানের প্রতি অনাদর কর, তোমারও সেই দশা হইবে । বিজ্ঞান সম্ভাবনার কথা বলে, অতএব তৎপ্রতি কেন আদর করিব ? ইহা কুবুদ্ধিপ্ররোচিত কথা । বিজ্ঞান সেই বলে সম্ভাবনা বলে, যে স্থলে কতকগুলি অবস্থাধীনে কতকগুলি কার্য্য হয় । যেমন কতকগুলি রোগ এমন আছে, যাহারা সম্ভাবনারূপে দেহে বিদ্যমান থাকে । সেই সম্ভাবনা কতকগুলি অবস্থার অধীনে প্রস্ফুটিত হয় এবং কতকগুলি অবস্থাধীনে প্রস্ফুটিত হইতে পারে না, সম্ভাবনামাত্রে থাকিয়া যায় । তুমি বিজ্ঞানের কথায় সাবধান হইয়া নিরন্তর আপনাকে শেষোক্ত অবস্থাধীনে রাখিলে তোমাতে সে রোগ প্রকাশ হইতে না পাইয়া কালে সমূলে বিনষ্ট হইয়া যাইবে । আর কতকগুলি রোগ আছে, যাহা তোমাতে সম্পূর্ণ প্রকাশ না পাইলেও তোমার সম্ভান সম্ভতিতে, তাহাদের সম্ভানসম্ভতিতে প্রকাশ পাইবে । একরূপস্থলে বিজ্ঞান নিশ্চয়াত্মক কথা বলে । যেখানে বিজ্ঞান নিশ্চয়াত্মক কথা বলে সেখানে তাহার নিকট অবনত-মস্তক হইতে হইবে, এবং যেখানে সম্ভাবনার কথা বলে সেখানে তাহার নির্দিষ্ট

ধর্মতত্ত্ব ।

নিয়ন্ত্রাঙ্কসারে সাবধান হইয়া চলিতে হইবে । বিজ্ঞানের সম্ভাবনাবাক্য ও নিশ্চয়াক্ষর কথা উভয়ই ঈশ্বরের বাণী, সুতরাং এ দুই না মানা আমাদের ঈশ্বরকে না মানা একই কথা ।

অদৃষ্ট ।

বুদ্ধি—তোমার ও বিজ্ঞানের যে সম্বন্ধ শুনিলাম, সে সম্বন্ধ যে বাস্তবিকই সত্য তাহাতে আমার আর কোন সন্দেহ নাই । সাধারণ লোকে বিজ্ঞানবিষয়ে অনভিজ্ঞ । তাহারা বিজ্ঞানের স্থলে 'অদৃষ্টকে' স্থাপন করে । অদৃষ্টকে কেহ বলে কপাল, কেহ বলে 'fate' । 'fate' এই শব্দটির হাত বড় বড় পণ্ডিতেরাও এড়াইতে পারেন নাই, অতএব এ সম্বন্ধে প্রকৃত তত্ত্ব জানিবার আমার অভিলাষ ।

বিবেক—অদৃষ্ট শব্দটি যদিও এক দিকে নির্দোষ, কেন না ভবিষ্যতে কি হইবে মানব তাহা জানে না, তথাপি এরূপ শব্দ ব্যবহারে বিলক্ষণ দোষের সম্ভাবনা আছে । যাহাদের ঈশ্বরে বিশ্বাস নাই, তাহারা 'অদৃষ্ট' 'কপাল' 'fate' ইত্যাদি শব্দ ব্যবহার করে । মনুষ্যের নিজ শক্তির অতীত কোন এক শক্তি কর্তৃক তাহার বর্তমান ও ভাবী জীবন নিয়মিত হইতেছে, বিশ্বাসী অবিশ্বাসী সকলকেই ইহা স্বীকার করিতে হয়, কেন না ইহার তুল্য নিত্যপ্রত্যক্ষ বিষয় আর কিছুই নাই । যাহা প্রত্যক্ষ তাহা অস্বীকার করা যায় না । কিন্তু কারণ নির্দেশ করিতে গিয়া লোকে আপনার মনের মত একটা কারণ নির্দেশ করে । মনে কর, এক জন কুসংস্কারাপন্ন লোকের বাড়ীতে এক দিন সায়ংকালে একটা কাল বিড়াল প্রবেশ করিয়াছিল । সেই রাত্রেই সেই ব্যক্তির একটি ছোট ছেলের জ্বর হইল, এবং দু তিন দিনের মধ্যে তাহার মৃত্যু হইল । জ্ঞানী ব্যক্তি সেই বিড়ালকে বালকের মৃত্যুর কারণ বলিয়া স্থির করিবেন না, কিন্তু সাংঘাতিক জ্বরবিশেষকে কারণ নির্ধারণ করিবেন ; কিন্তু সেই কুসংস্কারাপন্ন ব্যক্তির মনে সেই কাল বিড়ালের সঙ্গে নিজ পুত্রের মৃত্যু সংযুক্ত হইয়া পড়িয়াছে, সে সেই বিড়ালকেই পুত্রের মৃত্যুর কারণ বলিয়া নির্দেশ করিবে । তাহার মতে সে বিড়াল তো বিড়াল নয়, ছুরন্তু ডাইন সেই বেশে যোর সন্ধ্যার সময়ে তাহার বাড়ীতে প্রবেশ করিয়াছিল । জিজ্ঞাসা কর, সে নির্বন্ধসহকারে সেই বিড়ালকেই মৃত্যুর কারণ বলিবে । এক সন্ধ্যায় ইউরোপে বড় বড় বিদ্বান্ পদস্থ ব্যক্তি এইরূপ

বিশ্বাস করিতেন, সুতরাং তুমি ইহাতে আশ্চর্য্য হইও না যে, বড় বড় পণ্ডিত অদৃষ্ট, কপাল বা 'fate' মানেন। অদৃষ্ট, কপাল বা 'fate' কারণ নহে স্বয়ং ঈশ্বরই কারণ, ইহা বুঝিলে আর কোন কুসংস্কার থাকিতে পারে না।

বুদ্ধি—ঈশ্বরকে কারণ জানিলেই কি মানুষ কুসংস্কারের হাত এড়াইতে পারে? মুসলমানেরা কপালে বিশ্বাস করা অধর্ম্য মনে করে, কিন্তু তাহারা ঈশ্বরকে কপালের স্থানে এমনই করিয়া বসাইয়াছে যে, তাহাতে তাহারা যাহা তাহা একটা বিশ্বাস করিতে প্রস্তুত।

বিবেক—যত দিন পর্য্যন্ত আমার ও বিজ্ঞানের রাজা মানবসমাজে প্রতিষ্ঠিত না হইতেছে, তত দিন এ সম্বন্ধে কুসংস্কার কিছুতেই যাইবার নহে। আমি ও বিজ্ঞান মানবজাতির নিকটে ঈশ্বরের ইচ্ছা ও অভিপ্রায় জ্ঞাপন করি। আমরা যে ইচ্ছা ও অভিপ্রায় জ্ঞাপন করি, তদনুসারে চলিয়া মানুষ ভবিষ্যতের বিষয়ে নিশ্চিত থাকিবে, ইহাই তাহার পক্ষে ঈশ্বরের ব্যবস্থা। সে ব্যবস্থার প্রতি দৃকপাত না করিয়া মনের মত কোন একটা কিছু স্থির করিয়া লইয়া, আমার ও বিজ্ঞানের বিপক্ষে সাহসিকতা প্রকাশ করা তাহার পক্ষে মহাবিপদের কারণ, কেন না ইহাতে অধর্ম্য ও বিপদ উভয়ই ঘটে। যাহারা আমার ও বিজ্ঞানের সিদ্ধান্তের উপরে দৃঢ় আস্থাবান, তাহারা জানে ঈশ্বর সর্বদা তাহাদের সঙ্গে আছেন, সুতরাং তাহাদের কিছুতেই ভীত হইবার কারণ নাই। যাহারা আমায় ও বিজ্ঞানকে ছাড়িয়া 'অদৃষ্ট' 'কপাল' বা 'fate' মানিয়া চলে, তাহাদের সাহসনার স্থল নাই। ইউরোপে প্রসিদ্ধনামা সোপনহিয়ার 'fate' মানিতেন। তাঁহার নিকটে মানবজীবন এতই ভারবহ ছিল যে, তাঁহার মতে আত্মহত্যাই একমাত্র দুঃখ হইতে নিষ্কৃতির উপায়। ঈশ্বরে অশিষ্টাশ্বাস দেখ কি প্রকার কুসংস্কারে ও পাপে লোককে নিষ্ক্রেপ করে। সাক্ষাৎসম্বন্ধে ঈশ্বরের ইচ্ছা ও অভিপ্রায় জানিবার উপায়ের প্রতি উপেক্ষা করিলে, এইরূপ দুর্দশা ঘটিবে না তো আর কি হইবে।

বিবেক ঈশ্বরবাণী এবং শাস্তা ।

বুদ্ধি—বিবেক, তুমি ঈশ্বরের বাণী, এ বিষয়ে পণ্ডিতেরা নিরীকিবাদ নহেন। অগ্ৰাণ্ড মনোবৃত্তি যেরূপ, তুমিও সেইরূপ একটা মনোবৃত্তি, অগ্ৰাণ্ড মনোবৃত্তি যেরূপ ক্রমে বিবিধ অবস্থাবীনে প্রস্ফুটিত হয়, তুমিও সেই প্রকার প্রস্ফুটিত হও ;

তবে তোমার বিশেষত্ব এই যে, অত্যাশ্রয় মনোবৃত্তি অক্ষ, তুমি চক্ষুমান । প্রবৃত্তি গুলি তোমার অধীন হইয়া কার্য্য করিলে অন্তরে বাহিরে একটা হৃৎ-খলা উপস্থিত হয়, জনসমাজ রক্ষা পায়, প্রতিবাক্তিও তাহাতে হৃৎখের জাগী হইয়া থাকে । তুমি ভয়ের রূপান্তরমাত্র । তোমাকে ধর্মভয় বলিলে কিছু ক্ষতি নাই ।

বিবেক—পশ্চিমেরা যাহা বলেন, তাহার বিরুদ্ধে আমার কিছু বলিবার নাই । এক অথগু সত্যেরই ভিন্ন ভিন্ন দিক্ দেখিয়া তাঁহারা এক এক জন এক এক কথা বলেন, সুতরাং তাঁহাদের কথা আপাততঃ বিরুদ্ধ বলিয়া মনে হয় ; কিন্তু সব কথাগুলি একত্র করিয়া অন্তরের আলোক তাহার উপরে ফেল, দেখিবে তাহাদের ভিন্নতা দূর হইয়া একত্ব প্রকাশ পাইয়াছে । অত্যাশ্রয় মনোবৃত্তির জ্বালা আমি একটা মনোবৃত্তি, তাহাদের প্রফুটাবস্থার সঙ্গে সঙ্গে আমিও প্রফুটিত হই, একথা বলিবার তাঁহাদের অধিকার আছে । চক্ষুর গ্রহণশক্তি যত বর্দ্ধিত হয় তত আলোক প্রকাশ পায় । আলোকের প্রকাশ যখন চক্ষুর গ্রহণশক্তির উপরে নির্ভর করে, তখন একথা বলায় কিছু ক্ষতি নাই আমি আত্মার দৃষ্টিশক্তি । আত্মার উন্নতির সঙ্গে দৃষ্টিশক্তি বাড়িবে এবং জ্ঞানসূর্য্য ঈশ্বর হইতে আলোক গ্রহণও ক্রমশঃ সমধিক হইতে থাকিবে, ইহা তো স্বাভাবিক । দৃষ্টিশক্তি কিছুই নহে, সেই শক্তি দ্বারা যাহা গৃহীত হইয়া থাকে তাহাই সত্য, তাহাই গ্রহণীয় । আমি যদি ঈশ্বরের আলোকগ্রহণার্থ দৃষ্টি হই, তাহাতে আমিও খর্ব্ব হইলাম না, যিনি আলোক গ্রহণ করিয়া তাহার সম্মান করিলেন তিনিও খর্ব্ব হইলেন না । আমি কিছুই নই, সেই আলোকই সত্য, এবং সেই আলোকের জগুই আমার আদর । আমি বাণী নই, বাণী আমা হইতে স্বতন্ত্র এ বিচার বৃথা, কেন না সেই বাণী বিনা আমার স্বতন্ত্র অস্তিত্ব যখন কেহ অবধারণ করিতে পারেন না, সেই বাণী দ্বারা আমার অস্তিত্ব উপলক্ষি করিয়া আমাকে লোকে যখন বৃত্তি বলে, তখন বাণীই সর্ব্বেসর্ব্বা হইলেন, আমি কিছুই হইলাম না, এরূপ অবস্থায় আমার নাম না করিয়া বাণীর নাম উল্লেখ করাতে কখন সত্য অতিক্রম করা হইতেছে না । বস্তুতঃ জানিও ঈশ্বরের বাণীনিরপেক্ষ আমার অস্তিত্ব নাই । আমি ভয়ের রূপান্তর মাত্র, আমি ধর্মভয় একথা বলাতে আমাকে কিছু অধঃকরণ করা হইতেছে না । আমি শাস্তা হইয়া শাসন করি, সুতরাং আমার কথায় ভয় উৎপন্ন হইবেই । সেই

ভয়ে আমাকে ভয় বলাতে আর দোষ কি ? উপনিষৎ ঈশ্বরকে “ভয়ং ভয়ানাং” বলিয়া কি কিছু অণায় করিয়াছেন ?

বুদ্ধি—তুমি যে কথা গুলি বলিলে তাহা সত্য বলিয়া মানিলাম. কিন্তু বংশানু-ক্রমে মানুষের যে প্রকার সংস্কার জন্মিয়াছে, সেই সংস্কারানুসারে ভয় উপস্থিত হয়, একথা বলিলে আর তোমার একটা প্রাধান্য কি রহিল ?

বিবেক—আমি তোমায় বলিয়াছি, ক্রমে গ্রহণ করিবার সামর্থ্য যত বাড়ে, তত মানুষ আলোক গ্রহণ করিতে পারে। একথা বলাতেই তোমায় বুঝিতে হইতেছে যে, মানুষের পৃথিবীতে প্রথম প্রবেশ হইতে আজ পর্য্যন্ত তাহার যতদূর উন্নতি হইয়াছে, সেই উন্নতির সঙ্গে সঙ্গে আলোকগ্রহণসামর্থ্যও বাড়িয়াছে। প্রত্যেক মানবশিশুকে নূতন করিয়া আলোকগ্রহণসামর্থ্য বাড়াইতে হইলে মানবসমাজ কোন কালে উন্নত হইতে পারিত না, অতএব পূর্ববংশ যতদূর উন্নত হইয়াছে, সেই হইতে নূতনতর শক্তি বাড়ান ক্রমোন্নতির নিয়ম। এ নিয়ম ঈশ্বরপ্রতিষ্ঠিত। সুতরাং পূর্ববর্তী ব্যক্তিগণের ধর্মভয় পরবর্তী ব্যক্তিগণেতে সংক্রামিত হইলে অণুমাত্র দোষ পড়িতেছে না, এবং তাহাতে আমার প্রাধান্যেরও কিছু ক্ষতি হইতেছে না।

ধন।

বুদ্ধি—বিবেক, এ সংসারে ধনের আদর, ধনাগমের উপায় বিদ্যার আদর যত, তত তোমার আদর দেখিতে পাই না। স্বর্গের জন্ম তুমি প্রয়োজন হইতে পার, কিন্তু সংসারের জন্ম ধন ও ধনাগমের উপায়স্বরূপ বিদ্যা যখন নিতান্ত প্রয়োজন, তখন সংসারী লোকেরা এ সম্বন্ধে যে বড় ভুল করে তাহা মনে হয় না। তোমার এ সম্বন্ধে মত কি ?

বিবেক—আমার অভিধানে সংসার ও স্বর্গ, এ দুই ভিন্ন নহে ; যাহাতে স্বর্গলাভ, তাহাতেই সংসারে সুখলাভ অনিবার্য্য। স্বর্গ ও সুখ এ দুই একপার্থ্যায় শব্দ। যদি ধনে বাস্তবিক সুখ হয়, তবে ধন স্বর্গলাভের উপায় অবশ্য মানিতে হইবে। ধন অচল সামগ্রী, তাহার আপনার কোন সামর্থ্য নাই। যে ব্যক্তি ধনের ব্যবহার করে, তাহার চরিত্র ধন হইতে সুখ বা দুঃখ উভয়ই উৎপাদন করিয়া লয়। ধন অচল ও অসমর্থ, এজন্য আমি ধনকে ভাল বা মন্দ কিছুই বলি না। যাদৃশ চরিত্রবান ব্যক্তির হাতে ধন পড়ে, তদনুসারে ধন মন্দ বা ভাল

বাড়াইবার পক্ষে সহায় এই মাত্র । কুচরিত্র লোকের হাতে অধিক ধন থাকিলে ধন দ্বারা কুচরিত্রতার উপযোগী নীচ বিষয় সকল সহজে সে নিজের আয়ত্তে আনিতে পারে, এজন্য শীঘ্র শীঘ্র তাহার আত্মবিনাশের পথ খুলিয়া যায়, ইহাতে ধনের দোষ কি ? সেই ধন সচ্চরিত্র বিবেকী ব্যক্তির হাতে পড়ুক, দেখিবে তদ্বারা জনসমাজের প্রভূত উপকার হবে, এবং সচ্চরিত্র বিবেকী ব্যক্তি ধনের প্রকৃত ব্যবহার করিয়া আরও সাধু উন্নতচরিত্র হইবেন । ধনকরী বিদ্যাও ধনের জায় চরিত্রবান্ ও অচরিত্রবান্ ব্যক্তির হাতে পড়িয়া ভাল বা মন্দে সহায়তা করিয়া থাকে ।

বুদ্ধি । তুমি যাহা বলিলে তাহাতে এই বুলিলাম যে সাধু ও উন্নত হইবার জন্মও ধনের প্রয়োজন । নির্দীন দরিদ্র ব্যক্তি নিজের জীবিকার জন্ম সদা উদ্ভিধ, সুতরাং আত্মার উন্নতিসাধনে তাহার অবকাশ কোথায় ? তোমা অপেক্ষা পৃথিবীতে ধনের আদর তবে ঠিকই ।

বিবেক । দেখ, আমি যাহা বলিলাম, তুমি তাহার বিপরীত অর্থ করিলে । আমি বলিলাম, বিবেকী সচ্চরিত্র ব্যক্তির হাতে ধন পড়িলে ধনের সদ্যব্যহার দ্বারা তাহার সাধুত্ব ও উন্নতচরিত্রত্ব আরও বাড়ে, তুমি বলিলে ধন দ্বারা বিবেকিত্ব ও উন্নতচরিত্রত্ব হয় । ধনাগমের পূর্ক হইতে ! যে ব্যক্তি বিবেকী ও সচ্চরিত্র নয়, তাহার হাতে ধন আসিলে সে সাধু ও সচ্চরিত্র হইবে কি প্রকারে ? ধনের দ্বারা প্রবৃত্তি বাসনা চরিতার্থ করিবার সহজ উপায় হয়, সুতরাং যে ব্যক্তি প্রথম হইতে বিবেকী সচ্চরিত্র নয়, ধন দ্বারা তাহার চরিত্রের হীনতা উপস্থিত হইবারই বিলক্ষণ সম্ভাবনা । দরিদ্রের অন্ন-চিন্তায় আত্মার উন্নতিসাধনে অবকাশ নাই, একথা মনে করা তোমার বিষম ভ্রম । অনেক ধনসম্পন্ন ব্যক্তি ইচ্ছাপূর্কক দরিদ্রতা আলিঙ্গন করিয়া চরিত্রে ও সাধুত্বে সর্বোপরি স্থান গ্রহণ করিয়াছেন ইহা কি তুমি অবগত নহ ? ফল কথা এই, ধুবাহিরের অবস্থা কিছুই নয়, মানুষের নিজ চরিত্রই তাহার সুখ ও ছঃখের কারণ । সর্বাগ্রে চরিত্রবান্ হওয়া প্রয়োজন, চরিত্রবান্ হইলে আর সকলই সহজে হস্তগত হইবে । চরিত্রের বলে অতি দীনও উচ্চ অবস্থায় আরোহণ করে, চরিত্রের হীনতার অতি উচ্চপদস্থ ব্যক্তিও অন্ন দিনের মধ্যে অতি হীনাবস্থ হইয়া পড়ে ; পৃথিবীতে ইহার শত শত দৃষ্টান্ত চক্ষের সম্মুখে রহিয়াছে । চরিত্রের মূল আমি, ইহা যখন তুমি জানিবে, তখন

মশতল।

ধন অধিক আদরের বিষয় বা আমি অধিক আদরের পাত্র, ইহা হৃদয়ঙ্গম করিতে
আর তোমার কোন বাধা থাকিবে না।

শান্ত।

বুদ্ধি। বিবেক, তুমি আর এক দিন যাহা বলিলে তাহাতে প্রাচীনকালে
শাস্ত্রে বিশ্বাস যে প্রকার ছিল তাহাই আসিয়া দাঁড়াইল। প্রাচীন ধর্মশাস্ত্রসকল
মানুষের রচিত নহে ঈশ্বররচিত, এ বিশ্বাস তো আর একালের কাহারও নাই।
তুমি কি মনে কর আবার সেই বিশ্বাস ঘুরিয়া আসিবে ?

বিবেক। বিশ্বাস ঘুরিয়া আসা কিছু অসম্ভব নহে। অনেকে প্রথমতঃ
ঘোর সংশয়ী থাকিয়া শেষকালে এমন ঘোর কুসংস্কারী হইয়া পড়ে যে, এমন কিছু
নাই, যাহা তাহারা বিশ্বাস করে না। মানুষ অতি দুর্বলচিত্ত, কখন তাহার
চিত্তের দৌর্বল্য কোন অযুক্ত সংস্কারে লইয়া তাহাকে ফেলিবে কেহ তাহা জানে
না। যদি সে সকল ব্যক্তি আমার কথায় কান দিত, তাহা হইলে তাহাদের এ
বিপদে পড়িবার সম্ভাবনা ছিল না। কিন্তু তাহারা যে বিষয়মতে মত্ত, তাহারা
কি আর আমার কথায় কর্ণপাত করিবে ? একটু সংসারের আমোদ প্রমোদ
বাড়িলেই আমি অনাদৃত হই। আমার কথায় কর্ণপাত করা তো দূরের কথা,
আমার কথাই আর তাহাদের স্মরণ থাকে না। শাস্ত্র বলিয়া কিছু নাই, এ কথা
তুমি মনে করিতেছ কেন ? যেখানে শাস্ত্র আছে, সেখানেই শাস্ত্র আছে। তবে
আমি যে শাস্ত্র ও শাস্ত্রার কথা বলিতেছি, তাহা মৃত নহে নিত্যবিদ্যমান। পূর্বতন
কালে শাস্ত্রা যে সকল কথা বলিয়াছেন সে সকল শাস্ত্র হইয়া গিয়াছে, ইহার অর্থ
ইহা নহে যে, সেগুলি গ্রহণ করিতে গিয়া শাস্ত্রার মুখে আর নূতন করিয়া স্তনিয়া
লইতে হইবে না। যদি তুমি নূতন করিয়া স্তনিয়া না লও, তোমার জীবনে সে
সকলের উপযোগিতা আছে কি না তুমি কি প্রকারে বুঝিবে ?

বুদ্ধি। তুমি যাহা বলিলে তাহাতে পুরাতনের উপরে কোন আদরই রহিল
না, কেবলই নূতনের উপরে আদর।

বিবেক। ঈশ্বরের রাজ্যে বল কিছু কি পুরাতন আছে ? তুমি যাহা নিতান্ত
পুরাতন মনে করিতেছ, তাহাও পুরাতন নহে নিত্য নূতন হইতেছে। প্রতি
ব্যক্তি আপনার দেহ পুরাতন বলিয়া মনে করিতেছে, কিন্তু তাহারা জানে না যে
উহা নিত্য নূতন হইতেছে। এই অধিষ্ঠিত পৃথিবী কত পুরাতন, কিন্তু প্রতিদিন

তাহার এমনই পরিবর্তন হইতেছে যে, কল্যকার পৃথিবী অগ্ৰকার নহে। আকাশহু অগণ্য নক্ষত্র কি পুরাতন ! প্রতিদিন চক্ষুর নিকটে একই প্রকারে প্রকাশমান। যদি তোমার গভীর বিজ্ঞানদৃষ্টি জন্মায়, তুমি দেখিতে পাইবে, সে নক্ষত্র আর এ নক্ষত্র নহে। বাহিরে আকার সন্নিবেশ এক প্রকার থাকিতে পারে, এক প্রকার থাকে বলিয়া সেই এই বলিয়া তুমি নির্দেশ করিতে পার, কিন্তু সূক্ষ্মরূপে দেখিলে আকারের সাম্যসত্ত্বেও, সে দিনের সে আর নহে। ভূমিষ্টকালে তুমি যা ছিলে আজ কি তুমি তাই ? সে কালে তোমার অস্তিত্ব ছিল কি না সন্দেহ, আজ তুমি সর্ব্বেনর্বা হইয়াছ। কত লোকে তোমার প্রশংসা করিতেছে, তোমাকে সর্ব্বোপরি স্থান দান করিতেছে, তোমার অনুসরণ করিয়া আপনাদিগকে কৃতার্থ মনে করিতেছে, জনসমাজের নিকটে সম্মানিত হইতেছে। বিশ, ত্রিশ, চল্লিশ বৎসরের মধ্যে যদি তোমার এত পরিবর্তন ঘটিয়া থাকে, তাহা হইলে কোটি কোটি বর্ষে কি পরিবর্তন ঘটিতে পারে, তুমি চিন্তা করিয়া দেখ। দেখিতে পুরাতন শাস্ত্রের কথা একই আছে, কিন্তু জনসমাজের বুদ্ধিভেদের সঙ্গে সঙ্গে উহারও যে ভাব পরিবর্তিত হইয়া গিয়াছে। তুমি যে ভাবে উহাকে গ্রহণ করিতেছ, তিন সহস্র বৎসর পূর্বে উহা কখন সে ভাবে গৃহীত হয় নাই, ইহা যখন তুমি বুঝিবে, তখন জানিতে পারিবে, পুরাতন শাস্ত্র নিত্য নূতন হইতেছে কি না ?

অশুভবিধা ।

বুদ্ধি। সংসারী লোকেরা আমাকে আশ্রয় করিয়া বিময়কন্ম করে। তাহারা বিষয়কন্মের অনুরোধে কেমন মিলিয়া মিশিয়া থাকে, কেহ কাহারও অসন্তোষ জন্মায় না। আহাৰ পান ভোজনাদি সকল বিষয়ে অশুভবিধা উপস্থিত হইবে, ইহা আমি তাহাদিগকে সুন্দররূপে বুঝাইয়া দেই, আর অমনি তাহারা ভালমানুষ হইয়া যায়। তোমার সম্বন্ধে তো একথা বলা যাইতে পারে না। যে সকল ব্যক্তি তোমার অধীন হয় তাহারা অন্নবস্ত্রাদি কিছুই ভাবনায় যে, মাথা হেঁট করিবে তাহার সম্ভাবনা নাই ; সুতরাং একবার তুমি যেখানে বিরোধের আগুন জ্বলাইয়া দাও, সে আগুন থামায় কাহার সাধ্য ? আমায় ছাড়িয়া যাহারা তোমার অনুসরণ করে, এমন যে প্রিয় প্রাণ তাহা পর্য্যন্ত তাহাদিগকে দিতে হয়। মানুষ-গুলিকে একরূপ পাগল করিয়া দেওয়া কি ভাল ?

বিবেক। আমি চিবকাল লোকদিগকে পাগল করিয়া দিয়াছি, আমার শ্রম লইলেই পাগল হইতে হয়, বুদ্ধি, তুমি এ আর নূতন কথা কি বলিলে, পৃথিবীর বুদ্ধিমান লোকেরা অতিরিক্ত বিবেকী হওয়ারকে পাগলাম বলিয়া থাকে। তাহাদের মতে প্রতিবাক্তির ততটুকু বিবেকী হওয়া উচিত, যাহাতে পৃথিবীর সুখ সুবিধা বজায় থাকে, লোকে ধার্মিক বলিয়া বিশ্বাস করে, আর বাবসায় বাণিজ্য ভাল করিয়া চলে। বিবেকের অনুরোধে সংসারের সুখত্যাগ, আত্মীয় স্বজনগণের সহিত বিচ্ছেদ, জনসমাজকে উলটপালট করিয়া দেওয়া, বুদ্ধিমানেরা ইহাকে অতিরিক্ত বিবেকিত্ব বলিয়া উপহাস করে। তাহারা বলে, বিবেক বিবেক করিয়া এত চিন্তার কেন? প্রবৃত্তি, অভিলাষ, ইচ্ছা, এগুলি কি আর ঈশ্বরপ্রদত্ত নয়? এ গুলিকে বিদায় দিয়া এক বিবেককে বাড়ান, ইহা কি বাড়াবাড়ি নয়? অতিরিক্ত পাগলত্ব নয়? মুখা আমার জন্ম তাহার লোকদিগের নিকট অপ্রিয় হইলেন, ঈশা আমার জন্ম ক্রুশে বিদ্ধ হইলেন। আমার জন্মই তো ঈশা বলিয়াছিলেন, আমি শান্তি দিতে আসি নাই, বিচ্ছেদ ঘটাইতে আসিয়াছি; পিতা পুত্রে, ভ্রাতায় ভ্রাতায়, ভ্রাতায় ভগিনীতে আমার জন্ম অমিল হইবে। বুদ্ধি, তুমি বোঝ সাংসারিক জীবন, যাহারা তোমার অনুসরণ করে, তাহাদের সংসার সর্বস্ব। সংসারের জন্ম যাহারা ঈশ্বর, সত্য ও ধর্মকে খর্ব করিতে পারে, তাহারা তোমার দোহাই দিবে না তো আর কাহার দোহাই দিবে? আশু সুখে যাহারা আপনা-দিগকে কৃতার্থ মনে করে, তাহারা তোমা বই আমাকে চাহিবে কেন? অগ্রে সুখ পরে তীব্রযাতনা, অগ্রে দুঃখ পরে নিত্য সুখ, ইহার কোন্টি ভাল?

বুদ্ধি। তুমি যাহা বলিলে, আমি কি আর তাহা বুঝি না? প্রবৃত্তিবাসনা চরিতার্থ করিতে আগে সুখ হয়, পরে তাহা হইতেই তীব্রযাতনা উপস্থিত হইয়া থাকে। মানুষ পশু, ইহাতে আর তোমার অবিদিত নাই। যাহারা পশুর ন্যায় আশু সুখ চায়, তাহারা ফলাফলচিন্তায় আমার আশ্রয় গ্রহণ করে, আমিইকি তাহাদিগকে আশ্রয় না দিয়া কি করি? যখন যাতনা পাইয়া তাহারা ফিরিয়া আইসে, তখন আমিই তো তোমার আলোকে আলোকিত হইয়া ধর্মবুদ্ধি নামে আধাত হইয়া থাকি। তোমাতে আমাতে বিরোধ নাই, মাঝে যে বিরোধ ঘটে তাহা সেই সেই ব্যক্তির শিক্ষার জন্ম।

বিবেক। তোমার এ কথায় আমি সন্দেহ হইলাম। তোমাতে আমাতে

বাস্তবিক বিরোধ নাই। নীচ প্রবৃত্তি বাসনা বিরোধ ঘটাইয়া তোমাকে স্বদলে ডাকিয়া নেয়, তুমি গিয়া যুক্তি দিয়া বিপাকে ফেল। তোমার উদ্দেশ্য ইহাতে ভাল বটে, কিন্তু মাঝে বিপাক ঘটানটা কি তত ভাল ?

দৃশ্য ও অদৃশ্য।

বুদ্ধি। বিবেক, তুমি অদৃশ্য বিষয় লইয়া এত ব্যস্ত কেন? লোকে দৃশ্য বিষয়ে আসক্ত না হয়। এজন্ত নিয়ত তাহাকে তুমি বাস্তবাস্ত করিয়া তোল। আগে তাহাদিগকে দৃশ্য বিষয় ভোগ করিতে দাও, তাহার পর ভোগান্তে যথোপযুক্ত সময়ে সে অদৃশ্য বিষয়ের চিন্তায় কালান্তিপাত করিবে। যে সময়ের যাহা বুদ্ধিমানেরা তাহারই অনুসরণ করিয়া থাকেন।

বিবেক। হাঁ, পৃথিবীর লোকেরা জীবনের সময় ভাগ করিয়া লইয়া এক এক ভাগে এক এক কার্য্য অনুষ্ঠেয় বলিয়া নির্ধারণ করে। একরূপ ভাগ করাতে বুদ্ধিমত্তার পরিচয় পাওয়া যায় কি না, তুমি কি কখন ইহা চিন্তা করিয়া দেখিয়াছ? এক এক ভাগে এক এক কার্য্য করিতে গিয়া সে কার্য্য এমনই অভ্যস্ত হইয়া পড়ে যে, আর সে কার্য্য ছাড়িয়া অপর কার্য্যের আরম্ভ করা ঘটিয়া উঠে না। প্রবৃত্তি বাসনা রুচি একবার যে কার্য্যের সঙ্গে গ্রথিত হইয়া গিয়াছে সে কার্য্য হইতে সে গুলিকে বিচ্ছিন্ন কন। কষ্টকন নাপান হইয়া উঠে। অধিকাংশ লোকের জীবনে এইজন্ত চিরদিন একই প্রকারের কার্য্য চলিতেছে দেখিতে পাওয়া যায়, তাহাদের জীবনে উন্নতির স্রোত একেবারে অবরুদ্ধ। লোকে নিয়ত এইরূপ প্রত্যক্ষ করিয়াই সিদ্ধান্ত করিয়াছে, চল্লিশের পর নূতন কিছু মনে স্থান পায় না। বাল্যকাল হইতে তত্তৎকালোপযোগিতাবে জ্ঞানাদি অর্জনে প্রবৃত্ত না থাকিলে সমুদায় জীবন সেই সকলের উপার্জনে অতিবাহিত হইবে, তাহার কোন সম্ভাবনা নাই।

বুদ্ধি। অধিকাংশ ব্যক্তি জীবনের কতক দিন পর হইতে একই প্রকারে জীবন কাটাইয়া থাকে ইহা সত্য, কিন্তু যাহারা প্রথম হইতে তোমার কথা শুনিয়া চলে, তাহাদেরও কি এ প্রকার চর্দশা ভোগ করিতে হয় না ?

বিবেক। আমার অনুগত লোকেরা যদি অশীতিবর্ষে যুবকের ছায় উৎসাহের সহিত আমার নিদেশ পালন করিতে না পারেন, তাহা হইলে আমি কখন তাহাদিগকে আমার লোক বলি না, মানবজাতির ইতিহাস পাঠ করিয়া দেখ ক্ষুদ্র বুদ্ধ

প্রভৃতি দীর্ঘজীবন যাপন করিয়াছেন, তাহাদের কি আমার নিদেশপালনবিষয়ে বারুকাদোষ উপস্থিত হইরাছিল ? আমার লোকেরা উন্নতিবিষয়ে চিরযৌবনসম্পন্ন, ইহা যেন তোমার মনে থাকে ।

নিশ্চিত্ততা ।

বুদ্ধি । বিবেক, তুমি নিশ্চিত্ত হইতে বল, বল মানুষ নিশ্চিত্ত হয় কিরূপে ! তার অভাব কত ? যত তার বয়স হয়, তত অভাব বাড়ে । যখন সে শিশু ছিল, শিশুর মত অভাব ছিল, তখন তাহার সে অভাব দূর হওয়া কিছু কঠিন ছিল না । বয়সের সঙ্গে সঙ্গে এক জনের নয় দশ জনের ভাবনা আসিয়া যখন চাপে, তখন 'নিশ্চিত্ত থাক' একথা তুমি যদি বল, লোকে তাহা পালন করিবে কি প্রকারে ?

বিবেক । আমি যদি বলি 'নিশ্চিত্ত থাক,' আমার একথায় কয়জন কণপাত করে ? তুমি তাহাদের কথা বলিতেছ, তাহারা কি আমার কথা শুনিয়া চলে ? যখন দূরে পড়ে, তখন তুমি নিকটে থাকিতে তাহারা আমার নিকটে আসিবে কেন ? এমন কি তাহারা আমার কথা শুনিয়া চলে, সংসারিগণ ভয়ে তাহাদের নিকটেও পরামর্শ জিজ্ঞাসা করিতে সাহস করে না । তাহাদের যদি পরামর্শের প্রয়োজন হয়, তাহা হইলে তাহাদের মত বুদ্ধিজীবী লোকদিগের নিকটে যায় । যতদিন তাহাদের জীবনে শেষ পরীক্ষা উপস্থিত না হয়, ততদিন তাহারা এইরূপেই চলিতে থাকে । আমি 'নিশ্চিত্ত হও' বলিয়া কাহাকেও উৎপাদন করি, এ কথা বলা তোমার ভাল হয় নাই । যে সকল ব্যক্তি ঈশ্বরে আত্মসমর্পণ করিতে প্রস্তুত নয়, তাহাদিগকে বলিবার অণু অনেক কথা আছে, সে সকল থাকিতে ও কথা বলিব কেন ? আগে, প্রবৃত্তিবাসনাগুলি ছাড়িলে, তবে তো আত্মসমর্পণের অভিনায় জন্মিবে । আত্মসমর্পণে অভিনায় জন্মিলে তবে তো নিশ্চিত্ত হইবার কথা ।

বুদ্ধি । আমি দেখিতেছি, তুমি কোন না কোন প্রকারে আমার উপরে দোষ দাও । সংসারী লোক যখন তোমার নিকটে যাইতে পারে না, তখন আমি তাহাদের আশ্রয় না দিয়া কি করি ? তুমি কি মনে কর, লোকদিগের সম্বন্ধে আমার কিছু করিবার নাই ?

বিবেক । তোমার কিছু করিবার নাই, আমি তো কোন দিন একথা বলি নাই । অভিজ্ঞতা কিছু একটা সামান্য বিষয় নয় । লোকে পূর্ব অভিজ্ঞতার

উপরে ভর দিয়া অনেক কার্য চালাইয়া থাকে। যদি কার্যের সাহায্যে কৃতি হয়, নূতন অভিজ্ঞতা সঞ্চয় করে এবং সেই অভিজ্ঞতা অনুসারে কার্য করিয়া সফলমনোরথ হয়। আবার যখন সামাজিক অবস্থার পরিবর্তনে আর সে অভিজ্ঞতা কার্যকর হয় না, তখন নূতন অভিজ্ঞতা উপার্জন করিবার সময় উপস্থিত হয়। এইরূপ অভিজ্ঞতামূলক যে কার্য, তাহাতে তোমার সাহায্যের প্রয়োজন। জানিও আমি অভিজ্ঞতার বিরোধী নই, আমার সহকারী বিজ্ঞান এই অভিজ্ঞতার যথাযথ ব্যবহার করিয়া থাকেন। তিনি যে সকল অভিজ্ঞতার উপরে সিদ্ধান্ত স্থাপন করেন, তাহার সঙ্গিত আমার কোন বিরোধ নাই। বাসনার বশবর্তী হইয়া লোকে অভিজ্ঞতার অপব্যবহার করে, এজন্যই তাহারা এত দুঃখভাজন হয়।

বুদ্ধি। অভিজ্ঞতার অপব্যবহার তুমি কাহাকে বল ?

বিবেক। একটি কোন কার্যের ফল প্রকাশ পাইতে দীর্ঘকালের প্রয়োজন। বিজ্ঞান দীর্ঘকালের অভিজ্ঞতার উপরে আপনার সিদ্ধান্ত স্থাপন করেন। লোকে বাসনার বশবর্তী হইয়া দীর্ঘকাল প্রতীক্ষা করিতে পারে না। যে কার্যের ফল বিংশতিবর্ষে প্রকাশ পাইবে, দশ বৎসর বা পাঁচ বৎসরের ফলাফল দেখিয়া লোকে একটা সিদ্ধান্ত করিয়া বসে এবং বলে যে, অমুক অমুকের যখন অমুক অমুক অবস্থায় এইরূপ হইয়াছে, তখন আমাদেরও সেইরূপ হইবে; অতএব আমি অমুক কার্য করিব না কেন ? দেখ বাসনার প্রাবলাবশতঃ কত লোকে আপনার এইরূপে অনিষ্ট সাধন করিতেছে। বিজ্ঞানের দীর্ঘকালের অভিজ্ঞতার উপরে আস্থা থাকিলে আর তাহাদের এরূপ হৃদশা ঘটিত না। তাহারা অল্পদিনের ফল দেখিয়া বিজ্ঞানের দীর্ঘকালের অভিজ্ঞতার প্রতি অবহেলা করে, ইহা কি বাসনা বিকারের কার্য নহে ?

ঘটনাতে তাঁর অভিপ্রায়।

বুদ্ধি। দেখ বিবেক, আমি ভগবানের অভিপ্রায় বুঝিবার জন্ত একটি উপায় অবলম্বন করিয়াছি, সে উপায়সম্বন্ধে তোমার মত কি জানিতে চাই। কোন একটি বিষয় ঈশ্বরের অভিপ্রায়সিদ্ধ কি না, ইহা বুঝিবার জন্ত আমি ঘটনার পর ঘটনা প্রত্যক্ষ করিয়া থাকি। ছুটী ঘটনায় মন সন্তুষ্ট না হয়, পাঁচটি ঘটনা পাঠ

করি, এইরূপে ঘটনার পর ঘটনা, ঘটনার পর ঘটনা পাঠ করি । এ উপায় কি মন্দ ?

বিবেক । ঘটনার দ্বারা ঈশ্বরের অভিপ্রায় স্থির করা কিছু মন্দ নয়, কিন্তু যদি তোমার ভিতরে ঈশ্বরের অভিপ্রায়সম্বন্ধে সাক্ষাৎ জ্ঞান না হয়, তাহা হইলে তুমি সহস্র ঘটনা পাঠ করিয়াও কোনটি ঈশ্বরের অভিপ্রেত তাহা ঠিক করিয়া উঠিতে পারিবে না । সাধকেরা ঘটনা পাঠ করিয়া থাকেন সত্য, কিন্তু তাঁহারা একটী দুইটী ঘটনাতেই অভিপ্রায় ধরিয়া ফেলেন । তুমি মনে করিতে পার, তাঁহাদের দৈর্ঘ্য নাই, তাই হঠাৎ 'এইটি ভগবানের অভিপ্রেত' বলিয়া মনকে তাঁহারা প্রবোধ দেন । তুমি এরূপ মনে করিও না । ঘটনা সকল অচেতন, তাহারা কিছুই বলে না, আমরাই তাহার অর্থ করিয়া লই । যেখানে কেবল বিচার, সেখানে ঘটনা কিছুই বলিয়া দেয় না, ঘটনার পর ঘটনা চলিতে থাকে, বিচারে কেবল সংশয়ই বাড়িতে থাকে । যদি অন্তরে যথাসময়ে আলোক লাভ না হয়, তাহা হইলে ঘটনা আর তোমায় কি বুঝাইয়া দিবে ? তুমি একটা ঘটনা দশ প্রকারে বুঝিতে পার, তাহাতে তোমার স্থিরবিশ্বাসে পঁছছিবার উপায় হইল কৈ ? ঘটনায় মন উদ্ভুদ্ধ হইল, এখন ভগবানের নিকটে যাও, তিনি উহার অভিপ্রায় তোমায় বুঝাইয়া দিবেন, আর তোমায় ক্রমান্বয়ে ঘটনার পর ঘটনা অন্বেষণ করিতে হইবে না । জানিও, ঈশ্বরের আলোকেই মনের অন্ধকার ঘোচে, ঘটনা কেবল একটা অবলম্বন মাত্র ।

বুদ্ধি । তুমি যাহা বলিলে তাহা মানি, কেন না এক একটা বিষয় এমনই জটিল আছে যে, ক্রমান্বয়ে ঘটনা পাঠ করিয়াও কোন একটা সিদ্ধান্তে আসিয়া উপস্থিত হইতে পারা যায় না । এস্থলে অনেক সময় তটস্থ হইয়া থাকিতে হয় । বল, এরূপ অবস্থায় আলোক আসিয়া সকল সংশয় ছেদ করিয়া দেয় না কেন ?

বিবেক । বুদ্ধি, তুমি আপনি ঘটনা পাঠ করিয়া বুঝিবে, এই অভিমান করিয়া ক্রমান্বয়ে যত্ন করিতে থাক, তাই এরূপ ছর্ভোগ তোমার ভুগিতে হয় । তুমি যদি 'বুদ্ধি' এ অভিমান পরিত্যাগ করিয়া আলোকের ভিত্তিকারী হও, তাহা হইলে একটী দুইটী ঘটনাই যথেষ্ট হয়, ঘটনার পর ঘটনার প্রতীক্ষায় থাকিতে হয় না । আশা করি, ভবিষ্যতে সকল অভিমান ত্যাগ করিয়া আলোকের প্রার্থী হইবে, ঘটনার পর ঘটনা পাঠ করিয়া বুঝিয়া লইব, এরূপ অভিমান মন হইতে

বিদায় করিয়া দিবে। তুমি কি জান না, আমার সহযোগী বিজ্ঞান অন্তরে লক্ষ আলোক দ্বারা ঘটনাসমূহ এক সূত্রে বান্ধিয়া নূতন আবিষ্কার করিয়া থাকেন ? সূত্র না পাইলে বিচ্ছিন্ন ঘটনা কি দিয়া বান্ধিয়া তল্লিহিত অতিপ্রায় তুমি পাঠ করিবে ?

ব্রাহ্মি।

বুদ্ধি। বিবেক, বল কি উপায়ে ব্রাহ্মির হাত হইতে মুক্ত হওয়া যাইতে পারে ? যাহারা তোমার অনুসরণে স্থিরপ্রতিজ্ঞ, তাহারাও সময়ে সময়ে একরূপ গুরুতর ভ্রমে পড়েন যে সাধারণেও সেরূপ ভ্রমে পড়ে না। একরূপ স্থলে কিরূপে বুঝিব, তোমার হাতে সমুদায় ভার দিয়া ব্রাহ্মি হইতে রক্ষা পাওয়া যায় ?

বিবেক। ব্রাহ্মির মূল কি একবার তোমার বোঝা প্রয়োজন। মানুষ অল্পজ্ঞান এজন্ত তাহাতে ভ্রম হইবে বিচিত্র কি ? কিন্তু অল্পজ্ঞান হইলেই ভ্রম হইবে, তাহার কারণ নাই। অল্পজ্ঞান কখন অধিক বিষয় আরম্ভ করিতে পারে না। যতটুকু তাহার অধিকার তন্মধ্যে যদি উহা আপনাকে আবদ্ধ রাখে, তাহা হইলে ভ্রমের সম্ভাবনা কোথায় ? এই অল্পজ্ঞান দিন দিন যাহাতে বর্দ্ধিত হইতে পারে তাহারই উপায় করা প্রয়োজন। সে উপায় আমার ও বিজ্ঞানের অনুসরণ। আমি ও বিজ্ঞান যে সীমা নির্দিষ্ট করিয়া দি, মানুষ যদি তাহা অতিক্রম করিয়া ভ্রমে নিপতিত হয়, তাহা হইলে আমার হাতে ভার দিয়া ব্রাহ্মি নিবারণ হয় না, একথা বলা কি আমার প্রতি অবিচার নয় ?

বুদ্ধি। আমি তোমার প্রতি অবিচার করিতে চাই না, বাহা নিয়ত দেখিতেছি, তাহাই বলি। সংশয় নিরসন করিবার জন্ত তোমায় জিজ্ঞাসা করা।

বিবেক। দেখ, লোকে যাহাদিগকে বিবেকী বলে, আমার নিক্তান্ত অনুগত মনে করে, তাহারা বাস্তবিকই যে সকল সময়ে আমার অনুগত তাহা নহে। তাহাদিগের জীবনে প্রবৃত্তি বাসনার সহিত ক্রমাগত সংগ্রাম চলিতেছে। যে ব্যক্তি যে পরিমাণে সেই সংগ্রামে জয়ী হয়, সে ব্যক্তিকে সেই পরিমাণে আমার অনুগত জানিও। যতটুকু প্রবৃত্তি বাসনার অধীনতা, ততটুকু ব্রাহ্মির সম্ভাবনা ইহা তোমার স্বরণে রাখা উচিত। আমার কথা শুনিলে ব্রাহ্মি হয়, একরূপ সংশয় কদাপি মনে স্থান দিও না।

বুদ্ধি। এমন মানুষ কে আছে, যাহাতে প্রবৃত্তি বা বাসনা নাই। বল, কি উপায়ে মানুষ প্রবৃত্তি বাসনা সঙ্গে ভ্রমের হস্ত হইতে রক্ষা পাইতে পারে ?

বিবেক। যখন কোন ব্যক্তি দেখিতে পাইবে যে, প্রবৃত্তি বা বাসনার উপরে আদিপতা স্থাপন করিতে উদ্যত, তখন তৎক্ষণে যে চাকলা উপস্থিত হয়, সে চাকলা যতক্ষণ না শান্ত হয়, মন স্বস্থায়ণ্য না আসে, ততক্ষণ কোন প্রকার নিষ্পত্তি না করিয়া তৃষ্ণীভাব অবলম্বন করিয়া থাকা প্রয়োজন। পরিশেষে মনের শান্ত ভাব উপস্থিত হইলে, আমার আলোক গ্রহণ সম্ভব হইবে। যাহারা অধীর হইয়া তখনই কিছু সিদ্ধান্ত করে তাহারাই ভ্রমে নিপতিত হয়।

অভিলাষ।

বুদ্ধি। বিবেক, তুমিতো সকল প্রকারের অভিলাষের বিরোধী। যেখানে কোন একটি অভিলাষ রাজ্য করে, সেখান হইতে তুমি অপস্থত হও। ইহাইতো দেখিয়া আসিতেছি। আমি তোমায় জিজ্ঞাসা করি অভিলাষ যদি একরূপই ঘৃণার সামগ্রী হইল তাহা হইলে মানবহৃদয়ে অভিলাষ স্থাপিত হইল কেন ?

বিবেক। অভিলাষ ঘৃণার সামগ্রী, ইহা কেন তোমার মনে আসিল ? অভিলাষের অপরাধ কি ? মানুষ যে বিষয়সম্বন্ধে অভিলাষ পোষণ করে, সেই বিষয়ানুসারে অভিলাষ সদোষ ও নির্দোষ হয়। আমার সঙ্গে বাহার সর্বদা মিল আছে, তাহার কি আর অভিলাষ নাই ? ঈশ্বরের স্মরণ মনন চিন্তন, পবের কলাণের জন্ত নিরন্ত বাস্তুতা, বিপথগামী ব্যক্তিগণের জন্ত ব্যাকুলতা, তাহার বিপথ হইতে ফিরিয়া আসুক, এজন্ত মনের প্রগাঢ় অভিলাষ ; এ সকলতো কোন দিন আমি নিন্দনীয় বা ঘৃণাই বলিয়া প্রতিপন্ন করি নাই। যাহারা বিবেকী তাহার কি এই সকলের জন্ত সর্বদা অভিলাষবান্ নহে ? আমি আদেশ জ্ঞাপন করিতে পারি, কিন্তু সেই আদেশ পালন করিবার পক্ষে অভিলাষ উদ্দীপিত না হইলে কি কেহ উহা পালন করিয়া উঠিতে পারে ? অভিলাষ ক্রিয়ার মূল, অভিলাষ বিনা ক্রিয়া সম্পাদন কোন কালে হয় নাই কোন কালে হইবে না, ইহা তুমি নিশ্চয় জানিও। আমি কোন লোককে অলস থাকিতে দি না, ইহা তো তোমার জানা আছে ?

বুদ্ধি। অভিলাষ ক্রিয়ার মূল ইহা জানি। ক্রিয়ার সঙ্গে অভিলাষ চির-সংযুক্ত বলিয়া অনেক যে সকল প্রকার কৰ্মেরই বিরোধী।

বিবেক । কর্ম করিতে গিয়া অভিমান উপস্থিত হয় । এই অভিমানে ধর্মজীবন শীঘ্রই বিপদগ্রস্ত হইয়া পড়ে, ইহা দেখিয়াই অনেক লোকে কর্ম হইতে বিরত থাকাই শ্রেয়স্কর মনে করে । যাহারা আপনার ইচ্ছার অনুসরণ করিয়া কর্মে প্রবৃত্ত হয়, তাহাদের কর্ম হইতে অভিমান উপস্থিত হইবে, ইহা আর অসম্ভব কি ? নিজের ইচ্ছা যত প্রবল হইতে থাকে, তত স্বেচ্ছাচারের দ্বার খুলিয়া যায় । যেখানে স্বেচ্ছাচার সেখানে তাহার সঙ্গে অভিমান আসিয়া যোটে । এরূপ অবস্থায় অভিমানের ভয়ে ব্রহ্মযোগাকাজিগণ কর্ম হইতে বিরত হইতে আভিলাষ করিবেন, ইহা তাঁহাদিগের পক্ষে স্বাভাবিক । যেখানে নিজের ইচ্ছা নাই, ঈশ্বরের ইচ্ছা ক্রিয়ার মূল, সেখানে আভিমান উৎপন্ন হইবে কি প্রকারে ? ঈশ্বরের ইচ্ছা প্রতিপালন করিতে গিয়া আভিমান হওয়া দূরে থাকুক, আপনি কিছুই নই এই জ্ঞান প্রবল হয় । এখানে ঈশ্বরের ইচ্ছা প্রতিপালনের অভিলাষ তৎপালনে নিয়োগ করে । সূত্রঃ এ আভিলাষ কখন বন্ধনের কারণ হয় না ।

বুদ্ধি । ঈশ্বরের ইচ্ছাপালনে অভিলাষ দূষণীয় নহে, ইহা বুঝিতে পারা গেল । ভালবাসার সঙ্গে যে অভিলাষ সংযুক্ত থাকে, তাহাতে মায়ী মমতা উপস্থিত করিয়া বন্ধনের কারণ হয় এ সম্বন্ধে তুমি কি বল ?

বিবেক । ঈশ্বর ও মানব উভয়ের প্রাতি ভালবাসা হইয়া থাকে । ঈশ্বরের প্রতি ভালবাসা যে দূষণীয় নয়, ইহা স্বতঃসিদ্ধ । মানবের প্রতি ভালবাসাও বা অন্ধতা উপস্থিত হয়, ইহাই চিন্তার বিষয় । ভালবাসার সঙ্গে অভিলাষ সংযুক্ত থাকে ইহা সত্য, কিন্তু ভালবাসা যখন স্বার্থশূন্য হইয়া ভালবাসার পাত্রের সঙ্গে নিত্যসংযুক্ত, তখন এখানে মঙ্গলসাধনের জন্ত যে অভিলাষ নিয়ত উদ্দীপ্ত থাকে, তাহা দূষিত হইবে কি প্রকারে ? বল যেখানে ভালবাসা নাই, নিজের সুখাদির জন্ত অভিলাষ আছে, সেখানেই মায়ী মমতা বন্ধনের কারণ হয় ।

বুদ্ধি । বিবেক, তুমি বলিয়াছ তুমি অভিলাষের বিরোধী নও । অভিলাষ যদি ঈশ্বরের ইচ্ছানুগামী হয়, তাহা হইলে তাহাতে ধর্মজীবনের ক্ষতি না হইয়া বরং ধর্মজীবন উন্নত হয় । যদি এরূপই হইবে, তাহা হইলে সকল ধর্মসম্প্রদায় অভিলাষের বিরোধী কেন ?

বিবেক । আমি তো তোমায় বলিয়াছি, যে অভিলাষের বিরোধে সাধকগণ সাধন করিয়াছেন, সে অভিলাষ সংসারভিলাষ । সংসারভিলাষ পরিত্যাগ না

ধর্মতত্ত্ব ।

করিলে ঐশ্বরের ইচ্ছানুগত অভিলাষ কখন উপস্থিত হয় না । সুতরাং অভিলাষকে এইভাবে বিভক্ত করা যাইতে পারে ; এক সাংসারিক, আর এক ঐশ্বরিক । সাংসারিক অভিলাষ ধর্মজীবনের যেমন ক্ষতি করে, ঐশ্বরিক অভিলাষ তেমন ধর্মজীবনকে উন্নত হইতে উন্নত করে । যে জীবনে ঐশ্বরিক অভিলাষ নাই, সে জীবন কখন ধর্মের উচ্চ ভূমিতে আকৃষ্ট হইতে পারে না ।

বুদ্ধি । কোন্টি সাংসারিক অভিলাষ ইহা বোঝা কিছু কঠিন নয় । ঐশ্বরিক অভিলাষ বুঝিবার উপায় কি ?

বিবেক । বিষয়বাসনা নিবৃত্ত না হইলে ঐশ্বরিক অভিলাষ কখন হৃদয়ে স্থান পায় না । শাক্যের নির্কাম জীবনে উপস্থিত হইলে তাহার সঙ্গে সঙ্গে ঐশ্বরিক অভিলাষ যে উপস্থিত হয় তাহার জীবনই উহার প্রমাণস্থল । নির্কাম-লাভের পর তিনি একথা বলিলেন কেন, 'জীবের প্রতি আমার অনন্ত ককুণা ।' যাহার সকল প্রবৃত্তি বাসনা নিবৃত্ত হইল, তিনি আবার মহান উদ্যমের সহিত নির্কামপ্রচারে প্রবৃত্ত হইলেন কেন ? এরূপ প্রচারোদ্যম কি নির্কাম বা নিবৃত্তি-বিরোধী নয় ? তীব্র সাধনে যাই তাহার সাংসারিক অভিলাষ নিবৃত্ত হইল, এমনই সেই শূন্য স্থান ঐশ্বরিক অভিলাষ আসিয়া পূর্ণ করিল । আপনার সুখকামনা নিবৃত্ত হইল বটে, কিন্তু পরের সুখশান্তি বাড়াইবার জন্ত তাহাতে উদ্যম প্রকাশ পাইল । আত্মসুখকাম সাংসারিক অভিলাষ, পরসুখাভিলাষ ঐশ্বরিক অভিলাষ, এইটি বুঝিলেই আর কাহাকে সাংসারিক কাহাকে ঐশ্বরিক অভিলাষ বকে অন্যথায়ে বুঝিতে পারিবে । মনে হয়, তুমি দ্বিবিধ অভিলাষ কি এখন বুঝিয়াছ ।

অলৌকিকতা ।

বুদ্ধি । যোগিগণ যাহা বলেন, তাহা সিদ্ধ হয়, ইহার অর্থ কি ? যোগিগণ মানুষ ভিন্ন তো নহেন । অল্প দশ জন মানুষ হইতে এমন কি বিশেষত্ব আছে, যাহার জন্ত তাহাদের ঈর্ষণ অলৌকিক ক্ষমতা জন্মে ।

বিবেক । তুমি যাহাকে অলৌকিক ক্ষমতা বলিতেছ, তাহা অলৌকিক ক্ষমতা নহে উহা অতি স্বাভাবিক । কোন্ দিন চন্দ্রগ্রহণ হইবে, সূর্যগ্রহণ হইবে, ইহা পূর্ক হইতে বলিয়া দেওয়া কি অলৌকিক ক্ষমতা, না স্বাভাবিক ক্ষমতা ?

বুদ্ধি । আমি জিজ্ঞাসা করিলাম কি, তুমি উত্তর দিলে কি ? আকাশের

গ্রহনক্ষত্রগণের গতি গণিতামুযায়ী, তাহারা একই নিয়মে চলে । তাহাদের উহার নিয়ম বাহারা হৃদয়ঙ্গম করিতে পারেন, তাহারা গণনা করিয়া গ্রহনক্ষত্রের যাহা বলিবেন, তাহা ঠিক হইবে ইহা আর আশ্চর্য্য কি ?

বিবেক । তুমি আজ বলিতেছ আশ্চর্য্য কি ? কিন্তু যদি নিয়ম আবিষ্কৃত না হইত তাহা হইলে এরূপ গণনা করিয়া বলা অসম্ভব হইত, এবং চিরদিন উহা অদ্বিত ও অলৌকিকতার রাজ্যের অন্তর্ভূত থাকিত । যোগী ও বিজ্ঞানী একই প্রণালীতে কার্য্য করেন, সুতরাং তাহারা যাহা বলেন ঠিক তাহাই ঘটে ।

বুদ্ধি । তুমি যাহা বলিলে ইহার অর্থ আমার কিছুই হৃদয়ঙ্গম হইল না । বিজ্ঞানী স্থিরতর নিয়ম অনুসরণ করিয়া যাহা বলেন তাহা তো ঠিকই হইবে, কেন না প্রকৃতিতে কখন নিয়ম-বহিতৃত ব্যাপার ঘটে না । মানুষের কার্য্য, তাব, চিন্তা কোন নিয়মের অনুবর্তন করে না, কখন উহার কোন প্রকারের পরিবর্তন হইবে তাহার স্থিরতা নাই । সুতরাং মানুষসম্বন্ধে কিছু বলিলে তাহা ঠিক হইবে ইহা কি কখন সম্ভব ?

বিবেক । মানুষের চিন্তাদির গতির ব্যতিক্রম ঘটে, ইহা আর কে না জানে ? কিন্তু তুমি কি জান না গ্রহাদির গতিরও ব্যতিক্রম আছে ? গণনাকালে এই সকল ব্যতিক্রম গণনায় আনিয়া তবে কোন একটি বিষয় নির্ধারণ করিতে হয় । মানবের চিন্তাদির গতির ব্যতিক্রম আছে, ইহা জানিয়াই যোগিগণ মানুষের বর্তমান মনের অবস্থা হইতে দূরতর ভবিষ্যৎসম্বন্ধে ব্যতিক্রম বাদ দিয়া যাহা নির্ধারণ করেন, তাহা ঠিক হয় । যোগিগণ এ সম্বন্ধে বড়ই সাবধান । তাহারা জানেন তাহারা সর্বত্র নহেন । সকল বিষয়েই তাহারা সকল বলিতে পারেন, এরূপ অভিমান কখন তাহারা হৃদয়ে পোষণ করেন না । যখন কোন একটি বিষয় তাহারা প্রত্যক্ষ করেন, এবং সেই দূরতম বিষয়ের চরম ফল তাহাদের অন্তর্দৃষ্টিতে প্রতিভাত হয়, তখনই তাহারা প্রয়োজন হইলে সে বিষয় সম্বন্ধে কি হইবে, বলিয়া থাকেন । লোকে যখন দেখে তাহারা যাহা বলিয়াছিলেন, তাহাই ঘটিল, তখন তাহারা তাহাদিগেতে অলৌকিক ক্ষমতা আরোপ করে, এবং তাহাদিগকে সর্বত্র বলিয়া প্রশংসা করে । ইহা তাহাদিগের নিতান্ত ভুল । বিজ্ঞানের সাহায্যে বিজ্ঞানিগণ যেমন ভবিষ্যৎ বলেন, যোগিগণ আমার সাহায্যে ভবিষ্যতে কি হইবে বলিতে পারেন, জানিও ইহাতে কিছু অলৌকিকতা নাই ।

বুদ্ধি। তুমি অদৃষ্টবাদের বিরোধী, অথচ অদৃষ্টবাদ মনে যে শাস্তি দেয় সে শাস্তি তুমি কৈ দাও। তুমি ক্রমান্বয়ে লোককে উদ্ভেজিত কর, সাধারণ মানুষ এত উদ্ভেজনা সহিবে কি প্রকারে? সুতরাং তাহারা তোমার বন্ধন হইতে মুক্ত হইবার জন্য ব্যস্ত হয়, এবং শীঘ্র তোমার কথা শুনিতে বিরত হয়। তুমি কিরূপ শাস্তি মানুষকে দাও তাহা শুনিতে আমার কৌতূহল হইতেছে।

বিবেক। অদৃষ্টবাদের আমি বিরোধী ইহা সত্য, কিন্তু সর্বনিয়ন্তা ঈশ্বরের উপরে পূর্ণ নির্ভরক্ষার কি আমি বিরোধী? মানুষ আপনার বাসনা রুচির তাড়নায় নির্ভর রাখিতে পারে না, সে দোষ কি আমার? যদি বল বাসনা ও রুচি ছাড়া কি মানুষ হইতে পারে? তাহার উত্তরে আমি বলি, বাসনা ও রুচি কার্যো প্রবৃত্তি হইবার জন্য প্রয়োজন, কার্য না থাকিলে জীবনই থাকে না, জীবনের উন্নতি সম্ভবে না, সুতরাং কার্যো প্রবৃত্তির আমি বিরোধী হইব কি প্রকারে? যেখানে কার্যো প্রবৃত্তি আছে, সেখানে অশাস্তির সম্ভাবনা আছে, এই অশাস্তি নিবারণ হয় কি প্রকারে, ইহাই এখন জিজ্ঞাস্য। কার্য করিতে গেলেই তাহার সঙ্গে সঙ্গে ফলের অভিলাষ আসে, এই ফলের অভিলাষই অশাস্তির মূল। কার্যের ফল মানুষের নিজের আয়ত্তাধীন নহে, ইহা দেখিয়াই লোকে অদৃষ্ট মানিয়া থাকে। আমি তোমার পূর্কে বলিয়াছি, অদৃষ্ট আর কিছু নহে যাহাকে লোকে দেখিতে পায় না, অথচ তাহার কার্যো লোকে প্রত্যক্ষ করে, তাহাকেই লোকে অদৃষ্ট নাম দিয়াছে। তুমি বলিবে, লোকে তবে ঈশ্বর নাম না দিয়া অদৃষ্ট নাম দিল কেন? আপনার ইচ্ছা ও রুচির মত ফল না পাইলে লোকের মনে যে বিরাগ উপস্থিত হয়, মনুষ্যগণ সে বিরাগ ঈশ্বরের প্রতি হয় ইহা চায় না, এজন্য ঈশ্বর ছাড়া অদৃষ্ট নামে, লোকের মন না বুঝিয়া কার্য করে এরূপ, একটা অক্ষম লোকে কল্পনা করিয়া থাকে। লোকে যদি বুঝিত, যেখানে ইচ্ছা ও রুচির মত কাজ হইলে তাহার জীবনের ক্ষতি হইবে, সেখানেই ইচ্ছা ও রুচির মত কাজ হয় না, তাহা হইলে আর পাছে বা বিরাগ হয় এই ভয়ে অদৃষ্টনামে অক্ষমতার কল্পনা করিত না; কেননা যে ইহা বুঝে তাহার বিরাগ হওয়া দূরে থাকুক, এ ব্যবহারে আরো স্নানুরাগই বাড়ে। কার্য করিয়া তাহার ফলের অভিলাষ যদি অশাস্তির কারণ হয়, তাহা হইলে সেই ফলের অভিলাষ ত্যাগ

করাই তো শ্রেয় । ফলের অভিলাষ যে ত্যাগ করিয়াছে, তাহার অশাস্তি হইবে কেন ?

বুদ্ধি । এতো তুমি পুরাতন কথা বলিলে । এ কথা আর কে না জানে ? জানিয়াও লোকের শাস্তি হয় না কেন, বলিতে পার ? কাজ করিব, অথচ ফল চাইব না, ইহা কি স্বাভাবিক ?

বিবেক । কার্য্য করিলে ফল হইবে, ইহা অবশ্যস্বাভাবী, কিন্তু সে ফল অনেক সময়ে মনুষ্যবুদ্ধির অগোচর । যাহা মনুষ্যবুদ্ধির অগোচর, তৎসম্বন্ধে ফলবিধাতার প্রতি নির্ভর কি সমুচিত নয় ? যদি তুমি জান, তিনি মন্দ ফল কখন দিবেন না, দিতে পারেন না, তাহা হইলে এ নির্ভরে তোমার ক্লেশ হইবে কেন ? কাজ করিয়া ফল চাওয়া স্বাভাবিক, ইহা আর কে না জানে ? কার্য্য করিয়া যে আনন্দ হয় সেই আনন্দ কি সাক্ষাৎ ফল নয় ? তার পর কাজ করিয়া ঈশ্বরের ইচ্ছা পালন করিতেছি, ইহাতে যে মনের তৃপ্তি হয় সে ফল কি সামান্ত ফল ? ঈশ্বর কি অঙ্গীকার করিয়াছেন স্বরণ কর । “অনন্তচিত্ত হইয়া যে আমায় চিন্তা করে, আমায় উপাসনা করে, যাহা তাহার নাই তাহা আমি দি, এবং যাহা দি আমি আপনি তাহা রক্ষা করি” এ অঙ্গীকার কি সামান্ত অঙ্গীকার ? তোমার যাহা নাই তাহা তিনি দেবেন, আবার তাহা তিনি আপনি রক্ষা করিবেন, এ কথায় বিশ্বাস কি শাস্তির কারণ নয় ? পাওয়া যত সহজ রক্ষা করা তত সহজ নয়, ইহা কি তুমি জান না ? রক্ষা করিতে গিয়া কত যত্ন, কত প্রয়াস, কত চিন্তা, কত ক্লেশ বহন করিতে হয় । সে সমুদায় যদি তোমার হইয়া তিনি করেন, তোমার শাস্তি হবে না কেন ? তুমি প্রার্থনা কর, আর তাঁহার প্রতি নির্ভর কর, শাস্তি ও ক্রিয়ালীলতা উভয়ই তোমাতে থাকিবে ।

বিবেকের কর্তৃত্ব ।

বুদ্ধি । আমি দেখিতেছি, তুমি এবার তোমার ও তুৎ স্থাপনের হই বিচক্ষণ যত্ন করিতেছ । বল ভূতকালে কয়জন তোমার প্রভুত্ব স্বীকার করিয়াছিল । সাধারণ লোকে না তোমায় চেনে, না আমায়ও ভাল করিয়া আদর করে । তাহার অন্ধের ভ্রায় প্রবৃত্তির প্ররোচনায় কার্য্য করিয়া থাকে । বিদ্বান্ লোকদের মধ্যে আমার আদর ভারি, কিন্তু তারাওতো তোমায় আদর করে না । এক্ষণে অবস্থায় বল তোমার প্রভুত্ব স্থাপনের যত্ন কেমন করিয়া সিদ্ধ হইবে ?

বিবেক । আমি আমার প্রভু স্বাপনের জন্ত যত্ন করিতেছি, আজ তুমি এ কথা মুখে তুলিলে কেন ? এ কথাতো সত্য হইল না । আমি কে ? আমার আবার প্রভু কি ? যিনি সকলের প্রভু সকলের স্বামী তাঁহারই প্রভু স্বাপিত হয়, তজ্জন্ত কি আমার যত্ন নয় ? আমি যদি সেই প্রভু হইতে স্বতন্ত্র হইতাম তাহা হইলে তুমি যাহা বলিলে তাহা শোভা পাইত । যা তিনি বলেন, আমি তাই বলি ; আমি বলি না, তিনিই বলেন, এ কথা বলিলেই ঠিক সত্য বলা হয় । আমি নরনারীর হৃদয়ে অবতীর্ণ ব্রহ্মবাণী, আমি তাঁহাদের হৃদয়ে অবতীর্ণ বলিয়াই তাঁহারা ঈশ্বরের পুত্র কন্যা । পুত্র কন্যা ভিন্ন কে আর পিতার গৃহের গোপনীয় তত্ত্ব সকল জানে । সাধারণ লোকে প্রবৃত্তির প্রয়োচনায় কাজ করে সত্য, তাহাদের ভিতর তোমার আদর নাই আমি ইহা জানি, কিন্তু তাহারা যে আমার সর্ব্বথা উপেক্ষা করে ইহা তুমি বলিতে পার না । তাহারা যে একেবারে উচ্ছৃঙ্খল পশুর ন্যায় হইতে পারে না, তাহার কারণ আমি । আজ পৃথিবীতে ভয়ানক অরাজকতা হইত, যদি সাধারণ লোকের উপরে আমার কর্তৃত্ব না থাকিত । সাধারণ লোকে আমি কর্তৃত্ব করিতেছি বুলিতে পারে না সত্য, কিন্তু তাই বলিয়া তাহারা সকল সময়ে আমার শাসন অতিক্রম করে, ইহা কি তুমি বলিতে পার ?

বুদ্ধি । না, ইহা বলিতে পারি না, কেন না তাহাদেরও ভিতরে দুই প্রবৃত্তির সংগ্রাম উপস্থিত হয়, ভাল আর মন্দের । সকল সময়ে মন্দের জয় হয় তাহা নহে, ভালোরই জয় হয় ।

বিবেক । ব্রহ্ম ভিন্ন কি ভাল আছে ? ভাল যা তা ব্রহ্ম । ভাল ও মন্দের সংগ্রাম দেবতা ও মানুষের মধ্যে সংগ্রাম, ইহাতে তুমি বোঝ । বল, ভাল মন্দের সংগ্রাম কোথায় নাই ? যেখানে সংগ্রাম চলিতেছে সেখানে আমি রহিয়াছি, তাহাতে কি তোমার সংশয় আছে ?

বুদ্ধি । দেখ, যে স্থলে বিচার উপস্থিত হয়, সেখানেও দুই বিপরীত পক্ষের বিতর্ক ঘটে । সেই বিতর্কের মধ্যে আমার কর্তৃত্ব প্রকাশ পাইয়া থাকে । তবে দুই প্রবৃত্তির সংগ্রামে যে প্রকার রক্তারক্তি উপস্থিত হয় সেরূপ নহে । তুমি যেখানে সেখানে রক্তারক্তি, আমি যেখানে সেখানে প্রশান্ত ভাব, এ কথা কি সত্য নয় ?

বিবেক । যেখানে জীবনমরণের বাপার সেখানে রক্তারক্তি হইবে না তো

আর কি হইবে ? বিচার, বিতর্ক, মতামত এ সকল অনেক সময়ে জীবনের বাহিরের ব্যাপার ।

বুদ্ধি । তুমি কি মনে কর সমুদায় পৃথিবীতে তোমার আদর হইবে, লোকে আর নিজ বুদ্ধির উপরে নির্ভর করিবে না, কত দিনে পৃথিবীর এ অবস্থা হইবে বলিতে পার ?

বিবেক । সমুদায় পৃথিবীতে ঈশ্বরের রাজ্য সংস্থাপিত হইবে, ইহাতে আর কোন সন্দেহ নাই । আজ অল্পসংখ্যক লোকে তাঁহার রাজ্যের বাধ্য প্রজা হইয়াছে, অধিকাংশ লোক আনুগত্য স্বীকার না করিয়া অন্ধকারের পথে ভ্রমণ করিতেছে, সুদূর ভবিষ্যতে এ প্রকার অবস্থা থাকিবে না । তবে এ সম্বন্ধে তোমার একটা কথা মনে রাখা উচিত, আর দশ সহস্র বৎসর পরে পৃথিবীতে কতকগুলি লোক এত অগ্রগামী হইবেন যে তাঁহাদের নিকট এখনকার অগ্রগামী ব্যক্তিগণের অবস্থা সাধারণ লোকের অবস্থার তুল্য পরিগণিত হইবে ।

বুদ্ধি । এখনকার অগ্রগামী লোক সকল যদি দশ সহস্র বর্ষ পরে সাধারণ লোকের মধ্যে পরিগণিত হন, তাহা হইলে বলিতে হইবে, ঈশ্বরের রাজ্য বর্তমানে একটুও অগ্রসর হয় নাই । তখনকার অগ্রগামী লোক সকল আর দশ সহস্র বর্ষ পরে যদি সাধারণ লোক হইয়া যান তাহা হইলে ঈশ্বরের রাজ্য আর কৈ বিস্তার হইল ।

বিবেক । ঈশ্বরের রাজ্যে উন্নত, উন্নততর উন্নততম থাকিবে না, ইহা তুমি কেন মনে করিতেছ ? যাহারা সাক্ষাৎসম্বন্ধে ঈশ্বরকে দর্শন করেন, তাঁহারা ই তাঁহার রাজ্যের লোক । দর্শন ও শ্রবণের পরিধি দিন দিন বাড়িতে থাকিবে ইহা কি তুমি বুঝিতেছ না ? যিনি অনন্ত তাঁহার দর্শন ও শ্রবণ দশ সহস্র বিংশ সহস্র বর্ষে নিঃশেষ হইয়া যাইবে, ইহা কি তুমি মনে করিতে পার ? সাধক যত অগ্রসর হইবেন তত তাঁহার দর্শন ও শ্রবণ শক্তি বাড়িতে থাকিবে । সকলেরই একই সময়ে শক্তি বাড়িবে ইহা কখন হইতে পারে না, সুতরাং উন্নত, উন্নততর, উন্নততম এরূপ শ্রেণী নিবন্ধন অবশ্যস্তাবী ।

বুদ্ধি । সংসারে বাস করিতে গেলে সময়ে সময়ে অসরল পস্থা অবলম্বন করা প্রয়োজন হইয়া পড়ে । যদি অন্য কোন কারণেও না হউক, ভঙ্গতা রক্ষার জন্য কিঞ্চিৎ অসরল হইতে হয় । সর্বত্র সরল ব্যবহার লোকের কঠিকর হয় না ।

অপরের মনে বা আঘাত লাগে এজন্য ধার্মিকেরও মধ্যে মধ্যে অসারল্য আশ্রয় করিতে হয়। অসারল্যে মিথ্যার সংস্রব আছে, যাহা নয় তাহাকেই হাঁর মত দেখাইতে হয়, ইহা সম্পূর্ণ তোমার বিরোধী। অথচ যাহার সংসার আছে, বিবিধ প্রকারের দায় আছে, তাহাকে একটু অসরল না হইলে চলে কি প্রকারে ?

বিবেক । অসারল্যে মিথ্যাসংক্রমিত, সূত্রাং উহা একান্ত ঘৃণ্য। আমি কোন কালে অসারল্যের অনুমোদন করি নাই, কোন কালে অনুমোদন করিব না, কিন্তু ইহা বলিয়া আমি ভদ্র ব্যবহারের বিরোধী, ইহা তুমি কখন বলিতে পার না। বিবেকী ব্যক্তি যে প্রকার ভদ্র, এ প্রকার ভদ্র অবিবেকী কোন কালে হইতে পারে না। অবিবেকী ব্যক্তির স্বার্থাদির প্রতি আঘাত পড়ুক, দেখিবে সে কিছুতেই ভদ্রতা রক্ষা করিতে পারিবে না। জ্ঞাতিবর্গের মধ্যে বিরোধ চিরপ্রসিদ্ধ আছে। যেখানে বিরোধ আছে সেখানে ভদ্রতা কোথায় ? তুমি কি মনে কর সত্যানুরাগ হইলেই অভদ্রতা আশ্রয় করিতে হয়। কথা ও ব্যবহার সুমিষ্ট করা কি সত্যানুরাগের বিরোধী ? জানিও যেখানে চরিত্র আছে সেখানে মধুরতা আছে। পুণ্য চরিত্রে যে সৌন্দর্য অর্পণ করে, সে সৌন্দর্য সকলেরই চিত্ত হরণ করে। চরিত্রবান্ ব্যক্তিগণকে পাপাসক্ত লোকে ঘৃণা করে, তাহাতে ইহা প্রকাশ পায় না, তাহাদিগেতে মাদুর্য বা সৌন্দর্য নাই। পাপানুরক্ত ব্যক্তিগণ, তাহাদিগের সান্নিধ্যে অধিকতর আপনাদের কদর্যচর্য্য বৃদ্ধিতে পারে, এবং তাহাতে তাহাদের চিত্ত নিতান্ত আকুল হইয়া পড়ে। এই আকুলতা হইতে রক্ষা পাইবার জন্য তাহারা হিংসা, ঘৃণা ও নিন্দা দ্বারা তাহাদিগকে অপসারণ করিতে যত্ন করে।

বুদ্ধি । তুমি যাহা বলিলে তাহাতে এই প্রতিপন্ন হইতেছে যে, জনসমাজে পাপাচারী ব্যক্তির সংখ্যা অধিক, বিবেকী লোক অতি অল্প, ইহাতে তোমার রাজ্য যথেষ্ট ক্ষুদ্র, তাহাই বিলক্ষণ প্রতিপন্ন হইতেছে।

বিবেক । আমার রাজ্যের প্রজা অল্প কি অধিক, তাহা লইয়া আমার গৌরবের হ্রাস বৃদ্ধি হয় ইহা আমি মনে করি না। সমুদায় নরনারী এক সময়ে আমার রাজ্যভুক্ত হইবে, ইহা যখন আমি নিশ্চয় জানি, তখন সংখ্যার অধিক্যে আমি কেন কুণ্ঠিত হইব ?

বুদ্ধি । যে ব্যক্তি নিষ্পৃহ, তাহার কোন উন্নতির সম্ভাবনা নাই, অথচ ধর্মের নামে নিষ্পৃহত্বের এত আদর কেন ? নিষ্পৃহত্বে কি মানুষকে একেবারে অকর্ষণ্য করিয়া দেয় না ?

বিবেক । নিষ্পৃহত্ব ধর্মে নিতান্ত প্রয়োজন ; নিষ্পৃহত্ব বিনা অনন্ত উন্নতির দ্বার উন্মোচিত হয় না, একথা বিবেকী ব্যক্তিমাতে স্বীকার করেন, তুমিও ইহা স্বীকার করিতে পার না । বিষয়ের সহিত স্পৃহাসূত্রে মানুষ বদ্ধ থাকে, এবং সেই স্পৃহা তাহাকে অন্ধ করিয়া দেয় । স্পৃহার বিষয় যত কেন তুচ্ছ হউক না, উহা তাহার নিকট এতই শ্রেষ্ঠ বলিয়া মনে হয় যে, তদপেক্ষা আর যে কিছু শ্রেষ্ঠ আছে, ইহা তাহার মনে স্থান পায় না । ইহাতে এই হয় যে, তাহার মন দিন দিন হীন নীচ সঙ্কুচিত হইয়া উঠে, যতদিন সেই বিষয়ের প্রতি সে বীতরাগ হয় নাই, ততদিন তাহার উন্নতির দ্বার অবরুদ্ধ থাকে । তুমি যে বলিতেছ স্পৃহা বিনা উন্নতির সম্ভাবনা নাই, উহা ধনাদিবৃদ্ধির দিক্ দেখিয়া তুমি বলিতেছ । ধনাদিবৃদ্ধি কি আর উন্নতি ? একবার নিষ্পৃহ হও দেখিবে, সংসারের কিছুই তোমাকে বদ্ধ করিতে পারিতেছে না, তুমি ক্রমান্বয়ে জ্ঞান প্রেম পুণ্যাদিতে দিন দিন উন্নত হইতেছ । যদি সেই মকলেতে উন্নত হও, তাহা হইলে বল তাহা ছাড়া আর তুমি কি চাও ?

বুদ্ধি । তুমি নিষ্পৃহত্বকে এত বাড়াইতেছ কেন ? অনন্ত উন্নতির দ্বার নিত্য উন্মোচিত রাখিবার জন্য অভিলাষ, ইহাতো এক প্রকারের স্পৃহা হইল ।

বিবেক । নিষ্পৃহ হইলে অনন্ত উন্নতির দ্বার উন্মোচিত হয়, একথা বলাতে অনন্ত উন্নতি স্পৃহার বিষয় বলা হইতেছে না । যে বস্তুর উপাধেয়ত্ব বুদ্ধিই থাকে, তৎপ্রতি স্পৃহা জন্মিবার সম্ভাবনা । অনন্ত উন্নতি বুদ্ধিই করা সম্ভব নহে, সুতরাং তৎপ্রতি স্পৃহা থাকিবে কি প্রকারে ? লোকে অপরের মুখে শুনিয়া ‘অনন্ত উন্নতি’ ‘অনন্ত উন্নতি’ বলিতে পারে, কিন্তু তৎসম্বন্ধে কোন নিশ্চিত জ্ঞান নাই বলিয়া উহা জীবনের নিয়ামক হইতে পারে না । যাহারা মুখে অনন্ত উন্নতি বলে তাহারা যখন প্রবৃত্তির অধীন, তখন ও শব্দ যে শব্দমাত্র তাহাতে আর সংশয় কি ? নিষ্পৃহত্ব বিনা ঈশ্বরের ইচ্ছা অনুবর্তন করিতে পারা যায় না, পদে পদে ঈশ্বরের ইচ্ছার সহিত বিরোধ উপস্থিত হয়, তাই নিষ্পৃহত্বের মুক্ত্যাকাজি-

গণের নিকট আদর। এখন বোধ হয়, আমি যাহা বলিয়াছি, তুমি তাই
বুঝিয়াছ !

বুদ্ধি । ইহা কিছু কিছু বুঝিলাম ।

পুরুষকার ।

বুদ্ধি । বল, মানুষ কিসে বলী ? পুরুষকার কি তাহার বল নয় ? পুরুষকার-
বিহীন লোক নিতান্ত অকর্মণ্য ; তাহাদের সংসারে জীবনধারণ করা বিফল ।
মানবজীবনের মত প্রকারের কষ্ট যেন তাহাদেরই কপালে লেখা রহিয়াছে । বল,
পুরুষকার বিনা আর কিছুতে বললাভ সম্ভবে কি না ? তুমি তো লোককে বলী
কর না, ভীক করিয়া তোল ।

বিবেক । আমি লোকদিগকে বলী করি কি ভীক করি উহা পরের কথা,
পুরুষকার কাকে বলে একবার তাই ভাল করিয়া বোধ । তুমি কি মনে কর,
পুরুষকার মানুষের বুদ্ধি ও যত্নের উপরে নির্ভর করে ? যেখানে বিচার, বিবেচনা,
তর্ক বিতর্ক, সেখানে কোন কালে পুরুষকার সম্ভবে না । যাহারা বিচারশীল
লোক তাহাদের মতে পুরুষকার হঠকারিতা । করিতে পারুক আর না পারুক,
বল করিয়া করিতেই হইবে, সাধারণ লোকে তাহাকেই পুরুষকার বলে । এ
পুরুষকার দেখাইতে গিয়া অনেক বড় বড় লোক হার মানিয়াছেন, ইহা কি তুমি
ইতিহাসে পড় নাই ? শাক্যের মত পুরুষকারসম্পন্ন দ্বিতীয় লোক আর জন্মান
নাই । তিনি হঠকারিতায় ছয় বৎসর যাবৎ শরীর শোষণ করিয়া কি ক্লান্ততা
হইয়াছিলেন ? যে দিন তিনি হঠকারিতা ছাড়িয়া দিলেন, সেই দিন হইতে
মঙ্গলসিদ্ধির সূত্রপাত হইল । হঠকারিতা ও পুরুষকার এ দুইয়ের স্বাভাব্য সর্বদা
মনে রাখ । বাহিরের কষ্ট সকলের মধ্যে কতকগুলি উপায় অবলম্বন করিয়া
বলপূর্বক কোন একটা বিষয়ে সিদ্ধ হইবার জন্য যত্ন হঠকারিতা । এ হঠকারিতার
ফল অধিকাংশ সময়ে মন্দ হয় । পুরুষকার ইহার বিপরীত, ইহা আন্তরিক
বল । এই আন্তরিক বল বাহ্য উপায়নিরপেক্ষ, কেন না সমুদায় উপায়কে ইহা
আপনার অধীনে আনিয়া কার্যসাধন করিয়া লয় । পুরুষকার যে আন্তরিক বল
উহা ঐ শব্দই বলিয়া দিতেছে । পুরুষ জীব, তাহার কার্য পুরুষকার । পুরুষ
তখনই পুরুষ, তখনই স্বাধীন, যখন পরমপুরুষের সহিত তাহার ইচ্ছার অভেদ-
ভাব উপস্থিত । সাংখ্যকার পুরুষ ভিন্ন ঈশ্বর মানেন নাই, সে পুরুষ আমি কে

পুরুষ বলিলাম সেই পুরুষ । এখন পুরুষকার ও আমাতে কোন ত্রুটি আছে কি না, ভাল করিয়া ভাবিয়া দেখ । ভাবিয়া দেখিলে বুঝিবে, আমিও যাহা পুরুষকারও তাহা ।

বুদ্ধি । তুমি যে লোককে ভীরা করিয়া তোল সে কথার উত্তর হইল কৈ ?

বিবেক । সে কথার আর উত্তর দিব কি ? পাপ অধর্মে করিতে আমার অধীন লোকের ভয় হয়, তাহাকেই তো তুমি ভীরাতা বলিতেছ । বুদ্ধি, তুমি স্মবুদ্ধি হও । পাপ অধর্মের ভিতরে বল আছে, না শক্তি আছে ? পাপ অধর্মে বলক্ষয় হয়, ইহা তো তুমি জান । আমার লোকেরা পাপে অধর্মে বলক্ষয় করিতে ভয় পায় কেন, বোঝ কি ? বলক্ষয় হওয়াও যা, আমাকে ছাড়াও তা । তাই তাহারা বলক্ষয়ে এত ভীত । আমার লোকেরা জ্ঞাপের মুখের অধিবর্ষণ কর করে না, তাহা কি তুমি জ্ঞাত নও ?

বুদ্ধি । তুমি যা বলিলে বুঝিলাম ।

ধৈর্য ।

বুদ্ধি । বিবেক তুমি লোকদিগকে ধৈর্যধারণ করিয়া থাকিতে বল । তোমার কথা শুনিয়া চলিতে তাহাদিগের বহু কষ্ট হয়, এই কষ্ট ধীরতার সহিত বহন করিলে অন্তিমে তাহাদিগের সুখ হইবে, এই তোমার কথা । তোমার কথা শুনিয়া যাহারা আশু সুখ পরিত্যাগ করিয়া ভাবী সুখের আশায় ধৈর্যধারণ করিল, তাহারা কি করুণার পাত্র নয় ? তাহারা সুখ না পাইয়া ক্রমে সমুদায় জীবন কাটাইয়া গেল । যদি শীঘ্র সুখ দিতে না পারিলে, তবে যথা আশায় লোকদিগের কি লাভ হইল ?

বিবেক । আমি লোকদিগকে ধৈর্যধারণ করিতে বলি এ কথা সত্য, কিন্তু সেই ধৈর্যধারণের সঙ্গে সঙ্গে সুখ হয় না :এ কথা তোমাকে কে বলিল ? এমন কোন ব্যক্তি আছে, যে দীর্ঘকাল ধৈর্যধারণের ক্রমে বহন করিতে পারে ? যে সকল ব্যক্তি আমার কথার অনুবর্তন করে, তাহারা সেই অনুবর্তনের সঙ্গে সঙ্গে আশ্বপ্রসাদ সম্ভোগ করে । যাহারা আশুসুখের প্রয়াসী হইয়া আমার কথা অগ্রাহ্য করে, তাহাদের অন্তরে সেই অবাধ্যতার সঙ্গে সঙ্গে গ্লানি উপস্থিত হয় । পাপের ফল গ্লানি, পুণ্যের ফল শান্তি, ইহা কি তুমি স্বীকার কর না ? তুমি

স্বীকার কর আর না কর, যাহা নিত্য প্রত্যক্ষ তৎসম্বন্ধে তোমার প্রতিবাদ কখন কাণ্যকর হইবার নহে ।

বুদ্ধি । যাহা প্রত্যক্ষ তাহার অপলাপ করিতেছি না, কিন্তু তুমি যে লোককে কষ্টের পথ দেখাইয়া সেই পথে তাহারে লইয়া যাও, পৃথিবীর সুখের পথ তোমার পক্ষে বৃণা আমি তাহারই প্রতিবাদ করিতেছি ।

বিবেক । পৃথিবীর সুখের পথ আমি ঘৃণা করি ইহার অর্থ কি তুমি তাই মনে কর যে, পৃথিবীর জন্ম স্বয়ং ভগবান যে সকল ব্যবস্থা করিয়াছেন আমি তাহার বিরোধী ? যাহারা আপনার বুদ্ধিতে চলে, তাহারা ধার্মিকতার অভিমান-বশতঃ যদি ভগবানের ব্যবস্থা সকলকে হেয় মনে করিয়া কঠোর বৈরাগ্য অবলম্বন করে, তাহাতে আমার দোষ, না তোমার দোষ ? এ সকল লোক আমার কথায় কর্ণপাত না করিয়া দিন দিন নূতন নূতন কষ্টসাধা পথ উদ্ভাবন করে এবং নিজেও কষ্ট পায়, অপরকেও কষ্টে ফেলে । যাহারা ঈশ্বর-পতিষ্ঠিত ব্যবস্থা সকলের বিরোধে দণ্ডায়মান হয়, আমি তাহাদিগকে স্বপথে আনিবার জন্ম ভৎসনা করি, যদি আমার কথায় তাহারা কর্ণপাত করে, সংসারে থাকিয়া তাহারা প্রতিদিন পুণ্য সঞ্চয় করে । সেই পুণ্য সঞ্চয়ে তাহাদের হৃদয়ে প্রেম স্থান পায় । সেই প্রেম আমার কথা শুনিয়া চলিতে চলিতে বদ্ধিত হইতে থাকে, এবং পুণ্যের শান্তি, ও প্রেমের সুখ তাহাদের হৃদয়কে বৃগপৎ অধিকার করিয়া তাহাদিগকে কৃতার্থ করে । আমি যাহা বলিতেছি, তোমাকে তাহা প্রত্যক্ষ বলিয়া স্বীকার করিতেই হইবে । যদি এইরূপই হইল, তাহা হইলে আমি সুখ দিই না কেবল দুঃখ দি, একথা বলা তোমার শোভা পায় না । ভরসা করি, আমি জীবকে কেবলই দুঃখ দি, একথা আর তুমি মুখে তুলিবে না ।

বুদ্ধি নিস্তক হইয়া বিদায় গ্রহণ করিল ।

অন্তর ও বহিঃপ্রকৃতি ।

বুদ্ধি । বিবেক, তুমি বল, তুমি ভগবানের অভিপ্রায় জীবগণের নিকট প্রকাশ কর । ভগবানের অভিপ্রায় অতি গভীর, মনুষ্য বুদ্ধির অতীত, তাহা তুমি জীবের নিকটে প্রকাশ কর ইহা যদি সত্য হয়, তাহা হইলে তোমার অধীন ব্যক্তিগণ ভগবানকে বুঝিয়া কেলিয়াছেন, তাহাদের নিকটে কিছুই আর অপ্রকাশিত নাই । এ অভিমান কি তোমার পক্ষে সম্ভব ?

বিবেক । ভগবানের অভিপ্রায় আমি প্রকাশ করি, ইহা আর একটা নিন্দার কথা কি ? ভগবানের অভিপ্রায় প্রকাশ করি বলিয়া তাঁহাকে লোকের বুদ্ধির আয়ত্ত করিয়া দি, তিনি যে বুদ্ধির অতীত, এ কথা অপ্রতিপন্ন করি, এতদূর সিদ্ধান্ত করিবার পক্ষে তুমি কি কারণ পাইয়াছ, আমার বলিতে পার ? তোমার অনুগত লোকেরা 'ভগবানের অভিপ্রায়' এ কথা শুনিলেই উপহাস করেন, তিনি বুদ্ধির অগম্য ইহা প্রচার করিয়া লোকদিগকে ঈশ্বর হইতে দূরে নিক্ষেপ করেন, অথচ প্রকৃতির সকল কার্য্য পাকতঃ সেই অনন্ত শক্তির এ কথা বলিতে কুষ্ঠিত হন না । এরূপ কথা বলিয়া তাঁহারা ইহাই প্রতিপন্ন করেন যে, আমি যে অভিপ্রায় জ্ঞাপন করি, পাকতঃ তাঁহারা তাহাই করেন, তবে ভীকৃতাবশতঃ 'অভিপ্রায়' এই শব্দ উচ্চারণ করেন না । এরূপ ভীকৃতার কারণ আর কিছুই নয় কেবল এই যে যাহাদিগকে তাঁহারা ঘৃণা করেন, পাছে বা লোকে তাহাদিগকে তাঁহাদের দলস্থ বলিয়া মনে করে । তোমার শরণাপন্ন লোকদিগের এ ভীকৃতা দেখিয়া বাস্তবিকই নিতান্ত ক্লেশ হয় । প্রকৃতির সকল কার্য্য ঈশ্বরের ইহা বলাও যাহা, তাঁহার অভিপ্রায় জ্ঞাপনও তাহা, এই সামান্য কথা কি তুমি বোঝ না ?

বুদ্ধি । কৈ আমি তো বলিতে পারিতেছি না, তুমি আমার বুঝাইয়া দাও দেখি ।

বিবেক । আমি তোমায় চিরদিন বলিয়া আসিয়াছি, বিজ্ঞান ও বিবেক এ উভয় ঈশ্বরের অভিপ্রায় বা ইচ্ছা জ্ঞাপন করে, সুতরাং বিজ্ঞানও আমাতে কোন বিরোধ নাই । বিজ্ঞানবিদগণ আমার লোকদিগকে না বুঝিতে পারিয়া নিন্দা করেন, ইহাতে তাঁহারা অবশ্য কৃপাপাত্র । প্রকৃতির কার্য্য ঈশ্বরের কার্য্য একথা বলিয়াও তাঁহাদের নিন্দা করিবার কারণ এই যে, তাঁহারা বাহ্য প্রকৃতিকেই প্রকৃতি বলেন, আন্তরিক প্রকৃতি বলিয়া যে কিছু আছে তাহা তাঁহারা স্বীকার করেন না । বাহ্য ও অন্তর এ উভয় লইয়া যদি তাঁহারা এক অর্থও প্রকৃতি স্বীকার করিতেন তাহা হইলে কোন বিরোধের কারণ ছিল না, কিন্তু তাঁহারা বাহ্যদর্শী হইয়া অন্তরকে একেবারে ভুলিয়া যান এই তাঁহাদের মহান দোষ । অন্তর ও বাহ্য এ দুই এক অর্থও হইয়া আছে এক ভগবানেতে, এরূপ দৃষ্টিতে অন্তর ও বাহির এ দুইয়ের বিরোধ ঘুচিয়া যায়, কিন্তু বিজ্ঞানবিদগণ সে পথ

ছাড়িয়া বিজ্ঞান ও আমাতে বিরোধ নাই অথচ বিরোধ করনা করিয়া লোকদিগকে বিশেষে লইয়া যাইতেছেন। বাহ্য প্রকৃতিতে প্রতিনিয়ত যাহা কিছু প্রকাশ পাইতেছে তাহা যদি ঈশ্বরের চেষ্টা, অর্থাৎ সে ত্রিদি ঈশ্বরের অভিপ্রায় হইল, তাহা হইলে অন্তরের প্রকৃতিতে যাহা প্রকাশ পায় তাহাও ঈশ্বর হইতে, এবং উহা ঈশ্বরেরই অভিপ্রায় একথা বলাতে ক্ষতি কি ?

বুদ্ধি। খাম, খাম, প্রকৃতিতে যাহা প্রকাশ পায় তাহা পাকতঃ ঈশ্বরের, একথা বলাতে ঈশ্বরের অভিপ্রায় আসিল কি প্রকারে ? তোমার সিদ্ধান্তগুলির ভিতরে এত ঘোর পেচ থাকে যে, লোকে তাহার ভুল ধরিতে পারে না বলিয়া তুমি বাঁচিয়া যাও।

বিবেক। তুমি না বুঝিয়া হঠাৎ একটা বলিয়া ফেল এই তোমার দোষ। প্রকৃতিতে যাহা প্রকাশ পায়, একথার ভিতরে একটা অন্ধকার প্রবিষ্ট করিয়া দিয়া বিজ্ঞানবিদগণ লোকের চক্ষু অন্ধ করিয়া ফেলেন, তুমিও দেখিতেছি তাহাতে অন্ধ হইয়াছ। প্রকৃতিতে যাহা প্রকাশ পায় তাহা কি ? শক্তি ? শক্তি বলিলে সব কি বলা হইল তুমি মনে কর ? প্রকৃতিতে যাহা প্রকাশ পাইবে তাহার মানব মানবীর সহিত কোন সম্বন্ধ আছে অথবা সম্বন্ধ নাই ? যদি কোন সম্বন্ধ না থাকে, তবে তাহার আলোচনা বৃথা। যদি সম্বন্ধ থাকে তাহা হইলে যাহা প্রকাশ পায় তাহা মানব মানবীর জীবনের উপযোগী, ইহা তোমাকে অবশ্য মানিতে হইবে। যাহা তাহাদের জীবনের উপযোগী এবং যদুসারে তাহাদিগকে চলিতে হইবে তাহাকেই তাহাদের সম্বন্ধে ঈশ্বরের অভিপ্রায় বলিতে হইবে। যাহা অন্তর ও বাহিরের প্রকৃতিতে প্রকাশ পায়, তদুসারে নরনারী আপনাদের জীবন নিয়মিত করিলে তাহাদের কল্যাণ হইবে একথা বিজ্ঞানবিদগণ স্বীকার করেন। এ 'স্বীকারে' এই স্বীকার হয় যে, ঈশ্বরের এক কল্যাণাভিপ্রায় বিবিধরূপে প্রকৃতির ভিতর দিয়া প্রকাশ পাইতেছে বিজ্ঞান তাহা বাহ্যপ্রকৃতি সম্বন্ধে, আমি তাহা অন্তরপ্রকৃতি সম্বন্ধে লোককে জ্ঞাপন করি। বল, আমি হঠাৎ কেমন সিদ্ধান্ত করিলাম, যে এ সিদ্ধান্তের অতি দৃঢ় ভিত্তি আছে ?

বুদ্ধি। তুমি আমার আজ নিরস্তর করিলে, কিন্তু তোমার এত পেচাও কথা সাধারণ লোকে বুঝিবে কি প্রকারে, আমি কেবল ইহাই ভাবি।

সাকার ও নিরাকার।

বুদ্ধি। ঐশ্বর সাকার কি নিরাকার ইহা লইয়া কতকাল বিরোধ চলিয়া আসিতেছে। সাকার বস্তুমাত্র পরিবর্তনের অধীন বিনাশশীল, এ যুক্তি অনেকের নিকটে প্রবল বলিয়া মনে হইলেও সে যুক্তির প্রতি দৃকপাত না করিয়া কত জ্ঞানী ব্যক্তি সাকার অর্থাৎ নির্দিকার ও নিত্য, এই বলিয়া সাকারবাদে দৃঢ়প্রতিষ্ঠ রহিয়াছেন। এমন কি কোন মধ্যপথ আছে, যাহা অবলম্বন করিলে এ দুই মতের সামঞ্জস্য হয় ?

বিবেক। জানিও যত প্রকারের বিরোধ আছে বস্তুতত্ত্বাবধারণে ভ্রমবশতঃ উহা ঘটিয়াছে। যাহারা নিরাকারবাদী তাঁহারা সমুদায় বিশেষণবিবর্জিত বুদ্ধি মনের অগোচর এক অচিন্ত্য পদার্থকে ব্রহ্ম বলিয়া নির্দেশ করেন। যাহারা সাকারবাদী তাঁহারা নিখিল বিশেষণবিশিষ্ট চিন্ত্যগ্রাহ্য হৃদয়হারী পদার্থকে পরব্রহ্ম বলিয়া নির্দেশ করেন। ইহারা এই সকল বিপরীত কথা লইয়া কত বিচার করিয়াছেন, বুদ্ধি, তাহা তোমার সকলই জানা আছে। কেন না সে সকল বিতর্ক তুমিই ইহাদের চিন্তে উত্থাপন করিয়াছ। কোন পদার্থ সম্পূর্ণ বিশেষণ-বিবর্জিত হইতে পারে না, যদি হয় তৎসম্বন্ধে কেবল বাঙনিম্পত্তি করা যাইতে পারে না তাহা নহে, তৎসম্বন্ধে কোন কথা কখন মনে উঠিতেই পারে না। জগৎ দেখিয়া জগতের কারণের প্রতি দৃষ্টি স্বতঃ ধাবিত হয়, তৎপর সেই কারণসম্বন্ধে বিচার করিতে গিয়া তিনি কিছুই কারণ নন, যদি কেহ ঐদৃশ সিদ্ধান্তে আসিয়া উপস্থিত হন, তাহা হইলে তিনি বস্তু নির্ধারণ করিতে গিয়া কিছুই নির্ধারণ করিলেন না, বৃথা বাগ্‌জাল মাত্র বিস্তার করিলেম, ঐদৃশ নিষ্ফল চিন্তায় সময়ক্ষেপ বৃথা। বাস্তবিক কথা এই, এমন চিন্তাশীল ব্যক্তি নাই যিনি কোন না কোন বিশেষণবিশিষ্ট না করিয়া কোন বস্তু চিন্তা করিতে পারেন। একপস্থলে বিশেষণ-বিবর্জিত বলা একান্ত ভুল ইহাও তুমি বলিতে পার না। কেন না বস্তু ও বিশেষণ এ দুই যদি ভিন্ন হয় তাহা হইলে স্থূল পদার্থের স্থায় ব্রহ্ম বিকারী হইলেন। একটি দৃষ্টান্ত গ্রহণ কর, বিষয়টি তোমার হৃদয়ঙ্গম হইবে। 'রক্তবর্ণ ঘট' এস্থলে 'রক্তবর্ণ' ঘটের বিশেষণ। ঘটের সঙ্গে রক্তবর্ণ কিছু এক নহে, কেন না উহা নীল ও পীত নানা বর্ণযুক্ত হইতে পারে। বিশেষতঃ বর্ণ কিছু বস্তুনিষ্ঠ নহে, উহা অন্তর্ভুক্ত হইতে সংক্রামিত। ব্রহ্ম যদি একরূপ বিশেষণবিশিষ্ট হন তাহা

হইলে তিনি বিকারী হইলেন না তো আর কি হইলেন? কিন্তু এরূপ কোন বিশেষণযুক্ত না করিয়া ব্রহ্মকে যদি চিন্ময় বল তাহা হইলে এই বিশেষণটি বস্তু হইতে অতিরিক্ত একই সামগ্রী। ব্রহ্মও যাহা চিংও তাহা, এরূপস্থলে চিন্ময় এই বিশেষণটিতে কোন বিকার ঘটিতেছে না। কেবল বিকার ঘটিতেছে না তাহা নহে, চিং আমাদের প্রত্যক্ষ জ্ঞানের বিষয়; চিং কি আমরা তাহা বিলক্ষণ হৃদয়ঙ্গম করিতে পারি। কেবল হৃদয়ঙ্গম করিতে পারি তাহা নহে, চিং আমাদের হৃদয়কে আকর্ষণ করিতেও সমর্থ। তবে যে নিগুণ ব্রহ্মবাদিগণ ব্রহ্মকে বুদ্ধি মনের অগোচর বলিয়াছেন তাহা নিতান্ত অশুদ্ধ নহে। কে আর কবে সেই অনন্ত জ্ঞানকে নিঃশেষভাবে বুদ্ধি ও মনের বিষয় করিতে পারে?

বুদ্ধি। তুমি যে সকল কথা কহিলে এ আর তো কিছু নূতন নহে; সাকার ও নিরাকারের কথা কি হইল?

বিবেক। যাহারা নিরাকারবাদী তাহারা সাকারবাদীদিগকে সাকারবাদে দৃঢ়নিষ্ঠ থাকিতে বাধ্য করিয়াছেন, অত্যা তাহারাও নিরাকারবাদী, কদাপি সাকারবাদী নহেন। তাহারা ঈশ্বরে জ্ঞান প্রেম প্রভৃতি যে সকল স্বরূপ নির্দেশ করিয়াছেন তাহার একটিও সাকার নহে, সকলই নিরাকার; অথচ যাহার কিছু জ্ঞানের বিষয় হয়, তাহাই সাকার প্রাচীন নিরাকারবাদিগণের এই নির্বন্ধ সাকারবাদে প্রশ্ন দিয়াছে। নিরাকারবাদিগণ আত্মচৈতন্য অস্বীকার করিতে পারেন না, কারণ ইহা সাকার জ্ঞানের বিষয়। আত্মচৈতন্য জ্ঞানের বিষয় বলিয়া উহা কি সাকার? সকল প্রকারের মিথ্যা-সংস্কারবর্জিত হইয়া বিচার না করিলে এইরূপই ভ্রম ঘটিয়া থাকে। সাকার ও নিরাকারবাদিগণ বস্তুতঃ নির্কারণে মিথ্যা-সংস্কারবশতঃ যে ভ্রান্তিতে নিপতিত হইয়াছেন, সেই ভ্রান্তি অপসারিত হইক, দেখিবে উভয়ই একই কথা বলিয়াছেন, অথচ বিবাদ করিতেছেন।

দুর্বল মনস চর।

বুদ্ধি। সংসারে প্রতিনিয়ত এমন সকল ঘটনা ঘটিতেছে, যাহাতে আপনাকে কিছুতেই স্থির রাখিতে পারা যায় না, অধীরতা অসহিষ্ণুতা সহজে আসিয়া পড়ে। এরূপস্থলে তুমি যখন সর্বাবস্থায় ধৈর্যধারণ করিতে বল, অধীর হইলে অবিস্থাসী বলিয়া ভৎসনা কর, তখন তুমি কি জীবদিগকে কাষ্ঠ প্রস্তরের মত অচেতন হইতে বল না? স্বভাববিরোধী তোমার এ উপদেশ কি শ্রদ্ধের?

বিবেক । মানুষ দুর্বল । অবস্থার বিপাকে পড়িলে সে চঞ্চল হইবে অস্থির হইবে, ইহা কি আর আমি জানি না ? দুর্বল মানুষের প্রতি যদি আমার সক্রম দৃষ্টি না থাকিত, তাহা হইলে আমি তাহাদিগকে কিছু বলিতাম না । আমি চাই মানুষ দুর্বলতাপরিহার করিয়া সবল হয় । তৎসম্বন্ধে আমি যদি তাহাদিগকে পথ না দেখাই, তাহা হইলে কি আমার নিষ্ঠুরাচরণ হয় না ? রোগ দেখিয়া চিকিৎসক যদি উপেক্ষা করেন, রোগীর রোগবিমুক্তির উপায় করিয়া না দেন, তাহা হইলে তিনি কি নির্দয় নিষ্ঠুর নহেন ?

বুদ্ধি । মানুষ দুর্বল, ইহাতো নূতন কথা নয় । দুর্বল হইলেই রোগী হইবে ইহা কে বলিল ? মানুষ যদি জন্ম হইতে দুর্বল হয়, তাহা হইলে উহা তো তাহার স্বভাব হইল । তাহার স্বভাববিরোধী তোমার উপদেশে কি ফল হয়, আমি বুঝিয়া উঠিতে পারি না ।

বিবেক । মানুষ জন্ম হইতে দুর্বল, ইহা স্বীকার করিয়া লইলেই আমার আর তাহাকে উপদেশ দেওয়ার অবকাশ থাকে না, এ কথা বলায় তোমার বুদ্ধি প্রকাশ পাইল না । দুর্বলের সবল হইবার সামর্থ্য আছে, না সে চির দুর্বলই থাকিবে, ইহাই দেখিবার বিময় । মানুষের কথা দূরে, দুর্বল জীবকে প্রবলের আক্রমণ হইতে রক্ষা পাইবার উপায় দিয়া তবে তাহাকে পৃথিবীতে পাঠান হইয়াছে । মানুষ দুর্বল হইয়া জন্মে বটে, কিন্তু তাহার সবল হইবার ক্ষমতাও অপরিমেয় । সেতো কেবল শরীর নয়, সে যে আত্মা । তাহার স্থিতি হৃদিনের জন্ত নয়, নিত্যকালের জন্ত । এই সংগ্রামক্ষেত্র পৃথিবীতে তাহাকে এইজন্ত পাঠান হইয়াছে যে, বিবিধ পরীক্ষার ভিতরে আমার অনুসরণ করিয়া প্রত্যেক পরীক্ষা হইতে সে উত্তীর্ণ হইবে, এবং বল লাভ করিবে । যে সকল ঘটনা তাহাকে অস্থির করিয়া তুলে সেই ঘটনাগুলি পরীক্ষা । সেই পরীক্ষার মধ্যে স্থিরতা আমার কথার উপরে আশ্রয়তা না থাকিলে কখন হয় না । সংগ্রামক্ষেত্রে যিনি নেতা তাহার কথার উপরে আস্থা না থাকিলে সৈন্তগণ শত্রুপরাজয় করিবে, ইহা কি কখন সম্ভবপর ? দুর্বল বলী হয়, ভীকু সাহসী হয় যদি নেতার উপরে আস্থা থাকে । আমার কথায় যাহারা দৈর্ঘ্যধারণ করিয়া থাকে না, অধীর হইয়া পড়ে, তাহাদিগকে যে আমি অবিশ্বাসী বলিয়া তৎসনা করি, তাহা তাহাদিগের কল্যাণেরই জন্ত । আমার তৎসনার তাহাদের চৈতন্যোদয় হয়,

আর তাহারা অকল্যাণের পথে ধাবিত হইতে পারে না । চৈতন্যাস্ত্রে যতই আমার অনুসরণ করে, ততই তাহাদের বল লাভ হয় ।

দৃশ্য অদৃশ্যের রঙ্গভূমি ।

বুদ্ধি । আমি দৃশ্যরাজ্য লইয়া আছি, তুমি অদৃশ্যরাজ্য লইয়া ব্যাপৃত । দৃশ্য জগৎ ও দৃশ্য মানবমানবী লইয়া পৃথিবীর লোক সকলের সর্বদা কার্য্য । একপস্থলে তাহারা তোমায় অনাদর করিয়া আমার আদর করিবে, ইহা নিতান্ত স্বাভাবিক, কেন না প্রতিদিনের জীবননির্বাহ করিতে দৃশ্যের সহিত সম্বন্ধ রক্ষা করিতে হয় । আমি যত চিন্তা করি, তত দেখিতে পাই তুমি বড়ই স্বভাবের বিরোধী ।

বিবেক । তুমি অনেকবারতো আমায় স্বভাববিরোধী বলিলে, অথচ একবারও তাহা প্রতিপন্ন করিতে পারিলে না । এবারও কি মনে কর যে, আমি অদৃশ্যরাজ্যের সংবাদ দি বলিয়া আমার তুমি স্বভাববিরোধী বলিয়া প্রতিপন্ন করিবে ? দৃশ্য ও অদৃশ্য এ দুইয়ের বিচ্ছেদ স্থূলদর্শীর নিকটে, সূক্ষ্মদর্শিগণ দৃশ্যে অদৃশ্যকেই দর্শন করিয়া থাকেন । দৃশ্য যদি অদৃশ্যের রঙ্গভূমি না হইত, তাহা হইলে উহা একদিনও আয়ত্ত্ব করিতে পারিত না । দেহ যদি প্রাণহীন হয়, জগৎ যদি শক্তির ক্রিয়াবর্জিত হয়, তাহা হইলে, বল, উহার দুটি পরমাণু একত্র সংযুক্ত থাকিতে পারে কি ? পরমাণুই বা বলি কেন ? পরমাণুর অস্তিত্বও শক্তি বিনা ভ্রান্তি । যাহারা অদৃশ্যরাজ্যের সংবাদ অনবগত, আমি যদি তাহাদিগকে সে রাজ্যের সংবাদ দি, তাহা হইলে অসত্য ও মিথ্যার কুহকজাল ছিন্ন করিয়া তাহারা যাহা সত্য নিত্যকাল স্থায়ী, তাহাকে নিত্য প্রত্যক্ষ করে এবং যথার্থ জ্ঞানালোক লাভ করিয়া ভ্রান্তিসম্মত ভয় হইতে উত্তীর্ণ হয়, বল ইহাতে আমি সে সকল ব্যক্তির আদরের পাত্র না অনাদরের পাত্র হইতে পারি । তাহারা আমায় আদর না করিলে আমার তাহাতে ক্ষতি কি ? কিন্তু তাহাদের ক্ষতি যথেষ্ট । তাহারা অন্ধ হইয়া দৃশ্যে বদ্ধ হয়, আর আপনাদের দুঃখ ক্লেশ যন্ত্রণা আপনারা ডাকিয়া আনে । দৃশ্যে সুখশান্তি নাই, অদৃশ্যে সুখশান্তি, একটু ভাবিয়া দেখিলে ইহা সকলেই বুঝিতে পারে ।

বুদ্ধি । বিবেক, তুমি বিচারে পটু । এমন করিয়া কথা রচনা করিতে পার বে, তোমার কথা শুনিয়া মনে হয় তুমিই সব ঠিক বলিতেছ, আর আমি যাহা বলিতেছি, তাহার সারবত্তা কিছুই নাই । স্বী পুত্র ধন জন সকলই দৃশ্য,

ইহাদিগেতে কি লোকের সুখ হয় না ? এসকল ছাড়া লোকে সুখতো ভাবিতেই পারে না ।

বিবেক । তোমার স্থূলদৃষ্টি দেখিয়া আমি অবাক্ । কতবার তোমায় বুঝাইলাম, তুমি কিছুতেই অতি সহজ কথা বুঝিতে চাও না । স্ত্রী পুত্র ধন জন এসকলের প্রতি কেহ অনুরক্ত নয়, অনুরক্ত উহাদিগের অদৃশ্যংশের উপরে । প্রেম অদৃশ্য সামগ্রী, স্ত্রীপুত্রাদির সহিত যদি প্রেমবিনিময় না থাকিত, তাহা হইলে কি তাহারা অনুরাগের বিষয় হইত ? ধনের দ্বারা অদৃশ্য অবস্থাসমূহের আনুকূলা হইবে এজন্য ধনের আদর । যদি দৃশ্য ধনের প্রতি অনুরাগ হইত, হস্তগত ধনাপেক্ষা যে ধন হস্তগত হয় নাই, তৎপ্রতি তৃষ্ণা কখন লোকের হইত না । যাহা হইতেছে, তাহাতে কেহই সন্তুষ্ট থাকিতে পারে না, যাহা এখনও হয় নাই, তাহারই জন্ম নরনারীর প্রাণের আবেগ, ইহা তুমি নিতাপ্রত্যক্ষ করিতেছ । ইহা হইতে কি ইহাই সিদ্ধান্ত হয় না যে, দৃশ্যে তাহাদের মন পরিতোষ লাভ করে না, যাহা অদৃশ্য আছে তাহারই জন্ম তাহাদের প্রবল আকাঙ্ক্ষা । এ বাপারগুলি এত প্রত্যক্ষ যে, বুদ্ধি, তোমার এসকল বিষয়ে ভ্রান্তি হয়, ইহাই আশ্চর্য্য । তুমি লোকের চক্ষে ধূলা দিয়া অন্ধ করিয়া রাখিয়াছ, তাই তাহারা মনে করে দৃশ্যে তাহাদের সুখ, কিন্তু একবার অন্ধতা চলিয়া যাউক, তাহারা সহজে দেখিতে পাইবে, তাহাদের সুখ দৃশ্যে নয় অদৃশ্যে । সমুদায় অদৃশ্যের যিনি মূল, তাঁহাতে চিত্ত স্থাপন করিলে অদৃশ্য ও দৃশ্যের বিরোধ ঘুচিয়া যায়, সেই মহান্ অদৃশ্যের রঙ্গভূমি এই জগৎ, এ জগৎ তাঁহারই মাহিমার প্রভা, ইহা প্রত্যক্ষ করিয়া জীব কৃতার্থ হয় । আমি সকল নরনারীকে সুখের রাজ্যে শান্তির রাজ্যে লইয়া যাইতে চাই, দেখিতেছি তুমিই তাহাদের পথের প্রতিবন্ধক হইয়া রহিয়াছ ।

মানুষ কি জন্মপাপী ?

বুদ্ধি । তুমি সে দিন বলিলে মানুষ স্বভাবতঃ দুর্কল । যদি সে স্বভাবতঃ দুর্কল হয়, তবে তাহার সে দুর্কলতা কোন কালে যাইবার নহে । কেহ কি কোন কালে স্বভাবের উচ্ছেদসাধন করিতে পারিয়াছে ? তুমিই তো বল স্বভাবের অন্তর্ভুক্তনই ধর্ম্ম । দুর্কলতা যদি স্বভাব হয় তাহা হইলে তাহার অন্তর্ভুক্তন ধর্ম্ম, দুর্কলতা পরিহারের জন্ম যত্ন স্বভাববিরোধে বহু, অতএব অধর্ম্ম । এ যত্নে

কৃত্যর্থতা উপস্থিত না হইয়া বরং দিন দিন ক্রমশঃ চঃখে রোগে নিপতিত হইবারই সম্ভাবনা। অনেক লোকে স্বভাবের বিরোধে কৃচ্ছ্রসাধনে প্রবৃত্ত হইয়া কি দুর্দশাগ্রস্তই না হইয়াছে, ধম্ম করিতে গিয়া কি অধর্ম্যই না ডুবিয়াছে !

বিবেক । মানুষ স্বভাবতঃ দুর্বল, একথা দেখিতেছি তুমি বিপরীত অর্থে গ্রহণ করিয়াছ। দুর্বল শব্দের অর্থ বলের অল্পতা, একেবারে বল নাই, উহা কখন উহা বুঝায় না। একেবারে বল থাকে না তখন যখন মৃত্যু আসিয়া অধিকার করে। মানুষ স্বভাবতঃ দুর্বল অর্থাৎ তাহার বল অল্প। অল্পত্ব হইতে বলসঞ্চার না হইলে বলের অল্পতানিবন্ধন তাহাকে প্রবৃত্তিবাসনার অধীন হইয়া পাপে নিপতিত হইতে হয়। মানুষ অল্পশক্তি অল্পজ্ঞান ইহা যখন নিত্য প্রত্যক্ষ, তখন তাহাকে দুর্বল ও অল্পজ্ঞান বলা কিছু দোষের কথা নহে। যদি সে জন্ম হইতে অল্পশক্তি ও অল্পজ্ঞান না হইত তাহা হইলে সে জীব হইত না, ঈশ্বরের সমকক্ষ হইত, তাহার আর শক্তিতে ও জ্ঞানেতে নিত্যকাল উন্নত হইবার সম্ভাবনা থাকিত না। আত্মা অল্পবল হইলেও সে আর এক দিকে সবল, কেন না যতটুকু বলাধিষ্ঠান থাকিলে প্রবৃত্তিবাসনার বিরোধে দণ্ডায়মান হওয়া যাইতে পারে, ততটুকু বল যখন তাহার আছে তখন সে সবল মধ্যে গণ্য। এই দেহ এক দিকে দুর্বল আর এক দিকে সবল। দেহকে নিষ্পেষণ করিবার তা প্রকৃতি মধ্যে কত আয়োজন। প্রকৃতির সঙ্গে তুলনা করিলে দেহ যে দুর্বল অর্থাৎ উহার বল অল্প, ইহা অবশ্য স্বীকার করিতে হইবে, কিন্তু দেহে যতদিন এতটুকু বল থাকে যে, চতুর্দিকেব বিনাশকর সামগ্রীর প্রভাব তদ্বারা উহা অতিক্রম করিতে পারে, ততদিন উহা দুর্বল হইয়াও সবল। সবল দুর্বল কোন অর্থে আমি ব্যবহার করি, যদি তুমি বুঝিতে, তোমার আমার কথায় সংশয় জন্মিত না।

বুদ্ধি । কোন কোন ধর্মসম্প্রদায়ের লোক মানুষ জন্মপাপী বলিয়া থাকে। ইহাতে সৃষ্টিকর্তার উপরে দোষ পড়ে বলিয়া এ মত এখনকার অনেকে মানেন না, তোমার কথার মধ্যে সেই মতের গন্ধ পাওয়া যায় এজন্য আমি তোমায় আজ প্রশ্ন করিলাম। 'পাপোহহং পাপকন্মাহং পাপাত্মা পাপসম্ভবঃ।' এ কথাটার সম্বন্ধে তুমি কি বল ?

বিবেক । 'পাপোহহং' আমি পাপ — একথা বলাতে কিছু ক্ষতি নাই, কেন

না পাপ করিতে করিতে মানুষ যখন পাপের সঙ্গে এক হইয়া যায়, তখন সে পাপের সঙ্গে অভিন্ন জন্ত আপনাকে 'পাপ' বলিতে পারে। 'পাপকর্মাহং' আমি পাপকর্মা, একথা বলাতেও কোন দোষ নাই। কেন না যে ব্যক্তি পাপের দাস হইয়া গিয়াছে সে নিয়ত পাপকর্মে রত। 'পাপাত্মা' পাপস্বভাব, এরূপ তখনই একজন বলিতে পারে, যখন পাপেতে তাহার স্বভাব পর্যন্ত বিকৃত হইয়া গিয়াছে। 'পাপসম্ভবঃ' এইটি বলিবার পক্ষে বাধা উপস্থিত হইতে পারে, কেন না মানুষ এ কথা বলিতে পারে না যে, তাহার পাপ হইতে জন্ম হইয়াছে। তবে নিরন্তর শূন্যভাবে বিচার করিয়া দেখিলে দেখিতে পাওয়া যায় আত্মার জন্ম হয় না, জন্ম হয় দেহের। দেহমধ্যে পাপ না থাকিলেও পাপের সম্ভাবনা আছে, এই সম্ভাবনা লক্ষ্য করিয়া কেহ আপনাকে 'পাপসম্ভব' যদি বলে, তাহাতে তত দোষ পড়ে না। তবে এখানে যতগুলি বিশেষণ আছে সবগুলির 'আনিকে' লক্ষ্য করিয়া প্রয়োগ হইয়াছে। ইহাতে আমি বা আত্মার জন্ম পাপ হইতে এই কথা সহজে হৃদয়ঙ্গম হয় বলিয়া এ বিশেষণটি সর্বথা নির্দোষ নহে। পূর্বতন ব্যক্তিগণ দেহের সহিত আত্মাকে অভিন্ন করিয়া এরূপ প্রয়োগ করিতেন, কেন না আত্মা অজ, ইহাতে তাঁহাদের মতবৈধ ছিল না। জন্ম এ কথা থাকিলেই আত্মা নয় দেহ, তাঁহারা ইহা সহজে বুঝিতেন। শ্লোকটিতে সেই অর্থেই 'পাপসম্ভব' বলা হইয়াছে।

প্রেম ।

বুদ্ধি । বিবেক তোমার বিরুদ্ধে আমার একটি গুরুতর অভিযোগ আছে। সে অভিযোগের তুমি কি উত্তর দিবে, আমি জানি না। তুমি জান, প্রেম শৃঙ্খল সহ্য করিতে পারে না ; প্রেম চির উদ্দাম। তুমি প্রেমের পায় শৃঙ্খল পরাইয়া উহার অবাধগতি অবরুদ্ধ কর, ইহাতে প্রেমিকগণের তোমার প্রতি বিরাগ হওয়া কি স্বাভাবিক নহে ?

বিবেক । প্রেম উচ্ছৃঙ্খল, এ কথাটা বলা তোমার ভাল হইল না, প্রেম যে নিজেই শৃঙ্খল। প্রেম দিতে যায় যে, সে ইচ্ছা করিয়া হাতে পায়ে শৃঙ্খলে আবদ্ধ হয়। প্রিয়পাত্রকে ছাড়িয়া প্রেমিকের এদিক ওদিক মন দেওয়ায় সামর্থ্য নাই, যদি দেয় তবে প্রেম আর থাকে না। আমার সঙ্গে তুমি প্রেমের বিরোধ-কল্পনা করিতেছ কেন ? আমি আর প্রেম কি স্বতন্ত্র সামগ্রী। যেখানে শুদ্ধতা

পর্যবেক্ষণ ।

নাই সেখানে প্রেম আছে, তুমি কি প্রকারে বিশ্বাস করিলে ? প্রেম বিশুদ্ধ স্ফটিকতুল্য, টহাতে একটি কলঙ্কের রেখা নাই । প্রেমে যদি কলঙ্কের দাগ পড়ে, জানিও তাহার পূর্বে প্রেম অন্তর্হিত হইয়াছে, প্রেমের ভাণমাত্র রহিয়া গিয়াছে । কোন প্রকার প্রযুক্তিবাসনার প্ররোচনায় যে বাহিরে প্রীতি দেখায় প্রীতি তাহার ব্যবহারের প্রবর্তক নয়, সেই প্রযুক্তি ও বাসনা তাহার প্রবর্তক । এখানে যে প্রেম নাই, অভ্যন্তরদিনের মধ্যে প্রীতির আশ্রয় নিকট উহা প্রকাশ পাইবে সহস্র পকার বুদ্ধির জাল বিস্তার করিয়া উহা ঢাকিয়া রাখিবার উপায় নাই । বাহিরের আলাপ মিষ্টভাষণাদি দ্বারা অন্তরের অপ্রীতি ঢাকিয়া রাখিবার চেষ্টা বুঝা, কেন না প্রেম আছে কি প্রেম নাই, প্রেমপ্রবণহৃদয়ের নিকটে উহা অল্পকারণে প্রকাশ পায় । প্রেমের জন্ম প্রথমে আকৃষ্ট হইয়া প্রেম না পাইয়া যে সামান্য বিষয়ের কুহকে ভুলিয়া মিথ্যা প্রেম দেখায়, সে অতি নীচ প্রকৃতি, কিন্তু জানিও প্রেম না পাইয়া তাহার হৃদয়ে আগুন জ্বলিতেছে, অথচ স্বার্থের অনুরোধে প্রীতিতে মুগ্ধের ন্যায় দেখাইতেছে, কি ভয়ানক পতনের অবস্থা ! প্রেম প্রেম মুখে বলে অথচ আশার আদর করে না, জানিও সেখানে প্রেম নাই ।

বুদ্ধি । তোমার সঙ্গে কথা কহিতে গিয়া আমার বড়ই মুস্কিলে পড়িতে হয় । তুমি শত্রু কথা শুনাইলেও আমার আর শত্রু কথা শুনাইবার উপায় থাকে না, কেন না তুমি যে কথাগুলি বল তার উত্তর নাই । যাহা হউক, তোমার নিকটে নিরুত্তর হইয়া আমি স্থখী বই দুঃখী নই ।

ঈশ্বরের ইচ্ছানুবর্তন ।

বুদ্ধি । দেখ, বিবেক, যাহার ঈশ্বরের ইচ্ছানুবর্তন করিতে যায়, তাহাদের আত্মীয় স্বজন পর্যাপ্ত তাহাদের বিরোধী হয় । অন্য লোকে কুৎসা করে কড়ক, নিজের আত্মীয়েরাও তাহার নিন্দা করিতে ছাড়ে না । তাহাদের লইয়া লোকে কত গোলই করে । যে সকল ব্যক্তি গতানুগতিক ভাবে চলিতে থাকে, তাহাদের জীবনে কোন গোলই হয় না । একপস্থলে কি বলিতে হইবে না, যে নিশ্চিন্ত থাকিতে চায় তাহার গতানুগতিক ভাবে চলাই ভাল ।

বিবেক । তুমি যে কোন সিদ্ধান্ত কর, তাহা একটি বিষয়ের উপর উপর দেখিয়া কর, ইহাতেই তোমার ভ্রম হয় । কখন কোন একটি বিষয়ের তত্ত্ব নির্ধারণ করিতে গিয়া যতক্ষণ না তাহার ভিতরের দিকটা ভাল করিয়া দেখিতে

পাও, ততক্ষণ কোন একটা সিদ্ধান্ত করিও না, কেন না এ সিদ্ধান্ত পরে ভ্রম বলিয়া প্রতিপন্ন হইবে। যাহারা ঈশ্বরের ইচ্ছানুবর্তন করিতে যান, পৃথিবী তাঁহাদিগের নিন্দা করে বা তাঁহাদিগকে লইয়া গণ্ডগোল করে, ইহা দেখিয়া কি মনে করিতেছ যে, ইহাদের জীবন ছুঃখের, আর সাধারণ লোকদের জীবন সুখের? সাধারণ লোকের ছুঃখের কথা একবার যদি ভাবিয়া দেখ, তোমার শোকের পরিসীমা থাকিবে না। সংসারের ক্ষুদ্র বিষয়সমূহ লটফা তাঁহাদের জীবনের সুখস্বচ্ছন্দতা, এই ক্ষুদ্র বিষয়সমূহের মুহূর্ত্ত অপচয় হইতেছে, আর তাহারা অধীর হইতেছে। কখন ক্রোধ, কখন দ্বেষ, কখন হিংসা, কখন নিরাশা, কখন বাসনানলের জ্বালা, একরূপ ক্রেশের কারণ প্রতিদিন তাহাদের জীবনে প্রকাশ পাইতেছে। এ সকল কি না সকল লোকেরই ঘটে, তাই কেহ তাহার সংবাদ লয় না। ঈশ্বরের ইচ্ছানুসরণকারী ব্যক্তিগণ এ সকল ক্রেশের অতীত ভূমিতে সর্বদা স্থিতি করেন, তাঁহারা পশাশুভাবে জীবনযাপন করেন। সাধারণ লোকের জীবন হইতে তাঁহাদের জীবনের পার্থক্য ঈর্ষানল উদ্দীপিত করে। তাহারা যেমন সর্বদা অস্থিরান্তঃকরণ সেইরূপ অস্থিরান্তঃকরণ করিয়া তুলিবার জন্য তাঁহাদিগের উপরে তাহারা বিবিধ পরীক্ষা আনিয়া উপস্থিত করে। আত্মীয় স্বজনেরা ধনাদির আসক্তি দ্বারা পরিচালিত, সুতরাং তাঁহাদিগের সহিত ঈশ্বরেচ্ছানুবর্তনকারিগণের কিছুতেই একচিত্ততা হয় না, সুতরাং তাহারা ভাল বুঝিয়াও যাহা কিছু ইহাদের সম্বন্ধে করিতে যান, তাহাতেও ঘাতপ্রতিঘাত উপস্থিত হয়। ঈশ্বরেচ্ছানুবর্তী ব্যক্তিগণ অন্তরে শান্তি ও আরাম অনুভব করেন, এ সকল নিন্দা ও আন্দোলনে তাঁহাদের কিছু ক্ষতি হয় না, অধিকন্তু ঈশ্বরেচ্ছানুবর্তন জন্ত পরিণামে তাহাদেরই জয় হয়। দেখ তুমি যাহা ভাবিয়াছিলে তাহা ভুল কি না।

বুদ্ধি। আমার ভুল হইল তাহাতে ছুঃখ নাই, প্রকৃত সত্য বোধগম্য হইলেই যথেষ্ট লাভ।

ভগবানের গতিক্রিয়া।

বুদ্ধি। এ অতি আশ্চর্য্য, যিনি অনন্তশক্তি তিনি স্বভক্তের মনোবাঞ্ছা পূরণে এত গতিক্রিয়া করেন যে, মনে হয় যেন তাঁহার ভালবাসার অন্নতা নয় শক্তির

অস্বস্তা । বিবেক তুমি ভগবানের এ গতিক্রিয়াসম্বন্ধে কি সত্বর দিতে পার, বলিলে সুখী হইতাম ।

বিবেক । ভক্তের মনোবাঞ্ছা সাধারণ লোকের মনোবাঞ্ছার মতন নহে । তিনি এমন কোন বিষয়ে বাঞ্ছা করেন না যাহা নিত্যকালস্থায়ী নহে । যাহার ফল অল্পকালস্থায়ী তাহার সিদ্ধি অল্পদিনের মধ্যে হয় । দেখ সকল লোকেই অন্নপান কামনা করে, তাহারা প্রতিদিনই অন্নপান পাইতেছে । অন্নভোজনমাত্র তৃপ্তি করেকণ্টা মধ্যে তদ্বারা দেহপৃষ্টি । এ সম্বন্ধে অতিলাভপূরণে ঈশ্বর কখন গতিক্রিয়া করেন না, সর্বত্রই ইহার তিনি আয়োজন করিয়া রাখিয়াছেন । শিশু ভূমিষ্ঠ হইবামাত্র তাহার দেহের পোষণসামগ্রী যেন পাইতে পারে, এজন্ত ভ্রূণসঞ্চারের সঙ্গে সঙ্গে মাতৃস্তনে তাহার আহারের আয়োজন তিনি করেন । কেবল এই পর্য্যন্ত নহে, যে জীবের জীবন যত অল্পকালস্থায়ী সে জীবের দেহাদির পূর্ণতা তত অল্পকালমধ্যে হয় । মানুষের জীবন নিত্যকালস্থায়ী, এজন্ত তাহার জীবনের গতি অতি আন্তে আন্তে হইয়া থাকে । এখানে যে মনে করিতেছ, ঈশ্বরের গতিক্রিয়াতে একরূপ হইতেছে তাহা বলিতে পার না । যদি তাঁহাতে গতিক্রিয়াই থাকিলে তাহা হইলে স্থলবিশেষে অতি সত্বরতা কখনই দেখিতে পাইতে না । সাধারণ লোকের মনোবাঞ্ছা অতি সত্বর সম্পন্ন হয়, কেন না তাহাদের মনোবাঞ্ছা অস্থায়ী পার্থিব । ভক্তগণ অস্থায়ী বিষয় চাহেন না, তাহারা স্বর্গের নিত্যকালস্থায়ী বিষয় সকল চাহেন, সুতরাং তাঁহাদিগকে তল্লাভের উপযুক্ত করিয়া লইতে অধিক সময় যায় ।

বুদ্ধি । স্ত্রী পুত্র পরিবারাদির সহিত সম্বন্ধ কিছু নিত্যসম্বন্ধ নহে । ঈশ্বরের ভক্তগণও তো ঈদৃশ সম্বন্ধে সংসারে আবদ্ধ । দেখিতে পাওয়া যায় পরিজনবর্গে আবেষ্টিত হইয়া তাহারা বিবিধ প্রকারে ক্লেশ পান । অনেকস্থলে এমন হয় যে, ঈশ্বরের ভক্তগণ বাহিরের লোকের দ্বারা তত নিপীড়িত নন, যেমন স্বজনবর্গের দ্বারা । ঈশ্বরের এ কি প্রকারের ব্যবস্থা বলিতে পার ?

বিবেক । ভক্ত এবং তাঁহার পরিবারবর্গ সকলেই যদি ঈশ্বরানুরক্ত হন, তাহা হইলে পৃথিবীতে স্বর্গধামের সুখ অবতরণ করে । বাহিরের দুঃখ দারিদ্র্য দ্বারা আবেষ্টিত হইলেও ভক্ত সম্পরিবারে চিরসুখী । যিনি ভক্ত তিনি ভক্ত-জাতির পূর্বে গতানুগতিক প্রণালীতে সংসারে যে সকল সম্বন্ধে আবদ্ধ হইয়াছেন,

সে সকল সম্বন্ধ হইতে বিবিধ প্রকারের ক্লেশ উৎপন্ন হওয়াই সম্ভব। কেন না এ সকল ব্যক্তি এখনও সাধারণশ্রেণীভুক্ত রহিয়াছে। ভক্ত হইয়া তিনি যে সকল নূতন সম্বন্ধে আবদ্ধ হন, সে সকল সম্বন্ধ বহু প্রার্থনার ফল। স্থায়ী সম্বন্ধ বাধিতে গেলে যে সকল পরীক্ষা দ্বারা উহার মূল দৃঢ় হয়, সেগুলি সম্বন্ধ হইবার পূর্বে উপস্থিত হইয়া থাকে। এজন্য এক একটী সম্বন্ধের জন্ম বহুদিন অবিরল অশ্রুধারা বিসর্জন করিতে হয়। পার্থিব অস্থায়ী সম্বন্ধের জন্ম এরূপ অশ্রুজলের কোন প্রয়োজন নাই, কেন না উহা মখন দুদিনের জন্ম, তখন অন্নপানের গ্ৰাম সহজসাধ্য। তুমি বলিবে, এখানেও তো ভগবানের ভক্তের প্রতি নিষ্ঠুরাচরণ প্রকাশ পাইতেছে? না, নিষ্ঠুরাচরণ প্রকাশ পাইতেছে না, নিরতিশয় করুণাই প্রকাশ পাইতেছে। যে সম্বন্ধ নিত্যকাল থাকিবে, সে সম্বন্ধের উপদ্রুত হইবার জন্ম দীর্ঘ সময়ের প্রয়োজন। যদি উপযুক্ত না হইয়া কোন সম্বন্ধে নিবদ্ধ হওয়া যায়, তাহা অন্নদিনের মধ্যে ভাঙ্গিয়া যাওয়ার বিলক্ষণ আশঙ্কা আছে। এখন বোধ হয়, বুঝিতে পারিলে, ভগবানের ভক্তের প্রতি কোন নিষ্ঠুরতা নাই, নিত্যকালের বিষয়ের জন্ম তাঁহাকে প্রস্তুত করিয়া লইবার জন্মই তাঁহার ঈদৃশ ব্যবহার।

ঈশ্বর ও দেবগণের প্রিয়।

বুদ্ধি। তোমার লোকেরা লোকের প্রিয় হইতে পারে না, দেখ আমার লোকেরা কেমন সকলের প্রিয়। সংসারে বাস করিয়া সকলের প্রিয় না হইতে পারিলে জীবনধারণ কি বুঝা নয়?

বিবেক। তোমার লোকেরা সকলের প্রিয় এ কথাটা তুমি কোন সাহসে বলিলে? বরং আমি তোমায় প্রমাণ করিয়া দিতে পারি, তুমি যাহা বলিলে ঠিক তার বিপরীত। তোমার লোকদিগের সকলের প্রিয় হইবার জন্ম বহু আছে, কিন্তু তাহারা সে বিষয়ে অল্পই কৃতকার্য হয়। প্রিয় হইতে গেলেই সকলের মন যোগাইয়া চলিতে হয়। লোকের মন যোগাইতে গেলেই সত্যের অহুসরণ করা কঠিন, কেন না সত্যের তেজ সাধারণ লোকের পক্ষে অসহ। মিথ্যার আবরণে তাহার তীব্র তাপ আচ্ছাদন না করিলে তাহাদিগের নিকট প্রিয় হওয়া সুকঠিন। এইজন্য বাহারা সাক্ষাৎসম্বন্ধে সকল লোকের প্রিয় হইতে যায়, তাহাদিগকে সত্যকে অসত্যাবরণে আবৃত করিতে হয়। লোকে যদিও সত্যের তেজ সহ

করিতে পারে না, তথাপি তাহাদের অসত্যবাদীর প্রতি ঘৃণা এবং সত্যবাদীর প্রতি সন্মম আছে । প্রিয়ভাবী অসত্যবাদীর সহিত তাহারা প্রিয়লাপ করিতে পারে, কিন্তু যখন বিশ্বাস করা প্রয়োজন হয়, তখন তৎপ্রতি বিশ্বাস না করিয়া যিনি সত্যবাদী তাঁহার প্রতি তাহারা বিশ্বাস স্থাপন করে । তুমি কি বুঝিতে পারিতেছ না, এই সকল ব্যক্তির যে প্রিয়ত্ব, উহা বাহ্যিক, ভদ্ৰতাবরণে আবৃত, উহার ভিতরে সারবস্তা কিছুই নাই । বস্তুতঃ যিনি সকল সময়ে বিশ্বাসের পাত্র, তিনিই লোকদিগের প্রিয় । ইহার প্রতি লোকদিগের প্রীতি সন্মমপ্রীতি, বাবহারকালে তাহারা অসঙ্কোচ ব্যবহার করিতে পারে না, কিন্তু অন্তরে ইহার প্রতি শ্রদ্ধা ও প্রীতি যুগপৎ একত্র স্থিতি করে । তুমি কোন বিষয় ভাল করিয়া তলাইয়া দেখ না, এই তোমার মহাদোষ । আমি চিরদিন বলিয়া আসিয়াছি, কোন একটি বিষয়ের উপরে উপরে না দেখিয়া তাহার নিয়ে কি আছে দেখিও, তাহা হইলে তোমার এসকল বিষয়ে ভ্রমের সম্ভাবনা থাকিবে না । দৃশ্যতঃ যাহা দেখা যায়, তাহা অনেক সময়ে ঠিক নয়, যাহা অদৃশ্য তাহা সকল সময়ে ঠিক ।

বুদ্ধি । যদি যথার্থ প্রিয়ত্ব তোমার লোকেরই হইল অথচ বাহিরে ঠিক যেন কাহারও তিনি প্রিয় নন এইরূপ দেখায়, তাহা হইলে একরূপশ্বে এমন কি কোন ব্যবহার নাই, যে ব্যবহারে বাহিরেও তিনি সকলের প্রিয় হইতে পারেন ।

বিবেক । আমার লোকেরা লোকের প্রিয় হইবেন, এ আকাঙ্ক্ষা মনে রাখেন না । তাঁহারা নিয়ত একরূপ ব্যবহার করিতে যত্নশীল, যাহাতে তাঁহারা ঈশ্বর ও দেবতাগণের প্রিয় হইতে পারেন । তাঁহারা জানেন, যদি তাঁহারা সাক্ষাৎসম্বন্ধে লোকের প্রিয় হইতে যত্ন করেন, তাহা হইলে তাঁহারা ঈশ্বর ও দেবগণের প্রিয় হইতে পারেন না, কেন না এসকল লোক আচরণে ঈশ্বর ও দেবতাগণের বিরোধী । তবে তাঁহারা ইহা জানেন, ঈশ্বর ও দেবগণের প্রিয় হইতে পারিলে তাঁহারা সকল লোকেরই প্রিয় হইবেন, কেন না লোকেরা যত কেন মন্দ হউক না, তাহারা দেবপ্রকৃতির প্রতি একেবারে অন্ধ হইতে পারে না, কারণ তাহাদিগের আত্মা দেবপ্রকৃতিতে গঠিত । আমার লোকদিগের সাক্ষাৎসম্বন্ধে যত্ন ঈশ্বর ও দেবগণের প্রিয় হইবার জন্য, সকল লোকের প্রিয় হওয়া তাঁহাদিগের মুখ্য যত্নের বিষয় নহে ।

শ্রীতি দীর্ঘকাল সহ করে ।

বুদ্ধি । তোমার লোকেরা কাহারও প্রিয় হইবার জন্য প্রয়াস পান না, কেবল ঈশ্বরের প্রিয় হইবার জন্য বৃত্ত করেন, ইহা ভাল সন্দেহ নাই, কিন্তু তাহাদিগের সঙ্গে ঘনিষ্ঠ শ্রীতিবন্ধনে তাঁহারা নিবদ্ধ রহিয়াছেন, কোন প্রকার আচরণে যদি তাঁহাদিগের মনে কষ্ট উপস্থিত হয়, তাহা হইলে এ প্রকারে কষ্ট দেওয়া কি স্বভাববিরুদ্ধ কার্য্য নহে ? যাহা স্বভাববিরুদ্ধ তাহা তোমার মতে ধর্মসঙ্গত নয়, ইহা তুমি অনেকবার বলিয়াছ । বল এস্থলে ধর্মরক্ষা পায় কি প্রকারে ?

বিবেক । নরনারী সর্কজ্ঞ নহে, সুতরাং একজন আর একজনের প্রতি নিতান্ত শ্রীতিবন্ধনে বদ্ধ হইলেও সকল বিষয়ে পরস্পরকে চিনিবে, টহা আশা করা যাইতে পারে না । পরস্পরকে সকল বিষয়ে না চিনিতে পারার জন্য সময়ে সময়ে যে কষ্ট উপস্থিত হইবে, সে কষ্টে অপরিচিত বিষয়ের পরিচয় হয় । একরূপ পরিচয়ে যখন দে খতে পাওয়া যায়, শ্রীতিপাত্রে চরিত্রের ভিতরে যাহা লুক্কায়িত ছিল তাহা প্রকাশ পাইল, তখন পূর্কের কষ্ট চলিয়া গিয়া তদপেক্ষা সমধিক সুখোদয় হয় । ‘শ্রীতি দীর্ঘকাল সহ করে’ এ কথা অর্থ কি, তুমি কি বুঝিয়াছ ? যেখানে শ্রীতি নাই, অথচ শ্রীতির আভাসমান আছে, সেখানে কোন বিষয়ে অমিল উপস্থিত হইলে, সে অমিলের কষ্ট দীর্ঘকাল উভয়ে বহন করিতে পারে না, সুতরাং দীর্ঘকাল কষ্ট বহন করিলে চরিত্রের যে নিগূঢ় তত্ত্বসকল প্রকাশ পায় এবং চরমে চরিত্রপরিচয়ে নিরতিশয় সুখ সমুপস্থিত হয়, তাহা তাহাদিগের সম্বন্ধে কখন সম্ভবে না । শ্রীতি স্থাপন করিলে সঙ্গে সঙ্গে কষ্টবহন স্বীকার করিয়া লইতে হয়, ইহার অর্থ কি, এখন কি বুঝিতে পারিলে ? শ্রীতিজনিত আনন্দে গভীর চিন্তা উদ্বেক করে না, জীবন অবাধে সুখের স্রোতে ভাসিতে থাকে । মধো মধো বাধা প্রাপ্ত না হইলে বাধা ও কষ্টের কারণবশত চিন্তের প্রবৃত্তি হয় না । পরস্পরের চরিত্রের ভিতরে এমন কিছু নিগূঢ় বিষয় আছে যাহার জন্য সময়ে সময়ে বাধা ও কষ্ট উপস্থিত হয় । এই নিগূঢ় বিষয় পূর্কে ছিল না তাহা নহে, কিন্তু তাহার ক্রিয়া প্রকাশ পাইবার সময় উপস্থিত হয় নাই । এমনও অনেক সময়ে হয় যে, জীবনের ক্রমিক পরিবর্তনের সঙ্গে সঙ্গে চরিত্রের ভিতরে নূতন নূতন বিষয়ের সমাবেশ হয় । তাহাতে পূর্কে যে সর্কবিষয়ে মিলন

ছিল, সে মিলনের ভাবান্তর উপস্থিত হইয়াছে। সুতরাং প্রীতিপাত্রদ্বয়ের মধ্যে নবীন অমিলনের কারণ কষ্ট সমুপস্থিত করে। এই কষ্ট সেই কারণের প্রতি নিপুণভাবে দৃষ্টি স্থাপনের জন্তু নিয়োগ করে। প্রগাঢ় প্রীতির বন্ধন ছিন্ন হওয়া অসম্ভব হইয়াছে, কেন না উহা প্রশ্ন, যন ও ক্ষয়ের সহিত জড়িত হইয়া পড়িয়াছে। বন্ধনে আবদ্ধ থাকিয়া অমিলকে মিলে পরিণত করিতে হইবে, সুতরাং যতক্ষণ না অমিলের কারণ বাহির করিয়া তাহার সন্তিত প্রীতিপাত্রদ্বয় সামঞ্জস্য করিয়া লইতে পারে, ততক্ষণ প্রার্থনা চিন্তা অনুধ্যান হইতে তাহা কিছুতেই নিবৃত্ত থাকিতে পারে না। ক্রমিক প্রার্থনা, চিন্তা ও অনুধানে অমিলের নিগূঢ় তত্ত্ব বাহির হয়, এবং তন্মধ্যে চরিত্রের উচ্চতম ভাবের যে ক্রিয়া আছে, জানিতে পারিয়া পূর্বাপেক্ষা প্রীতি ও সম্মম বৃদ্ধি পায়। 'প্রীতি দীর্ঘকাল সহ করে' যে প্রীতির মধ্যে এ ভাব নাই, জানিও সে প্রীতি স্বর্গীয় প্রীতি নহে পার্শ্বিক। এ প্রীতি পরীক্ষার আঘাত কখন বহন করিতে পারে না। যে প্রীতি কোন কারণে তক্ষ হয় না, কষ্টে বিপদে পরীক্ষায় কেবলই বর্ধিত হয়, সে প্রীতি কেবল ইচ্ছাকালস্থায়ী তাহা নহে, পরকালেও তাহার গতি অপ্ৰতিহত। যাহাদিগের মধ্যে স্বর্গীয় প্রীতি আছে, তাঁহারা সত্য জ্ঞান পুণ্যের অনুসরণে কোন কারণে নিবৃত্ত হন না, একরূপ অনুসরণে মধ্যে মধ্যে পরস্পরমধ্যে না বোঝার জন্তু যে ক্রেশ উপস্থিত হয়, সে ক্রেশ চরমে প্রীতি ও আনন্দ বর্ধিত করিয়া দেয়, ইহা তাঁহারা জানেন বলিয়াই উদার ও সরল ব্যবহারে কখন তাঁহারা পশ্চাৎপদ হন না। 'প্রীতি দীর্ঘকাল সহ করে' ইহা তাঁহারা স্বজীবনে প্রতিনিয়ত পরীক্ষণ করিয়া দেখিয়াছেন, সুতরাং তাঁহারা ভীত হইবেন কেন? প্রীতি-নিবন্ধনে বন্ধ ব্যক্তিগণ কষ্টকে ভয় করেন না, অনীতি ও অধর্মকে ভয় করেন, ইহা যদি তুমি জানিতে, তাহা হইলে তুমি ও প্রকার প্রশ্ন আমায় কখন করিতে না।

বুদ্ধি। তুমি পূর্বে বলিয়াছ, প্রেমপাত্রের সহিত কোন বিষয়ে অনৈক্য উপস্থিত হইলে, 'প্রেম দীর্ঘকাল সহ করে' এই নিয়মে স্থিরতা সহকারে অনৈক্যের কারণ অনুসন্ধান করিলে প্রীতি ও সম্মমবর্ধক ভাবই নিরন্তর প্রকাশ পাইবে। একরূপ তুমি কিরূপে বলিতেছ? এমনও তো হইতে পারে যে, অনুসন্ধানে এমন কিছু চরিত্রের ভিতর হইতে বাহির হইতে পারে যাহাতে প্রীতি ও

সঙ্কম বৃদ্ধি না হইয়া অপ্রীতি ও অসঙ্কমই উপস্থিত হয়। এখনে 'প্রীতি দীর্ঘকাল সহ করে' এ নিয়মের সার্থকতা কি?

বিবেক। 'প্রীতি দীর্ঘকাল সহ করে' ইহার কতদূর বিস্তৃতি, তুমি বুঝিতে পার নাই বলিয়াই এরূপ প্রশ্ন করিলে। যদি ইহার বিস্তৃতি বুঝিতে পারিত, তাহা হইলে তোমার প্রশ্ন করাই অসম্ভব হইত। 'দীর্ঘকাল' অর্থ অনন্তকাল নয়, কিন্তু ইহার দীর্ঘতার পরিমাণ মানববুদ্ধির অগোচর, ইহা স্বীকার করিতে হইবে। ভাল মন্দ উভয় সম্বন্ধেই প্রীতি দীর্ঘকাল সহ করিবে, ইহাই নিয়ম। যদি প্রীতিপাত্রের মন্দ কিছু দেখিয়া প্রীতি অন্তর্হিত হয়, জানিও সে প্রীতি ষণ্ডার্থ প্রীতি নয়। মানুষ ভাল ও মন্দ উভয়বিমিশ্র। ভাল নিত্যকাল স্থায়ী, মন্দ অস্থায়ী। যাহা অস্থায়ী তাহাকে স্থায়ী মনে করিয়া প্রীতিপাত্রকে প্রীতি হইতে বঞ্চিত করিলে, এই দেখায় যে, যে ব্যক্তি প্রীতি হইতে বঞ্চিত করিতেছে তাহার মিথ্যাদৃষ্টি এখনও যায় নাই, অসত্যোত্তে বদ্ধ। সে ব্যক্তি দীর্ঘকাল সহ করিবে, তাহার সম্ভাবনা কোথায়? যে প্রীতি সত্যদৃষ্টি অর্পণ করে না, সে প্রীতি প্রীতি নহে, উহা পার্থিব মায়ামাত্র। যাহা কিছু দোষ দুর্বলতা, তৎপতি দৃষ্টি স্থির না করিয়া প্রীতিপাত্রের মধ্যে যে সকল স্থায়ী ভাব আছে প্রীতিমান ব্যক্তি তৎপ্রতি দৃষ্টিনিবদ্ধ রাখে, এজন্যই আমি পূর্বে বলিয়াছি চরিত্রের ভিতরকার ভাল ভাব অধিকার করিয়া প্রীতিকারী পূর্বাপেক্ষা আরও প্রীতিপাত্রের প্রতি প্রীতিমান ও সঙ্কমশালী হয়। অস্থায়ী দোষ দুর্বলতাকে ক্ষমার নয়নে যে ব্যক্তি দেখিতে পারে না, তাহাতে প্রীতি কোথায়?

বুদ্ধি। তুমি পূর্বে যাহা বলিয়াছিলে তাহাতে যেন প্রীতিপাত্রের মধ্যে মন্দ কিছুই নাই, সবই ভাল, এইরূপ বুঝায় বলিয়া তোমায় আমি ওরূপ প্রশ্ন করিয়াছিলাম। আচ্ছা বল দেখি, দোষ দুর্বলতা দেখিয়াও না দেখা বা ক্ষমার দৃষ্টিতে দেখা, ইহা কি প্রীতির বিপরীত ব্যবহার নহে? রোগ দেখিয়া যে চক্ষু মুদিয়া থাকে, কিছু করে না, তাহাতে কি বাস্তবিক প্রীতি আছে?

বিবেক। আমি যাহা বলিলাম, তুমি তাহার অর্থ বুঝিতে পারিলে না, তাই ওরূপ বলিলে। আমি বলিলাম প্রীতিমান ব্যক্তি দোষ দুর্বলতার প্রতি দৃষ্টি রাখে না, সে সকলকে সে ক্ষমার দৃষ্টিতে দেখে, ইহার অর্থ এই যে, দোষদর্শী চক্ষু দোষ দেখিতে দেখিতে প্রথমতঃ বীতরাগ তৎপর ঘণায় পূর্ণ হয়। প্রীতিমান

বিবেক । বয়স্ক হইবে না ইহা তুমি কি প্রকারে বুঝিলে ? বৃদ্ধেরা প্রাপ্ত-বয়সকে কোন বিষয়ে বালকের মত গ্রহণ করে না । যখন কোন ব্যক্তি বালক ছিল, তখন তাহার মতামতের উপর নির্ভর না করিয়া ভারপ্রাপ্ত ব্যক্তিগণ আপনারা যাহা ভাল বুঝিত, তাহার সম্বন্ধে তাহাই করিত । এখন কোন একটি মীমাংসিতব্য বিষয় উপস্থিত হইলে, অল্প দশজনের মধ্যে তাহারও মত গৃহীত হয় । বয়সে ঈশ্বরপ্রদত্ত যে অধিকার সে পাইয়াছে, ভারপ্রাপ্ত ব্যক্তিগণ যদি তাহার সম্মান না করে তাহা হইলে তাহারা তজ্জন্ত অপরাধগ্রস্ত হয়, এবং ঈশ্বরিক নিয়মে তাহাদিগের ভার চলিয়া যায় । ঈশ্বরপ্রদত্ত অধিকার পাইয়াও যে ব্যক্তি অন্তরের প্রেরণা অনুসরণ না করিয়া বালকের ত্রায় অবোধের ত্রায় অন্তরের প্রেরণার বিরোধে ভারপ্রাপ্ত ব্যক্তিগণের অনুরোধে কোন কার্য করে, তাহাদের সঙ্গে অন্তরের প্রেরণার মিলন সাধন করিয়া লইয়া সর্বপ্রকার বিরোধের দ্বার অবরুদ্ধ করিতে যত্ন না করে, সে ব্যক্তিও কখন নিরপরাধী হইতে পারে না । কর্তব্য এই যে, ভারপ্রাপ্ত ব্যক্তিগণের অবমাননা করিব না, এসম্বন্ধে দৃঢ় পণ রাখিয়া আপনার ভিতরে ঈশ্বরের যে প্রেরণা উপস্থিত তাহাদিগকে সে সেই প্রেরণাধীন করিয়া লইবে । বিশ্বাসী ব্যক্তিকে, জানিও, ঈশ্বর স্বয়ং এ বিষয়ে সাহায্য করেন ; তবে এখানে বড়ই ধৈর্য, সহিষ্ণুতা ও বিশ্বাসের প্রয়োজন ।

সঙ্গদোষগুণ ।

বুদ্ধি । সঙ্গের দোষগুণ সহজে সংক্রামিত হয় সকলেই বলে । এ সংসারে থাকিতে গেলে কত প্রকার লোকের সঙ্গ করিতে হয়, কৈ সে সঙ্গজন্ত দোষগুণ কি কোথাও সংক্রামিত হইতে দেখিয়াছ ? আমার মনে হয়, হুএকটি দৃষ্টান্ত দেখিয়া লোকে এরূপ সিদ্ধান্ত করিয়াছে । হুএকটি ব্যতিক্রম দেখিয়া এরূপ সিদ্ধান্ত করা কি বুদ্ধিমান ব্যক্তির পক্ষে উপযুক্ত ?

বিবেক । সংসারে থাকিতে গেলে অনেক লোকের সহিত সঙ্গ করিতে হয়, তাহাতে দোষগুণ সংক্রামিত হয় না, ইহা দেখিয়া সঙ্গে দোষগুণ সংক্রামিত হয় না, এরূপ সিদ্ধান্ত করাতে তোমার অনবধানতা প্রকাশ পাইতেছে । কাজ, কর্মে বা অন্য উপলক্ষে কণিক সঙ্গ জীবনের উপরে কার্য করিতে না পারে, কিন্তু বাহাদের সঙ্গে বন্ধুতাপুত্রে আবদ্ধ, পরস্পরের প্রতি অনুরাগ আছে, হৃদয়ের

টান আছে, সেখানে দোষগুণ সংক্রামিত হওয়া একান্ত অপরিহার্য। বদ্ধতা, অহুরাগ, হৃদয়ের টান দোষগুণ সংক্রামিত হইবার কারণ ইহা যখন হির সিজাত, তখন অসৎ অসাধু ব্যক্তিদ্বিগের সহিত যদি বদ্ধতা না থাকে, কেবল সময়ে সময়ে কর্তব্যোপলক্ষে সাক্ষাৎ করিতে হয়, এবং তাহাদের অসাধুতার উপরে ঘৃণা থাকে, তাহা হইলে তাহাদের দোষ সংক্রামিত হইতে পারে না। তেমনি আবার সাধুগণের সঙ্গে যাহারা সময়ে সময়ে কার্যোপলক্ষে আসিয়া দেখা সাক্ষাৎ করে, অথচ তাহাদের সঙ্গে বদ্ধতা নিবন্ধ করে না, তাহাদিগেতে কখন সাধুগুণ সংক্রামিত হয় না।

বুদ্ধি। ধাম, ধাম, সাধুগণের সঙ্গে সময়ে সময়ে আসিয়া কার্যোপলক্ষে কেন, ২৪ ঘণ্টা একত্র বাহারা বাস করে, তাহাদের অসাধুতা দুর্দান্ততা দিন দিন বাড়ে, এ দৃষ্টান্ত বিরল নয়। এই দৃষ্টান্তই বলিয়া দিতেছে সঙ্গগুণ দৈবাৎ সংক্রামিত হয়।

বিবেক। আমি বলিয়াছি বদ্ধতা, অহুরাগ, হৃদয়ের টান যেখানে আছে, সেখানে গুণ সংক্রামিত হয়। সাধুর সঙ্গে ২৪ ঘণ্টা বাস করিলে কি হইবে? তুমি কি বলিতে পার তাহাদের সাধুগণের প্রতি বদ্ধতা অহুরাগ বা হৃদয়ের টান ছিল? যদি থাকিত, তাহারা নিশ্চয় সাধু হইয়া যাইত।

বুদ্ধি। হাঁ পা, দৈতাকূলে কি প্রহ্লাদ হয় না?

বিবেক। এক প্রহ্লাদই সাধু হইয়াছিলেন। বলিতে পার দৈতাকূলে আর কয়জন সাধু হইয়াছিল? যদি বল, বলি একজন ভরু ছিলেন, তাহারও সাধু প্রহ্লাদের সাধুতাসংস্পর্শে। দৈত্য দীর্ঘকালব্যাপী হইলেও নিত্যকালব্যাপী নয়, ইহাদের জীবন ইহাই দেখায়। নিত্যকালের কথা দূরে রাখিয়া দীর্ঘকালের কথাই আলোচ্য বিষয়। একত্রই বলিতেছি, কোন এক বংশে যদি পাঁচটি ভাই থাকে, তাহাদের মধ্যে বড় তিনটি ঘোর পাপাচারী, তাহা হইলে আর দুটি তাহাদের দৃষ্টান্তে যে কি হইবে, ভিতরে ভিতরে কি হইয়াছে, সময়ে প্রলোভন আসিলে কি হইয়া পড়িবে, তাহার কি স্থিরতা আছে? সকল লোকেই অবশিষ্ট দুইটিকে সংশয়ের দৃষ্টিতে দেখে, কি জানি বা কবে কি হইয়া উঠে এই আশঙ্কায় সর্বদা শঙ্কিত থাকে। এরূপ আশঙ্কা কি মূলশূন্য না মিন্দনীয়? জানিও, এরূপ আশঙ্কা না থাকাই বিপদের কারণ।

বুদ্ধি । আচ্ছা, জনসমাজে সঙ্গদোষঃ পরিহার এবং সঙ্গের গুণ লাভের জন্য কিরূপে অবস্থান করা সমুচিত ?

বিবেক । জনসমাজে থাকিলে অনেক লোকের সঙ্গ ছুঁনিবার । এই সকল সঙ্গমধ্যে দুর্জনের সঙ্গ পরিহার করা সমুচিত । যদি পরিহার অসম্ভব হয়, তাহা হইলে দুর্জনতার প্রতি নিরতিশয় ঘৃণা পোষণ করিয়া সঙ্গ করিতে হইবে । সাধুগণের সঙ্গ সর্বদা অন্বেষণ করিবে । সাধুসঙ্গ ঘটিবার উপায় ভগবান্ উপস্থিত করিলেন, অথচ যদি তুমি ইচ্ছাপূর্বক সে সঙ্গ পরিত্যাগ করিয়া অর্পাদির প্রলোভনে সাধারণ জনগণের সঙ্গ করিতে প্রবৃত্ত থাক, তাহা হইলে তুমি আশ্রয়হীন হইবে । ইহা কি মনুষ্যের পরম সৌভাগ্য নয় যে, ঈশ্বর তাহাকে এ সংসারে সাধুজনের সঙ্গ মিলাইয়া দিলেন ? আর সমুদায় অভিলাষ ও লাভালাভ দূরে পরিহার করিয়া ঈদৃশ সঙ্গ আশ্রয় করা নিতান্ত কর্তব্য ।

বুদ্ধি । যাহারা উচ্চব্রতধারী তাঁহাদের নিয়ত সাধুসঙ্গ করা শোভা পায় । যাহারা সংসারী তাহাদের পক্ষে নিয়ত সাধুসঙ্গে কি প্রয়োজন ?

বিবেক । তুমি কি মনে কর, সংসারীদের ধর্ম ও ঈশ্বরে নিস্প্রয়োজন ? তাহাদের পক্ষেই তো সাধুসঙ্গ আরও প্রয়োজন । যদি কোন এক সংসারে একটা নারী অথবা নর ঈশ্বরপরায়ণ ও ধ্যানযোগাদিতে অনুরক্ত থাকেন, সে কুলের পুত্রকন্যাগণ, এমন কি দাসদাসীগণ পর্যন্ত, সুশীল ও ধর্মনিষ্ঠ হয়, ইহা কি তুমি দেখ নাই ?

বুদ্ধি । এ দৃষ্টান্ত তো আমার চক্ষুর সম্মুখে আছে ।

বিবেক । যদি এ দৃষ্টান্ত চক্ষুর সম্মুখে থাকে, তাহা হইলে কোন গৃহের জ্যেষ্ঠগণ যদি তুরাচারী হয় সে গৃহের কি দুর্দশা হয় তাহা কি দেখ নাই ?

বুদ্ধি । হাঁ, দেখিয়াছি এক সেরূপ দুর্দশার দৃষ্টান্তও চক্ষুর সম্মুখে ভাসিতেছে ।

বিবেক । তবে কেন ভোগাসক্তগণের অপমানকাত্য, নিন্দা, এমন কি আপনার সকল কতি বহন করিয়া সাধুসঙ্গ আশ্রয় করিবার পক্ষে তোমার প্রবৃত্তি নাই ? সাধুসঙ্গ কিনা কি সংসারী জনের অন্য উপায় আছে ? এ উপায় পরিত্যাগ করা আশ্রয়হীন, ইহা তো আমি তোমায় পূর্বেই বলিয়াছি । কোথাও গেলে কুসঙ্গ ঘটিবে, ইহা যদি জানিতে পাও, সেখানে প্রাণান্তেও পদার্পণ করিও না ।

কিন্তু যদি শোন অমুক স্থানে গেলে সাধুসঙ্গ হইবে; কোন বাধা না মানিয়া সেখানে গমন করিও, নিশ্চয় তোমার কল্যাণ হইবে। কোথায় ভয়ের স্থান, কোথায় অভয়ের স্থান তোমায় বলিলাম, মানা না মানার দায়িত্ব তোমার উপরে।

দৈত্য ও সাধু।

বুদ্ধি। দেখ বিবেক, এতদিন তুমি যে সকল কথা আমায় বলিয়াছিলে, সে সকলেতে আমার বিলক্ষণ সায় ছিল, এক দিনের জন্তও তোমার সঙ্গে আমার ভিন্ন মত হয় নাই। গতবারে তুমি যে সকল কথা বলিয়াছ, তাহাতে আমার মন একটুও সায় দেয় নাই, কেবল গ্রহণ করিতে পারি নাই তাহা নহে, তোমার ও আমার মধ্যে যেন একটা বিচ্ছেদ ঘটিয়াছে। আমি জানি তুমি আমার প্রাণের সহিত ভালবাস, এবং তুমি ও আমি এক হইয়া যাই, ইহা তোমার সুদৃঢ় অভিলাষ। যদি আমি ইহা না জানিতাম, তাহা হইলে গতবারের কথায় আমার মন যে প্রকার হইয়া গিয়াছে, আর তোমায় কিছু জিজ্ঞাসা করিতেই আসিতাম না। আমাদের দুজনের মধ্যে বিচ্ছেদ না ঘটে এজন্ত তোমায় জিজ্ঞাসা করি, আমি কোতুকচ্ছলে দৈত্যকুল বলিলাম, আর তুমি সেইটিকে সত্য বস্তুর স্থায় গ্রহণ করিয়া তাহার উপরে এত কথা বলিলে কেন? তুমি দৈত্যকুল বল কাহাকে? দৈত্য অতি ঘণাসূচক কথা। ঐ কথা তুমি সত্যবৎ ব্যবহার করিয়াছ বলিয়া আমার মনে বড়ই তোমার প্রতি বিতৃষ্ণা জন্মিয়াছে।

বিবেক। বুদ্ধি, তুমি মনের ভিতর বিতৃষ্ণা পোষণ না করিয়া যে আমায় মনের কথা বলিলে, ইহাতে আমার বড়ই আশ্চর্য হইল। গতবারে প্রথমে যে দিন প্রকাশে তোমার সঙ্গে আলাপ হয়, সে দিন তুমি আপনি বলিয়াছ 'তুমি ও আমি একবংশজাত।' তুমি ও আমি যে এক বংশজাত, নামে ভিন্ন বস্তুতঃ এক, ইহাতে কোন সন্দেহ নাই। তুমি কি মনে কর, আমি তোমার সঙ্গে কোন কারণে বিচ্ছেদ ঘটাইব? জানিও মিল করিয়া লইবই লইব। তুমি শুধু বুদ্ধি নও ধর্মবুদ্ধি; ধর্মবুদ্ধি ও আমি কি ভিন্ন? তুমি আর কিছু চাও না ধর্ম চাও, এই এক কথাই তোমার সঙ্গে আমার চিরমিলন রক্ষা করিবে। সে কথা যাউক, দৈত্য এই শব্দ ব্যবহার করাতে তোমার কষ্ট হইয়াছে। একটু বিবেচনা করিয়া দেখিলে বুঝিবে, দৈত্য ও দেবতা সংজ্ঞা কেবল কতকগুলি গুণ লইয়া। শম, দম, ঈশ্বরপরায়ণতা প্রভৃতি দেবগুণ, এ সকল যাঁহাদিগেতে থাকে, তাঁহারা

দেবতা । ইঞ্জিয়াসক্তি, ক্রোধ, ঘেঘ হিংসাদি আশুর গুণ, এই সকল বাহাদিগোক্তে থাকে তাহারা দৈতা । প্রত্যেক মানুষের ভিতরেই দেবতা ও দৈতা স্থিতি করিতেছে । দৈতাকে পরাজয় করিয়া দেবতার আধিপত্য স্থাপন করিতে হইবে ইহার অর্থ এই যে ইঞ্জিয়াসক্তি ক্রোধ ঘেঘাদি নির্জিত করিয়া শম, দম, ঈশ্বর-পরায়ণতা প্রভৃতি গুণসম্পন্ন হইতে হইবে । যে সকল ব্যক্তিতে কেহই ইঞ্জিয়াসক্তি প্রভৃতি দৃষ্ট হয়, তাহারা ও তাহাদিগের সংস্রবে বক্তীগণ সংশয়াস্পদ, একথা শুনা কি তোমার চিত্তের পক্ষে উদ্বেগকর ? যদি তাহা না হয় তাহা হইলে আর সে দিন বাহা তোমায় বলিয়াছিলাম, তাহাতে তোমার এত বিরক্ত হইবার কারণ কি ? আমি যদি তোমায় সাবধান না করি তাহা হইলে কি আমার কর্তব্যতার হানি হয় না ? আমি যাহা বলি, তাহা যদি অজ্ঞানতাবশতঃ কোন ব্যক্তি অসুপযুক্ত স্থলে নিয়োগ করে তাহা হইলে বল তাহাতে আমার অপরাধ কি ? জানিও, আমি কেবল তোমায় সত্য বলিয়া যাই, নিয়োগ প্রয়োগের সহিত আমার কোন সম্বন্ধ নাই । বুদ্ধিতেদে উহা ভিন্ন হইবেই ।

বুদ্ধি । কি ভাবে দৈতাশব্দ ব্যবহার করিয়াছ বুঝিলাম । তুমি সে দিন সাধু শব্দ ব্যবহার করিয়াছ, তাহাতে আমার মনে সন্দেহ হইয়াছে, তুমি কতকগুলি লোককে নিষ্পাপ মনে কর । মানুষ কি নিষ্পাপ হইতে পারে ? সাধুসঙ্গের অত গুণকীর্তনও আমার ভাল লাগে নাই, কেন না তাহার মধ্যে কোন অভিসন্ধি আছে মনে হইয়াছে ।

বিবেক । সাধুশব্দে নিষ্পাপ, এ অর্থ তুমি বুঝিলে কি প্রকারে ? সাধু ও সাধক এই দুই যে প্রতিশব্দ । শাস্ত্রকারেরা এজগুই যে ব্যক্তি অনন্যমানে ঈশ্বরের ভজনা করে তাহাকেই সাধু বলেন । সাধু নিষ্পাপ শাস্ত্রে একথা নাই, এই আছে যে,—অনন্যমানে ভজনশীল ব্যক্তি চুরাচার হইলেও সে ভাল পথ ধরিয়াছে বলিয়া তাহার সাধুত্ব, কেন না সে শীঘ্রই ধর্মীয়া হইবে । সাধুসঙ্গের অত গুণকীর্তন তোমার ভাল লাগে নাই, ইহাতে আমি দুঃখিত হইলাম । সকল ব্যক্তিরই আপনা হইতে শ্রেষ্ঠ ব্যক্তিগণের সঙ্গে সঙ্গ হওয়াই শ্রেয়স্কর । অশ্রেষ্ঠ ব্যক্তির সহিত সঙ্গ হইলে নিজের গর্ভ বাড়ি এবং সঙ্গ গুণে হীনতা উপস্থিত হয়, ইহা কি তুমি দেখে নাই ?

সূক্ষ্ম পাপেও সাবধানতা ।

বুদ্ধি । আমি নারীজাতি ; তুমি মনের ভিতরে অত কথা রাখিয়া কোন কথা বলিলে, আমি ঠিক তাহার জাব পরিগ্রহ করিব, তাহা কি সম্ভব ? বাড়ীক একটা কথা তোমার জিজ্ঞাসা করি, ঈশা এ কথা কেন বলিয়াছেন "সামান্য বিষয়ে যে ব্যক্তি বিশ্বস্ত সে মহৎ বিষয়েতেও বিশ্বস্ত, এবং যে ব্যক্তি সামান্য বিষয়ে অত্যাচারী, সে ব্যক্তি মহৎ বিষয়েও অত্যাচারী ?"

বিবেক । তুমি যখন আপনাকে নারী বলিয়া স্বীকার করিলে তখন একটা তোমার জ্ঞান আখ্যায়িকার এরূপ বলার কারণ বলিতেছি । কোন একটা বৃদ্ধার একটি ভগিনীপুত্র ছিল । সে প্রতিদিন পাঠশালা হইতে কিরিবার সময়ে কোন দিন কাহারও একখানি কাগজ, কোন দিন একটি কলম, কোন দিন একটি পেন্সিল বাড়িতে লইয়া আসিত । সামান্য তুচ্ছ বস্তু আনে বলিয়া বৃদ্ধা তাহাকে একদিনও এরূপ কার্য হইতে বিরত হইতে উপদেশ দেয় নাই বা ডংসনা করে নাই । সময়ে এই বালকটি চোর হইল, চরিত্র মন্দ হইয়া গেল, একটি এমন অপরাধ করিল যে, সে অপরাধে তাহার প্রাণদণ্ডের আদেশ হইল । যখন সে ফাঁসিকাঠে উঠিবে, তখন তাহার বৃদ্ধা মাসীর সহিত সাক্ষাৎ করিবার অভিলাষ প্রকাশ করিল । বৃদ্ধা নিকটেই দাঁড়াইয়া কাঁদিতেছিল, তখনই তাহাকে রাজ-পুরুষগণ যুবকের নিকটে উপস্থিত করিল । যুবক তাহার কর্ণে কর্ণে কিছু কহিবে এই ছল করিয়া বৃদ্ধার কর্ণের নিকটে মুখ রাখিয়া গেল । কথা কহা দূরে থাকুক সে তাহার স্নতীক্ষ দস্ত্রযোগে বৃদ্ধার কর্ণচ্ছেদন করিয়া ফেলিল । ইহাতে সকলেই ঘোর ছরাঝা ! ঘোর ছরাঝা ! বলিয়া চিৎকার করিয়া উঠিল । তখন সেই যুবক বৃদ্ধার আঙ্গোপান্ত ব্যবহার বর্ণন করিয়া বলিল, যখন সে ক্ষুদ্র পাপে প্রবৃত্ত হইয়াছিল তখন যদি তাহার মাতৃস্বসা তাহাকে নিবারণ করিত তাহা হইলে আজ তাহাকে ফাঁসিকাঠে প্রাণ দিতে হইত না । এখন ঈশার কথার মর্ম কি বুঝিলে ? জানিও বৃহৎ রোগের মূল অতি সূক্ষ্ম ও ক্ষুদ্র, সাধারণ লোকে উহা ধরিতে পারে না, কিন্তু সময়ে উহা হইতেই প্রাণবিনাশ হয় । আত্মার পাপাচরণসম্বন্ধেও ঠিক এই কথা । পাপের রেখামাত্র দেখিতে পাইলেই অমনি সাবধান হইবে, অপরকে সাবধান করিবে, ইহাই তোমার নিত্য কর্তব্য । সামান্য

ধর্মতত্ত্ব ।

বিষয়ে যে বিশ্বস্ত তাহাকে মহৎ বিষয়েও বিশ্বাস করা যায়, ইহা আর বুঝান
সিদ্ধায়োজন ।

শীঘ্রকারিতা ।

বুদ্ধি । আচ্ছা যত্ন কেন বলিলেন 'ধর্মের সীদতি সঙ্করঃ' যে তাড়াতাড়ি করে
তাঁহার ধর্ম অবসাদগ্রস্ত হয়, আর ইংরাজিতেই বা এ কথাটা কেন প্রচলিত
আছে "There is no Divinity in hurry ?" 'শুভ্র শীঘ্রম্' এ প্রচলিত কথা
কি তবে কিছুই নয় ?

বিবেক । 'শুভ্র শীঘ্রম্' এ কথা কিছুই নয় তাহা নহে । এমন কতকগুলি
কার্য আছে, যাহা তখন তখনই না করিলে আর করা হয় না, সেগুলিতে 'শুভ্র
শীঘ্রম্' এই কথা খাটে । আর কতকগুলি কার্য আছে যাহা সেই মুহূর্তের জন্ত
নহে সমুদায় জীবনব্যাপী অর্থাৎ তাহার ফলাফল সমুদায় জীবন ভোগ করিতে
হইবে । যে সকল কার্যের ফল সমুদায় জীবনব্যাপী, সে সকল কার্যে তাড়াতাড়ি
করিলে ধর্ম অবসাদগ্রস্ত হয়, তাড়াতাড়িতে দেবত্ব প্রকাশ পায় না, ব্রাহ্মি ও
মোহ আসিয়া দেবত্বের বিরোধী ভাবের দ্বারা মানুষকে পরিচালিত করে, ইহাতে
চিরজীবনের জন্ত দুর্ভোগ ভুগিতে হয় ।

কোন দান গ্রহণীয় ।

বুদ্ধি । কোন একটি দান স্বয়ং আসিয়া উপস্থিত হইলে তুমি কি উহার
ঈশ্বরের দান বল না ?

বিবেক । কোন একটি দান স্বয়ং উপস্থিত হইলে ঈশ্বর হইতে উপস্থিত
ইহা সহজে লোকের মনে হয়, কিন্তু সকল সময়ে একরূপ মনে করা ঠিক নয় ।
কোন ব্যক্তির পীড়িতাবস্থায় দূরস্থ কোন বন্ধু যদি তৎসময়ে তাহার পক্ষে অপধ্য
বস্ত প্রেরণ করেন, তাহা হইলে স্বয়ং আগত দান বলিয়া কি তখনই উহা
উদয়সাৎ করিতে হইবে ? কোন দান স্বয়ং উপস্থিত হইলেও জীবনের সহিত
উহার উপযোগিতা আছে কি না, উহার সঙ্গে অধর্মের সংস্রব আছে কি না,
ইহা ভাল করিয়া দেখিয়া সে দান স্বীকার করা উচিত । তুমি কি বলিতে পার,
কোন একটি দান তোমার বিশ্বাস পরীক্ষা করিবার জন্ত প্রেরিত হয় নাই ? যে
দান আইসে তাহা জীবনের উপযোগী ও ধর্মসঙ্গত দেখিলে বা উহা জীবনের
উপযোগী ও ধর্মসঙ্গত করিয়া লইতে পারিলে আর কোন গোল থাকে না ।

বর্তমান ।

ব্যবসায় ।

বুদ্ধি । বর্তমানাবস্থার উপযোগী একটি কথা জিজ্ঞাসা করি । মানুষের পক্ষে সকল ব্যবসায়ই কি সমান বিশুদ্ধ নয় ?

বিবেক । দেখে বুদ্ধি, কোন ব্যবসায়ই স্বয়ং অশুদ্ধ বা নীচ নয়, সকলই সমান বিশুদ্ধ ও উচ্চ । তবে কি না এখন মানুষসমাজের নীচাবস্থা জন্ম ব্যবসায়সকলও নীচ ও উচ্চ শুদ্ধ ও অশুদ্ধ হইয়াছে । যে কোন ব্যবসায় চালাইতে গিয়া সমাজের মন্দ অবস্থা জন্ম অধর্ম না করিয়া চালান যায় না, সে ব্যবসায় তখনই ছাড়িয়া দেওয়া উচিত, কেন না এরূপ ব্যবসায় ধর্মজীবনের ক্ষতি করে, এমন কি ধর্মে প্রবেশাধিকার পর্য্যন্ত অবরুদ্ধ করিয়া দেয় । তুমি ধর্মবুদ্ধি, তোমাতে ধর্ম নিত্য জয়যুক্ত হইতেছেন, অধর্মসংস্কৃত সংসার অপদস্থ হইতেছে, ইহা দেখিলেই আমার আহ্লাদ । জানিও আমি তোমার নিকটে ইহাই চাই, এতদ্ব্যতীত আমার অন্য কোন অভিলাষ নাই, ইহাই আমার পক্ষে প্রচুর পুরস্কার । এ সম্বন্ধে সাহায্য করিবার জন্ম আমার চির অক্ষুণ্ণ যত্ন থাকিবে ।

বুদ্ধি ও বিবেকের বিরোধ ।

বুদ্ধি । বিবেক, তুমি বলিয়াছিলে 'তুমি ও আমি একবংশজাত, নামে ভিন্ন বস্তুতঃ এক,' অথচ তোমার ও আমার মধ্যে অনেক সময়ে বিরোধ ও অমিল উপস্থিত হয় কেন বলিতে পার ?

বিবেক । আমি যাহা বলিয়াছি তাহা ঠিকই বলিয়াছি । কিরূপে তোমার ও আমার প্রার্থনাব হইয়া বলিলেই বুঝিবে তোমার সঙ্গে আমার কেমন জ্ঞাতীয়-সম্বন্ধ । সংশয় ও বিতর্ক মানুষের মনে যখন বিচার উপস্থিত করে, উভয় দিকে সমান যুক্তি আসিয়া দাঁড়ায়, তখন মন দোলায়মানাবস্থায় তটস্থভাবে স্থিতি করে । তুমি আসিয়া তাহার তটস্থতা দূর কর । এই তটস্থতা দূর করিবার সময়ে অবস্থান্তরে তোমাতে দুই ভাব প্রকাশ পায়—এক শুদ্ধ বা ধর্মবুদ্ধির (pure reason) ভাব, আর এক মলিন বা সাংসারিকী বুদ্ধির (prudence) ভাব । তুমি যখন নির্মল থাক, প্রবৃত্তি বাসনা সকল তোমায় আচ্ছন্ন করে না, তখন তুমি মানুষের সংশয়িতাবস্থায় সহজ ভাবায় এমন কথা বল যে, অমনি সংশয় চলিয়া যায়, কোন পক্ষ তাহার অবলম্বনীয় অমনি সে বুঝিয়া ফেলে ; কিন্তু যখন

অবস্থিতিবাসনার প্ররোচনার তুমি আচ্ছন্ন হইয়া পড়, তখন আপনার মন কিন্ত তাহাদের অভিরুচির সিদ্ধান্ত মাহুবে মনে তুমি মুদ্রিত করিয়া দাও, আর তাহারা বিভ্রান্ত হইয়া পড়ে। যখন তোমার শুদ্ধাবস্থা তখন তোমার সহিত আমি এক ও অতিরিক্ত, কিন্তু যখন তোমার মলিনাবস্থা উপস্থিত হয়, তখন আমি তোমা হইতে স্বতন্ত্র হইয়া ভিন্নাকারে প্রাচুর্য হই; 'ইহা নয় ইহা নয়' বলিয়া ক্রমাগত তোমার নিবেদন করিতে থাকি; নিবেদনে কর্ণপাত করিলেই অমনি করিতে হইবে তোমার বলিয়া দি। আমার জন্ম নাই, অথচ তোমা হইতে আমার প্রাচুর্য হয় বলিয়া তুমি আমার জন্মভূমি। সে যাহা হউক, এখন তোমার সঙ্গে বিরোধ হয় কেন বলি। মনে কর একজন বিবেকী ব্যক্তি তোমায় এমন একটা অবস্থার স্থাপিত করিবার জন্ত ক্রমাগত যত্ন করিতেছেন, যে অবস্থার স্থাপিত হইলে তোমার শুদ্ধতার কোন ক্ষতি হইবে না। সাংসারিকী প্রবৃত্তি আসিয়া তোমার বলিল, দেখিতেছ না, এ ব্যক্তিতে বন্ধু নয়, এ তোমায় কেবল ভুলাইতেছে। তুমি সেই প্রবৃত্তির কথায় কর্ণপাত করিয়া সে ব্যক্তির প্রতি রোষাঘিত হইলে এবং তাহার শুভাকাঙ্ক্ষার প্রতি সন্দেহান হইয়া, তিনি যেন তোমাকে ভুলাইবার জন্ত ক্রমাগত যত্ন করিতেছেন এই ভাবে তাহাকে ভৎসনা করিলে। বিবেকী ব্যক্তি কি করেন, মর্মান্বিত হইলেন। তিনি জানেন, তাহাকে তোমার ভাবনায় তুষানলে দগ্ন হইতে হইবে, বাহুভাবে তোমায় আর তিনি সাহায্য দিতে পারিবেন না, কেবল অন্তরে শুভকামনা রাখিয়া চিরদিন দগ্ন হওয়া ভিন্ন আর তাহার পক্ষে গত্যান্তর নাই। মনে কর, সংসার ও ধর্ম এ দুইয়ের ভিতরে পড়িয়া একজনের জীবনে সংগ্রাম উপস্থিত, বাই সে ধর্মের দিকে এক পদ অগ্রসর হইল, অমনি প্রবৃত্তির প্ররোচনায় তুমি আসিয়া তাহাকে বলিলে, তোমার বিষয়ভঙ্গা ছাড়িয়া ধর্ম প্রবৃত্ত হইবার কি প্রয়োজন? বিষয়ম্পৃহা রাখিয়া কি আর ধর্ম হয় না? সে ব্যক্তি তোমার কথা শুনিয়া পশ্চাৎপদ হইল, তুমি আপনাকে নিরাপদ মনে করিলে, কিন্তু জান না যে, সে ব্যক্তির মনকে আচ্ছন্ন রাখিবার জন্ত পরপর তোমায় কত কি উপায় অবলম্বন করিতে হইবে। প্রলোভনের বিষয় দিয়া অপনকে কর্তব্যকার্যে শিথিল করা একজন অন্তায় বলিয়া বুঝিল, সাংসারিক প্রবৃত্তির প্ররোচনায় তুমি তাহাকে অশুদ্ধরূপে বুঝাইয়া দিলে, সে ব্যক্তি তোমার কথায় ভুলিয়া গেল, প্রলোভন দ্বারা পরের অধর্ম-

ধর্মনাপরাধে সে চিরদিন কলুষিতচিত্তে রহিল। এইরূপ কত যে তোমার সঙ্গে আমার বিরোধের কারণ আছে, তাহা প্রকাশ করিয়া বলা বড়ই দুঃখকর ও অপ্ৰিয়। তুমি যখন স্বস্থ থাক প্রকৃতিস্থ থাক, সাংসারিকপ্রবৃত্তির কুহকে পড় না, তখন তুমি ও আমি এক। সাংসারিকপ্রবৃত্তির কুহকে পড়িলেই আমার সঙ্গে তোমার যে জ্ঞাতিত্ব ছিল, তাহার চিরপর্ষান্ত বিলুপ্ত হইয়া যায়। বল, এতদপেক্ষা আর ঘোরতর ক্রেশের কারণ কি আছে? এরূপ ক্রেশের অবস্থায় যদিও তুমি আমায় বিশ্বিত হও, আমি তোমায় কদাপি বিশ্বিত হইব না। আজ দুঃখের কাহিনী করিয়া তোমার নিকট বিদায় গ্রহণ করিতেছি; জানিও দুঃখিতান্তঃকরণতা কল্যাণেরই হেতু।

ভালবাসার পার্শ্বে নিষ্ঠুরতা ।

বুদ্ধি। বিবেক, তোমার ক্ষুরধারসদৃশ তীক্ষ্ণ বাক্যে আমার মর্ম্মচ্ছেদ হইয়াছে, অথচ ভিতরে স্বয়ং ভগবান্ কর্তৃক প্রতিষ্ঠিত তোমার প্রতি আমার টান কিছুতেই তোমার সঙ্গে সম্বন্ধ বিচ্ছিন্ন হইতে দেয় না। কি করিব, আবার তোমায় মনের কথা না বলিয়া থাকিতে পারি না। বল দেখি, এত ভালবাসার পার্শ্বে এত নিষ্ঠুরতা থাকে কি প্রকারে? তোমার ভালবাসার প্রতি আমি সংশয় করিতে চাই না, কিন্তু তোমার নিষ্ঠুরতা দেখিয়া আমি অবাক্। এ দুই বিপরীত ভাব আমি কিছুতেই মিলাইতে পারিতেছি না।

বিবেক। ভালবাসার পার্শ্বে নিষ্ঠুরতা কিরূপে এক ব্যক্তিতে থাকিতে পারে, ইহা মিলাইতে না পারিয়া এক ঈশ্বর, আর এক প্রায়তৎসমপরাক্রান্ত দৈত্য বা সন্ন্যাস প্রাচীন কালের লোকেরা স্থির করিয়াছেন। যে মাতৃস্তনের দুগ্ধ সন্তানের প্রাণরক্ষা করে, সেই মাতৃস্তনের দুগ্ধে বিষসঞ্চার হইয়া সন্তানের প্রাণবিনাশ করে, ইহা দেখিয়া প্রথমটি ঈশ্বরের কার্য্য দ্বিতীয়টি তাঁহার কার্য্যের বিরোধী কোন দৈত্যবিশেষের দুরাশ্রয়তা, ইহা সহজেই অজ্ঞ লোকে নির্দ্ধারণ করিবে, এ আর অসম্ভব কি? আজও অনেক জ্ঞানালোকসম্পন্ন ব্যক্তি ঈশ্বর ও সন্ন্যাসে বিশ্বাস করিতেছেন। সুখ আনন্দ শান্তি ঈশ্বর মনুষ্যগণকে বিতরণ করিতেছেন, তাঁহার বিরোধী সন্ন্যাস তাহাদিগকে ব্যাধি জরা মৃত্যু যন্ত্রণার অধীন করিতেছে। ভালবাসার পার্শ্বে নিষ্ঠুরতা থাকে কি প্রকারে, এই প্রশ্নের মীমাংসা করিতে না পারিয়াই যে, এরূপ বিকৃত মতের সৃষ্টি হইয়াছে, ইহা তুমি সহজেই

বুঝিতে পারিতেছ। তুমি কি দেখে নাই গভীর ভালবাসাই কেমন সময়ে নিষ্ঠুরতার বেশ ধারণ করে। মনে কর, তোমার চিকিৎসক তোমার প্রাণের সহিত ভালবাসেন, পিত্তা অপেক্ষাও তাঁহার স্নেহ সুকোমল। তোমার গায়ে একটি আঁচড় লাগিলে তাঁহার গায়ে বাধে। বখন তোমার পৃষ্ঠে দুঃসাধ্য ব্রণ উৎপন্ন হইয়াছে, সেই ব্রণে তোমার প্রাণসংশয় উপস্থিত, তখন সেই চিকিৎসক তোমার শরীর ক্ষতবিক্ষত করিবার জন্ত যে সকল আয়োজন করিতেছেন তাহা দেখিয়া তোমার প্রাণ শুকাইয়া যাইতেছে, তুমি কত অনুনয় বিনয় করিতেছ, কিছুতেই তিনি কর্ণপাত করিতেছেন না। হয়তো ঔষধ দ্বারা মুচ্ছিত করার অবস্থা তোমাতে নাই, সুতরাং তোমার চেতনাবস্থায় তিনি তীক্ষ্ণদৃষ্টিতে তোমার সমুদায় পৃষ্ঠ ছেদন করিতেছেন, তোমার আর্ন্তনাদে তিনি কর্ণপাত করিতেছেন না, কেন না সে আর্ন্তনাদে কর্ণপাত করিলে দূষিত স্থানগুলির সম্পূর্ণ উচ্ছেদসাধন অসম্ভব। এখানে কি তুমি বলিবে না, গভীর ভালবাসাই নিষ্ঠুরতার আকার ধারণ করিয়াছে? সেই চিকিৎসকই এক সময়ে তাঁহার নিজ পুত্রের ছুরারোগ্য রোগের শেষ প্রতীকারের উপায় কঠিনালী ছেদন করিয়াছেন। বল, এখানে গভীর পিতৃস্নেহই কি নিষ্ঠুরতা নহে? তুমি বলিবে, এ গেল মানুষের কথা। মানুষ দুর্বল সেতো আপনি কিছু প্রতিবিধান করিতে পারে না, ঈশ্বর সকলই পারেন, তবে তাঁহার ভালবাসার পার্শ্বে কেন নিষ্ঠুরতা দেখা যায়? দেখিতেছি, তিনি সর্বদাই প্রতীকারের যত্ন করিতেছেন, কেন না কোন বিষ দেহে প্রবেশ করিলে তাহাকে বিনাশ করিবার জন্ত তদ্বিনাশকারী বিষ দেহ হইতে তিনি বিনিঃসৃত করেন। যদি সেই বিষ প্রতিষ্ঠিত বিষকে বিনাশ করিতে না পারে উহাকে বাহিরে রোগাকারে প্রকাশ করিয়া পূষাদি উৎপাদন করেন এবং বাহিরে তদ্বিনাশী বিবিধ ঔষধ সৃজন করিয়াছেন, তদ্বারা উহার প্রতীকার করিয়া লন। এ সকল কি এই দেখায় না যে, নিজে যাহা একেবারে ভাল করিতে পারেন নাই, এগুলি তাহারই সংশোধন চেষ্টা। ইহাতে তাঁহার সর্বশক্তিমত্তা কোথায় থাকে? বুদ্ধি, জ্ঞানিও এরূপ ভাবা অসমগ্রদর্শন হইতে উৎপন্ন হয়। সমগ্র জগতের পদার্থ-সমূহের পরস্পর সম্বন্ধ একেবারে কেহ বুঝিতে পারে না, একজন্ত খণ্ডনঃ দেখিতে গিয়া দোষ প্রতীত হয়, সমগ্র একেবারে দেখিলে আর সে দোষ চক্ষে পড়ে না। তুমি বলিবে, যাহা আমরা কোন দিন জানিতে পারিব না, তাহা যুক্তিহলে

উপস্থিত করা বৃথা, এরূপ যুক্তি আমাদের পক্ষে কুযুক্তি ? হউক, তথাপি আমাদের অসমগ্রজ্ঞানের বিষয় অবগত হইয়া গর্ভপরিহার করিতে শিক্ষা করা উচিত । দেখ বুদ্ধি, নিদ্রিত থাকা তোমার স্বভাব ; জাগাইয়া না দিলে তুমি জাগ না । তোমাকে জাগাইবার জন্য ব্যাধি জরা মৃত্যু প্রভৃতি, ইহা কি তুমি মানিবে না ? তত্ত্বগ্রহণ, তত্ত্বানুসন্ধান, তত্ত্বনির্ষণ তোমার কার্য । যদি ব্যাধি উৎপন্ন না হইত, তুমি কখন শারীরতত্ত্ব, রসায়নতত্ত্ব প্রভৃতি অনুসন্ধান করিতে না, নির্ণয় করিতে না, গ্রহণ করিতে না । তুমি ব্রহ্মকল্পা, ব্রহ্মাংশ, তোমার শিক্ষা দেওয়া তোমার পিতা ঈশ্বরের প্রধান উদ্দেশ্য ।

বুদ্ধি । স্নেহশীল মানব এবং প্রেমময় ঈশ্বরেতে যাহা নিষ্ঠুরতা মনে হয়, তাহা নিষ্ঠুরতা নহে ভালবাসা, ইহা বুঝিলাম । তোমার কিন্তু কুরধারসদৃশ কথা নিষ্ঠুরতা, ভালবাসা নয় ।

বিবেক । তুমি যাহা বলিলে তাহাতে আমার প্রতি যে তোমার সংশয় জন্মিয়াছে, তাহাই প্রকাশ পাইতেছে । ঈশ্বর ও মানবে যাহা সত্য আমাতে তাহা সত্য নহে, এ তোমার কি প্রকারের কথা । আমি কি ঈশ্বর ও মানব হইতে স্বতন্ত্র ? তোমার এই সংশয়ই দেখাইয়া দিতেছে তোমার যে আবরককে বেদান্তিগণ মায়্যা ও অবিজ্ঞা, যোগিগণ মিথ্যা দৃষ্টি, এবং পৌরাণিকগণ সংসার বলেন, সেই আবরক তোমায় আবৃত করিয়াছে । দেখ তুমি স্বর্গের দেবী, ব্রহ্মের কল্পা, তোমাতে দেবাংশ বিরাজমান, তুমি আমার প্রভবস্থান । তোমার মুখে যখন দেবাংশের প্রকাশ দেখি, কত আরাম অনুভব করি, ও মুখ হইতে চক্ষু ফিরাইতে আর আমার অভিলাষ থাকে না । আমার লোকেরা ঐ দেবাংশ দেখিয়াই মুগ্ধ, এবং স্বগৃহে উহা নিয়ত দর্শন করিবেন এই উদ্দেশ্যে তোমায় তথায় রক্ষণে নিয়ত যত্নশীল ও অভিলাষী । যখন অসত্যের অন্ধকারে সংসার তোমায় চক্ষু আবৃত করে, তখন তোমার তত্ত্বগ্রহণ, তত্ত্বানুসন্ধান ও তত্ত্বনির্ষণ-শক্তি আবৃত হইয়া পড়ে, সকলই তুমি বিপরীত দেখ । এ সময়ে তোমার দেবাংশদর্শনে মুগ্ধ বিবেকিগণ তোমার নিকটে স্বার্থান্বেষী, যাহারা তোমার দেবাংশ দর্শন করে না বাহুগুণে আকৃষ্ট তাহারা তোমার আত্মীয়, যাহারা ধর্ম্যে প্রতিষ্ঠিত হয় নাই তাহারা ধর্মনিষ্ঠ, যাহাদের উপযুক্ত হইবার সম্ভাবনামাত্র আছে তাহারা সর্বতোভাবে উপযুক্ত, যাহারা অধর্মসংশ্রবী তাহাদিগকে অধর্মসংশ্রব করিও না এই

ধর্মতত্ত্ব ।

বলিয়া দিয়া তুমি নিশ্চিত, তাহাদের বর্তমানাবস্থায় অধর্মসংস্রবত্যাগ সম্ভব কি না তৎসম্বন্ধে তুমি অল্পসন্ধানবিরহিত । সংসার অসত্য দ্বারা তোমাকে বিভ্রান্ত করিয়াছে ইহা জানিতে পাইয়াও, অসত্য যাহাতে নিরসন হয় তুমি যদি তাহা না কর, বল তাহা হইলে মেঘনির্মুক্ত শশধরের স্থায় তোমার দেবাংশ জগতের নিকটে প্রকাশ পাইবে কি প্রকারে ? তোমার দেবাংশ নিয়ত অনাচ্ছাদিত থাকিবে, এজন্ত আমার এত যত্ন । ভবিষ্যতে লোকে যখন আমার ভূতকালের ক্রিয়া পর্যালোচনা করিবে, তখন নিশ্চয় তাহারা আমার সঙ্গে তোমার সম্বন্ধ দেখিবে । সে সময়ে যদি তাহারা দেখিতে পায়, অসত্যের ছায়া তোমার পিঠে পড়িয়া তোমায় মলিন করিয়াছিল, ধর্ম কোথায় তোমাতে জয়যুক্ত হইবে তাহা না হইয়া তিনি তোমাতে সঙ্কুচিত হইয়াছিলেন, দেবাংশের প্রকারে কোথায় তুমি আরাম ও শান্তির নিলয় হইবে, তাহা না হইয়া দুঃখ ও শোকের কারণ হইয়াছিলে, তাহা হইলে বল উহা কি সমূহ পরিতাপের বিষয় হইবে না ? ভবিষ্যতে এরূপ তোমার সম্বন্ধে কেহ না ভাবে এজন্ত আমি নির্ভুর বাক্য প্রয়োগ করি, ইহা যদি তুমি না বোঝ আমি কি করিব ? তোমার প্রতি একান্ত ভালবাসা যদি নির্ভুরতার আকারে তোমার নিকটে প্রকাশ পাওয়া প্রয়োজন হয়, তাহাতে কি আমি সুখী ? তুমি জান আমার বাণী কোন কালে নিদ্রিত নয়, মোহনিদ্রা ভাঙ্গাইবার জন্ত সর্বদা বজ্রনিম্নাদশীল । সে বাণী সকল অবস্থায় তোমার সঙ্গে থাকিবে, তোমার হিতের জন্ত কখন মৃদুমধুর, কখন ভীষণ হইবে । ইহাতে আমাতে কোন প্রকার বৈষম্য উপস্থিত এরূপ মনে করিও না, এইমাত্র আমার অনুরোধ ।

সাংসারিকতার লক্ষণ ।

বুদ্ধি । কি লক্ষণে বুঝিতে পারা যায় সাংসারিকতা উপস্থিত ?

বিবেক । সাংসারিকতা বুঝিবার পক্ষে একটি লক্ষণ নয় অনেকগুলি লক্ষণ আছে ; তবে প্রধান লক্ষণ অকৃতজ্ঞতা । যেখানে অকৃতজ্ঞতা উপস্থিত, জানিবে সেখানে সাংসারিকতা আধিপত্য লাভ করিয়াছে ।

বুদ্ধি । অকৃতজ্ঞতা কি প্রকারে সাংসারিকতার প্রধান লক্ষণ বুঝাইয়া দিলে ভাল হয় ।

বিবেক । সর্বপ্রথমে ঈশ্বর তৎপর মানবমানবীর প্রতি কৃতজ্ঞ হইবার

সহস্র কারণ আছে । মানুষ যখন সংসারী হয়, সংসারের অধীন হইয়া পড়ে, তখন সে আর ঈশ্বরের প্রতি কৃতজ্ঞ থাকিতে পারে না । কৃতজ্ঞ ব্যক্তি ঈশ্বরের ক্ষুদ্র ক্ষুদ্র যে সকল দান প্রতিনিমেঘে লাভ করিতেছে, সে সকলের জন্য ঈশ্বরের নিকটে আপনাকে চিরক্বে বদ্ধ অনুভব করে । এই অনুভূতি তাহাতে সতত জাগ্রৎ থাকতে কখন সে ঈশ্বরের ইচ্ছাবিরোধে কোন চিন্তা বা কোন অনুষ্ঠান করিতে পারে না । সংসারী ব্যক্তি ঈশ্বরের ক্ষুদ্র ক্ষুদ্র দানের প্রতি উপেক্ষাশীল ; সেগুলি যেন আপনা হইতে আসিতেছে, তাহাতে আর ঈশ্বরের নিকটে কৃতজ্ঞতাপাশে বদ্ধ হইবার কি প্রয়োজন, এইরূপ মনে করে । দৈনিক দানগুলির জন্য কৃতজ্ঞ হওয়া দূরে থাকুক, সে আপনার মানসিক কল্পনার প্রয়োচনার যে সকল বিষয় চায়, সে সকল পায় না বলিয়া সে ঈশ্বরের প্রতি নিরতিশয় বিরক্ত । ঈশ্বর তাহার নিকটে দয়াময় নহেন অতি নিষ্ঠুর । যেখানে দেখিবে দৈনিক দানের প্রতি অবহেলা, তজ্জগ্ৰ আনুগত্য স্বীকারে অনিচ্ছা, জানিবে সেখানে সংসার আপনার আধিপত্য স্থাপন করিয়াছে । তুমি মনে করিও না, ঈশ্বরকে মুখে প্রশংসা করিলে বা স্তুতিবাদ করিলে তাঁহার প্রতি কৃতজ্ঞতা প্রকাশ হয়, যথার্থ কৃতজ্ঞতা তাঁহার ইচ্ছাপ্রতিপালনে । ইচ্ছাপ্রতিপালনের অন্ম নাম ধর্ম । ধর্মের প্রতি যদি তোমার অবহেলা ঘটয়া থাকে, তুমি ঈশ্বরের প্রতি অকৃতজ্ঞ হইয়াছ, সংসার তোমায় অধিকার করিয়াছে । মানব মানবীর প্রতি অকৃতজ্ঞতাও সাংসারিকতা উপস্থিত না হইলে ঘটে না । যিনি একবার তোমার কোন উপকার করিয়াছেন, তৎপ্রতি তুমি আর কোন কালে কোন হেতুতে উপেক্ষা দেখাইতে পার না । তাঁহার নিকটে আনুগত্যস্বীকার কৃতজ্ঞতা । উপকার পাইয়া যেখানে আনুগত্য নাই, সেখানে সাংসারিকতা উপস্থিত ।

বুদ্ধি । ঈশ্বরের নিকটে আনুগত্য স্বীকারে কোন দোষ উপস্থিত হয় না । মানুষের নিকটে আনুগত্য স্বীকার করিতে গিয়া পাপে পড়িবার সম্ভাবনা আছে । আনুগত্যস্বীকার দেখিলেই মানুষ তাহা হইতে আপনার সম্ভটিসাধন করিয়া লইতে চায় । মানুষের সম্ভটিসাধন করিতে গেলেই পাপ করিতে বাধ্য হইতে হয় ।

বিবেক । কাহারও অনুরোধে তুমি পাপ করিতে পার না, কেন না পাপ করিলেই ঈশ্বরের প্রতি অকৃতজ্ঞতা উপস্থিত হয় । তুমি কি মনে কর যে, তুমি

ধর্মতত্ত্ব ।

ঈশ্বরের প্রতি অকৃতজ্ঞ হইয়া মানুষের প্রতি কৃতজ্ঞ হইবে ? ঈশ্বরের প্রতি পূর্ণ কৃতজ্ঞতা রক্ষা করিয়া তুমি মানুষের নিকটে প্রার্থোপকারের জন্য অনুরক্ত থাকিতে পার। এমন মানুষ পৃথিবীতে বিরল, যে ব্যক্তি কোন ঈশ্বরনিষ্ঠ ব্যক্তিকে আত্মসন্তুষ্টিসাধনের জন্য পাপ করিতে বলিতে সাহস করিতে পারে। তবে তোমার ইহা সর্বদা স্মরণে রাখা সমুচিত যে, উপকারী ব্যক্তির সন্তোষসাধন তৎপ্রতি কৃতজ্ঞতা প্রকাশের প্রকৃষ্ট উপায়। যদি তাঁহার সন্তোষসাধন তোমার বাসনা থাকে, তাহা হইলে তুমি এমন সকল উপায় অবলম্বন করিতে পার, যদ্বারা ঈশ্বর ও মানব উভয়েরই সন্তোষসাধন হয়। যদি কোথাও এমন হয় যে, ঈদৃশ উপায় থাকিতে তুমি তাঁহার সন্তোষসাধন না করিয়া তাঁহার ক্রোধের কারণ হইলে, তাহা হইলে জানিও তোমাতে সাংসারিকতা উপস্থিত। সেই সাংসারিকতা তোমার উপকারীর প্রতি উপেক্ষাশীল করিয়া তুলিয়াছে এবং কতকগুলি কুযুক্তি তোমার নিকটে উপস্থিত করিয়া তোমায় আচ্ছন্ন করিয়া ফেলিয়াছে। জানিও, তুমি এ সময়ে কেবল মানবের প্রতি অকৃতজ্ঞ নও, ঈশ্বরের প্রতিও অকৃতজ্ঞ ; কেন না ধর্ম তোমাতে বিপদগ্রস্ত।

পরীক্ষা ।

বুদ্ধি । বিবেক, তোমার যে সকল কথা আমার নিকটে তিক্ত ও মর্শ্বচ্ছেদকর হইয়াছিল, সেগুলি এই কয়দিনের মধ্যে একটা একটা করিয়া সত্য প্রমাণিত হইল, ইহা দেখিয়া আমি অবাক হইয়াছি। কথাগুলি সত্য প্রমাণিত হইবার কালে আমার যে বিষম অধিপরীক্ষায় পরীক্ষিত হইতে হইয়াছে, মনে হয়, তুমি তাহাতে আনন্দ অনুভব করিয়াছ। নিজের কথা সত্য প্রমাণিত হইলে কে আর না তাহাতে আনন্দ করে ? যদি তোমার আনন্দ হইয়া থাকে, তাহাতে আমি ক্লান্ত হইয়া কি করিব ?

বিবেক । বুদ্ধি, তুমি আমার প্রতি আর কেন সংশয় পোষণ করিতেছ ? আমি সে কথাগুলি কি তোমার এইজন্য পূর্ব হইতে বলি নাই যে, তুমি তৎপ্রতি কর্ণপাত করিয়া অধিপরীক্ষায় পড়িবে না ? তোমার কাছে আমার হৃৎ, এ কথা মনে করাই আমার প্রতি অত্যাচার। দেখ, সহসা আমি যে সকল হুলে নিবেদন করি সে সকল হুলে যদি সেই সকল অসুস্থিত হয়, তাহাতে কি আমার মর্শ্বপীড়া উপস্থিত হয় না ? জানিও ঐ সকল আমারই প্রতি অত্যাচার। আমি

আমাদের হইয়া সুখী, এতো অকৃতজ্ঞ

আমাদের হইয়া সুখী, এতো অকৃতজ্ঞ

আমাদের হইয়া সুখী, এতো অকৃতজ্ঞ

আমাদের হইয়া সুখী, এতো অকৃতজ্ঞ

আমাদের হইয়া সুখী, এতো অকৃতজ্ঞ

বুদ্ধি। তুমি আমার পূর্বে বলিয়াছিলে 'তুমি কি বলিতে পার, কোন একটা দান তোমার বিশ্বাস পরীক্ষা করিবার জন্ত প্রেরিত হয় নাই?' দান যে বিশ্বাস পরীক্ষার জন্ত প্রেরিত হয়, ইহার আমি বিলক্ষণ প্রমাণ পাইয়াছি, কিন্তু আমি বলিতে পারিতেছি না, দাতা জীবের সঙ্গে এরূপ ব্যবহার করেন কেন? পৃথিবীর দাতৃগণ সুখী করিবার জন্তই তো দান করেন, তাঁহারা তো আর পরীক্ষা করেন না।

বিবেক। দেখ, বুদ্ধি, পৃথিবীর দাতৃগণের সঙ্গে পরমদাতার তুলনা হয় না। পৃথিবীর দাতৃবর্গের ভাণ্ডার প্রযুক্ত নহে, বিশ্বপতির ভাণ্ডার সর্বত্র প্রযুক্ত। স্বর্গ ও মর্ত্যস্থ অসংখ্য অগণ্য দানসামগ্রীর মধ্যে আমরা বাস করিতেছি। সে সকল দানের কখন কোন্টি গ্রহণ করিলে আমাদের আত্মার সুখ ও কল্যাণ বর্দ্ধিত হইবে, ইহা কেবল অন্তরাত্মাই—অন্ত কথায় স্বয়ং বিশ্বপতিই বলিয়া দিতে পারেন। কতকগুলি দান আমাদের নিকটস্থ, কতকগুলি দূরস্থ, কতকগুলি আবার দূর হইতে নিকটে সমাগত। এ সকলগুলি দানসম্বন্ধেই নিয়ম এই যে, অন্তরাত্মার নির্দেশ অনুসারে উহাদিগকে ত্যাগ বা গ্রহণ করিতে হইবে। এসম্বন্ধে তাঁহার নির্দেশ অগ্রাহ করিলে পরীক্ষার পড়িতে হয়। সাধারণ ভাবায় বলিতে গেলে বলিতে হয়, লক্ষী অক্ষয় দেন, সরস্বতী ঐ সকলের কোন্টি গ্রহণ করিলে আমাদের সুখী হইবে তাহা তাঁহার অনুগত শিষ্যবর্গের নিকটে প্রকাশ করেন। অন্তরাত্মার নির্দেশ বুঝিবার সাহায্যার্থ আমি তোমায় সেবার বলিয়াছিলাম 'যে দান আইনে তাহা জীবনের উপযোগী ও ধর্মসঙ্গত দেখিলে বা উহা জীবনের উপযোগী ও ধর্মসঙ্গত করিয়া লইতে পারিলে আর কোন গোল থাকে না।' ইহাতেও যদি বা তোমার ভ্রম না মিটে, এজন্য তোমার প্রশ্ন অবলম্বন করিয়া 'সামান্য বিষয়ে যে ব্যক্তি অন্তরাচারী, মহৎ বিষয়েও সে ব্যক্তি অন্তরাচারী' এই বাক্যটি আখ্যায়িকাযোগে তোমায় বুঝাইয়া দিয়াছিলাম। বুদ্ধি, আমি আশা

করি, পরীক্ষায় তোমার চৈতন্যোদয় হইয়াছে; এখন আর তুমি অন্তরের আলোকের প্রতি কোন কারণে উপেক্ষা করিবে না। অন্তরাত্মা তোমায় যে যে বিষয়ে 'উচিত নয়' বলিয়াছিলেন, তুমি সেই সেই বিষয়ে অত্যাধীনতা বশতঃ অবহেলা করিয়াই তো অগ্নিপরীক্ষায় পড়িয়াছিলে এবং তাহাতেই মনে তোমার অপ্রসন্নতা আসিয়াছে। যাহা হইয়াছে তজ্জন্ম অমৃতপ্ত হইয়া ভবিষ্যতে আর অন্তরাত্মার কথায় অবহেলা করিব না প্রতিজ্ঞা করিলে, নিশ্চয় তোমার অপরাধের ক্ষমা হইবে; অন্তরে শান্তি ও সন্তোষ প্রত্যাগত হইবে; আমার সঙ্গে তোমার মিলন চির অক্ষুণ্ণ থাকিবে।

বুদ্ধি। বিবেক, আমি যখন অন্তরাত্মার নির্দেশ না মানিয়া পরীক্ষায় পড়িলাম, তখন আমার অন্তর্নিহিত দুর্বলতা প্রকাশ পাইল। বল, এরূপ অবস্থায় আমার প্রতি তোমার সম্বন্ধ পূর্ববৎ কি প্রকারে থাকিবে?

বিবেক। পরীক্ষা শিক্ষার জন্ম। লোকে শত উপদেশ পাইয়াও তদনুসারে কার্য্য করে না কেন? কোন একটি বিষয় যতক্ষণ সাক্ষাৎ উপলব্ধির বিষয় না হয়, ততক্ষণ সে বিষয়ের তথ্য ঠিক তাহার হৃদয়ঙ্গম হয় না। মনে কর, তুমি কোন একটি শিশুকে আগুন লইয়া খেলা করিতে নিষেধ করিলে, আগুন গায়ে বা কাপড়ে লাগিলে তাহার ঘোর যন্ত্রণা, এমন কি মৃত্যুর সম্ভাবনা ইহাও বুঝাইয়া দিলে, কিন্তু যাই তুমি আড়ালে গেলে অমনি সে আগুন লইয়া খেলা করিতে গিয়া হাত পোড়াইয়া ফেলিল। একবার যখন হাত পুড়িল, তখন সে তোমার উপদেশের সারবত্তা বুঝিতে সমর্থ হইল। যদি সে বুদ্ধিমান শিশু হয়, তাহা হইলে আর কখন তোমার উপদেশে সে অবহেলা করিবে না। শিশুর সম্বন্ধে যে নিয়ম, বয়স্কের সম্বন্ধেও সেই নিয়ম। কোন একটি বিষয়ের প্রতি একান্ত অমুরাগবশতঃ, ভ্রান্তিবশতঃ, অথবা অপরের প্রতি অযুক্ত নির্ভরবশতঃ অন্তরাত্মা বা তদালোকে আলোকবান লোকের কথায় বয়স্ক ব্যক্তি কর্ণপাত করে না, সে কথা অগ্রাহ্য করিয়া বিপরীত পথে সে পদার্পণ করে। কিন্তু যখন এইরূপ অনবধানতায় ঘোর পরীক্ষানলে সে নিপতিত হয় তখন তাহার চৈতন্যোদয় হয়, আর এরূপ অন্তরাত্মার কথায় কর্ণপাত না করিয়া পরীক্ষানল প্রজ্জলিত করিবে না বলিয়া সে প্রতিজ্ঞা করে। যদি সে প্রতিজ্ঞা সে অক্ষুণ্ণ রাখিতে পারে, তাহা হইলে জীবন নিরাশদ হয়। যখন আধ্যাত্মিক জগৎ সম্পর্কীয় বিষয়সমূহেতেও

পরীক্ষার পড়িয়া শিক্ষালাভের নিয়ম আছে, তখন একবার তুমি পরীক্ষার পড়িলে বলিয়া তোমার প্রতি সন্দেহ চলিয়া যাইবে কেন? বরং তুমি যদি একবার পরীক্ষার পড়িয়া পুনরায় তাদৃশ পরীক্ষায় পড়িবার পথ অবরুদ্ধ করিয়া দিতেছ দেখিতে পাই, তাহা হইলে পূর্বাপেক্ষা তোমার প্রতি সন্দেহ বাড়ি-বারই কথা।

বুদ্ধি। সন্দেহ বাড়িবে কেন? যে ব্যক্তি পরীক্ষায় পড়ে না, তৎপ্রতি সন্দেহ বাড়া উচিত। যে পরীক্ষায় পড়ে তাহার প্রতি সন্দেহ হ্রাস পাওয়াই সমুচিত।

বিবেক। বুদ্ধি, একটি বিষয় এখনও তোমার প্রত্যক্ষ উপলব্ধির বিষয় হয় নাই, তাহারই জন্ত তুমি একরূপ বলিতেছ। তুমি কি মনে কর, যে কারণে একবার পরীক্ষায় পতন হইয়াছিল, সে কারণ নিবৃত্ত হইয়াছে? সংসার যখন দেখিবে, তুমি একবার তাহার কুহকে পড়িয়া সাবধান হইয়া গেলে, আর তাহার নিকটে ধরা দিতেছ না, তখন সে আবার নূতন প্রলোভন উপস্থিত করিয়া ভয়-মৈত্র দ্বারা তোমাকে আপনার করিয়া লইতে যত্ন করিবে। তাহাতে তুমি যদি তাহার কুহকে না ভোল, বিবিধ মতে তোমাকে লালনা করিবে। পূর্বকালে ধর্মার্থে নিহত ব্যক্তির সংখ্যা অধিক ছিল, একালে অবস্থার পরিবর্তনে ধর্মার্থে আর নিহত হইতে হয় না, কিন্তু তদপেক্ষা সমধিক যাতনা ভোগ করিতে হয়। ধর্মার্থে নিহত ব্যক্তি একবার যন্ত্রণা পাইয়া মরিলেন, কিন্তু এখনকার লোকদিগকে ক্রমাগত যাতনা ভোগ করিতে হয়। একরূপ তুষানলে দগ্ধ হওয়া অপেক্ষা অগ্নিতে দাহ, পর্ব্বতশৃঙ্গ হইতে ভূমিপাতন প্রভৃতি কি অল্পদুঃখকর নয়? দেখ, তুমি একবার পরীক্ষায় পড়িয়া তৎপর যদি সংসারের প্রতিকূলে অন্তরাশ্রয় নির্দেশ মান্ত করিয়া চলিতে পার, তাহা হইলে তোমার প্রতি পূর্বাপেক্ষা সন্দেহ বাড়িবার পক্ষে কারণ আছে কি না? আর একটা বিশেষ কথা এই, যোর পরীক্ষায় পড়িয়া যে ব্যক্তি ঈশ্বরের রূপায় তাহা হইতে উত্তীর্ণ হয়, তাহার জীবনে বিশেষত্ব আছে, বিশেষ অভিপ্রায়সাধনের জন্ত তাহার জীবন, এইটি সহজে হৃদয়ঙ্গম হয়। কেন না কত লোকের জীবনে পরীক্ষা আসে, পরীক্ষায় তাহারা কোথায় ভাসিয়া যায়, ধর্মরাজ্যে আর তাহাদিগকে দেখিতেও পাওয়া যায় না। এ সকল জীবন সাধারণ, সুতরাং তাহারা পুনঃ পুনঃ পরীক্ষায় অধীন হয়।

রোগের প্রতীকার ।

বুদ্ধি । বিবেক, আমি দেখিতেছি অন্তরাশ্মার কথায় অবহেলা করিয়া আমি বিষম বিপাকে পড়িয়াছি । এখন আমি যাহা করিব না মনে করি, অনুরুদ্ধ হইয়া তাহাই আবার করিয়া ফেলি । আমি নিস্তেজ হইয়া পড়িয়াছি, আমার আর পূর্ক তেজ নাই । বল, ইহার তুল্য আর কি বিষম বিপাক হইতে পারে ? আমি যে আবার পূর্কবৎ তেজবিনী হইব, সে আশা আমার দুর্বল হইয়া পড়িতেছে । ‘পুত্রের বিরোধে পাপ করিলে ক্ষমা আছে, পবিত্রাত্মার বিরোধে পাপ করিলে ক্ষমা নাই’ একথার অর্থ কি, এখন একটু একটু আমি বুঝিতে পারিতেছি ।

বিবেক । বুদ্ধি, তুমি নিরাশ হইও না । দেখে যদি কোন বিষম মারাত্মক রোগ উপস্থিত হয়, তাহা হইলে রোগী কষ্টে আরোগ্য লাভ করিলেও দেহ অনেক দিন পর্য্যন্ত এমনই ভগ্নাবস্থ হইয়া থাকে যে, অল্প একটু বাহিরের জল বা বায়ুর অবস্থাপরিবর্তন হইলেই অর্মানি নূতন একটু রোগ আসিয়া দেখা দেয় । বায়ু বা জলস্থ অতি সামান্য ব্যাদিবীজ তাহাকে অভিভূত করিয়া ফেলে, মনে হয় এবার বুদ্ধি আর তাহার প্রতীকার হইল না । তাহার অবস্থা দেখিয়া ভয় হয়, এ ব্যক্তি চিরক্ৰমাবস্থায় অকালে কালগ্রাসে নিপতিত হইবে । পরিমিত ব্যায়াম, উপযুক্ত পথ্য ও বলকর ঔষধ ক্রমান্বয়ে সেবন করিতে করিতে তাহার রোগপ্রবণ দেহ সবল হইয়া উঠে, কালে সেই দেহে আবার রোগের বীজ বিনষ্ট করিবার উপযোগী বিষ উৎপাদন করিতে সমর্থ হয় । দেহসম্বন্ধে যাহা সত্য আশ্মার সম্বন্ধেও তাহাই সত্য । ‘অনুতাপ, প্রার্থনা, উপাসনা, নির্জ্ঞানচিন্তা, সাধুসঙ্গ, তদভাবে সদগ্রন্থ পাঠ ইত্যাদি উপায়গুলি অতি যত্নের সহিত আশার সহিত প্রতিপালন করিতে করিতে আশ্মা অল্পে অল্পে পুনরায় সবল হইয়া উঠে, কালে অন্তরাশ্মার কথায় অবহেলা করিয়া যে নিস্তেজরূপে উপস্থিত হইয়াছিল তাহা তিরোহিত হইয়া আশ্মাতে বলসঞ্চয় হয় এবং সমাগত পরীক্ষাগুলিকে প্রত্যাখ্যান করিবার সামর্থ্য জন্মে । ‘পুত্রের বিরোধে পাপ করিলে ক্ষমা আছে, পবিত্রাত্মার বিরোধে পাপ করিলে ক্ষমা নাই’ এ কথার অর্থ ভাল করিয়া হৃদয়ঙ্গম না করাতে তোমাকে নিরাশ উপস্থিত, ইহার অর্থ বুঝিলে আর তোমার কোন নিরাশার কারণ থাকিবে না ।

বুদ্ধি । ও কথার অর্থ তবে কি ?

বিবেক । পুত্র মানব, স্ত্রীরাং তাঁহাতে মানবোচিত মনঃকোভাদি সকলই আছে । পুত্রের বিরুদ্ধে পাপ করিলে তাঁহার যে ক্ষোভ হয়, অমুনয় বিনয় করিলে তাহা চলিয়া যায়, তিনি অতীত ব্যবহার বিষ্মত হইয়া ক্ষমা করেন । তিনি ক্ষমা করেন বলিয়াই পুত্রের প্রতি অপরাধের ক্ষমা আছে বাইবেলে এরূপ লিখিত আছে । পবিত্রাত্মার বিরোধে পাপাচরণের ক্ষমা নাই এইজন্য যে, কোন লোকের কোন আচরণে পবিত্রাত্মা ক্ষুব্ধ হন না, কোন প্রকার বিকারগ্রস্ত হন না । যদি তিনি ক্ষুব্ধ হইতেন বিকারগ্রস্ত হইতেন, তাহা হইলে অমুনয় বিনয়ে ক্ষোভ ও বিকার চলিয়া যাইত, অপরাধকারী ক্ষমা পাইত । পবিত্রাত্মার বিরোধে যে ব্যক্তি পাপাচরণ করিয়াছে, তাহা যখন ক্ষমার বিষয় হইল না, তখন সে পাপাচরণের জন্য উপযুক্ত দণ্ড পাইতেই হইবে, সে দণ্ড অতিক্রম করিবার কোন সম্ভাবনা নাই । দণ্ডে পাপাচারী শুদ্ধ হইয়া গেলে, সে আবার পূর্ব নির্দোষাবস্থা লাভ করিবে, ইহাতে কোন সংশয় নাই । তুমি পবিত্রাত্মার বিরোধে পাপ করিয়াছ বলিয়া এখনও দণ্ডাধীন রহিয়াছ, কিছুতেই পূর্বাবস্থা লাভ করিতে পারিতেছ না । কিন্তু জানিও তোমার এই দুর্কির্ষহ যন্ত্রণার অবস্থা তীব্র ঔষধ, এই ঔষধসেবনে তুমি পুনরায় পূর্বাবস্থা লাভ করিবে ।

ঈশ্বরের ইচ্ছা বুঝিবার উপায় ।

বুদ্ধি । আমার মনে হইয়াছিল, আর দুঃখের কাহিনী তুলিব না । তুমি বলিয়াছিলে উপাসনা বন্দনাদিতে নিয়ত প্রবৃত্ত থাকিয়া পূর্বাপরাধের নিষ্কৃতি করিব, তাই মনে করিয়াছিলাম, আজ উপাসনার তত্ত্ব তোমার নিকটে জিজ্ঞাসা করিব । একটি জিজ্ঞাস্তা বিষয় উপস্থিত, সেই জিজ্ঞাস্তা বিষয়টির উত্তর শুনিয়া পরের বার হইতে উপাসনাদির তত্ত্ব তোমার নিকটে শুনিব । জিজ্ঞাসা করি, এখন আমার ঈশ্বরের ইচ্ছা বুঝিবার উপায় কি ? সহজে যাহা বুঝিতাম, তৎপ্রতি উপেক্ষা করিয়া এখন আমার এমনই অবস্থা হইয়াছে যে, এখন আর সহজে তাঁহার ইচ্ছা বুঝিতে পারিতেছি না ; বল এখন আমার সম্বন্ধে তাঁহার ইচ্ছা বুঝিবার উপায় কি ?

বিবেক । সহজে ইচ্ছা বুঝিবার অধিকার তুমি হারাইয়াছ, ইহাতে তোমার যতদূর ক্লেশ হইয়াছে, তদপেক্ষা আমার অধিকতর ক্লেশ হইয়াছে । এখন ইচ্ছা

বুঝিবার উপায় কেবল ঘটনা । অন্তরের অবস্থা যখন ঠিক নাই, তখন ঘটনা-সকলের প্রকৃত অর্থ বুঝা তাহাও তোমার পক্ষে এখন এক প্রকার অসম্ভব হইয়া দাঁড়াইয়াছে । আমার একথা মনিয়া তুমি মনে করিতে পার, আমি তোমার প্রতি অতিশয় অসম্মম প্রকাশ করিতেছি, যতদূর তোমার অন্তরের অবস্থা মন্দ হয় নাই, আমি ততদূর মন্দ অবস্থা বর্ণন করিতেছি । দেখ, বুদ্ধি, তোমার মাথার উপর দিয়া একটা ছুটা ঘটনা ঘটিয়া গেল তাহা নহে, কত ঘটনা ঘটিল, কিন্তু সে ঘটনাগুলির আরম্ভ ও শেষে তুমি কি উহাদের যথার্থ তত্ত্ব অবধারণ করিয়াছ ? যাদৃশ ঘটনা ঘটিয়া গিয়াছে, আজ পর্য্যন্তও তাদৃশ ঘটনা ঘটা নিবৃত্ত হয় নাই । বল সে সকল ঘটনা কি তোমার নিকটে এমন কোন নবীন আলোক আনিয়াছে, যদ্বারা তোমার ভবিষ্যৎ জীবনের গতি নিয়মিত হইতে পারে ? যদি না হইয়া থাকে তাহা হইলে শেষ ঘটনা পর্য্যন্ত প্রতীক্ষা করিয়া থাক । সেই শেষ ঘটনায় তোমার জীবনের এক পরিচ্ছেদ শেষ হইবে, সেই পরিচ্ছেদে উপস্থিত হইয়া পূর্ক ঘটনাগুলির মন্থ কিছু না কিছু তোমার হৃদয়ঙ্গম হইবে, তোমার জীবন কেন প্রত্যেকের জীবন ঘটনারাশিতে পূর্ণ । এক পরিচ্ছেদ শেষ হইয়া অন্য পরিচ্ছেদের আরম্ভ হয় । এইরূপে ক্রমান্বয়ে পরিচ্ছেদের পর পরিচ্ছেদ তোমার জীবনে স্বয়ং ভগবান কর্তৃক লিপিত হইবে । যদি এ পৃথিবীর শেষ পরিচ্ছেদে তুমি অসুখাপ করিবার কিছু না থাকে, হাসিতে হাসিতে জীবন-দাতার ক্রোড় আশ্রয় করিতে পার, তাহা হইলে আপনাকে ধন্ত মনে করিও । জানিও আমায় আশা ও অভিলাষ এই যে, তুমি প্রসন্নমুখে প্রসন্নতা ছড়াইতে ছড়াইতে পৃথিবীর প্রতি শেষ কর্তব্য সমাধা করিয়া নূতন জগতে জীবনের নূতন পরিচ্ছেদ আরম্ভ করিতে পারিবে ।

প্রার্থনা ।

বুদ্ধি । সকল ছঃখের কাহিনী বিদায় করিয়া দিয়া আজ সমাহিতভাবে উপাসনার তত্ত্ব তোমার নিকট হইতে শুনিতে ইচ্ছা করিতেছি । আশা করি অধ্যাত্মজীবনের আরম্ভ হইতে উন্নতাবস্থা পর্য্যন্ত পরপর উপাসনার যে প্রকার উপযোগিতা আছে তাহা ক্রমে বলিয়া আমায় সুখী করিবে ।

বিবেক । তুমি ছঃখের কাহিনী বিদায় করিয়া দিলে, ইহাতে আমি সুখী হইলাম । যত ছঃখের দিক্ ভাবিবে, তত মন অবসাদগ্রস্ত হইবে, মনের বল

হাস হইবে, অবসন্নতা অতিক্রম করা কঠিন হইয়া পড়িবে। অতএব কর্তব্য এই যে ঈশ্বর ও তাঁহার রাজ্য, ইহাই নিয়ত তোমার ভাবনার বিষয় করিবে। কিসে ঈশ্বরকে আরও ভাল করিয়া জানিতে পার, কিসে সর্বত্র তাঁহারই শাসন দর্শন করিয়া তাঁহার রাজ্যের বিস্তৃতি অবলোকন করিতে সমর্থ হও, এই দিকে তোমার যত্ন নিয়োগ করা কল্যাণবহু। দেখ এইরূপে মনকে নিযুক্ত রাখা সাধন বিনা কখন হয় না। যে মন সাংসারিক সুখের জগু নিয়ত বাঁস্ত, সে কি প্রকারে ঈশ্বর ও তাঁহার রাজ্য নিরবচ্ছিন্ন ভাবিবে? ঈশ্বর ও তাঁহার রাজ্যের চিন্তায় যে সাধনের প্রয়োজন, তাহা কৃচ্ছ সাধন নহে, উপাসনাসাধন। যে ব্যক্তি নূতন অধ্যাত্মজীবন আরম্ভ করিয়াছে, তাহার পক্ষে সমগ্র অঙ্গের উপাসনা সম্ভব নহে। এমন কোন একটি অঙ্গ তাহার জীবনের তখন উপযোগী, যেটিতে সিদ্ধ হইলে অগ্ন্যন্ত অঙ্গের সাধন তাহাতে সম্ভবপর হইতে পারে। এ অঙ্গটি প্রার্থনা। প্রার্থনা বালক হইতে বৃদ্ধ সকলেরই উপযোগী; একজন্ম জনসমাজের বাল্যকাল হইতে আজ পর্য্যন্ত সকল দেশে সকল জাতির মধ্যে প্রার্থনা প্রচলিত রহিয়াছে। এ দেশে বেদান্তের প্রাদুর্ভাবকালে চিন্তা ও ধ্যান এ দুই অঙ্গ নিরতিশয় প্রবল হইয়া উঠিয়াছিল, তথাপি চিন্তা ও অনুধ্যান দ্বারা বেদান্তিগণ যাহা লাভ করিতে যত্ন করিতেন, সেটির জগু তাঁহাদিগকেও প্রার্থনা করিতে হইয়াছে। ‘অসৎ হইতে আমাকে সতে, অন্ধকার হইতে আমাকে জ্যোতিতে, মৃত্যু হইতে আমাকে অমৃততে লইয়া যাও’ বেদান্তিগণ এ প্রার্থনা পরিহার করিতে পারেন নাই। সুতরাং বলিতে হইবে, কোন দেশে কোন সময়ে কোন জাতি প্রার্থনাবিরহিত হয় নাই, হইতে পারে না। অধ্যাত্মজীবনারম্ভে প্রার্থনার বিশেষ উপযোগিতা এইজন্ম যে, সে সময়ে শারীরিক জীবনের প্রাবল্য রহিয়াছে। শরীরের স্পৃহণীয় বিষয়সমূহ হইতে বিরত হইয়া আত্মার বিষয়ে চিন্তা স্থাপন করা এ সময়ে সাধনার্থীর পক্ষে বড়ই কঠিন। দুই মিনিট মন স্থির রাখা যে অবস্থায় অসম্ভব, সে অবস্থায় উপাসনার উচ্চ অঙ্গে প্রবেশ কি প্রকারে ঘটিবে? মন স্থির করিবার জগু শারীরিক বিষয়ের স্পৃহা হইতে মনকে নিবৃত্ত করা প্রয়োজন। বিষয়স্পৃহা নিবারণ করিতে হইলে মনের বলের আবশ্যক। সে বল সাধনার্থী ঈশ্বরভক্তি আর কাহারও নিকট হইতে পাইতে পারে না। শাস্ত্র, উপদেশ, সাধুসঙ্গ, সংপ্রসঙ্গ ইত্যাদিতে সে উপায় জানিতে পারে, কিন্তু উপায় নিয়োগ করিবার জগু

বলের প্রয়োজন; সেই বলেরই তাহার অভাব। সাধুগণ নিজ দৃষ্টান্ত দ্বারা সাধনে প্রোৎসাহিত করিতে পারেন, কিন্তু অস্তুরে বল না থাকিলে সে উৎসাহ হ্রাস হইতে আসিয়া জীবনের উপর স্থায়ী কার্য করিতে পারে না, কষ্টে উৎসাহ-পূর্বক যত্ন করিতে গিয়া যদি দেখা যায় উপযুক্ত বল নাই, অমনি নিরাশা উপস্থিত হয়। সুতরাং এখানে ঈশ্বরের নিকটে প্রার্থনা ভিন্ন আর সাধনার্থীর গত্যন্তর নাই।

বুদ্ধি। প্রার্থনাতো একটি উপায়মাত্র। এ উপায়ের নিয়োগ যদি সকলের পক্ষে সহজ হয়, নিয়োগে আন্তরিক বলের প্রয়োজন না হয়, তাহা হইলে 'উপায় নিয়োগ করিবার জন্ত বলের প্রয়োজন, সেই বলেরই তাহার অভাব' একথা বলিয়া উপায়কে খর্ব করা কি ভাল হইল ?

বিবেক। প্রার্থনা ও অন্ত উপায়ের মধ্যে প্রভেদ এই যে, প্রার্থনা আত্মার স্বাভাবিক ক্রন্দন, অন্ত সকল উপায় তাহা নহে। আধ্যাত্মিক অন্নের জন্ত ক্ষুধা তৃষ্ণা উপস্থিত হইলেই তন্নাভের জন্ত ক্রন্দন করিতে হয়। ক্ষুধা তৃষ্ণা অনুভব করিয়া ক্রন্দন করিলে সে ক্রন্দন কখন বিফল হইতে পারে না, কেন না ক্ষুধা তৃষ্ণার অন্ন পান যোগাইতে ঈশ্বর সর্বদা প্রস্তুত। আত্মার ক্ষুধাতৃষ্ণার অন্ন পান তিনি স্বয়ং, সুতরাং তিনি বল হইয়া আত্মাতে প্রবিষ্ট হন। প্রার্থনার সঙ্গে সঙ্গে আত্মাতে ক্রমে যে বলসঞ্চার হইতে থাকে, সেই বলে শারীরিক স্পৃহা সকল নির্জিত হইয়া আধ্যাত্মিকমতে চিত্তস্থাপনে মনের সামর্থ্য জন্মে। যখন প্রার্থনা দ্বারা এইরূপে স্পৃহা নির্জিত রাখিবার সামর্থ্য জন্মায়, তখন উপাসনার অন্ত্যন্ত অঙ্গ সাধন করিবার সময় উপস্থিত হয়।

উদ্বোধন।

বুদ্ধি। প্রার্থনা দ্বারা মনকে কথঞ্চিৎ বিষয় হইতে নিবৃত্ত করা হইয়াছে, এখন আর মন পূর্ববৎ চঞ্চল নাই, তবে পূর্বাভ্যাসবশতঃ মধ্যে মধ্যে চঞ্চল হইয়া বাহিরে যায়, এরূপ অবস্থায় কোন সাধন আবশ্যিক ?

বিবেক। মন পূর্ববৎ চঞ্চল নাই, অথচ পূর্বাভ্যাস সর্বথা পরিহার করিতে অসমর্থ, এ অবস্থায় উপাসনার প্রথমঙ্গ উদ্বোধন সাধকের অমুসর্তব্য। উপাসনা আরম্ভ করিতে গিয়া যখন সাধক দেখিতে পান, মন স্বস্থানে নাই বাহিরে গিয়াছে, তখন তাহাকে স্বস্থানে আনয়নের জন্ত এমন সকল বিষয় নয়নের সম্মুখে

আনয়ন করিতে হয়, যাহাতে মন আর বাহিরে থাকিতে পারে না, সেই সকল বিষয়ের প্রতি আকৃষ্ট হইয়া বাহির হইতে ভিতরে আসিয়া উপস্থিত হয়। মনের স্বভাব এই যে, যে বস্তুর আকর্ষণ করিবার শক্তি আছে তৎপ্রতি উহা আকৃষ্ট হইয়া তাহা হই দিকে ধাবিত হয়। মন যে সকল বিষয়ে আকৃষ্ট হইয়া আছে, সে সকল বিষয় অতিতু হ, তদপেক্ষা তাহার আকৃষ্ট হইয়া থাকিবার উৎকৃষ্টতম পদার্থ আছে, ইহা মনকে বুঝাইবার জন্য উদ্বোধন। সুতরাং উদ্বোধনে ঈশ্বরের সেই সকল গুণের উল্লেখ হয়, যাহাতে তৎপ্রতি মন স্বতঃ আকৃষ্ট হইতে পারে। ঈশ্বরের গুণের উল্লেখের সঙ্গে সংসারের অসারত্ব ছুঃখপ্রদত্ব প্রভৃতি যে উল্লিখিত হয়, উহা ঈশ্বরের সুখশান্তিপ্রদ গুণসকলের প্রতীতি পুষ্ট করিবার জন্য।

বুদ্ধি। কথায় উদ্বোধন না করিয়া জগতের সৌন্দর্য্যাবলোকনেও তো মন ঈশ্বরের দিকে উদ্ভূক্ত হইতে পারে। বিচিত্র নক্ষত্রখচিত আকাশ, সরিৎ, সমুদ্র, গিরি, গুহা, কাননাদিও তো মনকে ঈশ্বরের দিকে লইয়া যায়। শব্দাপেক্ষা এ সকলকে কি আরও ভাল উদ্বোধনের বিষয় করিয়া লওয়া যাইতে পারে না ?

বিবেক। বিষয়ানুরক্ত ব্যক্তিগণের প্রকৃতির শোভাদর্শনের সামর্থ্য বিলুপ্ত হইয়া যায়। আকাশাদি দেখিয়া তাহাদের মনে কোন ভাবোদয় হয় না। পুষ্পাদি সুন্দর পদার্থ তাহারা বিষয়ভোগের উপাদানরূপে গ্রহণ করে, সুতরাং সে সকল দেখিয়া ঈশ্বরকে মনে পড়া দূরে থাকুক ভোগের বিষয়ই তাহাদের মনে পড়ে। এ অবস্থায় তাহাদের মন হইতে বিষয়ানুরাগ অন্তরিত করিয়া দিতে না পারিলে, তাহারা প্রকৃতির সৌন্দর্য্য দর্শন করিয়া ঈশ্বরের দিকে আকৃষ্ট হইবে তাহার কোন সম্ভাবনা নাই। ঈশ্বরের মহিমা, গৌরব, তাহাতেই জীবের সুখ শান্তি, তাহাকে ছাড়িয়া বিষয়ভোগ করিতে প্রবৃত্ত হইলে ছুঃখ অশান্তি বাতনা অবশ্যভাবী, ইত্যাদি ছন্দস্বয়ম করিতে হইলে শব্দে সেই সকলের সমালোচনা প্রয়োজন হইয়া পড়ে। সুতরাং ভোগানুরক্ত বিষয়িগণের মনকে ঈশ্বরের দিকে উদ্ভূক্ত করিবার জন্য সর্ব্বাঙ্গে শব্দেই উদ্বোধনের প্রয়োজন।

বুদ্ধি। যে সকল ব্যক্তি স্বভাবে অবস্থান করিতেছে, বিষয়ানুরাগে চিত্ত কলুষিত হয় নাই, যেমন বালক ও আদিমাবস্থার লোক সকল, ইহাদিগের মনতো বিচিত্র নক্ষত্রখচিত আকাশাদিতে উদ্ভূক্ত হইতে পারে ?

বিবেক। এখানেও তোমার ভুল হইতেছে। বালকগণ মন নব বস্তু

মেথিয়া কৌতূহলাক্রান্ত হয়, এবং তাহাদিগের তত্ত্ব জিজ্ঞাসা করে : এ তত্ত্ব-জিজ্ঞাসা ঈশ্বরসম্পর্কে নহে, সেই বস্তুসম্পর্কে। তাহাদিগেতে এখনও সে জ্ঞান উদ্ভূত হয় নাই, যে জ্ঞানে তাহারা ঈশ্বরকে জানিতে পারে। সে জ্ঞান উদ্ভূত করিবার পক্ষে তত্ত্বালোচনা প্রয়োজন। তত্ত্বালোচনা শকাশ্রয় না করিয়া হয় না, সুতরাং বালকগণের ঈশ্বরসম্পর্কীয় জ্ঞান উদ্ভূত করিবার জন্য শকাশ্রয়টিকে উদ্ভাৱন আবশ্যিক। আদিমাবস্থায় লোক সকল বালকগণসদৃশ। জ্ঞানার্হ সমাজের বালকগণ তাহাদের অপেক্ষা অনেক বিষয়ে শ্রেষ্ঠ। সুতরাং আদিমাবস্থায় লোকদিগকে উদ্ভূত করিবার জন্য বহু পরিশ্রম প্রয়োজন।

বুদ্ধি। তুমি যাহা বলিলে তাহাতে ঈশ্বরসম্বন্ধে 'সহজজ্ঞান' যে সকল মানুষের মনে আছে, এ মত খণ্ডিত হইয়া যাচতেছে।

বিবেক। সে মত খণ্ডিত হইল না, সেই মতসম্বন্ধে সাধারণ লোকের যে ভ্রান্তি আছে, এতদ্বারা তাহারই নিরসন হইল। দেহ ও মনের অনেকগুলি সামর্থ্য দেহে ও মনে নিগূঢ়াবস্থায় অবস্থান করে, সেগুলিকে প্রস্ফুটিত করিবার জন্য বিশেষ বিশেষ অবস্থা, বিশেষ বিশেষ শিক্ষার প্রয়োজন। কারণান্বেষণমধ্যে মূল কারণ ঈশ্বরের দিকে চিত্তের নিগূঢ় গতি রহিয়াছে। কারণান্বেষণ করিতে করিতে জ্ঞান উজ্জ্বল হয়, যত জ্ঞান উজ্জ্বল হয় তত মূল কারণের দিকে দৃষ্টি পড়ে। পরিশেষে এই মূল কারণই যে ঈশ্বর, এ জ্ঞান পরিস্ফুট হয়।

সম্বন্ধ ও নিগূঢ়গণবাদ।

বুদ্ধি। উদ্বোধনের পর আরাধনা। আশা করি এবার আরাধনার তত্ত্ব বলিবে।

বিবেক। আরাধনার তত্ত্ব বলিবার পূর্বে একটা কথা বুঝাইবার আছে, তাহাই অস্ত্র তোমার বুঝাইব। উদ্বোধনে তোমার মন ঈশ্বরের দিকে উদ্ভূত হইল, এক অখণ্ড বস্তু চিত্তে প্রতিভাত হইল। সেই অখণ্ড বস্তু কি অস্বাভাবিক বস্তুর দ্বারা বিবিধগুণবিশিষ্ট, না তিনি তাদৃশ গুণবিহীন? সম্বন্ধ ও নিগূঢ়গণবাদ লইয়া বিরোধের কথা শুনিয়াছ, সে বিরোধ যে একেবারে মূলশূন্য একরূপ কখন মনে করিও না। যাহারা পণ্ডিত তাঁহারা কেবল পণ্ডিত নহেন, তাঁহারা সাধকও। সুতরাং তাঁহারা সত্যের অনুপ্রোধ বিনা অস্ত্র কোন অস্ত্ররোধে বিরোধ করিয়াছেন, ইহা কাহারও মনে করা উচিত নয়। দেখ যত সকল বস্তু আছে

তাঁহাদের তির তির গুণ আছে বলিয়া তাঁহারা নিত্য পরিত্রস্তমান। গুরু
 কৃষ্ণাদি, শীতোকাদি, আকৃতি বিকৃতি প্রকৃতি বস্তুগণ সেই সেই পরমিত্র নহে,
 যদি বস্তুনিষ্ঠ হইত তাহা হইলে একই বস্তুতে ইহাদের তির সময়ে তিরসরণে
 পরিবর্তন কখন ঘটিত না। যদি বল এ সকল জড়ীয় গুণ, ইহাদের পরিবর্তন
 হইলে অজড়বস্তুর উপরে কি দোষ পড়িতে পারে? জ্ঞান প্রেম পুণ্যাদি অজড়
 বস্তুর গুণ, ইহারা নিত্যকাল স্থায়ী, এ সকল গুণ ঈশ্বরেতে দর্শন করিলে,
 দেখিতেছি তাহাতে তো কোন দোষ ঘটিতে পারে না। দোষ আছে কি না
 তৎসম্বন্ধে বিস্তৃত বিচারে নিশ্চয়োজন, কিন্তু প্রেমপুণ্যের বিরোধের উপরে
 সম্ভ্রদায় বশেষে যে ঘোরতর মতের সৃষ্টি হইয়াছে, তাহা কি তুমি জান না? পুণ্য
 ছায়ের আকারে প্রকাশ পাইয়া পাপীর পাপকে অতি তীক্ষ্ণ দৃষ্টিতে অবলোকন
 করে, পাপকে কিছুতেই সহ্য করিতে পারে না; এ দিকে প্রেম পাপীর প্রতি
 সুকোমল ব্যবহার না করিয়া থাকিতে পারে না। এই যে প্রেমপুণ্যের বিরোধ,
 এ বিরোধ ঘূচিবে কি প্রকারে? গুরু ও কৃষ্ণ, শীত ও উষ্ণ ইত্যাদি গুণ যে
 প্রকার পরস্পরবিরোধী, ঈশ্বরেতে এ প্রকার বিরোধ থাকিলে তাঁহার অখণ্ডত্ব
 খণ্ডিত হইয়া যায়, তিনি অন্তান্ত বিকারী বস্তুর ছায় বিকারী হরেন, ইহা দেখিয়া
 নিগুণবাদিগণ তাঁহাতে কোন গুণ স্বীকার করেন না। অধিকন্তু আমরা যাহাকে
 জ্ঞান বলি সে জ্ঞান ঈশ্বরেতে কি প্রকারে সম্ভবে? জ্ঞানবস্তুর সম্বর্ষণে না
 আসিলে প্রচ্ছন্ন জ্ঞান কি কখন প্রকাশ পায়? এই সম্বর্ষণ হইতে গেলে জ্ঞানের
 অতিরিক্ত জ্ঞান বস্তু থাকা প্রয়োজন। ঈশ্বরের অতিরিক্ত কোন বস্তু স্বীকার
 করিলে, তিনি সেই বস্তু দ্বারা পরিমিত হইয়া পড়েন। জ্ঞানসম্বন্ধে যেমন
 অসম্ভাবনা দেখিতে পাওয়া গেল, প্রেমাদি সকল স্বরূপেতেই তেমনি অসম্ভাবনা
 আছে। এ কালের পাশ্চাত্য নিগুণবাদীরা অতি নিপুণতা সহকারে এই সকল
 বিষয় ভাল করিয়া প্রদর্শন করিয়াছেন। তুমি যদি নিগুণ ও সন্তগণ্যদের মিল
 না করিয়া লইয়া ঈশ্বরের আরাধনা করিতে যাও, ঈশ্বরের বিবিধ গুণ সমুদ্রে
 আনয়ন করিয়া তাঁহাকে বিকারিবস্তুবৎ করিয়া ফেলিবে; কালে তর্কের তরঙ্গে
 পড়িলে তোমার সমুদায় আরাধনা অব্যক্ত বলিয়া মনে হইবে, পরিশেষে ধ্যানধারণা
 প্রভৃতি সকলই সেই অব্যক্ততুমি আশ্রয় করিয়া উপস্থিত বলিয়া কিছুতেই আর
 তোমার আস্থা থাকিবে না।

বুদ্ধি। তুমি যাহা বলিলে তাহা বুঝিলাম, কিন্তু সগুণ ও নিগুণবাদের সামঞ্জস্য করিয়া ঈশ্বরের অখণ্ড বস্তুত্ব কি প্রকারে সিদ্ধ করিতে হইবে, বল শুনি।

বিবেক। ঈশ্বরকে শক্তি বলিতে কাহারও আপত্তি নাই, কেন না শক্তি বিনা জগৎই হইতে পারে না। পাশ্চাত্যগণ তাঁহাকে শক্তি বলাই মানেন, এদেশীয়গণ তাঁহাকে চিৎ বলেন। জ্ঞান বলিলে তদতিরিক্ত জ্ঞেয় চাই, এ আপত্তি মিথ্যা; কেন না জ্ঞেয় কখন জ্ঞানের বাহির্ভূত নহে যে, জ্ঞেয় উহার অতিরিক্ত হইবে। মানবের জ্ঞেয় তাহার জ্ঞানের বাহিরে আছে সত্য, কিন্তু সেই সকল জ্ঞেয় মানবগণের জ্ঞানের বিষয় হইয়া জ্ঞানের সহিত একাকার হইয়া যায়, এবং জ্ঞানের অন্তর্ভূত হইয়া থাকে; এজন্য যখন প্রয়োজন তখন উহার মনের নিকটে প্রতিভাত হয়। মানবের বাহিরে অন্য বস্তু আছে বলিয়া অথচ তাহার সহিত সংস্পর্শ হইয়া পরিশেষে উহা জ্ঞেয়ের আকারে জ্ঞানের অন্তর্ভূত হইয়া যায়, ঈশ্বরেতে সর্বপ্রকার জ্ঞেয় তাঁহার জ্ঞানের অন্তর্ভূত হইয়া রহিয়াছে; সুতরাং বাহির হইতে জ্ঞেয়কে তাঁহার জ্ঞানের বিষয় করিতে হয় না। মানবের জ্ঞানের অন্তর্ভূত জ্ঞেয়কে চিন্তার বিষয় করা, জ্ঞানের সম্মুখস্থ করা যখন আমরা নিয়ত দেখিতেছি তখন নিখিল জ্ঞেয় যে ঈশ্বরের জ্ঞানের অন্তর্ভূত হইয়া আছে, উহার তদতিরিক্ত নহে, ইহা হৃদয়ঙ্গম করা কঠিন ব্যাপার নহে। অতএব পূর্ব ও পশ্চিমবাসী পণ্ডিতগণের সঙ্গে এক চিহ্নক্রিতে সগুণ ও নিগুণবাদের বিরোধ ঘুচিয়া যাইতেছে।

বুদ্ধি। এক চিহ্নক্রিতে সগুণ ও নিগুণবাদের বিরোধ কি প্রকারে ঘোচে, আশা করি, সেই কথা বলিবে।

বিবেক। বিষয়টি সহজ কথায় বলা একটু কঠিন; তথাপি চেষ্টা করিয়া দেখা যাউক, সহজ হয় কি না? শিশুর পিতা মাতা শিশুর অভাব জানেন, এবং সে অভাব পূরণ করিবার জন্ত তাঁহাদের সামর্থ্য আছে। যদি তাঁহারা অভাব জানিতেন অথচ তাহার পূরণ করিবার সামর্থ্য না থাকিত, তাহা হইলে তাঁহারা যে শিশুকে ভালবাসেন তাহা কিছুতেই প্রকাশ পাইত না। অবশ্য পিতা মাতার সকল অভাব পূরণ করিবার সামর্থ্য নাই। যেখানে সামর্থ্য নাই, সেখানে তাঁহারা পূরণ করিবার জন্ত প্রয়াস পান, যথোচিত যত্ন চেষ্টা করেন, তাই সে স্থলেও তাঁহাদিগের ভালবাসা হৃদয়ঙ্গম হয়। যদি অভাবপূরণ

না করিতেন বা পূরণ করিবার জন্ত প্রয়াস প্রযত্ন না দেখাইতেন, তাহা হইলে তাঁহাদের যে ভালবাসা আছে ইহা হৃদয়ঙ্গম করিবার কোন উপায় থাকিত না । জ্ঞান ও শক্তি উভয়ের মিলনে সে প্রেম প্রকাশ পায়, যাহা বলা হইল তাহাতেই তোমার হৃদয়ঙ্গম হইবে । জ্ঞান ও শক্তিও যাহা প্রেমও তাহা, প্রেম কিছু ভিন্ন পদার্থ নহে । যিনি তোমার বিষয় জানেন এবং জানিয়া যাহা করিতে হয় নিরলসভাবে তাহা করেন, তাঁহাকে তুমি তোমার প্রতি প্রেমবান্ বলিয়া বিশ্বাস কর । এক ব্যক্তি যদি তোমার বিষয় সর্বদা ভাবে, এবং কেবল ভাবে তাহা নহে সেই সেই বিষয় নিয়ত তোমার যোগায়, তাহাকে তুমি তোমার প্রতি প্রেমযুক্ত না বলিয়া থাকিতে পার না । অতএব জ্ঞান ও শক্তিই সম্বন্ধভেদে প্রেমরূপে প্রকাশ পায়, ইহা তোমাকে স্বীকার করিতে হইতেছে । ঈশ্বরের চিহ্নই যে প্রেম, এইরূপে প্রতিপন্ন হইয়া থাকে ।

বুদ্ধি । আচ্ছা, চিহ্নই যেন প্রেম হইল, পূণ্য হইবে কি প্রকারে ?

বিবেক । ঈশ্বরের চিহ্নই কখন অজ্ঞান ও অশক্তি দ্বারা পরিষ্কৃত নহে । যেখানে জ্ঞানের সহিত অজ্ঞান, শক্তির সহিত অশক্তি নিশিয়া আছে, সেখানে পদে পদে স্থলনের সম্ভাবনা আছে । পদে পদে স্থলনে সেই জ্ঞান ও শক্তিতে বিমিশ্র ভাব উপস্থিত হয়, তাহাতে শুদ্ধতা থাকে না । ঈশ্বরের জ্ঞান ও শক্তি যখন অজ্ঞান ও অশক্তিবিশ্রমিত নহে, তখন শুদ্ধতা বা পূণ্য তাঁহার চিহ্নই হইতে অভিন্ন, ইহা আর মানিবে না কেন ?

বুদ্ধি । পাশ্চাত্য পণ্ডিতেরা শক্তি মানেন, ইহা বুঝিতে পারা যায়, কিন্তু ঈশ্বরে জ্ঞান স্বীকার করিবার প্রয়োজন কি ? শক্তিতে জীব ও জগৎ উভয়েরই উৎপত্তি সম্ভবপর । সুতরাং কেবল শক্তি মানিলেইতো হয়, আবার তাহার সঙ্গে সঙ্গে জ্ঞান মানিবার কারণ কি ?

বিবেক । একটি মানিলেই আর একটি তাহার সঙ্গে সঙ্গে আপনি আসিয়া পড়ে । শক্তি বলিলেই কিছু করিবার শক্তি বুঝায় । করিতে গেলেই জ্ঞানপূর্বক করা চাই, অতথা উহার পূর্বাপরসম্বন্ধ থাকিবে না । পূর্বাপরসম্বন্ধ না থাকিলে জগতের প্রত্যেক পদার্থের সহিত প্রত্যেক পদার্থের মিলন, এবং তাহা হইতে বিচিত্রতার উৎপত্তি সম্ভব নহে । পদার্থনিচয়ের পূর্বাপর সম্বন্ধমধ্যে অভিপ্রায় প্রকাশ পায় ; কারণ ইটির সঙ্গে ইটির সংযোগ হওয়াতে এইটি হইয়াছে, অতথা

ইটি হইতে পারিত না, কেবল হইতে পারিত না তাহা নহে সেরূপ সম্বন্ধ না হইলে সে বস্তু সেরূপ থাকিতেই পারিত না; বস্তুমধ্যে তাহার ভিন্ন ভিন্ন অংশ সমঞ্জস ভাবে কার্য্য করিতে পারিত না, এবং সেই সমঞ্জসভাবে কার্য্য করা হইতে দুরূহ হইয়াছে, যাহা হইবে, তাহার সহিত উহার সম্বন্ধ প্রকাশ পাইত না। এ সকলেতেই সেই শক্তি যে অক্ষশক্তি নহে জ্ঞানশক্তি, ইহা স্পষ্ট হৃদয়ঙ্গম হয়।

বুদ্ধি। তবে কি জ্ঞান ও শক্তি স্বতন্ত্র? তাহা হইলে তো ঈশ্বরে দুটি ভিন্ন গুণ প্রকাশ পাইয়া তাঁহাকে অস্বাভাবিক পদার্থের মত সংগণ করিয়া তুলিল, এবং এই দুই গুণ বস্তু স্বরূপ নয় বলিয়া গুরুত্বাদির দ্বারা একদিন তিরোহিত হইয়া যাইতেও পারে।

বিবেক। জ্ঞান ও শক্তি দুটি গুণ নহে, বস্তু স্বরূপ। ভিন্ন দিক্ দিয়া দেখাতে উহা ভিন্নরূপে প্রতীত হইতেছে। ব্রহ্ম কি বস্তু? জ্ঞানবস্তু। জ্ঞানবস্তুর অস্তিত্ব কি? আপনাকে ও পরকে প্রকাশ করা উহার স্বভাব। আপনাকে ও পরকে যে প্রকাশ করা, এই প্রকাশ করাই শক্তি। আবার আত্মপর প্রকাশ করাও যাহা জ্ঞানও তাহা। আত্মপরপ্রকাশক লক্ষণ বিনা অত্র লক্ষণে তুমি জ্ঞানকে কখন চিন্তার বিষয়ই করিতে পার না। প্রকাশ করা যদি শক্তি হয়, তবে সে শক্তি ও জ্ঞান একই বস্তু হইল, ভিন্ন বস্তু হইল না। সুতরাং চিহ্নিত্ব বলাতে আর কোন বিরোধ রহিল না; পূর্ব ও পশ্চিম উভয় প্রদেশের পণ্ডিতগণের সহিত মিলন হইল। পাশ্চাত্য পণ্ডিতগণ কেবল শক্তি স্বীকার করিয়া কিস্তি শক্তির ক্রিয়া দেখাইতে গিয়া পদে পদে শক্তি যে জ্ঞান তাহা প্রকাশ পাইয়াছে। সুতরাং কেবল শক্তি বলা তাঁহাদের পক্ষে কেবল একটা কথার কথা দাঁড়াইয়াছে। যাহা বলিলাম আশা করি তাহা বুঝিতে পারিলে।

আরাধনা।

বুদ্ধি। তুমি কি এবার আরাধনার তত্ত্ব বলিবে?

বিবেক। আরাধনার তত্ত্ব বলিবার পূর্বে যথার্থ আরাধনা হইবার পক্ষে কি প্রয়োজন তাহা নির্ণীত হওয়া আবশ্যিক। খ্রীষ্টেতত্ত্ব আপামরসাধারণ সকলকে হরিনাম বিতরণ করিলেন, কিন্তু দেখ তিনিও নিয়ম করিলেন, 'তৃণ হইতে নীচ, তরু হইতে সহিষ্ণু, অন্নামী ও মানদ হইয়া হরিনাম নিরত কীর্তন করিতে হইবে।' তাঁহার এ নিয়মকে অতীব দুঃসাধ্য মনে করিয়া একজন বৈষ্ণব

আক্ষেপ করিয়া বলিয়াছেন, "বৈষ্ণব হইব বলি বড় ছিল মাম; 'কৃষ্ণানি শোলকে পাড়ল পরমান।" সাধারণ ভাবে দেখিতে গেলে 'তুণ হইতে নীচ' ইত্যাদি কথার মধ্যে আমিত্বের গন্ধ আছে। আমি তুণ হইতে নীচ, আমি তুণ হইতে সহিষ্ণু, আমি স্বয়ং অমানী, অপরকে মান দিয়া থাকি, এ জ্ঞান যে ব্যক্তির জন্মিল, তাহার আমিত্বতো একবারে নিশ্চূর্ণ হয় না। সত্যই যে ব্যক্তি উক্ত নিয়মাত্মক ভাবাপন্ন হইয়াছে, তাহার সে বোধ কিছু দৃশ্যীয় নয়, কিন্তু আরাধনার অধিকারিত্ব ইহা হইলেও হয় না। আমিত্বকে সম্পূর্ণ ভগবচ্ছরণে অর্পণ করিয়া আমিত্বশূন্য হইয়া আরাধনায় প্রবৃত্ত হইলে তবে আরাধনায় কৃতকৃত্য হওয়া যায়।

বুদ্ধি। তুমি যাহা বললে তাহাতে আরাধনা হইতেই পারে না। তবে ব্রাহ্মসমাজে আরাধনার এত আড়ম্বর কেন ?

বিবেক। ব্রাহ্মসমাজে যে আরাধনা হয় তাহা খাঁটি হয় কি না, বক্তৃতামাজে পর্যাবসন্ন হয় কি না, সে স্বতন্ত্র কথা। 'আমিত্বশূন্য' বিশেষণটি শুনিবামাত্র যে, আরাধনা হওয়া অসম্ভব বলিয়া তুমি স্থির করিলে ইহা ঠিক হইল না। শ্রীচৈতন্য হরিনামগ্রহণে যে নিয়ম করিয়াছেন, তদপেক্ষা এটি সহজ, একটু বিবেচনা করিয়া দেখিলেই তুমি ইহা বুঝিতে পারিবে। সাধক আরাধনা করিবেন, কাহার ? অনন্ত ব্রহ্মের। অনন্তের সমীপবর্তী হইতে গেলেই যে সাস্ত্র জীব কিছুই নয় হইয়া যায়, তাহার আমিত্বের অভিমান বিলুপ্ত হয়। সে কি আর তখন আপনার শক্তি-জ্ঞান-প্রেম-পুণ্যের অভিমান রাখিতে পারে ? ঈশাকে ভাল বলাতে তিনি বলিয়াছিলেন, আমার ভাল বলিও না, ঈশ্বর ভিন্ন আর কেহ ভাল নয়, এ কথার মর্ম্ম কি কিছু বুঝিয়াছ ? অনন্তকে কদাপি চক্ষুর আড়াল করিও না, দেখিবে আমি কিছুই নই, আমার কিছুই নাই, এই ভাব সিদ্ধ হওয়া কত সহজ। আরাধনার প্রথম বাক্যেই 'সত্যং জ্ঞানমনস্বং ব্রহ্ম' রহিয়াছে। তোমায় মহতোমহীমান্ অনন্ত ব্রহ্মের সমীপবর্তী হইতে হইবে, সেস্থলে তোমার আমিত্বের অভিমান দাঁড়াইবে কি প্রকারে ?

বুদ্ধি। তুমিতো বলিলে অনন্তের নিকটবর্তী হইবামাত্র আমিত্বের অভিমান বিলুপ্ত হয়। লোকে আরাধনাও করে, অথচ আমিত্বের অভিমানও ঘোচে না, ইহার অর্থ কি ? তুমি বলিবে, তাহারা অনন্তের সমীপবর্তী হয় না। হয় না কেন, তাহারওতো কোন একটা কারণ আছে ?

বিবেক। কারণতো আছেই। 'আমিত্বকে ভগবচ্চরণে অর্পণ' এই কয়েকটি শব্দ যে আমি উচ্চারণ করিগাছি, তৎপ্রতি তুমি বৃষ্টি মনোযোগ কর নাই? ঘর বাড়ী দেহ মন ইত্যাদি যাহা কিছু 'আমার' বলা যায়, সে সকলই আমিত্বের অন্তর্গত। যে সকলকে আমার আমার বলি সেই সকল জীবকে, সে আপনি কি তাহা ভুলাইয়া দেয়। যে সকলকে 'আমার' বলি, সে সকল আমার নয়, আমি পর্যাস্ত আমার নই, এই তত্ত্ব ভুলিয়া গিয়া জীবের আমিত্ব ক্ষীণ হইয়া উঠে। সেই দিন জীবে যথার্থ তত্ত্ব স্ফূর্তি পায়, যে দিন সে হৃদয়ঙ্গম করে, এ সকলই ঈশ্বরের, আমিও ঈশ্বরের। এই তত্ত্বস্ফূর্তি হইবামাত্র সকলই ঈশ্বরের চরণে অর্পিত হইল, আমার স্থল ঈশ্বর আসিয়া অধিকার করিলেন। 'আমিত্বকে ভগবচ্চরণে অর্পণ' এ বাক্যের অর্থ এই। এই অর্পণকে 'সন্ন্যাস' বলে। সন্ন্যাস দ্বারা সাক্ষাৎসম্বন্ধে ব্রহ্মের আরাধনা করিবার অধিকার লাভ হয়, শঙ্করাদি এজগুই একরূপ নির্দেশ করিয়াছেন। তুমি সন্ন্যাসিনী হইয়া ভগবদারাধনায় প্রবৃত্ত হইবে, ইহাই আমার অভিলাষ।

বুদ্ধি। আমি নারী হইয়া সন্ন্যাসিনী হইব, ইহা কি সম্ভব? সংসারের সকল বিষয় যে জাতিকে দেখিতে হয়, সে জাতি কিরূপে সন্ন্যাসী হইবে।

বিবেক। নারীইতো সন্ন্যাসী হইবার যোগ্য। যাহার আপনার জন্ম কিছু নাই পরের জন্ম সব, সেইতো সন্ন্যাসী। তবে পুত্র কন্যাতির জন্ম সন্ন্যাস না করিয়া ঈশ্বরের জন্ম সন্ন্যাস করিলেই নারী আরাধনার অধিকারিণী হইবেন এই মাত্র বিশেষ। পুত্র কন্যাতি সকলেই ঈশ্বরের আমার নহে, অতএব এদের জন্ম নয়, ঈশ্বরের জন্ম ইহাদের সেবা করিতেছি, এ জ্ঞান উপার্জন করা কি আর একটা কঠিন কথা? তুমি যে আমোদস্পৃহা পরিত্যাগ করিয়া কর্তব্যে মন দিয়াছ, উপাসনা প্রার্থনাকে জীবনের সার করিয়াছ, জানিও এই পথই প্রকৃষ্ট পথ। তোমার সন্ন্যাস সিদ্ধ হউক, তোমার আরাধনা বন্দনা দিন দিন গভীর হউক, এই আমার তোমার প্রতি শুভ ইচ্ছা। একটা কথা বলিয়া রাখি, বেন কখন সন্ন্যাসের অভিমান মনে উপস্থিত না হয়। যদি জিজ্ঞাসা কর, যদি সে অভিমান উপস্থিত হয়, তাহা হইলে অভিমান উপস্থিত হইয়াছে তাহাই বা বুঝিব কি প্রকারে, অভিমান তাড়াইবই বা কি প্রকারে? জানিও সন্ন্যাসের অর্থ, সন্ন্যাস প্রকারে ঈশ্বরের ইচ্ছানুগত হওয়া। তোমার সন্ন্যাস দেখিয়া লোকে বিস্মিত

হইল, কত প্রশংসা করিতে লাগিল, হয়তো সেই সময়ে ঈশ্বর তোমায় এমন কাজ করিতে বলিলেন, যাহা করিলে লোকে আর তোমায় সম্যক বলিবে না, মংসারী হইয়া গেলে বলিবে । ইহাতে একদিকে তোমার মর্যাদা হানি হইবে, অত্ৰদিকে তুমি যদি ঈশ্বরের সে ইচ্ছা পালন না কর, তুমি মানাকাজ্জী হইয়া সম্মানধর্ম হইতে ব্রষ্ট হইলে । অভিমান সর্কনাশের মূল, ঈশ্বর সে অভিমান কিছুতেই তোমাতে থাকিতে দিবে না ; এজ্জন্ত কোন একটি বিষয়ে অভিমান দেখা দিবামাত্র সেটিকে তিনি চূর্ণ করেন, অথবা তোমায় এমন কিছু করিতে বলেন যাহা করিতে গিয়া লোকের কাছে মান থাকে না ; অভিমান তাহার সঙ্গে সঙ্গে বিদায় লয় । এ ছাড়া আর একটি কথা বলিতেছি মন দিয়া শোন । কোন বিষয়ে তোমার জয় বা আমার জয় বা অপরের জয় মনে করিও না, সর্কত্র ঈশ্বরের ইচ্ছার জয় । একথা বলিতেছি কেন জান ? প্রকৃত জয় কাহার জানিলে তুমি নির্বিকার ও প্রসন্নভাবে যিনি নিত্য জয় তাঁহার ইচ্ছা প্রতিপালনে যত্নবতী হইতে পারিবে ।

বুদ্ধি । আরাধনা বিবৃত করিবার পূর্কে আমার একটা কথার তোমায় উত্তর দিতে হইতেছে । আপনাকে শূন্য করিয়া না ফেলিলে আরাধনা হয় না, কেন না অনন্তের নিকটবর্তী হইয়া আপনাকে কিছুই নয় না বোঝা অসম্ভব ইহা মানিলাম, কিন্তু যে শূন্য হইয়া গিয়াছে, সে আরাধনা করিবে কি প্রকারে ? শূন্য কি কখন আরাধনা করিতে পারে ? অবশ্য তখনও তাহার জ্ঞানবুদ্ধাদি আছে, অত্ৰথা আরাধনার বাক্য আসিবে কোথা হইতে ? শূন্য হওয়াটা তাহা হইলে কথার কথা ।

বিবেক । তুমি যে এরূপ প্রশ্ন করিলে তাহাতে সুখী হইলাম । তোমার এ প্রশ্নে আমি এই বুঝিলাম যে, তুমি কেবল কাণ পাতিয়া আমার কথা শোন তাহা নহে, বিষয়টি তলাইয়া বুঝিবার জন্ত চেষ্টা কর । তোমার এ চেষ্টা অবশ্য সফল বহন করিবে ।

বুদ্ধি । প্রশংসাবাক্য ছাড়িয়া দিয়া আমার প্রশ্নের উত্তর কি, বল ।

বিবেক । প্রশ্নের উত্তর দিব না বলিয়া কি প্রশংসাবাক্যে উহাকে ঢাকিয়া ফেলিতেছি ? দেখ, উপাসনা আর কিছুই নহে উহা আহারের ব্যাপারমাত্র । তুমি আহার কর কখন ? যখন ক্ষুধা পায় । ক্ষুধা পাওয়ার অর্থ কি, না জঠর খালি

বর্ষভব ।

করে। কঠোর খালি হওয়ার অর্থ কি, না সবুদার শরীরের যে উশানানের করা
হইয়াছে, সেই কঠোর স্থান পূর্ণ করিবার জন্য শরীর কঠোরের নিকটে দাঁড়া
উপস্থিত করিয়াছে। কঠোর অর্থ খালি হওয়া শূন্য হওয়া, সেই শূন্য পূর্ণ করিবার
জন্য আহারের নিমিত্ত বাস্তুতা। এখন তুমি এই শূন্য বাহা তাহা দিয়া পূর্ণ
করিতে পার না। শরীর যে সকল দ্রব্য পরিভ্রম করিয়া হারাইয়াছে, সেই সকল
দ্রব্য তোমার তাহার নিকটে আনিতে হইবে, এবং তদ্বারা শূন্য স্থান পূর্ণ করিতে
হইবে। আরাধনাও ঠিক এই প্রকার ব্যাপার।

বুদ্ধি। কেমন করিয়া ?

বিবেক। আত্মা সংসারক্ষেত্রে নিরন্তর বিষয়ের সহিত সংগ্রামে প্রবৃত্ত। এই
সংগ্রামে দেহের করিত সামগ্রীর জ্ঞান, অপেক্ষা, অপূর্ণা তাহাকে
করিয়া ফেলিতেছে, আর জ্ঞান প্রেম পূর্ণা প্রভৃতির জন্য তাহার উদ্বেগ
উদ্ভিক্ত হইতেছে। যে আত্মার ক্রোধ উদ্ভিক্ত হয় না, অজ্ঞানানিতে আত্মা
জন্মায়, তাহার রোগ স্তরি। এই রোগ অপনীত করিবার জন্য প্রার্থনা
লক্ষপথ্য তাহার পক্ষে প্রয়োজন। এই লক্ষ পথ্য গ্রহণ করিতে করিতে
অগ্নির উদ্বেক হইতে থাকে, তখন ক্রোধবুদ্ধির সঙ্গে সঙ্গে আরাধনারূপ
আহারে প্রয়োজন হয়। আমি যাহা বলিলাম, তাহাতে কি তোমার
শীমাংসা হইল ?

বুদ্ধি। যাহা বলিলে তাহাতে প্রেমের শীমাংসা হইল বটে, কিন্তু আরাধনা
যে আহার ভিন্ন আর কিছু নহে, সে কথাটা ইহার দ্বারা স্পষ্ট বিবৃত হয় নাই।

বিবেক। স্পষ্ট করিয়া বিবৃত না করিলে যখন মনস্তপ্ত হইতেছে না তখন
স্পষ্ট করিয়া বিবৃতই করা যাউক। যে উপাদান ক্ষয় পাইয়াছে অথবা ঘাহার
অভাব হইয়াছে, যদ্বারা তাহার পূরণ হয়, তাহাকে আহার বলি। মানুষ পশু
পক্ষী লতা প্রভৃতি সকলের সম্বন্ধেই এই একই কথা। মনে কর তোমাতে বে
জ্ঞান আছে, সেই জ্ঞান লইয়া তুমি বিষয়ের সহিত সংগ্রামে প্রবৃত্ত। বিষয় প্রবল
হইয়া তোমার যে জ্ঞানটুকু ছিল তাহা হরণ করিল, অথবা সে জ্ঞান দ্বারা প্রবল
বিষয়কে আশ্রয়ণে আনিবন করা সুকঠিন হইল। সুতরাং তোমার তদপেক্ষা
আরও অধিক জ্ঞানের প্রয়োজন উপস্থিত। যখন অধিক জ্ঞানের প্রয়োজন,
অধিক জ্ঞান না হইলে তুমি সংগ্রাম করিতে পারিতেছ না, তখন তোমার জ্ঞান

পাকিয়াও নাই; কেন না উহা অকর্মণ্য হইয়া পড়িয়াছে। এরূপ হলে নূতন জ্ঞান তোমার আত্মস্থ করা প্রয়োজন হইয়াছে। সে জ্ঞান তুমি কোথায় পাইবে? অবশ্য অনন্ত জ্ঞানের যিনি আকর তাঁহা হইতে পাইবে। পৃথিবীর প্রশস্ত বক্ষ হইতে তোমার শরীরের অভাব পূর্ণ হইতেছে, তোমার আত্মার অভাব পূর্ণ করিবার সামর্থ্য পৃথিবীর নাই, সে সামর্থ্য কেবল ঈশ্বরেরই আছে। কেন আছে জান? আত্মা যে সকল উপাদানে আপনাকে দ্রুষ্টি বলিষ্ঠ কামিতে চায়, সে উপাদান পূর্ণপরিমাণে ঈশ্বর ভিন্ন অত্র কোথাও নাই। আত্মার জঠর শূন্য হইয়াছে, সে ক্ষুধায় কাতর, দৌড়াইয়া গিয়া সে তাহার মাতার নিকটে উপস্থিত। সে তাঁহার অঞ্চল ধারণ করিয়া তাঁহার মুখের পানে যাই তাকাইয়াছে, অমনি মাতা তাহাকে স্তন্য দানে প্রবৃত্ত। এই স্তন্যপান করিয়া সে বলিষ্ঠ হইয়া আবার সংগ্রামে বাহির হইল। এ স্তনের উপাদান কি? জ্ঞান, প্রেম, পুণ্যাদিরূপ। আরাধনা আহারের বাপার এই জন্ত যে, তদ্বারা আত্মা স্তন্যপান করে, আর তাহার মধ্যে জ্ঞান প্রেম পুণ্যাদি প্রবেশ করিয়া উপাদানের যে ক্ষয় হইয়াছিল তাহার পূরণ হয়। এখন বোধ হয় আরাধনা যে আহার-বাপার ভিন্ন আর কিছু নয় তোমার হৃদয়ঙ্গম হইল।

বুদ্ধি। হাঁ এখন বুঝিলাম শূন্যের অর্থ ক্ষুধা। ক্ষুধা নাই, অথচ আরাধনার জন্ত দৌড়াদৌড়ি, এ যে ঘোর মিথ্যাচার।

বিবেক। যাহাদের তেমন ক্ষুধা নাই, তাহারা আরাধনা করিতে গিয়া প্রার্থনা করিয়া ফেলে, ইহা কি তুমি দেখ নাই? যাহারা আরাধনা করিতে করিতে প্রার্থনা করিয়া ফেলে এবং সেই প্রার্থনার আরাধনা আচ্ছাদিত হইয়া যায়, জানিও তাহাদের ক্ষুধা উদ্বেক করিবার জন্ত এখনও প্রার্থনার প্রয়োজন আছে। তবে এ সকল লোককে আমি নিরুৎসাহ করিতে চাই না, কেন না ঈশ্বরকে আশ্রয় করিয়া যাহা কিছু অনুষ্ঠিত হয়, তাহাতেই কল্যাণ অবশ্যস্বাবী। প্রার্থনা দ্বারা যখন তাহাদের ক্ষুধামান্দ্য বিনষ্ট হইবে, তখন তাহাদের আরাধনা প্রকৃত আরাধনা হইবে।

সত্যস্বরূপ।

বুদ্ধি। আজ বোধ করি আরাধনার কথা বলিবার আর কোন বাধা নাই।

বিবেক। বস্তুমান্বয়কার অগ্রে হওয়া চাই, তৎপর আরাধনা। তোমার

যখন বস্তুসাক্ষাৎকার হইয়াছে তখন আর আরাধনার কথা আরম্ভ করিতে আপত্তি কি ?

বুদ্ধি । আমার বস্তুসাক্ষাৎকার হইয়াছে, এ আবার কি বলিলে কিছুই বুঝিতে পারিলাম না । তুমি মধ্যে মধ্যে এমন এক একটা বল, যাহার অর্থ খুঁজিয়া পাই না ।

বিবেক । তুমি আজ একরূপ বলিলে তাহা নয়, আগেও অনেক বার একরূপ বলিয়াছ, কিন্তু পরে তোমার স্বীকার করিতে হইয়াছে, যাহা আমি বলিয়াছি তাহার বিলক্ষণ অর্থ আছে । দেখ কোন একটি বস্তু আগে মোটামুটি দেখা চাই । উহা যদি মোটামুটি দেখা না হয়, তাহা হইলে সে বস্তু যে আছে, এ জ্ঞানই যখন নাই তখন উহার ভিতরে কি আছে না আছে তাহার বিচার চলিবে কি প্রকারে ? আরাধনা করিবার পূর্বে আরাধ্য বস্তু মোটামুটি অস্তিত্ব সাক্ষাৎ প্রত্যক্ষ হওয়া চাই, তাহা হইলে তন্মধ্যে কি কি আছে আলোচনার বিষয় হইতে পারে । এখন বোধ হয় বুঝিলে কেন বলিয়াছি, বস্তুসাক্ষাৎকার আগে হওয়া চাই, তৎপর আরাধনা । তোমার বস্তুসাক্ষাৎকার হইয়াছে কেন বলিলাম, তাহা কি তোমায় বুঝাইব ? স্মরণ করিয়া দেখ, আজ কয়েক বৎসর তোমার সঙ্গে ঈশ্বর কি কি খেলা খেলিলেন । তুমি এত দিন তাঁহার খেলার মর্ম্ম ভাল করিয়া বুঝিতে পার নাই । ধর ধর করিয়া তাঁহাকে ধরিতেও সমর্থ হও নাই । সম্প্রতি যাই তুমি তাঁহার খেলার মর্ম্ম বুঝিতে পারিলে, অমনি তিনি তোমার নিকটে ধরা পড়িলেন । এখন তোমার স্মৃতির পারাবান নাই । এতদিন পরীক্ষাবিপদে পড়িয়া তোমার মন অবসন্নপ্রায় হইয়াছিল, যাই বুঝিলে এ সকল পরীক্ষা বিপদ নয় ভগবানের খেলা, অমনি দুঃখ অবসন্নতা কোথায় পলায়ন করিল, এখন আর তোমার কিছুতে ভয় হয় না । অভয়পদ দেখিয়াছ বলিয়াই তোমার মন হইতে ভয় অপসৃত হইয়াছে । তুমি অতি সৌভাগ্যশীল । তুমি যে তাঁহাকে চিনিলে, বুঝিলে, তাঁহার অপূর্ব লীলা দেখিলে আর অবাক হইলে; ইহা অপেক্ষা বল আর কৃতার্থতার বিষয় কি আছে ? আর কি বলিতে পার, ঈশ্বর কোথায় আছেন, কি করিতেছেন কিছুই জানি না । একবার যখন তাঁহার সঙ্গে তোমার পরিচয় হইয়াছে, তখন আর ভয় কি ?

বুদ্ধি । তিনি আপনি পরিচয় দিয়াছেন বলিয়া তাঁহার পরিচয় পাইয়াছি,

আমার নিজ গুণে কিছুই হয় নাই । বরং আমার দিক্ দেখিলে মনে হয়, তাঁহার পরিচয় না দেওয়াই ভাল ছিল । তাঁহার পরিচয় পাইয়া আমি সৌভাগ্যশীলা, কিন্তু এখনও ভয় হয় কি জানি বা এ সৌভাগ্য হারাইয়া ফেলি । আগে না বুঝিয়া তাঁহার ইচ্ছার বিরোধে অনেক কাজ করিয়াছি, এখন বুঝিয়া যদি অনুমাত্র তাঁহার ইচ্ছার বিরোধে কিছু করি, তাহা হইলেই সর্বনাশ ।

বিবেক । বুদ্ধি, তুমি ভয় করিও না । তুমি ঈশ্বরের কৃতা, ঈশ্বর তোমার প্রতি চিরপ্রসন্ন । তিনি শত অপরাধ ক্ষমা করিয়া তোমার নিকটে আত্মপরিচয় দিয়াছেন । এ পরিচয় তোমার চিরকল্যাণের জন্ত হইবে । এখন আরাধনার প্রথম কথা আরম্ভ করি । ঈশ্বর তোমার শক্তির শক্তি, প্রাণের প্রাণ একথা তুমি অনেকবার শুনিয়াছিলে, এবং শুনিয়া বিশ্বাস করিয়া 'তুমি' বলিয়া তাঁহাকে সম্বোধন করিয়া তাঁহার নিকট আজ পর্য্যন্ত প্রার্থনা করিয়া আসিয়াছ । তিনি যে তোমার সঙ্গে আছেন, তিনি যে তোমার জন্ত সকলই করিতেছেন, তাঁহাও তুমি বিশ্বাস করিয়াছ । সত্য শুনিয়া বিশ্বাসপূর্ব্বক কার্য্যারম্ভ করা চাই । কেন না বিশ্বাসপূর্ব্বক কার্য্য না করিলে সত্য প্রত্যক্ষ হয় না । কাহারও মুখে সত্য শুনিলে, অমনি সে সত্যে তোমার বিশ্বাস হইল, জানিও এখানেই ঈশ্বরের সহিত পরিচয়ের সূত্রপাত । সূত্রপাত বলিলাম কেন জান ? তিনি স্বয়ং হৃদয়ে থাকিয়া সত্যের প্রতি বিশ্বাস উৎপাদন না করাইলে কেহ সত্যের প্রতি বিশ্বাস স্থাপন করিতে পারে না । যে মন সত্যগ্রহণে উন্মুখ নয়, সে সত্য শুনিয়াও বুঝিতে পারে না, গ্রহণ করিবার কথা দূরে । এই যে সত্যগ্রহণে মনের উন্মুখতা ইহারই নাম শ্রদ্ধা । একটু অগ্রসর হইলে উহারই নাম বিশ্বাস হয় । সত্যের প্রতি তোমার শ্রদ্ধা আছে এজন্য সত্য শুনিবামাত্র তুমি সত্যকে ধারণ করিলে, ধারণ করিয়া তোমার তৎপ্রতি স্থায়ী আস্থা উপস্থিত হইল । এই স্থায়ী আস্থা বিশ্বাস । সত্যের প্রতি শ্রদ্ধা ও বিশ্বাস লইয়া সত্যের আরাধনা করা আবশ্যিক ।

বুদ্ধি । সত্য কি, সত্যের আরাধনাই বা কি ?

বিবেক । তাহা সত্য, যাহা কোন কালেই অন্তথা হইবার নহে । কোন কালে অন্তথা হয় না, একরূপ বস্তু কি ? একরূপ বস্তু একমাত্র ঈশ্বর । এজন্য ঈশ্বরকেই সত্য বলি । যিনি এখন আছেন তখন আছেন, চিরদিনই সমান

আছেন, তিনি সত্য । সত্যস্বরূপের আরাধনার আরম্ভ এট জগৎ 'অস্তিত্ব' লইয়া হয় । অস্তিত্ব যে ধাতুসমুৎপন্ন সত্যশব্দও সেই ধাতুসমুৎপন্ন । স্মৃতরাং সত্যের সহিত অস্তিত্বের একত্ব । আরাধনার আরম্ভ করিতে গিয়া চক্ষু মুদ্রিত করা প্রয়োজন । চক্ষু মুদ্রিত করিলে সকলই উড়িয়া যায়, এক সত্তামাত্র উড়ে না । এ পথ বিজ্ঞানসিদ্ধ পথ । যাহা চক্ষুরাদি ইন্দ্রিয়ের গোচর হইতেছে, তাহা মিতা পরিবর্তনশীল । বিজ্ঞান ইহার মূলে চিরস্থায়ী বস্তু কি আছে, তাহাই অন্বেষণ করে এবং অন্বেষণ করিয়া কেবল এক শক্তি সকল বস্তুর অন্তরালে দর্শন করে । রাসায়নিক প্রক্রিয়ায় বস্তুসকলের বিশ্লেষণ করিতে গিয়া এক শক্তি অবশিষ্ট থাকে । স্মৃতরাং মনে যে শক্তি অনুভব করিল পরীক্ষায় সেই শক্তিই স্থায়ীরূপে সকল বস্তুর অন্তরালে দাঁড়াইল । এখন তুমি চক্ষু মুদ্রিত করিয়া যে এক মহৎ অস্তিত্ব অনুভব করিলে এ অস্তিত্ব কাহার অস্তিত্ব ? শক্তির অস্তিত্ব কেন না সমুদায়ের বিশেষণে এক শক্তিই অবশিষ্ট থাকে । চক্ষু মুদ্রিত করিলে যেমন কোন বস্তু থাকে না কেবল শক্তি থাকে, মনে করিয়া লও, তেমনি এ সকল বস্তুর যখন সৃষ্টি হয় নাই তখন আর কিছু ছিল না, এক শক্তি ছিল । আরাধনার আরম্ভে সত্তা এবং সেই সত্তা শক্তিসত্তা । এই সত্তার উপলক্ষি হইতে সত্যস্বরূপের আরাধনা হইয়া থাকে । আরাধনাকালে সাধক যে সকল কথা উচ্চারণ করে, সে সকল কথা উপরে যাহা বদিনাম তাহাও অনুরূপ । যেমন—হে সত্তা, তুমিই সত্তা, তোমা বাতীত আর সত্তা নাই আদিত্তে ছিলে, এখনও আছ, চিরদিন থাকিবে । তুমি সকল সত্তার মূল সত্তা ; তোমাকে অন্তরিত করিলে কাহারও সত্তা থাকে না । তোমারই জগৎ এই সকল বস্তু আছে, আমরা আছি । তোমার সত্তাতে সত্তাবান, তোমার শক্তিতে শক্তিমান হইয়া আমরা সংসারে বিচরণ করিতেছি । আনাদের দেহ মন প্রাণ আত্মা সকলই তোমার জগৎ, ইত্যাদি ইত্যাদি ।

জ্ঞানস্বরূপ ।

বুদ্ধি । সত্যস্বরূপের পর জ্ঞানস্বরূপের আরাধনার বিনয়তো বলিবে ?

বিবেক । সত্যস্বরূপের পর জ্ঞানস্বরূপের আরাধনাই বলিবার বিধয় ।

'সত্যং জ্ঞানমনন্তং' এইরূপ উপনিষদে আছে বলিয়া সত্যস্বরূপের পর জ্ঞানস্বরূপের আরাধনা হইয়া থাকে এরূপ কখনও মনে করিও না । একটি স্বরূপের

পর আর একটি স্বরূপের উপস্থিত হওয়ার মধ্যে অচ্ছেদ্য সম্বন্ধ আছে । যে সম্বন্ধ কাটিয়া উপনিষৎকারগণ এই অচ্ছেদ্য সম্বন্ধ গভীর আলোচনা ও বিচার দ্বারা পির করিয়া লইয়া তৎপর একটা স্বরূপের পর আর একটি স্বরূপ বিস্তৃত করিয়াছেন । এখন যখন প্রকৃতিস্থ থাকে, তখন উহাতে স্বভাবতঃ এই অচ্ছেদ্য-সম্বন্ধানুসারে একটির পর আর একটি স্বরূপ উপস্থিত হয় । উপনিষৎকারগণের হৃদয় প্রকৃতিস্থ ছিল বলিয়াই যে স্বরূপের পর যে স্বরূপটি আসা চাই, সেইটি আসিয়াছে, এবং সেইটিই তাহারা বাক্যে বিস্তৃত করিয়াছেন ।

বুদ্ধি । এখনকার লোকদিগের হৃদয় প্রকৃতিস্থ থাকিলে কি ঐরূপ হইয়া থাকে ?

বিবেক । হাঁ হয় বৈকি ? হৃদয় প্রকৃতিস্থ কি না অচ্ছেদ্য যোগানুসারে স্বরূপের পর স্বরূপ আসিতেছে কি না, ইহা দেখিয়াই বুঝিতে পারা যায় । যেখানে এই অচ্ছেদ্য যোগ কাটিয়া যে কোন স্বরূপ যেখানে সেখানে আনয়ন করা হয়, অথবা কোন স্বরূপ বাদ দিয়া আরাধনা করা হয়, জানিও সে ব্যক্তির হৃদয় প্রকৃতিস্থ নয় ।

বুদ্ধি । অনেকের আরাধনায় যে একরূপ গোল হয় দেখিতে পাওয়া যায় । তবে কি তাহাদের সকলেই হৃদয় অপ্রকৃতিস্থ ?

বিবেক । তাহাতে আর সন্দেহ কি ? হৃদয় প্রকৃতিস্থ থাকিলে কখন স্বরূপবিজ্ঞানের প্রতি অনাদর উপস্থিত হইতে পারে না । যাউক এখন প্রকৃত-তত্ত্বের অনুসরণ করি । পূর্ব্ববারে শুনিয়াছি, সত্য ও শক্তি অভিন্ন বস্তু । এবার শুন, শক্তি ও জ্ঞান অভিন্ন বস্তু । এ সম্বন্ধে পূর্ব্ব আমি যাহা বলিয়াছি, তাহা যদি তোমার স্বরণে থাকে তাহা হইলে জ্ঞান ও শক্তি যে একই তাহা আর দ্বিতীয়বার তোমায় বুঝাইবার কোন প্রয়োজন করে না ।

বুদ্ধি । সে অনেক দিনের কথা । কত টুকু মনে আছে না আছে বলিতে পারি না । আবার নয় নূতন করিয়া বলিলে তাহাতে ক্ষতি কি ?

বিবেক । ক্ষতি নাই, কিন্তু ইহাতে তোমার মনোভিনিবেশের অল্পতা প্রমাণ হয় এই ছঃধ । তোমার এ দোষ আছে, কেন না দেখিয়াছি অনেক কথা তোমার কাণে যায় না । তুমি বোঝ না, ইহাতে আমার কত ক্লেশ হয় । যাউক, আবার সেই কথা নূতন করিয়া বলি । শক্তি কখন অন্ধ হইতে পারে

না। যাহারা শক্তিকে অন্ধ বলে তাহারা কি বলিতেছে তাহা আপনারা বোঝেন না। অন্ধ শক্তি কাজ করিয়া যাইতেছে, অথচ সব কাজগুলির পূর্বাপর যোগ এবং সেচ যোগে বিশেষ বিশেষ অভিপ্রায় সাধন হইয়া যাইতেছে, ইহা যখন প্রত্যক্ষ কর, তখন সে শক্তিকে তুমি অন্ধ বলিবে কি প্রকারে? জগতের মধ্যে যে শক্তির ক্রিয়া আমরা নিয়ত দেখিতেছি, সে শক্তির ক্রিয়াতে পূর্বাপর সম্বন্ধ, এবং তত্ত্ব ক্রিয়ামধ্যে বিশেষ বিশেষ অভিপ্রায় সাধন দেখিতে পাও কি না? যদি দেখিতে পাও, তবে আর শক্তিকে অন্ধ বলিও না, জ্ঞান বল।

বুদ্ধি। দেখ প্রতিদিন কত ঘটনা ঘটিতেছে। ঘটনাগুলি আসে আর যায়, তাহাদের কোন পূর্বাপর সম্বন্ধ দেখা যায় না, তাহাদের ভিতরে যে কোন বিশেষ প্রয়োজন আছে, তাহাও লক্ষিত হয় না। ঘটনাতো সেই শক্তিরই ক্রিয়া। যদি তাহা হয় তাহা হইলে শক্তি অন্ধ বলা যাইবে না কেন?

বিবেক। তোমার বেরূপ ভ্রম ঘটিয়াছে, এইরূপ ভ্রম হইতেই লোকে শক্তিকে অন্ধ বলিয়া স্থির করিয়াছে। জানিও ইহাতে সেই সকল লোকের অন্ধতা প্রকাশ পায়, যে শক্তিতে ঘটনা সকল ঘটে, সে শক্তির অন্ধতা নহে। একটা ঘটনাও বুঝা ঘটে না। ঘটনা ~~ঘটিবার~~ পূর্বাধিকার কারণ আছে, এবং কারণযোগে ঘটনা সকল পরস্পর শৃঙ্খলে আবদ্ধ হইয়া রহিয়াছে। এই শৃঙ্খলাবদ্ধ ঘটনাগুলি হইতে এক মহান অভিপ্রায় নিরত সিদ্ধ হইতেছে। সেই অভিপ্রায়সিদ্ধির জন্য ঘটনাগুলি মানবমানবীর হৃদয়কে নিয়ত স্পর্শ করিতেছে, এবং তাহাদের চিন্তের, এমন কি দেহের পরীক্ষা পরিবর্তনসাধন করিতেছে। কেবল চিত্ত ও দেহ কেন, চারিদিকের বিষয়ের সহিত তাহাদের সম্বন্ধ পরিবর্তিত হইয়া যাইতেছে। যে ঘটনাসকলের দ্বারা প্রতিনিয়ত এইরূপ ব্যাপার ঘটিতেছে, সেই ঘটনাসকল অন্ধশক্তির প্রভাবাংপন্ন, এ কথা তুমি কোন্ সাহসে বলিলে?

বুদ্ধি। যাউক, ও সকল কথা যাউক। এখন প্রকৃত কথা বল।

বিবেক। অনেক কাজের পর অবসর পাইয়া এতগুলি কথা বলিতে বলিতে সময় অনেক হইয়া গেল। রাত্রি প্রায় দুটা বাজে, সংক্ষেপে আসল কথা বলিয়া সন্ধ্যাকার বলিবার বিষয় শেষ করি। শক্তি ও জ্ঞানের যে অচ্ছেদ্য যোগ তাহা এখন বুঝিলে। যদি বুঝিলে তবে শক্তির পর জ্ঞান ইহা তোমার তো মামিতেই হইতেছে। সত্য ও শক্তি যখন এক বুঝিয়াছ, শক্তি ও জ্ঞান

এখন যখন এক বুদ্ধিলে, তখন সত্য বা সত্তা ও জ্ঞানকেও তুমি এক করিয়া লইতে পার। এইরূপ এক করাতে তোমার নিকটে শক্তিসত্তার স্থায় চিৎসত্তা বিদ্যমান। এই চিৎসত্তার আরাধনা করিতে গিয়া তুমি কি হৃদয়ঙ্গম করিতেছ ? এই হৃদয়ঙ্গম হইতেছে যে এই চিৎসত্তা তোমার হৃদয়ে আলোক হইয়া বর্তমান। ইহার নিকটে তোমার কিছুই অবিদিত নাই, অন্তর বাস্তব তোমার সকলই ইহার নিকটে প্রকাশিত। তুমি যে ইহার নিকটে কিছু গোপন করিয়া রাখিবে তাহার সম্ভাবনা নাই, তোমার ইনি সকলই দেখিতেছেন। তোমার সকল গোপন বিষয় ইনি জানিতেছেন, ইহা হৃদয়ঙ্গম করিয়া তোমার ভয় ও লজ্জা উপস্থিত। যেমন একদিকে ভয় ও লজ্জা উপস্থিত, অন্যদিকে আবার তেমনি তিনি তোমার হৃদয় জানেন, তোমার সকলই বোঝেন, ইহাতে তোমার আহ্লাদ উপস্থিত, কেন না তিনি হৃদয়ঙ্গম, তাহার তুল্য তোমার সূক্ষ্ম আর কে হইতে পারে ? তিনি সব জানেন বলিয়া এক দিকে যেমন পাপের শাসন করেন, অন্য দিকে তেমনি সংশয় ছেদন করিয়া, সত্য প্রকাশ করিয়া, হৃদয় আলোকিত করিয়া তোমার উপকার সাধন করেন। যখন তুমি এই সকল বিষয় আরাধনার বাক্যে প্রকাশ কর তখন জ্ঞানস্বরূপের আরাধনা হয়। যেমন, হে জ্ঞান, তুমি আমায় দেখিতেছ, তুমি আমার হৃদয়ের সকল বিষয় জানিতেছ, তোমার নিকটে আমি কিছুই গোপন রাখিতে পারি না, তুমি আমার পাপ দেখিয়া আমায় শাসন করিতেছ, ভৎসনা করিতেছ, পাপ কেমন করিয়া যায় তাহার উপায় বলিয়া দিতেছ ইত্যাদি ইত্যাদি।

অনন্ত স্বরূপ ।

বুদ্ধি। আজতো অনন্তস্বরূপের কথা বলিবে ? অনন্তস্বরূপের আরাধনা করিতে গিয়া মন হাঁপাইয়া পড়ে। মনে হয়, উহাতে কাহারও আনন্দ হয় না।

বিবেক। তুমি যাহা বলিলে তাহার বিপরীতই সত্য। অনন্ত ভিন্ন তৃপ্তি নাই। যাহা সান্ত, তাহাতে সুখ ও তৃপ্তিও সান্ত। প্রাচীন ঋষিরা এ জগুই বলিয়াছেন 'অন্নোতে সুখ নাই, ভূমাতে সুখ'।

বুদ্ধি। কৈ অনন্তের আরাধনার ভিতরে এমন কথা কাহারও মুখে তো শুনিতে পাওয়া যায় না ?

বিবেক। অনন্তের আরাধনা দুই প্রকারে সম্ভব। প্রথম ব্যক্তিরেক পক্ষে ;

বসন্তকাল।

দ্বিতীয় অধ্যায় পক্ষে। বাস্তবিক ও অদ্বয়, এ দুইটি কথা দার্শনিক। এ দুইটি কি আগে যোগ। অনন্ত ও সত্য এ দুই পরস্পর বিপরীত। অনন্ত ছাড়া যদি কিছু সত্য থাকে, তাহা হইলে সেই সত্যই অনন্তকে সত্য করিয়া ফেলি-
ভেছে। অনন্ত যদি ক্ষুদ্র অণুকেও স্থান দেন, তাহা হইলে তাহাতেই অণু পরিমাণ ক্ষুদ্র হইয়া সত্য হইয়া পড়েন। এই চিন্তা সাধকদিগের মনে উপস্থিত হওয়াতে তাঁহারা অনন্ত ছাড়া যাহা কিছু মানুষের প্রতীত হয় উহা ভ্রম, ইহা নির্ধারণ করিয়া অনন্তকে সত্য এবং জীব ও জগৎকে মিথ্যা প্রতিপন্ন করিয়া-
ছেন। অনন্ত হইতে স্বতন্ত্র করিয়া লইলে কিছুই থাকে না, সকলই মিথ্যা হইয়া উড়িয়া যায়। এই যে স্বতন্ত্র করিয়া লওয়া ইহাকেই বাস্তবিক বলে। প্রাচীন কালের সাধকেরা অনন্তের আরাধনা করিতে গিয়া জগৎ ও জীবকে উড়াইয়া দিয়াছেন। এখনকার সাধকগণ জগৎ ও জীবকে স্পষ্ট বাক্যে উড়াইয়া না দিয়া অনন্তকে জ্ঞান বুদ্ধির অতীতরূপে গ্রহণ করিয়া থাকেন। কাহাদের আরাধনার ভাষা এইরূপ—তোমায় জানা যায় না, বুঝা যায় না, তুমি বুদ্ধি মনের অগোচর। আমরা তোমার নিকটে ধূলিসদৃশ, আমরা কিছুই নই, ইত্যাদি।

বুদ্ধি। অনন্তের আরাধনা তো এই প্রকারই হইয়া থাকি। এ ছাড়া আবার অনন্তের কি প্রকার আরাধনা হইতে পারে ?

বিবেক। অনন্তের আরাধনার বাস্তবিক পক্ষই বহু সাধকের মনে জাগিয়া আছে, আজও অদ্বয় পক্ষের আরাধনা প্রচলিত হয় নাই এক প্রকার বলা যায় অদ্বয় পক্ষ কি শোন। 'সত্যং জ্ঞানমনশ্চম্' ইহার পদের আরাধনা মন্ত্র 'আনন্দরূপমমৃতং যদ্বিভাতি।' অনন্তের সঙ্গে যখন 'আনন্দরূপে প্রতিভাত' এইটি যোগ করা যায়, তখন অদ্বয় পক্ষের অনন্তের আরাধনা সিদ্ধ পায়।

বুদ্ধি। এ আবার কি বলিতেছ ? সত্য জ্ঞান অনন্তের পর যদিও 'যে অমৃত আনন্দরূপে প্রতিভাত হন' এ মন্ত্র উচ্চারিত হয়, তথাপি উহা যে ব্যাধার সময়ে সর্বশেষে সাধকেরা আনিয়াছেন। এখনও অনেক ব্রাহ্ম সত্য জ্ঞান অনন্তের পরই উহার ব্যাধা করিয়া থাকেন, এবং পূর্বের ন্যায় শুদ্ধতায় তাঁহারা উপাসনা শেষ করেন। কেহ কেহ 'আনন্দরূপমমৃতং যদ্বিভাতি' এ আরাধনা মন্ত্রটি সর্বশেষে উচ্চারণ করেন। আরাধনার এ সঙ্গন্ধে যখন এত ব্যতিক্রম চলিতেছে, তখন তুমি আবার আর একটা নূতন ব্যতিক্রম ঘটাইবার ক্ষমতা এ

কি কথা বলিতেছ ? এতে কেবল গোল বাধিবে তাহা নয়, বগড়া বাধিয়া যাইবে । এইরূপ করিয়াই তো ধর্মের ভিতরে সাম্প্রদায়িকতা উপস্থিত হয় ।

বিবেক । আমি বাহা বলিতেছি তাহাতে বগড়া বাধিবে কেন ? যেখান হইতে মন্ত্রটি তুলিয়া লওয়া হইয়াছে, সেখানকার সমগ্র অংশটি বাহারা বিচার করিয়া দেখিবে, তাহারা বুঝিবে যে আমি বাহা বলিতেছি তাহাই ঠিক । সত্যের প্রতি অনুরাগ না থাকিলে ধর্ম সাধন হয় না । বাহাদিগের সত্যের প্রতি অনুরাগ আছে, অবশ্য সাধনার্থিমাাত্রেরই সত্যের প্রতি সমাদর আছে মানিয়া লইতে হইবে, তাহারা বিরোধও বাধাইবে না, এজন্য বিভ্রান্ত হইয়াও পড়িবে না ।

বুদ্ধি । কি কতকগুলি কথা বলিয়া যাইতেছ, কিছুই বুঝিয়া উঠিতে পারিতেছি না । কোথা হইতে মন্ত্রটি তোলা হইয়াছে, তার পূর্কপর কি, ইহা না জানিলে কি আর এ সব কথা বোঝা যায় ?

বিবেক । ‘আনন্দরূপমমৃতং বদ্বিভাতি’ এ অংশটি মুক্তকোপনিষৎ হইতে গ্রহণ করা হইয়াছে । ভুলোকে, দেহ, মন, প্রাণ, বুদ্ধি, অন্ন ইত্যাদিতে যিনি প্রতিষ্ঠিত, সেই অমৃতকেই জ্ঞানিগণ আনন্দরূপে প্রকাশিত দেখিতে পান, এইটি সেই শ্রুতির মূল অর্থ । দেখ, সকল বস্তুর সহিত ব্রহ্মের সঙ্কলনশতঃ সেই সকল হইতে যে আনন্দ প্রকাশ পায়, এখানে সেই আনন্দকে লক্ষ্য করা হইয়াছে । এ আনন্দকে সমুদায় পদার্থ হইতে স্বতন্ত্র করিয়া লইয়া এস্থলে সাক্ষাৎসম্বন্ধে গ্রহণ করা হয় নাই । সর্বশেষে যে আনন্দের আরাধনা হয়, সে আনন্দ পদার্থ-সমূহের মধ্যদিয়া প্রতিভাত আনন্দ নয় । সাক্ষাৎ আনন্দস্বরূপের স্বরূপবাচক শ্রুতি ‘রসো বৈ সঃ’ । এ শ্রুতি মন্ত্ররূপে আরাধনায় গৃহীত হয় নাই বটে, কিন্তু আনন্দের বাহা ব্যাখ্যা হয় তাহাতে যদি কোন মন্ত্রযোগ্য করা উচিত হয়, তাহা হইলে ‘রসো বৈ সঃ’ এইটি যোগ করা উচিত । এক্ষেপে যোগ করিলে সমুদায় আরাধনার মন্ত্র হইল ‘সত্যং জ্ঞানমনস্তং ব্রহ্ম’ ‘আনন্দরূপমমৃতং বদ্বিভাতি’ ‘শান্তং শিবমদ্বৈতং’ ‘শুদ্ধমপাপবিদ্ধম্’ ‘রসো বৈ সঃ’ । ‘শুদ্ধমপাপবিদ্ধম্’ পর্য্যন্ত বলা সাধকগণের বহুদিনের অভ্যাস হইয়া গিয়াছে । ‘রসো বৈ সঃ’ যোগ করিলে কেহ উচ্চারণ করিলেন, কেহ করিলেন না, এইরূপ গোলের সম্ভাবনা । তাই এই মন্ত্র যোগ না করিয়া তদুপযোগী ব্যাখ্যা হইয়া থাকে । কেহ এ মন্ত্র আরাধনামন্ত্রের সঙ্গে মনে মনে উচ্চারণ করেন ।

বুঝি। এতো গেল সব বাহিরের কথা। এখন বল, অনন্তরূপের অক্ষয়-পক্ষের ব্যাধা করিতে গিয়া 'যে অমৃত আনন্দরূপে প্রতিভাত হন' এ মন্ত্রটির যোগ কি প্রকারে হয় ?

বিবেক। সাধকদিগের মুখে 'ভূমা মহান্ পরম পুরুষ' এরূপ কথা অনেক-বার শুনিয়া থাকিবে। 'ভূমা' শব্দটি বহু-শব্দ হইতে সমুৎপন্ন। অনন্তের ভিতরে বহু অন্তর্ভূত হইয়া রহিয়াছে। 'ভূমাই সুখ, অল্পেতে সুখ নাই' প্রাচীন সাধক-গণ যখন এ কথা বলিলেন, তখন অনন্তের ভিতরে অখণ্ড ভাবে বহুর অন্তর্নিবেশ দেখিয়া সুখ সমুপস্থিত হয়, ইহাই আসিয়া পড়িতেছে। জগৎ ও জীব বহুত্ব প্রদর্শন করে। এই বহুরূপধারী জগৎ ও জীব অনন্তের বাহিরে নহে, অনন্তের ভিতরে। পূর্বেই বলিয়াছি 'যে অমৃত আনন্দরূপে প্রতিভাত হন' এ শ্রুতিতে পৃথিব্যাদিতে ব্রহ্ম আনন্দরূপে প্রকাশমান, ইহাই আছে। এই যে অখণ্ডতাবা-পন্ন বহুত্বের ভিতরে আনন্দের প্রকাশ, ইহারই সঙ্গে 'ভূমাই সুখ' এ শ্রুতির যোগ। অনন্তের আরাধনা করিতে গিয়া যখন তন্মধ্যে সকলই অনুভূত হয়, তখন সাধক এইভাবে তাঁহার আরাধনা করে,—'আমরা সকলে তোমাতেই বাস করিতেছি, তোমার ক্রোড় ছাড়িয়া বাহিরে কোথাও আমরা পদার্পণ করিতে পারি না, তুমিই আমাদের বাসগৃহ। সমুদ্রের ভিতরে যেমন মৎস্য, আমরা তোমার ভিতরে সেইরূপ সর্বদা বিচরণ করিতেছি। তোমার অনন্ত ঐশ্বর্য্য বিস্তার আমাদেরই জগৎ। অনন্তকাল আমরা এই সকল ঐশ্বর্য্য সম্ভোগ করিব। আমরা কুত্র হইয়াও অনন্ত কাল তোমার অনন্ত জ্ঞানশক্তিতে পরিপুষ্ট চইব। তুমি আমাদের অনন্তজীবনের উৎস, আমাদের জীবনের কোন কালে শেষ হইবে না' ইত্যাদি ইত্যাদি। এইটি অক্ষয়পক্ষের আরাধনা। অনন্ত ব্রহ্মের অন্তর্ভূত সমুদায় জগৎ ও জীবের তৎসহ সম্বন্ধাবলম্বনে যে আরাধনা উপস্থিত হয়, তাহা-কেই অক্ষয়পক্ষের অনন্তের আরাধনা বলে।

বুঝি। আনন্দের সঙ্গে যে 'অমৃত' শব্দটি আছে, তাহার সম্বন্ধে তো কোন উল্লেখ হইল না ?

বিবেক। জগতে যে ব্রহ্মের প্রকাশ তাহা অস্থায়ী, দিব্যধামে যে ব্রহ্মের প্রকাশ তাহা স্থায়ী। এই স্থায়ী প্রকাশ 'অমৃত' বলিয়া উল্লিখিত। সুতরাং অমৃতশব্দে নিত্যব্রহ্ম গ্রহণ করিয়া তদবলম্বনে আর স্বতন্ত্র আরাধনা হয় না।

শ্রেমস্বরূপ ।

বুদ্ধি । তুমি অনন্তস্বরূপের আরাধনার যে অস্বয়পক্ষের ব্যাধা করিয়াছ তাহাতে শ্রেমস্বরূপের আরাধনা নিতান্ত স্বাভাবিক হইয়া পড়িয়াছে । ব্যতিরেকপক্ষের আরাধনার সাধকের সঙ্গে ঈশ্বরের সকল সম্বন্ধ কাটিয়া যায়. আবার পুনরায় শ্রেমের সম্বন্ধ স্থাপন করিতে গিয়া পূর্বের সঙ্গে পরের যে একটা ফাঁক পড়ে, সে ফাঁক আর মিটে না । ব্যতিরেকপক্ষের পর অস্বয়পক্ষের যোগ হওয়াতে আর সে দোষ থাকে না, সহজে শ্রেমস্বরূপের আরাধনা আপনা হইতে উপস্থিত হয় । আজ তো শ্রেমস্বরূপের আরাধনার কথা বলিবে ?

বিবেক । হাঁ, আজ শ্রেমস্বরূপের আরাধনাই বলিবার বিষয় । তুমি যে অনন্তস্বরূপের ব্যতিরেক ও অস্বয়পক্ষের আরাধনার প্রয়োজন ও অভিপ্রায় বুঝিতে পারিয়াছ, ইহাতে আমি বড়ই সুখী হইলাম । আমরা অনন্তস্বরূপের আরাধনায় দেখিতে পাইয়াছি, অনন্তের ভিতরে সকল জীব ও জগৎ লইয়া সাধক অবস্থিত । সে তাহার ভিতর হইতে আর কখন বাহিরে পদার্পণ করিতে পারে না । তাহার দেহ মন প্রভৃতি সেই অনন্তসাগরের ভিতরে নিমগ্ন হইয়া রহিয়াছে ; ইন্দ্রিয়চেষ্টা, জগৎ ও জীবের সহিত সম্বন্ধ সকলই সেই অনন্তের ভিতরে স্থিতি করিয়া নিষ্পন্ন হইতেছে । শ্রেমস্বরূপের আরাধনা করিতে গিয়া জগৎ ও জীবে ঈশ্বরের যে বিবিধ করুণা প্রকাশ পায়, সে সকলের উল্লেখ করিয়া আরাধনা করিতে হয় । ব্যতিরেকপক্ষের আরাধনার ঈশ্বর হইতে বাহির হইয়া আসিতে হয়, অস্বয়পক্ষের আরাধনায় যদি ঈশ্বরের ভিতরে স্থিতি না ঘটিল তাহা হইলে আবার বাহির হইতে আরাধনা উপস্থিত করিতে হইত । একবার বাহির হইতে ভিতরের দিকে গতি হইয়াছিল, আবার যদি ভিতরের দিক হইতে ঈশ্বরকে না লইয়া বাহিরে আসিয়া পড়া যায়, তাহা হইলে আবার উদ্ধোধন হইতে আরাধনার উপস্থিত হওয়া প্রয়োজন হইয়া পড়ে । অস্বয়পক্ষের আরাধনায় যখন জগৎ ও জীব সকলই ঈশ্বরের অন্তর্ভূত হইয়া তাহাতে স্থিতি করিতেছে, তখন শ্রেমস্বরূপের আরাধনাকালে জগৎ, জীব ও সাধক, এ তিনের মধ্যে ঈশ্বরের শ্রেমের লীলা দর্শন করিয়া তাহার ব্যাধা করিলে আর এ কথা বলিতে পার না, ঈশ্বরকে ছাড়িয়া বাহিরে যাওয়া হইয়াছে । পূর্বে যখন কেবল অনন্তস্বরূপের ব্যতিরেক-

পক্ষের আরাধনা ছিল, তখন প্রেমস্বরূপের আরাধনাকালে জীব, জগৎ ও সাধক, এ তিনের সম্বন্ধঘটিত কথা বাখ্যার মধ্যে আসিলে, অমুক ব্যক্তির আরাধনা বহিমুখীন এই বলিয়া দোষারোপ হইত, এখন আর সেরূপ দোষ দেওয়ার কোন কারণ রহিল না। যদি সাধক সকলের সঙ্গে আপনাকে ব্রহ্মের মধ্যে অবস্থিত দেখিতে পান তাহা হইলে বহিমুখীনতার দোষ কিছুতেই ঘটিতে পারে না!

বুদ্ধি। আরাধনায় যে প্রবচন উচ্চারণ করা হয়, তন্মধ্যে প্রেম শব্দ নাই, সকল উপনিষৎ খুঁজিয়া প্রেম শব্দ পাওয়া যায় না, একরূপ স্থলে 'শিব' বলিতে যে প্রেমই বুঝায় ইহা কিরূপে বিশ্বাস করিব?

নিবেক। উপনিষদে একস্থলে হয়তো একটি স্বরূপবাচক শব্দমাত্র উল্লিখিত হইয়াছে, সেখানে সে স্বরূপটির কোন বাখ্যা নাই। সেই স্বরূপের বাখ্যা অল্প উপনিষদ হইতে সংগ্রহ করিয়া সে স্বরূপে কি বুঝায় বুঝিতে পারা যায়। 'শান্তং শিবমঐহিতং' এ বাক্যটি মাণ্ডুক্যোপনিষদ হইতে পরিগৃহীত। এখানে ব্রহ্মকে প্রপঞ্চের অতীতরূপে গ্রহণ করিয়া তঁাহাকেই শান্ত (প্রপঞ্চাতীত), শিব ও ঐহিত বলিয়া হইয়াছে। প্রপঞ্চের অতীত হইয়া তাহার সঙ্গে না মিশিয়া তিনি 'শিব', একরূপ বলাতে এই বুঝাইতেছে যে, তিনি সকলের নিত্য কল্যাণ বিধান করিতেছেন, অথচ তাহাতে তিনি জগৎ ও জীবের সহিত লিপ্ত হইয়া পড়িতেছেন না; নির্লিপ্ত ভাবেই নির্বিকার ভাবেই সকল করিতেছেন। মাণ্ডুক্যোপনিষদের যে স্থল হইতে এই বাক্যটি গৃহীত হইয়াছে, তাহার পূর্ববর্তী বাক্যাংশের সঙ্গে ইহার যে সম্বন্ধ এই ক্ষতিতে নির্দিষ্ট আছে, তাহাতে পরমাত্মা সর্বগত হইয়াও সর্বাতীত ইহাই বুঝাইতেছে। সর্বাতীত ও সর্বগত এ দুইটি ভাব একত্র করিলে ঈশ্বরের সর্বান্তর্ভাবকত্ব হৃদয়ঙ্গম হয়। তিনি সকলের ভিতরে থাকিয়াও তখনই সকলের অতীত হন, যখন আপনার ভিতরে সকলকে নির্বিষ্ট করিয়া রাখেন তঁাহার বাহিরে একটি সামান্য অণুও থাকিতে পারে না। সর্বান্তর্ভাবকত্ব বলিতে ইহাই বুঝাইয়া থাকে। অনন্তস্বরূপের অনন্তপক্ষের বাখ্যায় ইহাই প্রতিপন্ন হইয়াছে। মাণ্ডুক্যোপনিষদের পূর্বাংশের বাক্যাংশের এই প্রকারে অর্থ করা করিয়া যখন শিবশব্দের বাখ্যাস্বরূপ অল্প উপনিষদের বাক্যাংশের ইহার সঙ্গে মিলাইয়া লওয়া যায়, তখন শিবশব্দে যে প্রেম বুঝায় তাহাতে আর কোন সন্দেহ থাকে না। "সমুদায় আনন, শিব ও গ্রীবা ইহারই। ইনি সর্বভূতের হৃদয়ঙ্গম

ও সর্বব্যাপী, সূত্রাং ইনি সর্বগত শিব।" "ইনি সূক্ষ্মাতিসূক্ষ্ম, হৃদয়ের নিগূঢ়তম স্থানে স্থিত, ইনি বিশ্বের স্রষ্টা, অনেক রূপ, একমাত্র বিশ্বের পরিবেষ্টা, ইঁহাকে শিবরূপে জানিয়া সাধক অত্যন্ত শাস্তিলাভ করিয়া থাকেন" ইত্যাদি যেতাব-
তরোপনিষদ হইতে শিবস্বরূপের ব্যাখ্যা গ্রহণ করিলে শিবস্বরূপের ব্যাখ্যাতে যে
ঈশ্বরের প্রেমস্বরূপের ব্যাখ্যা বিধিসিদ্ধ, তাহাতে আর কোন সন্দেহ থাকে না।
'সমুদায় আনন, শির ও গ্রীবা ইঁহারই' এ কথা বলাতে বুঝাইতেছে যে, যে
কোন ব্যক্তি হইতে যে কোন কল্যাণ উপস্থিত হয় তাহা সেই মঙ্গলস্বরূপ হইতে।
দেখ এই এক কথাতেই পিতামাতা পত্নী হইতে যে কোন কল্যাণ হয়, তাহা
ঈশ্বরেরই মঙ্গলভাব হইতে সমাগত স্পষ্ট বুঝাইতেছে। কেহ কেহ আনন্দস্বরূ-
পের সহিত প্রেমস্বরূপকে এক করিয়া গ্রহণ করিয়াছেন। অনন্তস্বরূপের
অন্বয়পক্ষের ব্যাখ্যায় আনন্দস্বরূপের জগতে ও জীবে প্রকাশ দেখা গিয়াছে,
শিবস্বরূপের সহিত উহার যোগ করিলে দুইয়ে মিশিয়া প্রেমস্বরূপ নিস্পন্ন হইতে
পারে।

বুদ্ধি। উক্ত উপনিষদ বাক্য হইতে প্রেমস্বরূপ কি প্রকারে আসিল এ
সম্বন্ধে আর অধিক বিচার করিবার প্রয়োজন নাই। এখন মূল কথা বল।

বিবেক। মূল কথা বলিতে গিয়া আর একটা কথা আসিয়া পড়িতেছে, সেটি
ভাল করিয়া বিবেচনা করিয়া না দেখিলে প্রেমস্বরূপের আরাধনায় গোল পড়িতে
পারে। দেখ ঈশ্বরের প্রেমের ভিতরে কোন দৌর্ভালা নাই, উহা শাস্ত অর্থাৎ
বিকারাতীত। রোগ শোক দুঃখ বিপদ পরীক্ষা এ সমুদায়ও সেই প্রেম হইতেই
সমাগত হয়। এ সকল যে কল্যাণ ভিন্ন আর কিছু নহে, তুমি আপনি অনেক-
বার তাহার প্রমাণ পাইয়াছ, সূত্রাং ইহা আর অধিক করিয়া বুঝাইবার প্রয়ো-
জন করে না। তুমি ইহাও অবশ্য মনে স্থির করিয়া রাখিয়াছ, অল্পদিন মধ্যে
যদি কোন নূতন পরীক্ষা উপস্থিত হয়, তাহাতেও কল্যাণ ভিন্ন অকল্যাণ হইবার
নহে। সূত্রাং এই সকল পরীক্ষা হইতে যে কল্যাণ উপস্থিত হইয়াছে, তাহাও
প্রেমস্বরূপের আরাধনার ব্যাখ্যায় অন্তর্ভূত করিয়া লইতে হইবে। এগুলি অন্ত-
র্ভূত করিয়া লইলে আরাধনার বাক্য এইরূপ হইবে,—হে প্রেমস্বরূপ মঙ্গলময়,
তুমি আমাদের কল্যাণের জন্ত সকলই করিতেছ। আমরা বাল্যকাল হইতে
তোমার করুণায় লালিত পালিত হইয়া আসিতেছি, তুমি এক দিনের জন্তও

আমাদেরকে বিবৃত হও না। জরায়ু-শয্যা হইতে আমরা তোমাকর্তৃক লাগিত পালিত হইয়া আসিতেছি, আজ পর্যন্ত তোমার কত মেহ করুণা আমরা সম্বোধন করিলাম তাহার গণনা করিয়া উঠিতে পারি না। আমাদের প্রতিনিম্নে প্রতি-রক্তসঞ্চালনে তোমারই অসীম অনন্ত মেহ নিরন্ত প্রকাশ পাইতেছে। আমাদের জীবনে রোগ শোক বিপদ পরীক্ষা কত উপস্থিত হইল, কিন্তু তোমার করুণাশ্রমে সে সকল আমাদের আত্মার বিশেষ কল্যাণ সাধন করিয়াছে। আমরা আমাদের জীবনে এমন একটা ঘটনাও স্মরণ করিতে পারি না, যাহা আমাদের সম্বন্ধে কল্যাণে পরিণত হয় নাই, ইত্যাদি ইত্যাদি।

অধিতীয় স্বরূপ।

বুদ্ধি। আজ তো অধিতীয়স্বরূপের কথা বলিবে ?

বিবেক। দেখ স্বরূপনির্বাচক শ্রুতিতে 'অধিতীয়' শব্দ নাই, 'অধৈত' শব্দ আছে। প্রথমতঃ 'অধিতীয়' ও 'অধৈত' এ দুই শব্দের প্রভেদ বুঝা প্রয়োজন।

বুদ্ধি। কোন একটা কথা তোমার বলিলেই তা নিরে অগাভন হইতে হয়। 'অধিতীয়' 'অধৈত' এ দুইয়ের প্রভেদ ভাবিতে, বল, তোমা বিনা আর কাহার এত মাথার ব্যথা ?

বিবেক। শব্দপ্রয়োগের দায়িত্ববোধ যাহাদের নাই, তাহারা এইরূপ কথা বলে। যাহারা সত্যের নিকটে আত্মবিক্রম করিয়াছে তাহারা কখন এরূপ কথা বলিতে পারে না। শব্দব্যবহারের মধ্যে যখন সত্যাসত্য উভয়ই আছে, তখন স্বার্থার্থিগণের শব্দব্যবহারে নিরতিশয় সাবধান হওয়া উচিত।

বুদ্ধি। তোমার মতে তবে মূর্খদের এ সকল শব্দব্যবহারে কোন অধিকার নাই ?

বিবেক। মূর্খেরা পণ্ডিতদের মুখে শুনিয়া এ সকল শব্দ ব্যবহার করিয়া থাকে। এ সম্বন্ধে দায়িত্ব মূর্খদের নহে, পণ্ডিতদের। যাহারা লোকের নিকটে পণ্ডিত বলিয়া প্রসিদ্ধ, তাহাদের সেই প্রসিদ্ধির জন্য তাহাদের দায়িত্ব আরও অধিক। যে কোন নূতন শব্দ তাহারা ব্যবহার করে, তাহার তত্ত্ব তাহাদিগের ভাল করিয়া অনুসন্ধান করিয়া দেখা উচিত। কি জানি বা তাহাদিগের আলস্তে জনসমাজে একটা মিথ্যা চলিয়া যায়, এবং জ্ঞানবিস্তারের পরিবর্তে অজ্ঞানতা-

বিতার হইয়া পড়ে, এ সবকে তাহাদের সর্বদা সাবধান হওয়া উচিত। অহুসহান করিলে বাহার তব নিশ্চয় একান পাইবে, সে সবকে অহুসহান না করা বর্বর একান্ত বিরোধী। পণ্ডিত হইলেই সে ব্যক্তি বিবেকী হয়, ইহা বখন পণ্ডিত্য-হারেও স্বীকার্য, তখন পণ্ডিত হইয়া অবিবেকী হওয়া কি উচিত ?

বুদ্ধি। তুমি এ কি বলিতেছ ? কত পণ্ডিত আছেন, কৈ তাহাদের মধ্যে সকলেই কি বিবেকী ?

বিবেক। যে ব্যক্তি বিবেকী নয় সে ব্যক্তি পণ্ডিত নয়, ইহা দেখিয়াই শাস্তিকগণ বিবেকী ও পণ্ডিত একপার্থায়শব্দরূপে গ্রহণ করিয়া থাকেন। সে কথা যাউক, এখন 'অদ্বিতীয়' ও 'অদ্বৈত' এ দুই শব্দের প্রভেদ শোন। 'অদ্বিতীয়' এ শব্দটি আসিরাছে 'একমেবাদ্বিতীয়ম্' এই শ্রুতি হইতে। ব্রাহ্ম-সমাজের আরম্ভে এই শ্রুতিই গৃহীত হইয়াছিল। অনেক দিন পরে ব্রাহ্মসমাজের দ্বিতীয় ব্যক্তি "শান্তং শিবমদ্বৈতম্" এই শ্রুতি হইতে 'অদ্বৈত' শব্দ গ্রহণ করি-
রাছেন। অদ্বিতীয় শব্দের অর্থ দ্বিতীয় নাই। ব্রহ্ম তির দ্বিতীয় আর কিছুই নাই, এ অদ্বিতীয় শব্দের এই অর্থ। এই অর্থ ধরিয়াই অনেক পণ্ডিত, ব্রহ্ম তির যাহা কিছু দেখা যায়, শুনা যায়, স্পর্শ করা যায় সে সকলই মিথ্যা এই সিদ্ধান্তে আসিরা উপস্থিত। সৃষ্টির পূর্বে কিছু ছিল না, এক ব্রহ্ম ছিলেন, লয় হইয়া গেলে কিছুই থাকিবে না, কেবল তিনিই থাকিবেন, টহা প্রকাশ করিবার জন্য এই শ্রুতি। যদি যোগে চকুর সম্মুখ হইতে সব উড়াইয়া দিয়া একমাত্র ঈশ্বরকে দেখিতে চাও, তাহা হইলে 'অদ্বিতীয়' শব্দ ব্যবহার করিতে পার। এ কিন্তু অনন্তস্বরূপের ব্যতিরেক পক্ষে যাহা বলা হইয়াছে তাহারই রূপান্তরমাত্র। প্রেমের পর যে অদ্বৈত স্বরূপের ব্যাখ্যা হয় তাহাতে 'তুমি সকলের রাজা সকলের প্রভু' ইত্যাদি শব্দ ব্যবহার করাতে দেখিতে পাওয়া যায়, অদ্বৈতের সঙ্গে সকল জীব ও জগৎ অহুসৃত রহিয়াছে, এই ভাবেই উহার ব্যাখ্যা হইয়া থাকে। হঠাৎ যদি পূর্বাভ্যাগবশতঃ 'তুমি অদ্বিতীয়' এই শব্দ উচ্চারিত হয়, তাহার সঙ্গে সঙ্গে 'তোমার সমান কেহ নাই' এ কথাও উচ্চারিত হইয়া থাকে। অমুক ব্যক্তি অদ্বিতীয়, একথা বলিলে তাহার সমান আর কেহ নাই লোকে এইরূপ বুঝিয়া থাকে। সুতরাং জানিও এখানে লৌকিক ব্যবহার অহুসরণ করিয়া আদ্বিতীয় শব্দ ব্যবহার করা হইতেছে, শ্রোতা ব্যবহার নহে।

বুঝি। এই ব্যাপ্তিতে তুমি গোল পড়িলে। নৌকিক ও শ্রীত এই দুটা
বড় শব্দ দিয়া দেখিতেছি, গোলটা চাপা দিতে চেষ্টা করিতেছ।

বিবেক। আমি গোল চাপা দিতেছি তাহা নহে। যখন সত্য জ্ঞান
ঈশ্বাদি শ্রুতিবাক্য ধরিয়া আরাধনা চলিতেছে, তখন সেস্থলে শ্রুতিবাক্য উচ্চারণ
করিলে লোকের এই ধারণা হয় যে, এ বাক্য সকল শ্রুতিতে যেভাবে ব্যবহৃত
হইয়াছে, সেই ভাবেই ব্যাখ্যাত হইবে।

বুঝি। তুমি এই বা কি বলিতেছ? এখন যেরূপে উপাসকগণ আরাধনার
ঈ সকল বাক্যের ব্যাখ্যা করেন, শ্রুতির কোথাও তো সে প্রকার ব্যাখ্যা
দেখিতে পাওয়া যায় না, এ যে একেবারে নূতন।

বিবেক। নূতন হইলেও শ্রুতিবিরোধী নয়, তাহারই বিস্তৃত প্রয়োগমাত্র।
যাউক, এখনও 'অদ্বৈত' শব্দে কি বুঝায় বলি নাই, কথার স্রোতে ভাসিয়া
গিয়াছি। অদ্বৈত শব্দের অর্থ—যাহার দুই ভাব নাই (অ + দ্বি + ইত + অণ্),
একই ভাব। প্রথমতঃ প্রেমস্বরূপের ব্যাখ্যার সময়ে দেখিতে পাওয়া গিয়াছে
প্রেমের কতই ভাব। পৃথিবীর নরনারীর যত প্রকারের সম্বন্ধ আছে, তন্মধ্য
দিয়া যে প্রেম প্রকাশ পায় সে প্রেম ভিন্ন ভিন্ন আধার অনুসারে ভিন্ন ভিন্ন।
'তোমার প্রেম হইয়া শতধা' ব্রাহ্মসমাজের এই সঙ্গীত এই সত্যই প্রকাশ করে।
পাত্রভেদে গ্রাহকভেদে প্রেমের যে বিচিত্রতা প্রকাশ পায়, তাহাতে লোকে
আপনার আপনার ঈষ্টদেবতাকে স্বতন্ত্র করিয়া ফেলিয়াছে, এক জনের ঈষ্টদেব-
তার সঙ্গে অন্য জনের ঈষ্টদেবতার মিল হয় না, মানুষে মানুষে নয় এইরূপে ঈষ্ট-
দেবতার ঈষ্টদেবতার কলহ উপস্থিত। পুরাণে একরূপ বিরোধ যে লিপিবদ্ধ আছে,
তাহার মূল এই। এখন 'অদ্বৈত' স্বরূপের আরাধনাকালে দেখিতেছি, এই যে
প্রেমের শত ভাব, উহা শত ভাব নহে, একই ভাব। এক অধঃ প্রেমকে পাত্র
ও গ্রাহকভেদে বহু বলিয়া প্রতীত হইয়াছে, বাস্তবিক তাহা নহে। এখানে যদি
'অদ্বৈত' না বলিয়া 'অদ্বিতীয়' বল, তাহা হইলে সেই বিবিধ প্রকাশ মিথ্যা হইয়া
উড়িয়া যায়, 'অদ্বৈত' বলিলে সেগুলি মিথ্যা হয় না, কিন্তু একত্রে পরিণত হয়।
বুঝি, এ সকল প্রভেদ তোমার ভাল করিয়া জানিয়া রাখা উচিত। কেন না
কথা ব্যবহারে অসত্য না হয় এ সম্বন্ধে যখন সর্বত্র সাবধান হওয়া উচিত, তখন
আরাধনাকালে যাহা তাহা করিয়া শব্দ ব্যবহার করিবে; ইহা কি কখন উচিত?

বুঝি । 'অবেশ' শব্দের প্রথম ব্যবহার কি তাহা বাসিলে, উহার দ্বিতীয় ব্যবহার কি বল শুনি ।

বিবেক । আগে যে প্রথমরূপের ব্যাখ্যা হইয়াছে তাহার সঙ্গে সংস্কৃত-প্রথম ব্যবহারের উৎপত্তি, দ্বিতীয় ব্যবহার স্বয়ং স্বরূপসম্বন্ধে । ব্রহ্মের দুই ভাব নীচ একট ভাব, একথা বলাতে তিনি নিতাকাল যে একই ভাবে কার্য্য করিয়া আসিতেছেন, এবং কোন কালে কোন হেতুতে তাহার পরিবর্তন হইতে পারে না, ইহাই বুঝিতেছে । আর তিনি সন্তুষ্ট কাল তিনি অসন্তুষ্ট, আজ তিনি এইরূপে কার্য্য করিলেন, কাল তিনি যে সেইরূপে কার্য্য করিবেন তাহার কোন স্থিরতা নাই, ইত্যাদিরূপ যদি স্মরণেতে পরিবর্তন থাকিত, তাহা হইলে স্থিরতর নিয়ম বিধি ব্যবস্থা কিছুই থাকিত না ; তাহার প্রতি তিনি প্রসন্ন হইতেন তাহার প্রতি এক প্রকার ব্যবহার করিতেন, তাহার প্রতি অপ্রসন্ন হইতেন, তাহার প্রতি অন্য প্রকার ব্যবহার করিতেন । আর এই প্রসন্নতার উপরেই বা নিতর কি ? কোন দিন কোন সামান্ত কারণে যে প্রসন্নতা অপ্রসন্নতায় পরিণত হইবে কে জানে ? তিনি স্রষ্টা মাতা পিতা মাতা বন্ধু স্বয়ং গুরু রাজা ইত্যাদি সবকে যখন সকলের সঙ্গে সম্বন্ধ, তাহা তিনি স্বয়ং এ সকল সবকে আশ্রয়ের সঙ্গে নিতাকালের অন্ত সম্বন্ধ আর কেহ নাই, তখন তিনি যদি এ প্রকার অব্যবস্থিত হইত, তাহা হইলে না আশ্রয়ের কোন মঙ্গল আছে, না সমস্ত জগতের কোন স্থিরতা আছে । প্রথম ও দ্বিতীয় এই দুই ব্যবহার একত্র করিয়া এই স্বরূপের এইরূপ আশ্রয়না হইয়া থাকে ;—'তুমি এক, তোমাকে কোন তাবাস্তব নাই, তুমি পিতা হইয়া সকলকে পালন করিতেছ, মাতা হইয়া সকলকে আশ্রয় ক্রোড়ে ধারণ করিয়া রহিয়াছ, সন্তান পালন করিতেছ, গুরু হইয়া সকলকে শিক্ষা দিতেছ, নেতা হইয়া সকলের পথ প্রদর্শন করিতেছ, রাজা হইয়া সকলকে শাসন করিতেছ ; সমুদায় ব্রহ্মাণ্ড সৃষ্টি করিয়া স্বয়ং ধারণ করিয়া রহিয়াছ; তোমার অধঃ নিম্নে সকল জগৎ ও জীবকে নিয়মিত করিতেছ ; তোমারই যেমন কোন পরিবর্তন নাই, তেমনি তোমার শাসন, বিধি, ব্যবস্থা, কিছুকি পরিবর্তন নাই' ইত্যাদি ইত্যাদি ।

পূর্বাধরণ ।

বুঝি । এই পূর্বাধরণ ব্যাখ্যা হইবার কথা । প্রেমের বিবিধ প্রকাশের

একত্বসাধনের উদ্দেশ্যে অদ্বৈতস্বরূপ তাহার সঙ্গে সঙ্গে উপস্থিত, ইহা বুঝিলাম, কিন্তু অদ্বৈতস্বরূপের অব্যবহিত পরেই পুণ্যস্বরূপের আগমন কেন, ইহা বুঝিতে পারিতেছি না, ভরসা করি সেইটি বুঝাইয়া দিয়া পুণ্যস্বরূপের ব্যাখ্যা করিবে ।

বিবেক । আর এক দিন অদ্বৈতস্বরূপের যে দ্বিতীয় ব্যবহার বলিয়াছি, তন্মধ্যেই পুণ্যস্বরূপের সহিত অদ্বৈতস্বরূপের কি যোগ তাহা এক প্রকার ব্যাখ্যাত হইয়াছে । এই ব্যাখ্যায় আমি বলিয়াছি, “ব্রহ্মের দুই ভাব নাই একই ভাব, এ কথা বলাতে তিনি নিত্য কাল যে একই ভাবে কার্য্য করিয়া আসিতেছেন, এবং কোন কালে কোন হেতুতে তাহার পরিবর্তন হইতে পারে না, ইহাই বুঝাইতেছে ।” এই যে অপরিবর্তনীয়তা, একই ভাবে কার্য্য করা, কিছুতেই এদিক্ ওদিক্ না হওয়া, উহা পুণ্যের মূল । দেখ প্রেমের জায় পুণ্যের প্রকাশেরও বহুত্ব আছে । বিশেষ বিশেষ সম্বন্ধানুসারে যেমন প্রেমের বিধির প্রকাশ, তেমনি বিশেষ বিশেষ সম্বন্ধানুসারে পুণ্যের বিবিধ বিধি । এই সকল বিধি ভিন্ন ভিন্ন বলিয়া প্রতীত হইলেও ঐ সকল বিধির একত্ব এক অপরিবর্তনীয়তা দ্বারা সহজে হৃদয়ঙ্গম হয় । বিধি কি করে ? তোমায় বিচলিত হইতে দেয় না । তুমি পৃথিবীতে যাহার সঙ্গে যে সম্বন্ধে বন্ধ, এবং সেই সম্বন্ধে জন্ম তোমার যে বিধি অনুসরণ করিয়া চলিতে হয় সে বিধি তোমায়, প্রলোভন পরীক্ষা উপস্থিত হইলেও, এদিকে ওদিকে যাইতে দেয় না, ঠিক একই দিকে তোমার গতি রক্ষা করে । দৃষ্টান্তস্বলে পতিপত্নীর সম্বন্ধ গ্রহণ করিতে পারি । দেখ তুমি পরিণয়-সঙ্কল্পবতী হইয়া এক-নূতন বিধির অনুগত হইলে । এই বিধিতে অব্যভিচারী প্রেম রক্ষা করিতে তুমি বাধ্য । তোমার নিকটে ধনাদির বিবিধ প্রলোভন, দারিদ্র্যাদি বিবিধ পরীক্ষা উপস্থিত, কিন্তু কিছুতেই হঃস্থ পতি হইতে তোমার মন ফিরাইতে পারিবে না । পতিপত্নীর সম্বন্ধমধ্যে এমন সকল কঠিন পরীক্ষা ও প্রলোভন আছে যে, বাহিরে না হউক মনের মধ্যেও প্রেমের বিরোধী ভাব উপস্থিত হয় । যদি তুমি যথার্থ পরিণয়রতধারিণী হও, তাহা হইলে সেরূপ বিরোধী ভাব তোমার মনে কখন প্রবেশও করিতে পারিবে না । তুমি পতির নিমিত্ত শরীর মনের সকল প্রকারের ক্লেশ হঃস্থ অনাগ্রাসে বহন করিতে পার কেন ? বিবাহবিধি তোমায় অপরিবর্তনীয় করিয়া তুলিয়াছে এই জন্ম ।

বুদ্ধি । এই অপরিবর্তনীয়তা আমাদের মনের কোন শক্তির সহিত সংযুক্ত ?
 বিবেক । ইচ্ছাশক্তির সহিত উহা চিরসংযুক্ত । ঈশ্বরের ইচ্ছাশক্তি চির
 অপরিবর্তনীয়, সেই এক ইচ্ছাশক্তি জীবের বিবিধ সম্বন্ধানুসারে বিবিধ বিধির
 আকারে প্রকাশ পায়, কিন্তু ইচ্ছাশক্তি দুই নহে একই, সে শক্তির ভাবেরও
 কখন কোন পরিবর্তন হয় না । তুমি বিধির অনুসরণ করিয়া যত চল, তত
 তোমার ইচ্ছাশক্তি সুদৃঢ় হয় । যত ইচ্ছাশক্তি সুদৃঢ় হয়, তত তোমাতে শুদ্ধতা
 বা পুণা বাড়ে । বাড়ে কেন বলিতেছি, ঈশ্বরের ইচ্ছাশক্তির আবির্ভাব তোমাতে
 উপস্থিত হয় ।

বুদ্ধি । তুমিতো পুণা আর ইচ্ছাশক্তিকে এক করিয়া ফেলিলে । কৈ
 ‘শুদ্ধমপাপবিদ্ধম্’ এ বাক্যের মধ্যে এমন কোন কথা আছে, যাহাতে ইচ্ছাশক্তি
 বুঝাইতে পারে । তুমি বল শ্রুতিবাক্য ধরিয়া ব্যাখ্যা করিতে হইবে, এইবার
 তোমায়, দেখিতেছি, গোলে পড়িতে হইয়াছে । ইচ্ছাশক্তি বলিলেই ব্যক্তিত্ব
 বুঝায় । এখানে ব্যক্তিত্ব কৈ ?

বিবেক । মনে রাখিও, গোলে পড়িবার সম্ভাবনা থাকিলে পুণ্যের সঙ্গে
 ব্যক্তিত্ববোধক ইচ্ছাশক্তির যোগ করিতাম না । ‘শুদ্ধ অপাপবিদ্ধ’ এ দুটি কি
 বিশেষণ শব্দ নয় ?

বুদ্ধি । অবশ্য বিশেষণ । বিশেষণ হইলেই ব্যক্তির বিশেষণ হইবে কে
 বলিল ? গাছ পাথর সকলেরই তো বিশেষণ আছে । অব্যক্তিবাচক উদাসীন
 ব্রহ্মের ইহারা বিশেষণ, একথা বলিলে ক্ষতি কি ?

বিবেক । তুমি ফাঁকি ধরিতে শিখিয়াছ, ইহাতে আমি সন্তুষ্ট হইলাম । কিন্তু
 যে শ্রুতির ইটি অংশ সেট সমুদায় শ্রুতির অর্থ কি জানিলে আর তোমার মনে
 গোল থাকিবে না, সে শ্রুতির অর্থ এই ;—“তিনি সর্বব্যাপী, নিশ্চল, নিরবয়ব,
 শিরা ও ব্রণরহিত, শুদ্ধ অপাপবিদ্ধ ; তিনি সর্বদর্শী, মনের নিয়ন্তা, তিনি সক-
 লের প্রেষ্ঠ ও স্বরমু, তিনি সর্বকালে ‘প্রজাদিগকে যে যেমন তেমনি ভাবে অর্থ
 সকল বিধান করিতেছেন।” দেখ, যাহাকে ‘শুদ্ধ অপাপবিদ্ধ’ বলা হইয়াছে,
 তিনি ব্যক্তি কি না ?

বুদ্ধি । এ শ্রুতিতে ঈশ্বরের ব্যক্তিত্ব যেমন সুস্পষ্ট এমন আর উপনিষদের
 কোথাও আছে কি না সন্দেহ ।

বিশেষক । অজ্ঞানও রাজস্ব আছে, কিন্তু এখানে জীবনের ইচ্ছাশক্তি যেমন সক্রিয় উৎসাহের অস্তিত্ব উহা বিরহ । তবে আত্ম যে সকল কথা কহিয়া হইল তদনুসারে পূজাধরূপের আরাধনা কি প্রকারে হইতে পারে, তাহা সংক্ষেপে বলিয়া আলাপ করু করা হাটক ;—হে পুণা, তুমি নিত্য অপরিবর্তনীয় । তোমার আত্মের গ্রহণ না করিলে জীবনকাল বিবিধ রাসনার পরিচালিত হইয়া নিরন্তর বিধগে গমন করে, নানাবিধ গাপজনকে কলঙ্কিত হয় । বৃত্তান্ত না তোমার একমাত্র রূপের ইচ্ছা জানিয়া তোমার দিকে তাহার মন না ফিরায়, কিছুতেই তাহাদিগের পাপ মলিনতা ঘোচে না । তুমি তাহাদিগকে পাপের বন্ধন হইতে মুক্ত করিবার জন্য বিবিধ বিধির অধীন করিয়াছ । যদি তাহারাই সেই সকল বিধি প্রতিপালন করে তাহা হইলে তাহারাই চির অপরিবর্তনীয় ভাব ধারণ করে এবং তোমার সঙ্গে এক হয় । কখন তাহারাই তোমার সঙ্গে এক হয় তখন তাহাদিগের হৃদয় মন আত্মা শুদ্ধ হয়, স্বর্গের সৌন্দর্যে ভূষিত হয়, দেবরূপের সহিত একত্ব লাভ করে ততাদি ততাদি ।

আনন্দস্বরূপ ।

বুদ্ধি । পূজাধরূপের পর আনন্দস্বরূপের ব্যাখ্যা অস্ত্রকার কলিকার বিষয় । এই আনন্দস্বরূপেই ব্যাখ্যা পর্যাবসন্ন হয় । পর্যাবসানে আনন্দস্বরূপে সমুদায় স্বরূপ একীভূত হইয়া সাধকের নিকটে প্রকাশ পায়, কেন না তুমি অতি পূর্বে বলিয়াছ, স্বরূপের ভিন্ন ভিন্ন নাম কেবল বস্তু বুদ্ধিগম্য করিবার জন্য, অস্ত্রকার ত্রয়ের একট অধঃস্বরূপ । চিত্তস্বরূপ ত্রয়ই আনন্দ, একথা প্রতিপন্ন না হইলে অস্ত্রকার পদার্থের গ্রাস ত্রয় বহু গুণবিশিষ্ট হইয়া পরিবর্তনহীন পদার্থ হন ; এ আপত্তিও কিছু সামান্ত্র্য নহে । অতএব অস্ত্রকার ব্যাখ্যায় তোমার কিছু বিশেষ প্রয়াস পাওতে হইতেছে ।

বিশেষক । এ কড় স্বপ্নের বিষয় যে, ঠিক সময়ে আনন্দস্বরূপের ব্যাখ্যা উপস্থিত । দীর্ঘকাল তুমি সংসারে প্রবেশ কর নাই, ঠিক আনন্দস্বরূপের ব্যাখ্যায় সময়ে তোমার সংসারে প্রবেশ, এরূপ সংযোগ ভাগ্যক্রমে ঘটয়াছে । আনন্দস্বরূপে সংযোগের ব্যাপার, এখানে বিরোধ নাই । অস্ত্রকার স্বরূপে তুমি জগৎ ও জীবনের সহিত ত্রয়ের বিরোধ কল্পনা করিতে পার । এখানে যদি সেরণ কল্পনা কর, তাহা হইলে এ স্বরূপের আরাধনা কিছুতেই হইতে পারে না । আনন্দ

কর্তব্যের নিকট হইলে, তাঁহাকে স্পর্শ করিলে, অথবা তাঁহাকে জিন্স হওয়া
 থাকি হইল, একপল জাকনাট অসংলগ্ন। আনন্দ আনন্দকে মন করে, আনন্দ-
 বিকৃত করিয়া দেয়, আনন্দ আর আনন্দে আনন্দ থাকি না, আনন্দমুর্তিকে
 ডুবিয়া যায়। এখন এইরূপে ডুবিয়া যাই, তখন একা ডুবি না, সকলকে লইয়া
 ডুবি। কারণ সকলেই আনন্দের আলিঙ্গনপাশে বদ্ধ। আনন্দে ডুবিলে সেখানে
 যিহা সকলের সহিত মিলিয়া যায়। বস্তু বিচ্ছিন্ন বিয়োগ অন্তর্হিত হয়। এখানে
 সত্যের অধিকার নাই, কেন না এখানে সকলেই দেহবিহীন আত্মা হইয়া আনন্দে
 মগ্ন। সত্য মস্তকের আরাধনার যিনি সকলের প্রাণ সকলের জীবন, সকলের
 সত্যের সত্য তিনি স্বেচ্ছা পাঠিয়াছেন। তিনি কেবল প্রাণের প্রাণ জীবনের
 জীবন, সত্যের সত্য নহেন তিনি সকলই দেখিতেছেন, সকলই জানিতেছেন।
 কেবল তিনি জানিতেছেন তাহা নহে, তিনি আমাদের সকল অভাব পূরণ করি-
 তেছেন, সর্বদা স্নেহনয়নে আমাদের দেখিতেছেন। এই স্নেহ ও প্রেমে
 আনন্দমুর্তি প্রকাশ করিয়া অগ্নিভিনিক্ষেপ পরিত্যাগ করাইয়া একমাত্র আনন্দে তিনি
 মাথকের হস্তকে নিবদ্ধ করিয়াছেন। এখন আর চিন্তার অন্তর্গত গতি নাই,
 তাঁহাতেই সমগ্র মন ও জ্ঞান, চিত্ত প্রবিষ্ট। এ প্রকার একেতে চিত্ত নিবিষ্ট
 হওয়াতে পাপ অপবিত্রতা অন্তর্হিত হইয়াছে। স্বয়ং ঈশ্বর এখন আপনার
 আনন্দমুর্তি প্রকাশ করিয়া সাধককে মুগ্ধ করিলেন, গেহ দেহাদির চিন্তা বস্তু
 অন্তর্হিত হইল। এই আনন্দ সাধকেতে আপনার আনন্দ সংক্রামিত করিয়া
 তাঁহাকে কৃতার্থ করিতেছেন। সুতরাং এই আনন্দ যে চৈতন্যময় প্রেমপুণ্যের
 আধার তাহাতে আর সন্দেহ কি? আনন্দের অপর নাম পূর্ণতা। যেখানে
 পূর্ণতা সেখানে দুঃখ নাই, লোক নাই, পাপ নাই, তাপ নাই, কেবল নিরবচ্ছিন্ন
 স্নেহ ও শান্তি। পূর্ণতা আর কোথাও নাই, পূর্ণতা কেবল এক ঈশ্বরেতে। এই
 পূর্ণতার সত্যই তিনি আনন্দমন। অজানতা, অশুদ্ধতা, নিষ্ঠুরতা পূর্ণতাকে স্পর্শ
 করিতে পারে না। তাই, পূর্ণতা চৈতন্য, পুণ্য ও প্রেম। যে দিক দিয়া বিবে-
 চনা কর, তদ্বৎ যে আনন্দ, তদ্বৎ যে সত্যরূপ, তাহাতে যে সকল বস্তুপের একত্ব
 তাহা সকলেই সহজে প্রতিষ্ঠিত হয়।

বুদ্ধি। আনন্দমুর্তি যে এইরূপ, তাহা একপ্রকার বুদ্ধিমত্তা। আনন্দে
 কেবলই সংযোগ, বিয়োগ নাই ইহাও মহলে স্বেচ্ছাময় হয়, কেন না প্রীতিপাত্রে

সহিত একত্র বাসে আনন্দ, একত্র বাসের অভাব হইলে বিবাদ, ইহা নিয়ত প্রত্যক্ষ । ইহর পূর্ণ । সাধকের নিকটে তিনি যখন আপনাকে প্রকাশ করেন, তখন তাঁহার সেই পূর্ণতা সাধককে মগ্ন ও অভিভূত করিয়া ফেলে । আনন্দের যে এই প্রকার অভিভূত ও নিমগ্ন করিবার সামর্থ্য আছে, তাহাও প্রতিদিন প্রত্যক্ষ হয় । জ্ঞান, প্রেম ও পুণ্যের মিলনেতে যে আনন্দ তাহাও কিছু অপ্রত্যক্ষ ব্যাপার নহে । কোন এক ব্যক্তিকে দেখিলে যে আনন্দোদয় হয়, তাহার কারণ তন্মধ্যে জ্ঞানাদি বিদ্যমান, অথবা আনন্দোদেক হইবার সম্ভাবনা নাই । যে পরিমাণে জ্ঞান পুণ্য প্রেমের অভাব কোন ব্যক্তিতে অনুভূত হয়, সেট পরিমাণে আনন্দের মাত্রা কমিয়া যায় । এখন আনন্দস্বরূপের কিরূপ ব্যাখ্যা হয় বল, শুনি ।

বিবেক । জ্ঞান প্রেম পুণ্য যখন আনন্দে মিশিয়া গিয়াছে, তখন আনন্দের আরাধনা এইরূপে করা যাইতে পারে ;—হে আনন্দখন পরব্রহ্ম, তুমি আমাদের হৃদয় মম প্রাণ আত্মাকে আনন্দের সাগরে ডুবাইলে । আমরা একেবারে তোমার চরণতলে উপস্থিত । তোমার চরণতলে দেবগণ ঋষিগণ মহর্ষিগণ সকলে আমোদ করিতেছেন । আনন্দভূমিতে কেবলই আনন্দের নৃত্য । আমাদের সকল দুঃখ সকল সম্ভাপ অন্তরিত হইল, প্রাণ শীতল হঠল, বিচ্ছেদ বিয়োগ চিরদিনের জন্য বিদায় গ্রহণ করিল । আমরা সম্পন্ন হইলাম, কৃতার্থ হইলাম, ধন্য হইলাম । শত্রু মিত্র সকলকে আমরা সমানভাবে এখন আলিঙ্গন করিতে পারিতেছি । সমুদায় ভুবন আনন্দে প্রাবিত হইয়াছে । হে রসস্বরূপ তৃপ্তিহেতু, আমাদের কৃতার্থতার আর অবধি বৃহিল না, ইত্যাদি ইত্যাদি ।

ধান ।

বৃদ্ধি । আরাধনার পর ধ্যান উপস্থিত । প্রথমে এক বার উদ্বোধন হইয়াছিল । আরাধনার পর আবার ধ্যানের উদ্বোধন করা হয় কেন ? উহাতে কি আরাধনায় যে সাক্ষাৎকার হইয়াছে তাহা উদ্বোধনদ্বারা বিচ্ছিন্ন হইয়া যায় না ?

বিবেক । আরাধনার পর কোন উদ্বোধন না করিয়া একেবারে নিস্তর হইয়া যাওয়াই স্বাভাবিক । যেখানে বহুবিধ লোক সমবেত হয়, সেখানে ধ্যান কি, ইহা বুঝাইয়া দেওয়া প্রয়োজন হয় । এই প্রয়োজন মনে করিয়াই ধ্যানের উদ্বোধন পূর্ব হইতে প্রচলিত আছে । যেখানে এরূপ প্রয়োজন আছে, সেখানে

দীর্ঘ উদ্বোধন না করিয়া ছুচারি কথার করিলে আরাধনার সাফল্যস্বরূপ কাটে না। একরূপ উদ্বোধনই ভাল।

বুদ্ধি। আরাধনা ও ধ্যানের পরস্পর সম্বন্ধ কি ?

বিবেক। আরাধনা ও ধ্যানের সম্বন্ধ অতি ঘনিষ্ঠ। বস্তু প্রত্যক্ষ না হইলে কখন পূর্ণমাত্রায় তাহার সম্ভোগ হয় না। সত্য বটে, বস্তু প্রত্যক্ষ করিতে গিয়া তাহার সঙ্গে সঙ্গে সম্ভোগও হয়, কিন্তু পূর্ণমাত্রায় সম্ভোগে এই একটি ব্যাধাত আছে যে, তখন বস্তু নির্ঝাঁকিত হইতেছে, তন্মধ্যে কি কি ভাব সন্নিবিষ্ট আছে তাহা বুদ্ধিগোচর করা হইতেছে। একরূপ করিতে গেলে ভাব হইতে ভাবান্তরে দ্রুতবেগে প্রবেশ ঘটে, সূত্রাং সম্ভোগের মাত্রা তত অধিক হয় না। আরাধনার ইহাই ঘটিয়া থাকে। বস্তুর স্বরূপ প্রত্যক্ষ করিতে গিয়া স্বরূপ হইতে স্বরূপান্তরে গমন এবং সেই একই স্বরূপমধ্যে কি কি ভাব ও সম্বন্ধ আছে তাহার পর্য্যালোচনায় সম্ভোগের মাত্রা বড়ই অল্প হইয়া পড়ে। আরাধনা সেখানে শেষ হইল যেখানে সমগ্রস্বরূপ এক অখণ্ড বস্তু হইয়া প্রকাশিত। আনন্দস্বরূপে এই অখণ্ডত্ব সিদ্ধ হইয়াছে। কেবল অখণ্ডত্ব সিদ্ধ হইয়াছে তাহা নহে, সমুদায় জীব অখণ্ড হইয়া এক মহাজীবে পরিণত হইয়াছে। অখণ্ড আনন্দঘন ব্রহ্ম ও অখণ্ড জীবের যোগ আনন্দে যখন সিদ্ধ হইল, তখন সেই অখণ্ড জীব অখণ্ড আনন্দসম্ভোগে প্রবৃত্ত। এই যে অখণ্ড জীবের অখণ্ড আনন্দসম্ভোগ ইহাই ধ্যান। এস্থলে ধ্যানশব্দপ্রয়োগ যদিও ঠিক নয়, সমাধিশব্দপ্রয়োগ কথঞ্চিৎ ঠিক, তথাপি সম্ভোগে যখন জীবের চৈতন্য বিলুপ্ত হয় না, আমি সম্ভোগ করিতেছি একরূপ জ্ঞান থাকে, তখন সমাধিশব্দপ্রয়োগ না করিয়া ধ্যানশব্দের প্রয়োগ মন্দ নয়। তবে সাধারণতঃ ধ্যান বলিতে চিন্তা বুঝায়। এখানে চিন্তা নাই চৈতন্য আছে, এ প্রভেদ মনে রাখা প্রয়োজন। একে যদি ধ্যান বলিতে না চাও, যোগ বল।

বুদ্ধি। চিন্তা নাই চৈতন্য আছে, এ প্রভেদ ভাল করিয়া বুঝাইয়া দিলে ভাল হয়।

বিবেক। কোন একটি বস্তুর সকল দিক্ ভাল করিয়া নির্ঝাঁকন করিতে গিয়া আমরা চিন্তানিয়োগ করিয়া থাকি। চিন্তা এই জন্ত প্রবাহক্রমে ধাবিত হয়। হইতে পারে, একটু বিষয়েতে চিন্তানিয়োগ করাতে বিসদৃশ প্রবাহ না হইয়া সদৃশ প্রবাহ হয়, কিন্তু আরাধনার পর যে ধ্যান উপস্থিত, তাহাতে সদৃশ

চিন্তা প্রবাহও উপযোগী নয়। বস্তুর সময় দিক দেখা যখন আরম্ভনাতে নিশ্চয়
 হইয়াছে, এবং অথও পরমপুরুষ অথও জীবসন্নিধান উপস্থিত, তখন কেবল
 তাহাতে মানোভিনিবেশ করিয়া আনন্দসন্তোষ ইহাই সম্ভাব্য। জীবচৈতন্যের
 অস্তিত্ব বিন্যাসসন্তোষ করণ সম্ভব নয়, একত্র অবৈতবাদীগণের দ্বারা জীবচৈতন্য-
 পরমাত্মকে বিলুপ্ত করা করণ সম্ভূত নয়। জীবচৈতন্যকে বিলুপ্ত করিলে
 মুক্তিভাবনা উপস্থিত হয়, কোর ধাতুর জ্ঞান বিলুপ্ত হয়। তাকে আনন্দজনিত
 মুক্তি বলে। মুক্তিভাবনার অপসারণ হইলে তবে মনে হয় কি মুক্তিই হিন্দু।
 আমি যে কামের কথা বলিতেছি, এ কাম মুক্তিই নহে সন্তোষ। এ
 আনন্দসন্তোষের আর কিছু নাই, একত্র মনে আর বিঘ্নস্তরের প্রবেশ না
 বলিয়া চিন্তাপ্রবাহ অবরুদ্ধ থাকে।

বুদ্ধি। বিঘ্নস্তরের প্রবেশ না হইলেও পরমসমুদায়ের ক্রমিক কৃতি মনে
 হইলে তো অবিঘ্নক চিন্তা ব্যানে থাকিতে পারে। তুমি এ চিন্তা যদি ব্যর্থ
 কর, তাহা হইলে সন্তোষকালে জ্ঞানাদি আত্মার উপাদান হইয়া তাহাকে
 ব্যর্থ করিবে কিরূপে? আত্মার কৃতিবৃত্তি, তুষ্টি, সৃষ্টিই বা সিদ্ধ হইবে
 কিরূপে?

বিবেক। কেবল বুদ্ধি, তুমি এখন অরূপ ব্রহ্মের রূপরস পান করিতেছ।
 তুমি চৈতন্য, ব্রহ্মও চৈতন্য। চৈতন্য চৈতন্যকে সন্তোষ করিতেছে। এই
 সন্তোষই রূপরসপান। এ চৈতন্য তোমার নিকট মিষ্ট হইতেও মিষ্টতর, সুগন্ধ
 হইতেও সুগন্ধতর, কেন না ইহা প্রেম-পূর্ণা-মাধা। রসরূপের রসসন্তোষ
 ইত্যর অর্থ—প্রেমপূর্ণা চৈতন্যে মিশিয়া গিয়া যে আনন্দমূর্তি প্রকাশ পাইয়াছে
 তাহাতে মুক্তি হইয়া স্থিতি; পরমরূপ রূপের দ্বারা মনোহর পরমপুরুষে মগ্ন হইয়া
 থাকা। এইরূপ স্থিতিতেই এখনে কৃতার্থতা। জ্ঞানাদির আত্মাতে প্রবেশ-
 নাগনের জন্য চিন্তার প্রয়োজন নাই, অথও আনন্দমূর্তির অন্তঃপ্রবেশে উহা সতই
 সিদ্ধ হইতেছে। তুমি যখন কোন ব্যক্তির প্রেমাদির পরিচয় পাইয়া তাহাতে মগ্ন
 হইয়াছ, তাহাকে দেখিবারাত্র তোমার এমনই ভাবোদয় হয় যে আর তাহার
 শুণের আলাচলা করিতে প্রবৃত্তি হয় না, তাহাকে দেখিতে দেখিতে সমগ্র তিনি
 তোমার অস্তিত্বিষ্ট হয়, আর তুমি তিনি হইয়া যাও। এক জন আর এক
 জন হইয়া যার, এ ব্যাপ্যটি বুদ্ধিবার সময় এখন তোমার উপস্থিত। আদ্য

করি, তুমি উহা উপলব্ধি করিয়া সেই সঙ্গে পরমপুরুষের রসমূর্তিতে এক হইয়া যাইবে। তোমার নবীন অবস্থা, জ্ঞানিও, এই মহত্তম ব্যাপার সাধনের জন্য।

বুদ্ধি। তুমি এ কি বলিলে? যে ব্যক্তিতে মুগ্ধ হইয়া আমি তাঁহার সঙ্গে এক হইলাম, তিনিইতো পরমপুরুষের রসমূর্তিতে মগ্ন হইবার অন্তরায় হইবেন।

বিবেক। অখণ্ড জীব ও অখণ্ড ব্রহ্মের কথা বাহা পূর্বে বলিয়াছি সেইটি ভাল করিয়া ধারণ করিতে না পারাতে তোমাতে এ ভ্রম উপস্থিত। তুমি যাহাতে মুগ্ধ তাঁহার সঙ্গিত যখন এক হইয়া গিয়াছ, তখন আর দুজন কোথায় রহিলে, রহিলতো এক জন। এখানে জীবসম্বন্ধে বৈত ভাব অন্তরিত হইয়াছে। দুই নয় এক জীব ব্রহ্মের রসমূর্তিসম্ভোগে প্রবৃত্ত। এক জনের সঙ্গে এক হইতে পারিলে সহস্রজনের সঙ্গে এক হওয়া সম্ভব হয়। আনন্দস্বরূপমধ্যে সাধু ঋষি মহর্ষি আত্মীয় স্বজন বন্ধু পত্নীতি তাঁহাতে মগ্ন হইয়া, অতিরিক্ত হইয়া রহিয়াছেন। তুমি যখন আনন্দে মগ্ন হইলে তখন তুমিও তাঁহাদেব সঙ্গিত অতিরিক্ত হইয়া গেলে। সকলে মিলিয়া যে এক অখণ্ড জীব হইল, সে জীব তোমার আত্মচেতন্য সহ একীভূত। সকলের সঙ্গে এক হইয়া তোমার সম্ভোগে সামর্থ্য বাড়িল। তুমি ক্রমান্বয়ে পরমপুরুষের রসমূর্তিতে ডুবিতে লাগিলে। এই ডোবাই নববিধ ধ্যান বা যোগ। এখানে অন্তর বাহির এক হইয়া গিয়াছে, চিদানন্দরসসাগর উর্দ্ধে, অধোতে, দক্ষিণে, বামে। এই ব্রহ্মরসের অন্তঃপ্রবেশে আত্মা জ্ঞান, প্রেম, পুণো তুষ্ট, পুষ্ট, পরিতৃপ্ত।

বুদ্ধি। বিবেক, তোমার একটী কথার আমার সন্দেহ হইয়াছে। আমরা এক এক জন একটি জীব; সকলেই স্বতন্ত্র। পূর্বে যখন অখণ্ড ছিল না, তখন অখণ্ড মনে করা কি কল্পনা নয়?

বিবেক। অখণ্ড নাই, আমরা পরস্পর হইতে একান্ত স্বতন্ত্র, ইহাই কল্পনা। কোন একটি বস্তু অপর বস্তুসকল হইতে স্বতন্ত্র হইয়া যেমন থাকিতে পারে না, উহারা পরস্পর ঘনিষ্ঠ সম্বন্ধে আবদ্ধ, তেমনি এক আত্মা অপর সকল আত্মার সম্বন্ধনিরপেক্ষ হইয়া থাকিতে পারে না। নিরপেক্ষ বা একান্ত স্বতন্ত্র বলিয়া যে মনে হয়, উহা অজ্ঞানতামূলক। ধ্যানযোগে এই অজ্ঞানতা

অন্তরিত হইয়া প্রকৃত তত্ত্ব প্রকাশ পায়। বুদ্ধি, তুমি নির্জনে বসিয়া অশ্রুকার কথাগুলি ভাল করিয়া বিচার কর, আয়ত্ত কর, এবং তোমার জীবনের নবীন অবস্থা কিরূপে ব্রহ্মযোগে পরিণত হইতে পারে, তাহার উপায় উদ্ভাবন কর।

সাধারণ প্রার্থনা।

বুদ্ধি। ধ্যানে অথগু ব্রহ্মকে অথগু জীব সম্বোগ করিতেছে, সে তাহাতে মগ্ন হইয়া গিয়াছে, এখন সে সাধারণ প্রার্থনা করিবার জগৎ বাহির হইয়া আসিবে কি প্রকারে? প্রার্থনা করিবার জগৎ বাহির হইয়া আসিতে হইলে ধ্যানের গভীরতা তো নষ্ট হইলই, তাহার সঙ্গে সঙ্গে অথগু ব্রহ্ম ও অথগু জীব খণ্ডিত হইয়া গেলেন। কেন না ব্রহ্মের প্রার্থনাশ্রবণকারিত্বের ভাব মনে প্রবল হইল, প্রার্থী হইতে গিয়া অগ্ন সমুদায় জীবের সহিত প্রার্থী জীব ভিন্ন হইয়া পড়িলেন। বল এসকল কথার মীমাংসা কি? আমার তো মনে হয়, তুমি যে ধ্যান বলিয়াছ, সে ধ্যান হইতে প্রার্থনার পঁছছাইতে গেলে এ দোষ পড়েই পড়ে।

বিবেক। মগ্ন ভাব না গেলে কথা বাহির হয় না, এ সিদ্ধান্ত অবলম্বন করিলে ধ্যানের মগ্নভাব বিরল না হইয়া প্রার্থনা উপস্থিত হয় না, এই কথাই মানিয়া লইতে হয়। এই মগ্নভাব যাইবার বেলা আনন্দে যে সমুদায় স্বরূপের সন্নিবেশ হইয়াছে, তাহারও বিরলতা মানিতে হয়, এবং এই বিরলতা মানিতে গেলে প্রথমে যেমন সত্য হইতে স্বরূপপরম্পরায় আনন্দে আসিয়া সকলস্বরূপের যনীভূততা উপস্থিত হইয়াছে, তেমনি আনন্দ হইতে পুণ্যে, পুণ্য হইতে অদ্বৈতে, অদ্বৈত হইতে প্রেমে, প্রেম হইতে অনন্তের অবয়বক্ষে, অবয়বক্ষ হইতে ব্যতিরেক পক্ষে, ব্যতিরেক পক্ষ হইতে চিন্মাত্র বা জ্ঞানে, জ্ঞান হইতে সত্য আসিয়া ধাতা উপস্থিত। সত্য হইতে আনন্দে আসিয়া পঁছছাকে দার্শনিক ভাষায় অনুলোম, আনন্দ হইতে আবার সত্যতে গিয়া পঁছছা বিলোম বলিতে পারি। এই অনুলোম বিলোমে ব্রহ্মের অথগু জীবের অথগু বিলুপ্ত হয় না কেন, ভাবের ঘোর ঘোচে না কেন, এখন তোমার তাহাই বোঝা আবশ্যিক।

বুদ্ধি। সে কথা বুঝিবার পূর্বে তোমায় একটা কথা জিজ্ঞাসা করি। সত্য

হইতে আনন্দে আসিবার সময়ে আরাধনা সহায় ছিল, সুতরাং পর পর স্বরূপ সমূহ অবিচ্ছিন্নভাবে মিলিত থাকিয়া আনন্দে আসিয়া অথবা হইয়াছে, ইহা বুঝিতে পারা যায়। ধ্যানে তো একরূপ কোন প্রণালী অবলম্বিত হয় না। মগ্ন-ভাব চলিয়া যাইবামাত্র অমনি সত্য বা সত্তামাত্র আসিয়া সাধক উপস্থিত। তুমি যাহাকে বিলোম বলিতেছ সেটা একটা কথার কথা হইয়া দাঁড়াইতেছে। যদি বল এত শীঘ্র এই ব্যাপারটি হয় যে, বিলোমগতি ঃ আমরা ধরিয়া ফেলিতে পারি না, তাহা হইলে আমি বলিব, যাহা ধরিতেই পারিলাম না তাহার সম্বন্ধে দ্রুতগতিবশতঃ উহা জ্ঞানের অগোচর হইয়াছে, একথা বলায় লাভ কি? বলিলেই হইল যে, মগ্নভাব ছুটিবামাত্র একেবারে গুরু ডাকায় গিয়া সাধক উপস্থিত।

বিবেক। তুমি বেশ প্রশ্ন করিয়াছ। একরূপ প্রশ্নে আমি তোমার প্রতি সন্তুষ্ট হইলাম। যাহা বুঝা যায় না, তাহা লইয়া আবার বিচার কি? একখানি সোলা তুমি বলপূর্বক জলের তলায় ডুবাইলে, যাই ছাড়িয়া দিলে অমনি উহা একেবারে উপরে ভাসিয়া উঠিল। মনে হইল একেবারে ভাসিয়া উঠিয়াছে, কিন্তু সত্য কথা এই, সবখানি জল ভেদ করিয়া তবে উহা উপরে উঠিয়াছে। এখানেও তাহাই। দ্রুতগতিতে পূর্বস্থানে আসিয়া পঁছছিলে দ্রুতগতিনিবন্ধন মধ্যভাগটা ধরা না যাঁতে পারে, কিন্তু ধরা গেল না বলিয়া যে, মধ্যভাগটা দিয়া উহাকে যাঁতে হয় নাই, একথা তুমি কেমনে বলিবে? যে দৃষ্টান্ত লইয়া সেবার তোমায় মগ্নভাব বুঝাইয়াছি। সেই দৃষ্টান্ত লইয়া একখাটাও বুঝাইলে আর কোন গোল থাকিবে না। তুমি তোমার প্রেমাঙ্গুসকে দেখিবামাত্র মুগ্ধ হইলে, তাঁহার গুণের চিন্তা আর তোমার মনে আসিল না, সে সকল গুণ তাঁহার সহিত অমনি অভিন্ন যে, চিন্তা করিবার কোন কারণ নাই। জিজ্ঞাসা করি, তুমি কি মগ্ন হইয়াই থাক, না মুহূর্তমধ্যে মুগ্ধতা অপসৃত হয়, আর তুমি তাঁহার সহিত আলাপে প্রবৃত্ত হও। যখন তুমি তাঁহার সহিত আলাপ কর, তখন কি তাঁহার মুগ্ধকরত্ব সামর্থ্য নাই? যদি নাইই থাকে, তবে আলাপের রসে তোমার মন ভরিয়া যায় কিরূপে? যখন আনন্দে মগ্ন হইয়া স্তম্ভিত হইয়াছিলে, সে সময়ে প্রেমাঙ্গুসদের সত্তাটার প্রতিও তোমার দৃষ্টি ছিল না। যখন মুহূর্তমধ্যে এই আমার প্রেমাঙ্গুস এই সত্তাজ্ঞান জাগিয়া উঠিল, তখনও তোমার ঘোর ভাঙ্গে

নাই। একথা কেন বলি জান, যাকে বড় ভালবাসি তাহাকে ভাবিতে গিয়া মুখখানি ভাল করিয়া মনে পড়ে না। মুখখানি ভাল করিয়া মনে পড়ে না এই জ্ঞান যে তুমি ভাবে বিভোর হইয়া তাঁহাকে দেখিয়াছ, আকারের দিকে তোমার দৃষ্টি ছিল না। যখন আনন্দের মগ্নভাব কিঞ্চিৎ বিরল হইল তখন ভাবে বিভোর থাকিয়াই 'এই ইনি' এই সত্ত্বজ্ঞান উপস্থিত, কিন্তু ঐ সত্ত্বার সঙ্গে যে সকল স্বরূপগুলির যোগ আছে, তৎপ্রতি আর দৃষ্টি থাকিল না; ভাবে বিভোর থাকিয়াই তাঁহার সহিত আলাপ উপস্থিত হইল। যাউক এখন কথা এই, যখন আরাধনা সত্যোতে আরম্ভ হয়, তখন ফাঁকা সত্ত্বায় অর্থাৎ জ্ঞানপ্রেমাদিবর্জিত সত্ত্বায় আরাধনার আরম্ভ হইয়াছে। যত সত্য হইতে অগ্ৰাণ্ড স্বরূপে অবরোধন হয়, তত সেই সত্ত্বা আর ফাঁকা সত্ত্বা থাকে না, জ্ঞানাদিতে পূর্ণ হইয়া উঠে। আনন্দে আসিয়া সেই সত্ত্বাই রসমূর্তিতে পরিণত হয়। এই রসমূর্তিতে মন বিভোর হইয়া যায়। মুহূর্তের পর যখন সত্ত্বা অর্থাৎ এহ ইনি আমার সম্মুখে এ জ্ঞান উপস্থিত হয়, তখন তাঁহার সহিত আলাপে প্রবৃত্তি জন্মে। এ আলাপ রসযুক্ত, রসহীন নহে। আনন্দে যেমন সমুদায় স্বরূপ একীভূত ছিল, আনন্দের মগ্নভাব হইতে যখন সত্ত্বামাত্র উপস্থিত, তখন বিলোমক্রমে যতগুলি স্বরূপ অতিক্রম করিয়া সত্যোতে বা সত্ত্বাতে গিয়া পঁছছাইতে হয়, সে সকলগুলিই এই সত্ত্বাতে এখন আছে, তাহাদের একটিও বিশ্লিষ্ট হয় নাই। এই যে স্বরূপসমূহের অবিশ্লিষ্টভাবে সত্ত্বাতে স্থিতি, ইহাকেই বিলোমগতি বলা যায়। প্রণয়াম্পদের সত্ত্বামাত্র দৃষ্টি পড়াতে যেমন তাঁহার মুগ্ধকরত্বাদিশক্তি চলিয়া যায় নাই, এখানেও সেইরূপ বুঝিতে হইবে। কলতঃ বুদ্ধিও এ সত্য বা সত্ত্বা আরম্ভের ফাঁকা সত্য বা সত্ত্বা নহে।

বুদ্ধি। সত্য বা সত্ত্বা যেন ফাঁকা না হইল, যে জীব বাহির হইয়া আসিল সেতো একা আসিল। যদি একরূপ হয়, তাহা হইলে অথও ব্রহ্ম বিদ্যমান থাকিলেও জীবের অথও ঘুচিয়া গিয়াছে।

বিবেক। জীবের অথও ঘুচিবে কি প্রকারে? আমি তোমায় তো পূর্বে বলিয়াছি, সকল জীবের সঙ্গে অপগুযোগে প্রত্যেক জীব নিয়ত আবদ্ধ আছে। অজ্ঞানতাবশতঃ এই অথও যোগ তাহারা বিস্মৃত হইয়া রহিয়াছে। সাধারণ জীবগণের সহিত যোগ তত সুস্পষ্ট না হইলেও ঋষি মহর্ষি সাধু মহাজন-

গণের সঙ্গে যোগ অতি সুস্পষ্ট। ঈশ্বরের যে যে স্বরূপের প্রতিনিধি হইয়া তাঁহারা পৃথিবীতে আসিয়াছিলেন, সেই সেই স্বরূপে তাঁহারা ঈশ্বর সহ অভিন্ন হইয়া রহিয়াছেন। আরাধনায় ভিন্ন ভিন্ন স্বরূপের আলোচনাকালে, তাঁহারা সেই সেই স্বরূপের সহিত আরাধনায় নিযুক্ত জীবের সহিত অভিন্ন হইয়াছেন, যাই সমুদায় স্বরূপ আনন্দে অথবা হইয়া পড়িল, তাঁহারাও সে সময়ে আরাধনায় নিযুক্ত জীবের সহিত অথবা ও এক হইয়া গেলেন। আবার যখন বিতোর ভাব লইয়া সত্য বা সত্যের সাধক উপস্থিত, তখন তাঁহারাও অথবা ভাবে তৎসহ সংযুক্ত আছেন, বিচ্ছিন্ন হইবার কোন কারণ নাই।

বুদ্ধি। তুমি যাহা বলিলে কথায় তো বুঝা গেল, কিন্তু 'ঋষি মহর্ষি সাধু মহাজনগণের সঙ্গে যোগ অতি সুস্পষ্ট', তোমার এ কথার কোন সন্ধান পাইলাম না।

বিবেক। কোন একটি স্থলে যদি সন্ধান পাইয়া থাক, তবে এ স্থলে সন্ধান পাওয়া আর কিছু তোমার পক্ষে কঠিন হইবে না। তোমার কি মনে আছে, আমি অনেক দিন পূর্বে যখন তোমায় বলিতাম 'তুমি আমায় আর ছাড়িতে পারিবে না', তখন এটা কথা শুনিয়া তোমার মুখে বিষাদের চিহ্ন উপস্থিত হইত। আমার কথার মর্ম্ম বুঝিতে না পারিয়া তোমার বিষাদ উপস্থিত, ইহা জানিয়া আমি তোমায় বলিয়াছিলাম, 'আমায় আর ছাড়িতে পারিবে না, ইহার অর্থ আজ হইতে এই বুঝিবে যে, আমি যে সকল কথা তোমায় বলিতেছি, তহা তুমি কোন কালে অতিক্রম করিতে পারিবে না।' তুমি যখন দূরে, তখনও আমি তোমার নিকটে; কেন না আমি বাণীরূপে তোমার নিকটে সকল সময়ে উপস্থিত। বল, তুমি কি আমায় অতিক্রম করিতে পারিয়াছ? সংসারের গোলমালে ভুলিয়া থাকিলেও নির্জনে বসিলেই অমনি সেই সকল বাণীতে তোমার নিকটে আমি উপস্থিত। আমার এ কথা যদি তোমার সম্বন্ধে সত্য হয়, তাহা হইলে সেই সকল ঋষি মহর্ষি সাধু মহাজন তাঁহাদের বাণীতে আশা হইতেও তোমার নিকটে, স্মরণে তাঁহারা সুস্পষ্ট, এ কথায় কি আর সংশয় আছে?

বুদ্ধি। ষাউক, ও সকল কথায় আর প্রয়োজন নাই। এখন ধ্যানের পর সাধারণ প্রার্থনার বিষয় বল শুনি।

বিবেক। আনন্দ হইতে সত্যেতে আগমন সকল জীবের সহিত একাত্মতায়

যদিও হইতেছে, সুতরাং—“অসত্য হইতে আমাদিগকে সত্যেতে লইয়া যাও, অন্ধকার হইতে আমাদিগকে জ্যোতিতে লইয়া যাও, মৃত্যু হইতে আমাদিগকে অমৃততে লইয়া যাও, হে সত্যস্বরূপ, আমাদিগের নিকট প্রকাশিত হও, দয়াময়, তোমার যে অপার রক্ষণা, তাহার দ্বারা আমাদিগকে সর্বদা রক্ষা কর ।”—যখন এ প্রার্থনা করা হয়, তখন সমুদায় মানবমণ্ডলীর সহিত এক হইয়া প্রার্থনা করা হয়, এ প্রার্থনা প্রত্যেক ব্যক্তিকে করিতে পারে, কেন না অসত্য পরিত্যাগ করিয়া সত্য গ্রহণ, অন্ধকার বা অজ্ঞানতা পরিত্যাগ করিয়া জ্যোতি বা জ্ঞানের অনুসরণ, মৃত্যু অর্থাৎ ঈশ্বরের ইচ্ছার বিরোধে গমনরূপ আত্মার মৃত্যু হইতে অমৃত অর্থাৎ ঈশ্বরের ইচ্ছানুসরণরূপ অনন্তজীবনের প্রার্থী হওয়া সকলের পক্ষেই স্বাভাবিক । জীবনে এই মহান ব্যাপার সাধিত হইবার পক্ষে ঈশ্বরের সহিত অক্ষুণ্ণ সাক্ষাৎসম্বন্ধ এবং তাহার রক্ষণাধীনতা প্রয়োজন, এজন্য শেষ প্রার্থনাবাক্য সেই ভাবেই উপস্থিত হইয়া থাকে । এখানে ‘প্রকাশিত হও’ এ পদটির স্থলে ‘প্রকাশিত থাক’ এরূপ বলাই সমুচিত, কেন না এখনও তিনি সম্মুখে প্রকাশিত আছেন, যেন তাহার এ প্রকাশ অসত্যাদির কুহকে পড়িয়া আচ্ছাদিত না হইয়া যায়, সে জগুই এ প্রার্থনাবাক্য উচ্চারিত হইতেছে । ‘আবিরাম-বর্ম-এধি’ এই শ্রুতাক্ত প্রার্থনার প্রতিবাক্য রক্ষা করিতে গিয়া ‘প্রকাশিত হও’ এই পদের প্রয়োগ হইয়াছে । প্রতিবাক্য না রাখিয়া সম্যক পরিবর্তন করাই ভাল ।

স্তোত্রপাঠ ।

বুদ্ধি । এবার তো তোমার স্তোত্রপাঠের তত্ত্ব বলিতে হইতেছে । প্রার্থনার পর উপাসনা শেষ হওয়াই উচিত, এস্থলে আবার স্তোত্র পাঠ দ্বারা নূতন করিয়া উপাসনা আরম্ভ করিবার কি প্রয়োজন ? আমার মনে হয়, পূর্বে যে ব্রাহ্মসমাজের উপাসনা প্রণালী ছিল তাহাই ঠিক । সাধারণ প্রার্থনার পর না হয় একটা বিশেষ প্রার্থনা হইল, তাহাতে বড় ক্ষতি হয় না, কেন না প্রার্থনাতে প্রার্থনাতে সজ্ঞাতিত্ব আছে । প্রার্থনা দ্বারা উপাসনাস্ত শেষ করিয়া আবার স্তোত্রপাঠ, এ যেন কেমন কেমন লাগে ?

বিবেক । নানবক্তার ঈশ্বরজ্ঞানসম্বন্ধে এক দিনে সমুদায় ভাব প্রস্ফুটিত

হয় নাট, ক্রমে ক্রমে উহা প্রক্ষুটাকার ধারণ করিয়াছে। বৈদিক সময়ে উপাস্ত-
 দেবতাকে অনেকটা মানুষের মত করিয়া লইলে ও তাহাতে ঈশ্বরের স্বরূপগুলি
 সন্নিবিষ্ট ছিল। স্বরূপ সন্নিবিষ্ট ছিল বটে, কিন্তু মানবীয় আবেগ হইতে উন্মো-
 চন করিয়া সে সকলকে বৈদিক ঋষিগণ ধারণ করিতে পারেন নাই। বৈদিক
 সময়ে মানবীয় ভাব সংস্কৃত থাকতে আরাধ্য দেবতা ব্যক্তি বা পুরুষ, এ জ্ঞান
 সর্বদা জাগ্রৎ ছিল। স্বরূপগুলির এই প্রকারে ব্যক্তিত্বের সঙ্গে যোগ থাকতে
 বহু স্বরূপ যে একই স্বরূপ এবং অনন্ত, এ জ্ঞান জন্মিবার পক্ষে সমূহ বাধা ছিল।
 বেদের অন্তর্ভাগে ঋষিগণ ব্যক্তিত্বের রেখা অতিক্রম করিয়া কেবল ব্রহ্মস্বরূপ-
 চিন্তনে প্রবৃত্ত হইলেন এবং সমুদায় বেদ মন্থন করিয়া এই সত্য বাহির করিলেন
 যে, যাহা হইতে এই সমুদায় ভূত উৎপন্ন হয়, উৎপন্ন হইয়া যাহার দ্বারা জীবন
 ধারণ করে, যাহার দিকে জীব সকল গমন করে এবং যাহাতে প্রবেশ করে
 তিনিই ব্রহ্ম।” এই সত্য ধরিয়া অনুধ্যান করিতে করিতে তাঁহারা ব্রহ্মের
 ‘সত্য, জ্ঞান ও অনন্ত’ স্বরূপ বাহির করিলেন, এবং এক সত্য হইতেই সকলের
 উৎপত্তি স্থিতি ও লয় তাঁহারা নির্ধারণ করিলেন। উৎপত্তি স্থিতি ও লয় যখন
 ব্রহ্মসাপেক্ষ তখন ব্রহ্মনিরপেক্ষ কিছুই নয়, এহিটি হৃদয়ঙ্গম করিবামাত্র তাঁহাদের
 সম্মুখে এক ব্রহ্মবস্তু রহিলেন, আর সমুদায় অসৎ হইয়া উড়িয়া গেল। এইরূপে
 তাঁহারা যখন সম্যক প্রকারে ব্রহ্মে নিবিষ্ট হইলেন তখন তাঁহারা যোগী হইলেন,
 যোগী হইয়া অসৎ সংসারের সহিত সম্বন্ধ পরিত্যাগ করিলেন। বেদের ধর্ম
 বিলুপ্ত করিয়া বেদান্তের ধর্ম উপস্থিত, বেদান্ত বেদকে কেবলই অধঃকরণ করিতে
 প্রবৃত্ত হইলেন। এরূপ বিরোধের অবস্থা অধিক দিন থাকিতে পারে না, পুরাণ
 আসিয়া বেদান্তের ব্যক্তিত্ববিরহিত ব্রহ্মকে ব্যক্তিত্বসম্পন্ন করিতে প্রবৃত্ত হইলেন।
 কিন্তু তিনি সর্বাঙ্গীত ব্রহ্মকে সহসা ব্যক্তি করিয়া তুলিতে পারিলেন না, স্মৃতির
 অনাধারণ পুরুষগণেতে যে ব্রহ্মের প্রকাশ সেই প্রকাশকেই ব্যক্তিত্ব দান করি-
 লেন। ইহাতে বৈদিক সময়ে যে মানবীয় ভাব ছিল, সেই মানবীয় ভাব প্রকাশ-
 মান ব্রহ্মেতে সংক্রামিত হইল। বেদবেদান্তকে সমঞ্জস করিতে গিয়া পুরাণ যে
 মধ্যপথ অবলম্বন করিলেন, তাহাতে বেদবেদান্ত মিশিয়া এক হইল না। শুভ-
 যোগে ব্রহ্মসমাজের অভ্যুদয় হইল, ব্রাহ্মসমাজে ক্রমে উপাসনাপ্রণালী পরিবর্তিত
 হইতে হইতে বর্তমান আকারে আসিয়া উপস্থিত। ইহাতে বেদবেদান্ত মিশিয়া

যে এক হইয়াছে তাহা বর্তমান আরাধনা প্রণালীমধ্যে বিলক্ষণ প্রকাশিত। আরাধনার ব্রহ্মকে যখন তুমি বলিয়া সম্বোধন করা হয়, তখনই ব্যক্তিত্ব পরিস্ফুট এবং বৈদিক ভাব উজ্জ্বলতর হইয়াছে। কিন্তু ঐহাকে তুমি বলিয়া সম্বোধন করা হইতেছে, তিনি ঠিক বেদান্তের ব্রহ্ম, কেন না সকল প্রকারের মানবীয় ভাববিবর্জিত ব্রহ্মস্বরূপগুলি অবলম্বন করিয়া সমগ্র আরাধনা নিষ্পাদিত হইয়া থাকে। এতদূর অগ্রসর হইয়াও পুরাণে যে একটি নূতন বিষয় উপস্থিত হইয়াছিল তাহা আরাধনায় তেমন পরিস্ফুট হয় নাই। উহাকে পরিস্ফুট করিবার জন্য, উপাসনার শেষাঙ্গ উপস্থিত।

বুদ্ধি। অনেকগুলি কথা বলিলে। বলিতে বলিতে হঠাৎ বলিয়া ফেলিলে পুরাণ একটি নূতন বিষয় উপস্থিত করিয়াছিল, তাহা এখনও পরিস্ফুট হয় নাই। আমি বুঝিতেছি, সাধু মহাজনগণের সঙ্গে মিলনের কথা তুমি ইহার দ্বারা তুলিতেছ। ধ্যানের সময়ইতো ওকথা তুমি এক প্রকার বলিয়া শেষ করিয়াছ, আবার পুরাণের নূতন বিষয় লইয়া টাটানি কেন ?

বিবেক। তুমি একটা কথা বলিবামাত্র যে ভিতরকার কথা বুঝিয়া ফেলিয়াছ, ইহাতে আমি সন্তুষ্ট হইলাম। কিন্তু আমি যে সকল কথা তোমায় বলিয়াছি, সেগুলি আরও একটু গভীর ভাবে যদি তুমি ছন্দয়ঙ্গম করিতে তাহা হইলে তোমায় আর গোলে পড়িতে হইত না। আমি পূর্ব্ববারে তোমাকে বলিয়াছি, “আরাধনায় ভিন্ন ভিন্ন স্বরূপের আলোচনাকালে, তাঁহারা (ঋষি মহর্ষি সাধু মহাজনগণ) সেই সেই স্বরূপের সহিত আরাধনায় নিযুক্ত জীবের সহিত অভিন্ন হইয়াছেন, যাই সমুদায় স্বরূপ আনন্দে অখণ্ড হইয়া পড়িল, তাঁহারাও সে সময়ে আরাধনায় নিযুক্ত জীবের সহিত অখণ্ড ও এক হইয়া গেলেন।” দেখ এখানে ঈশ্বরের স্বরূপের প্রতিনিধিগণ যেমন সেই সেই স্বরূপে ঈশ্বর সহ অভিন্ন হইয়া রহিয়াছেন, সেইরূপ ধ্যানকালে আরাধনায় নিযুক্ত জীব সহও তাঁহারা অভিন্ন হইয়া আছেন, এখনও ভিন্ন হইয়া সহস্বাক্ষ হইয়া তাঁহাকে মিলনস্থখ অর্পণ করিতে পারেন নাই। স্তোত্রে সেইটি হইবার সময় উপস্থিত। সূতরাং স্তোত্র দেব ও মানবের সংযোগসাধক।

বুদ্ধি। কথাটা বুঝি বুঝি করিয়া বুঝিতেছি না, একটু স্পষ্ট করিয়া বল।

বিবেক। তুমি পূর্বে অনিরাছ ধ্যান হইতে বাহির হইয়া সর্বপ্রথমে সমুদায় মানবমণ্ডলীর সহিত এক হইয়া সাধারণ প্রার্থনা করা হয়। এখানে দেব ও মানবের প্রথম সংযোগস্থল। দেব ও মানবের যোগ কোথায়? ব্রহ্মেতে। ব্রহ্মকে ছাড়িলে সে যোগ কাটিয়া যায়। সুতরাং সাধুমহাজনগণ ভাবরসে মগ্ন হইয়া ঈশ্বরে যে ভাব অনুভব করিয়াছেন তদনুসারে তাঁহারা তাঁহাকে এক একটি নাম দিয়াছেন, এবং সেই সেই নামানুরূপ ভাবে তাঁহারা ঈশ্বর সহ সংযুক্ত হইয়া রহিয়াছেন। সুতরাং তত্ত্বরাম উচ্চারণ করিবামাত্র তত্ত্বত্বাবের আধার ঈশ্বর ও ভাবানুসারে যাহারা নাম দিয়াছেন তাঁহাদের সঙ্গে যোগানুভব হয়। কেবল তাহাই নহে, একটি একটি বিধানের সঙ্গে যোগ নামে ঘটিয়া থাকে, যেমন 'ধর্মরাজ' 'ঋব' ও 'নিত্য' বলিতে বৌদ্ধধর্মের, 'পিতা' বলিতে খ্রীষ্টধর্মের, 'পরব্রহ্ম' বলিতে হিন্দুধর্মের, 'পাষাণদলন' বলিতে মোহম্মদীয় ধর্মের এবং 'স্বর্গরাজ' ও 'স্বরজ্জু' বলিতে বিহুদীধর্মের ভক্তসাধকগণের সহিত যোগ অনুভূত হয়। যদি বল একরূপ যোগানুভব করিতে গিয়া ঈশ্বরের সহিত যোগের গাঢ়তা থাকে না নিরতিশয় তরল হইয়া উঠে, তাহা হইলে তুমি এ যোগের মর্ম ভাল করিয়া বোধ নাই, তাহাতেই তোমার ঈদৃশ ভ্রম উপস্থিত।

বুদ্ধি। আমি ঐ কথাই বলিতে বাইতেছিলাম। তুমি আপনি বলিলে ভালই হইল। ধর্মের মানবীয় ভাগে নামিলে দৈব ভাগের গাঢ়তা যে হ্রাস পাইবে তাহাতে আর সন্দেহ কি?

বিবেক। হ্রাস না পাইয়া ভাব আরও গাঢ় হইল, ইহাই সত্য কথা। সাধুমহাজনগণের সহিত একাঙ্গী হইলে ঈশ্বরের প্রেমের বিশেষ বিশেষ ভাবে মন উচ্ছ্বসিত হয়; সমুদায় জগৎ ও জীবে তাঁহার লীলা স্পষ্ট চক্ষের সম্মুখে প্রকাশ পায়। ভিতর হইতে যখন সাধক বাহিরে আইসেন, তখন ব্রহ্মযোগ কাটিয়া যায় না; সচ্চিদানন্দ ঈশ্বর সকলকে লইয়া বে ক্রীড়া করিতেছেন, নিত্য নব নব লীলা দেখাইতেছেন, সাধক তখন তাহা প্রত্যক্ষ করিয়া তাঁহাতে আরও প্রগাঢ় ভাবে মগ্ন হয়। উপাসনাকালে যদি এইটি সাক্ষাৎ উপলব্ধ না হইত, তাহা হইলে সংসারে আসিবামাত্র তাঁহার সঙ্গে সম্বন্ধ কাটিয়া বাইত। ভক্তি, প্রেম, অনুরাগ কখন ভক্তগণের সহিত একাঙ্গী না হইলে উদ্দীপিত হয় না। ভক্তি, প্রেম ও অনুরাগ বিনা ঈশ্বরের সহিত প্রগাঢ় যোগও কখন সম্ভবপর নহে।

সংসারের বিবিধ সম্বন্ধের মধ্যে যে ভক্তি প্রেমের সঞ্চার আছে, তন্মধ্যে সচ্চিদানন্দের সঙ্গে যোগ তত্ত্বাবাপন্ন সাধুসহাজনগণের সঙ্গে যোগ না হইলেই বা কি প্রকারে সিদ্ধ হইবে ? তুমি বোধ হয় এখন বুঝিতেছ, স্তোত্রপাঠে যোগের গাঢ়তা ত্রাস না পাইয়া আরও বৃদ্ধি পায় কেন ।

প্রবচনপাঠ ।

বুদ্ধি । স্তোত্রের পর প্রবচনপাঠ, ইহা কিছু কিছুতেই সঙ্গত মনে হয় না । সংহিতায় অধ্যয়নের জন্ত তৌ বিশেষ সময় নির্দিষ্ট আছে, এবং ধর্মশাস্ত্রই অধ্যয়নের বিষয়মধ্যে শ্রেষ্ঠ বলিয়া উচ্চাতে উল্লিখিত হইয়াছে, সুতরাং উপাসনার মধ্য হইতে প্রবচন পাঠ উঠাইয়া দেওয়াই ভাল । যদি রাখিতেই হয় সমুদায় উপাসনা শেষ করিয়া উহা পাঠ করিলে ক্ষতি নাই । কেন না তাহাতে অধ্যয়নজনিত ফললাভের সম্ভাবনা । তুমিই বলিয়াছ যোগশাস্ত্রে আছে, যোগের পর অধ্যয়ন, অধ্যয়নের পর যোগ অভ্যাস করিবে, ভাল এই তৌ লাভ কথা । উপাসনা যোগের ব্যাপার, তার পর যোগকে ঘনীভূত করিয়া রাখিবার জন্ত অধ্যয়ন, ইহাইতো স্বাভাবিক ।

বিবেক । তুমি প্রবচনপাঠকে অধ্যয়নের মধ্যে ধরিয়া লইয়াই এই ভুল করিতেছ । প্রবচনপাঠ যে যোগের অঙ্গ, ইহা না বুঝাতেই তোমার ঈদৃশ ভ্রম ঘটিয়াছে । স্তোত্রপাঠে ঈশ্বর ও সাধুসহাজনগণের সঙ্গে যে যোগ সমুপস্থিত হইয়াছে প্রবচন পাঠে তাহার পরিণতি ঘটিতেছে । সাধুসহাজন ও বিধানসমূহের সহিত যোগানুভব স্তোত্রপাঠে সাধারণভাবে হইয়াছে, প্রবচনপাঠে তাহা বিশেষ আকার ধারণ করিতেছে । পূর্বেই বলিয়াছি, তাঁহারা সকলে আমাদের মধ্যে বাণীর আকারে বিদ্যমান । প্রবচন আর কিছু নহে, সেই সকল বাণী । যখন যে শাস্ত্রের বাণী উচ্চারিত হয়, তখন সেই শাস্ত্রেতে বাহারা বাণীর আকারে স্থিতি করিতেছেন, তাঁহাদের এবং তাঁহাদের অনুবর্তিগণের সঙ্গে বিশেষ ভাবে যোগ ঘটিয়া থাকে ।

বুদ্ধি । তাঁহারা বাণী, ঈশ্বরতো আর বাণী নহেন । তাঁহাদের সঙ্গে বাণীতে বিশেষ যোগ যে পরিমাণে ঘটিল সেই পরিমাণে ঈশ্বরের সঙ্গে তবে যোগ কাটিয়া গেল ।

বিবেক । দেখ, এটাও তোমার ভুল । ঈশ্বরনিরপেক্ষ হইয়া বাণীতে তাঁহারা কখন বিদ্যমান থাকিতে পারেন না । ঈশ্বরের সহিত যাহার যোগ কাটরা গিয়াছে, তাহার নিকটে বাণী সকল মৃত, জীবিত নহে । কত লোকতো প্রতিদিন ঐ সকল প্রবচন পাঠ করে, তাহারা কি তাহাতে মহাজনগণের সহিত যোগানুভব করে ? ঈশ্বরের মধ্য দিয়া বিনা কোন কালে কাহারও সহিত যোগ হইবার সম্ভাবনা নাই । যখন পৃথিবীস্থ লোকদিগের সঙ্গে যোগ ঘটে না, তখন স্বর্গস্থ মহাত্মাদিগের সঙ্গে যোগের কথাতে উঠিতেই পারে না । প্রত্যেক বাণীতে ঈশ্বরের বিশেষ লীলা প্রকাশ পায় । তিনি কখন শাস্তা, কখন শিক্ষাদাতা, কখন প্রিয়তম, কখন পিতা, কখন মাতা, কখন বন্ধু ইত্যাদি নানা ভাবে সাধকের নিকটে আত্ম প্রকাশ করেন । এ প্রকাশ বিবিধ বিধানের সহিত সংযুক্ত, সুতরাং সুস্পষ্ট ও মধুর । সত্য বলিয়া আমি তোমায় এ সকল কথা বলিতেছি, কয়জন ব্যক্তি প্রতিদিন উহা জীবনে প্রত্যক্ষ করিতেছে, সে কথা আমি এখানে তুলিতেছি না । উপাসনাসম্বন্ধে অনেকের যে অনেক গোল আছে, ইহা তোমার জানিয়া রাখা উচিত । আশা আছে, নবীন সাধকগণ যত সাধনের পথে অগ্রসর হইবেন, তত যাহা এখন বলা যাইতেছে তাহা পরিস্ফুট হইবে ।

বুদ্ধি । তুমি যাহা এখন বলিলে, সেইজন্যই বুঝি বাটবেলে আছে “আদিতে বাণী ছিলেন, বাণী ঈশ্বরের সঙ্গে ছিলেন, বাণী ঈশ্বর ছিলেন ।”

বিবেক । ‘বাণী ঈশ্বর ছিলেন’ এরূপ অনুবাদ ঠিক নহে, ‘বাণী ঐশ্বরিক ছিলেন’ এইরূপ অনুবাদ করা উচিত । প্রবচনটিতে যেক্রমে বাক্যবিন্যাস আছে, তাহাতে ব্যাকরণানুসারে ঐরূপই অর্থ হয় । সে কথা যাউক, বাণী ঈশ্বরের জ্ঞেয় । জগতের সৃষ্টি জীবের ক্রমিক বিকাশ এই বাণী অনুসারে হয় এবং এই বাণীর মধ্য দিয়া ঈশ্বরের জ্ঞান প্রকাশ পায় । ঈশ্বরের জ্ঞানের জ্ঞেয়, তাঁহার জ্ঞান হইতে অভিন্ন । এজন্য কথিত হইয়াছে ‘আদিতে বাণী ছিলেন, বাণী ঈশ্বরের সঙ্গে ছিলেন ।’ এই বাণী মুহূর্ত্তের জন্য ঈশ্বর হইতে স্বতন্ত্র থাকিতে পারেন না, এজন্য বাণীর সঙ্গে যোগ ঈশ্বরকে ছাড়িয়া কদাপি হইতে পারে না ; বাণীর সঙ্গে যোগ করিতে গেলে এইজন্য ঈশ্বরের সঙ্গে যোগ কাটে না ।

বুদ্ধি । তুমি বলিলে ভিন্ন ভিন্ন শাস্ত্রের প্রবচনপাঠে ভিন্ন ভিন্ন বিধান-

বাহকগণের সঙ্গে যোগানুভব হয় ; কিন্তু দেখিতেছি কেহই সে ভাবে প্রবচন পাঠ করেন না। কেহ কেবল এক শাস্ত্র, কেহ বা দুই শাস্ত্রের প্রবচন পাঠ করিয়াই শেষ করেন, অগ্র শাস্ত্রীয় বচনগুলি উপেক্ষিত হয়। এ সকল কি তুমি অনুচিত মনে কর না ?

বিবেক। আমি তোমায় পুনঃ পুনঃ বলিয়াছি, এখনও অনেক উপাসক উপাসনা ঠিক ভাবে করেন না, ভিন্ন ভিন্ন অঙ্গ সকল কেন উপাসনায় সন্নিবিষ্ট হইয়াছে তাহা ভাবেন না, সুতরাং প্রত্যেক উপাসকের এ সকল বিষয়ে যে যথেষ্টাচরণ প্রকাশ পাইবে, তাহা আর একটা অসম্ভব কি ?

বুদ্ধি। তুমি বলিলে, ভাবেন না তাই যথেষ্টাচরণ প্রকাশ পায়। তবে কি উপাসনা ভাবিয়া স্থির করিবার বিষয় ?

বিবেক। ভাবনা এ শব্দটিকে তুমি এত তুচ্ছ মনে করিতেছ কেন ? যে ব্যক্তি যে বিষয়ে ভাবে না, অর্থাৎ মনোভিনিবেশ করে না, সে তাহার তত্ত্ব কিছুই জানিতে পারে না। বল কোন সত্যের আবিষ্কার, বিনা ভাবনা বা চিন্তনিবেশে হইয়াছে ? উপাসনারীতি যদি আমরা মনে করি কোন মানুষের মনঃকল্পনা প্রসূত, কোন প্রকার সাধন না করিয়া যখন যাহা কল্পনার ভাল লাগিয়াছে, তাহাই উপাসনার অঙ্গরূপে জুড়িয়া দেওয়া হইয়াছে, তাহা হইলে ঈদৃশ উপাসনারীতি যাহাতে শীঘ্র বিলুপ্ত হইয়া যায়, তাহা করাই শ্রেয়ঃ। আর যদি এ কথা সত্য হয় যে, সাধক যত অগ্রসর হইয়াছেন, নূতন নূতন আলোকলাভ করিয়াছেন এবং সঙ্গে সঙ্গে উপাসনারীতি স্বভাবতঃ সহজে উদ্ভূত হইয়াছে, উহা সর্বদা আত্মার উপযোগী, তাহা হইলে প্রত্যেক সাধকের পর পর অঙ্গগুলির সংযোগের কারণ অবশ্য বুদ্ধিগত হইতে হইবে। উপাসনার অঙ্গগুলিতে যত তিনি চিন্তাভিনিবেশ করিবেন, তত উহার ভিতরকার তত্ত্ব অবগত হইতে পারিবেন। আমি তোমায় উপাসনাতত্ত্বসম্বন্ধে যতগুলি কথা বলিয়াছি, উহা কেবল, দিগদর্শনমাত্র। প্রত্যেক সাধক আরও উহার মধ্যে গভীর তত্ত্বদর্শন করিবেন, উহাই আমার উদ্দেশ্য।

উপদেশ ও প্রার্থনা।

বুদ্ধি। যাউক, ও সকল কথা যাউক। প্রবচনপাঠের পর যে প্রার্থনা হয়

তাহাতে আর 'অসত্য হইতে সত্যে' ইত্যাদি প্রার্থনাতে কি প্রভেদ বল । প্রবচনপাঠের পরে প্রার্থনারই বা প্রয়োজন কি ? এ উভয়ের মধ্যে কি কিছু বিশেষ সম্বন্ধ আছে ?

বিবেক । সাধারণ প্রার্থনা সকল লোকের সহিত এক হইয়া করা হয়, এজন্য উহাতে অসত্য, অজ্ঞানতা ও অধ্যাত্মমৃত্যু হইতে উত্তীর্ণ হইয়া সত্য, জ্ঞান ও নিত্যজীবনলাভ প্রার্থনার বিষয় রহিয়াছে । ঈশ্বরেতে স্থিতি না করিলে, তৎকর্তৃক নিয়ত রক্ষিত না হইলে, সত্য জ্ঞান ও নিত্যজীবনলাভ অসম্ভব । এ প্রার্থনা সাধারণ প্রার্থনা, ইহা সকল সময়ের উপযোগী, বিশেষ প্রার্থনা, ইহা হইতে ভিন্ন । সাধারণ ভূমি হইতে বিশেষ ভূমিতে উত্থান না করিলে বিশেষ প্রার্থনা হইতে পারে না । বিশেষ ভূমিতে উত্থান না করিয়া সাধারণ প্রার্থনা বা তদনুরূপ প্রার্থনা বিনা অণু প্রার্থনা বৃথা শব্দাঙ্কুরমাত্র হইতে পারে, অতএব তৎপ্রতি অনাস্থারই কারণ আছে । ইহাতে জীবন পরিবর্তিত হয় না, যেখানকার সেখানেই থাকিয়া যায় । সমুদায় সাধুন্যাজনগণের সহিত অভিন্নায়া হইলে বিশেষ ভূমিলাভ হয়, অনন্তজীবনের জন্ম দিন দিন নূতন প্রার্থিতব্য বিষয় আসিয়া সমুপস্থিত হয়, সুতরাং তখন অসাধারণ বিষয়ের জন্ম প্রার্থনা হইয়া থাকে ।

বুদ্ধি । তোমার এ কথা কতটুকু বুঝিতে পারিলাম বলিতে পারি না, কিন্তু এই বুঝিতেছি, তুমি যাহা বলিলে তাহাতে প্রবচনপাঠের পর বিশেষ প্রার্থনাই হইতে পারে, বিশেষ প্রার্থনার অগ্রে আবার উপদেশ জোড়াইয়া দেওয়া হয় কেন ?

বিবেক । উপদেশের কথা তুলিয়া ভালই করিলে । বিশেষ প্রার্থনা করিবার যে বিষয় আছে, উপদেশ আর কিছু নহে, তাহারই ব্যাখ্যান । প্রার্থিতব্য বিষয়ের মধ্যে কি কি তত্ত্ব গূঢ় আছে সেগুলি ভাল করিয়া হৃদয়ঙ্গম করিতে না পারিলে বিশেষ প্রার্থনা পরিষ্কার হয় না, অতএব সময়ে সময়ে উপদেশ যদি উপাসনার অঙ্গমধ্যে সন্নিবিষ্ট হয় তাহা হইলে ক্ষতি হয় না । আর এক কথা এষ্ট উপাসকগণের প্রতিদিন নব নব সত্য নব নব ভাব-লাভ হইবে, উপাসনার ইহাই উদ্দেশ্য । প্রবচন পাঠানন্তর সকল সাধুর সঙ্গে যখন সাধক একায়া হইলেন তখন তাঁহার আয়া উচ্চভূমিতে আকৃষ্ট হইল, সেখানে থাকিয়া নব নব সত্য নব নব ভাব-লাভ সহজ হয় ।

বুদ্ধি । প্রতিদিন নব নব সত্য নব নব ভাব-লাভের কথা তুমি বলিতেছ, ইহাতে তো প্রাচীন কালের সঙ্গে যোগ কাটিয়া গেল । তবে আর কেন প্রাচীনকালের পবচনপাঠ ?

বিবেক । সত্য কি, ভাব কি ইহা না বোঝাতেই তোমার একরূপ ভ্রম ঘটিয়াছে । সত্যের নিকটে প্রাচীন ও নবীন নাই, কেন না সত্য অতি প্রাচীন ও অতি নবীন উভয়ই । সত্য এক অখণ্ড বস্তু ; তাহাতে পূর্বাণের বিরোধ নাই । একই সত্যের কতকটা পূর্বে দৃষ্ট হইয়াছে, এবং সেই কতকটার সঙ্গে অভেদভাবে সংযুক্ত আর কতকটা এখন দেখিতেছি, ভবিষ্যতে আবার পূর্বের সহিত সংযুক্ত আরও কতকটা দৃষ্ট হইবে । সত্যসম্বন্ধে যাহা বলা হইল ভাব-সম্বন্ধেও তাহা বলা যাইতে পারে, কেন না ভাব সত্যমূলক ।

বুদ্ধি । তোমার একথা ভাল করিয়া বুঝিতে পারিলাম না । প্রাচীন যে সে প্রাচীন, নূতন যে সে নূতন, এই তো বুঝি ।

বিবেক । প্রত্যেক উপদেশ বা বিশেষ প্রার্থনার মধ্যে প্রাচীন কথার উল্লেখ থাকে, তাহা দেখিয়া মনে হয়, এ আবার নূতন কি ? কিন্তু অভিনিবেশ-সহকারে দেখিলে দেখিতে পাওয়া যায়, প্রাচীন হইতে নবীন উদ্ভূত হইতেছে । প্রাচীনকে ভূমি করিয়া নবীনের উত্থান হয় । এজন্য প্রাচীনের সঙ্গে নবীনের সংস্রব ঘোচে না । যে মনে করে প্রাচীনের সঙ্গে সকল সংস্রব ত্যাগ করিয়া একটা কিছু নূতন করিবে, সে আশ্রয়হীন করে, অপরকেও নাহাচাতুরীতে বঞ্চিত করে । সত্য যখন অখণ্ড, তখন প্রাচীনকালে উহার কতকটা প্রকাশ পাইয়াছে বলিয়া তৎপ্রতি অনাদর হইবে কি প্রকারে ?

বুদ্ধি । এ সকল কথাই আর প্রয়োজন নাই । এখন উপদেশ-ও-বিশেষ প্রার্থনাসম্বন্ধে যাহা বলিবার আছে বল ।

বিবেক । তৎসম্বন্ধে যাহা বলিবার তাহা বলিয়াছি, কিন্তু অল্প কথার ব্যবধানে সেই কথাগুলি আচ্ছাদিত হইয়া পড়িয়াছে, অতএব সংক্ষেপে সেই কথাই বলি । সাধু মহাশয়াদিগের সহিত এক হইয়া যে উচ্চভূমি লাভ হইল, সেই ভূমিতে আত্মা ঈশ্বরের সহিত বিশেষ যোগে সংযুক্ত হইল, নবভাব উদ্দীপ্ত হইল, পূর্বেদৃষ্ট সত্য আপনার ভিতরকার নবভাব তাহার নিকটে ব্যক্ত করিল । এই নব ভাবে উদ্দীপ্ত হৃদয় সত্যের নবীনতর উজ্জল্যাত্তর করিয়া কৃতার্থ ও ধন্য

হইল। হয়তো সত্যের যে দিক্ আত্মার নিকটে এতদিন প্রচ্ছন্ন ছিল, তাহা প্রকাশ পাইল। যে সাধক যে ভূমিতে আকৃষ্ট আছেন, সেই ভূমি অনুসারে উচ্চ ভূমিলাভ হইয়া থাকে, এজন্য সাধকে সাধকে ভাবে ও সত্যলাভে পার্থক্য হইয়া থাকে। এ পার্থক্য দেখিয়া মনে করা উচিত নয় যে, সাধকগণ কখন সত্য-ও-ভাবসম্বন্ধে এক হইবেন না। সময়ে তাঁহারা এমন এক ভূমিতে গিয়া উপস্থিত হইবেন, যেখানে গেলে একই সময়ে একই ভাব একই সত্যলাভ সহজ হইবে। দুই জন সাধক দূরে স্থিতি করিতেছেন, যখনই তাঁহারা সেই ভূমি স্পর্শ করেন, তখন দুই সাধক দূরে থাকিয়াও একই সত্য দেখেন, একই ভাবে সংস্পৃষ্ট হন। একাত্মতা ঘটিলেই একরূপ হইয়া থাকে। উপাসনাসাধন একাত্মতা সম্পন্ন করিবার জন্ত। যতক্ষণ একাত্মতা না হয়, ততক্ষণ উপাসনায় কৃতার্থতা হইল বলা যায় যায় না।

কয়েকটা কথার সমাধান।

বুদ্ধি। তুমি তো প্রাত্যহিক উপাসনার কথা এক পক্ষের শেষ করিয়াছ। আশীর্ষচন অনেকে ছাড়িয়া দিয়াছেন, সুতরাং ঐ পর্য্যন্ত উপাসনা শেষ হইল বলাতে ক্ষতি নাই। তোমাকে একটা কথা জিজ্ঞাসা করি, তুমি যে কয়েকটা নূতন কথা বলিয়াছ, তাহার সমাধান হওয়া আবশ্যিক। উহার সমাধান না হইলে প্রচলিত পদ্ধতি রক্ষা করিতে গিয়া অন্তরের প্রেরণার সঙ্গে বিরোধের সম্ভাবনা আছে। অতএব ঐ সকল স্থলের একটা সমাধান করিয়া দিবে এই আমার অভিলাষ।

বিবেক। আশীর্ষচনের কথা পরে বলা যাইবে। যে কয়েক স্থলে আন্তরিক প্রেরণার সঙ্গে বিরোধ উপস্থিত হয়, সেইগুলি বল, সমাধান হইতে পারে কি না দেখা যাউক।

বুদ্ধি। অনন্তের আরাধনাসম্বন্ধে তুমি যে দুইটি ভাগ করিয়াছ, উহা প্রচলিত পদ্ধতির বিরোধী। এখনও অনেকে অনন্তের আরাধনা এক পক্ষে করেন। যাহাদের অনন্তের বিভাগহয়ের সম্বন্ধে জ্ঞান জন্মিয়াছে, তাঁহারা, বল, সে আরাধনায় যোগ দিবেন কিরূপে ?

বিবেক। অনন্তের এক পক্ষ বলিয়া অনেকে অনন্তের আরাধনা শেষ

করেন সত্য ; কিন্তু অনন্তের পরেই যখন তাঁহারা প্রেমস্বরূপের ব্যাখ্যায় আসেন, তখন তাঁহাদিগকে এমন কতকগুলি কথা বলিয়া অনন্ত ও প্রেম এ দুইয়ের মধ্যে যে ব্যবধান ঘটে, তাহা ঘুচাইয়া লইতে হয়, যাহাতে অন্ততঃ দু'চারি কথাতেও অনন্তের অপর পক্ষের উল্লেখ হয়। এই তাঁহাদের গুটিকয়েক কথায়, বিস্তৃত ভাবে না হউক, সংক্ষেপে অনন্তের অপরদিক্ আরাধনার অন্তর্গত হইল এবং পূর্ব হইতেও আছে। অতএব উহারই উপরে ভর করিয়া সে সকল ব্যক্তির সঙ্গে উপাসনায় যোগরক্ষা করা যাইতে পারে।

বুদ্ধি। এখানে তুমি যোগরক্ষার উপায় বলিয়া দিয়া অন্তরকে তুষ্ট করিলে ভালই, কিন্তু 'সত্যং জ্ঞানমনন্তং' প্রভৃতি উচ্চারণকালে 'রসো বৈ সঃ' উচ্চারণ না করিলে যে কেমন বাধ বাধ বোধ হয়, তৎসম্বন্ধে তুমি কি সমাধান করিবে ?

বিবেক। আরাধনার মন্ত্র সকলগুলি উচ্চারিত হইল না, অথচ ব্যাখ্যানকালে উচ্চারিত হইলে যাহা হইত সেইরূপে ব্যাখ্যান হইল। ইহাতে তুমি যদি মূচ্ছ্বরে বা মনে মনে 'রসো বৈ সঃ' উচ্চারণ কর, তাহাতেই তোমার প্রেরণার প্রতি সম্মাননা সিদ্ধ হইল। এ শ্রুতিপ্রবচনটির কথা কিছু গোপন রাখ নাই, সকলকে জ্ঞাপন করিয়াছ, এখন উহা অপরে যদি উচ্চারণ না করেন ; তুমিতো আর বলপূর্বক উচ্চারণ করাইতে পার না। সময়ে যখন সকলে গ্রহণ করিবেন তখন আর কোন গোল থাকিবে না। এখন তোমার এই কর্তব্য যে, তুমি উটি এমনভাবে উচ্চারণ কর যাহাতে যাহারা আজও উহা গ্রহণ করেন নাই, তাঁহাদের মনের উদ্বিগ্ন না জন্মায়। তুমি উহা উচ্চারণ করিয়া থাক, এইটি যদি তুমি প্রকাশে জ্ঞাপন করিয়া থাক, তাহা হইলেই তোমার অন্তরের প্রেরণার প্রতি সম্মান প্রদর্শন করা হইল।

বুদ্ধি। 'হে সত্যস্বরূপ, আমাদের নিকট প্রকাশিত হও' এস্থলে 'প্রকাশিত থাক' এইরূপ উচ্চারণ করা তুমি সঙ্গত মনে কর, অথচ আমাদের সকলকে সকলের সঙ্গে প্রার্থনা উচ্চারণ করিবার সময়ে কাহারও ব্যাঘাত না জন্মে একমুখ 'প্রকাশিত হও' বলিতে হয়, ইহাতো স্পষ্ট জ্ঞানের বিরোধী কার্য। আমার মনে হয় ইহাতে বিশেষ অপরাধ ঘটে, এমন কি কপটাচার পর্য্যন্ত আইসে। বল এ দোষ নিবারণের উপায় কি ?

বিবেক । 'প্রকাশিত হও' 'প্রকাশিত থাক' এ দুইয়ের মধ্যে পার্থক্য সম্বন্ধিক । এখানে সমাধান করিতে গেলে, একেবারে অল্প পড়া অবলম্বন করা প্রয়োজন হইয়া পড়ে । 'প্রকাশিত থাক' এ কথায় এই প্রকাশ পায় যে, তোমার সঙ্গে যে যোগ ঘটিয়াছে, সংসারের কার্য্য করিতে গিয়া যেন সে যোগ না কাটে । সাধারণ প্রার্থনার মুখ্য উদ্দেশ্য ইহাই ; কেন না আস্তুর যোগ হইতে বাহিরের দিকে আসিয়া, অসত্য, অজ্ঞানতা ও মৃত্যুর সঙ্গে সম্বন্ধ ঘটিবামাত্র এ সকল হইতে মতোতে, জ্ঞানেতে, অমৃততে লইয়া বাইবার জন্ত প্রার্থনা হইল । মতোতে জ্ঞানেতে প্রতিষ্ঠিত থাকিবার জন্ত সত্যস্বরূপের সর্জন। সম্মুখে থাকা প্রয়োজন, এজন্য 'হে সত্যস্বরূপ, প্রকাশিত থাক' এই প্রার্থনা উপস্থিত হওয়া সমুচিত । এ দুটি উচ্চারণ করিতে গিয়া পাছে অপরের উপাসনার ব্যাঘাত উপস্থিত হয় এই ভয়ে যখন 'প্রকাশিত হও' এ কথা উচ্চারণ করিতে হইতেছে, তখন 'প্রকাশিত হও' ইহার অর্থ 'আরও প্রকাশিত হও' করিলে বদ্বিও ভাব অল্প দিকে গেল, তথাপি সাধারণের এটি প্রার্থিত বিষয় হইতে পারে । সত্যস্বরূপকে বতটুকু উপলব্ধি করিয়াছি, তাহাতেই তাঁহার উপলব্ধি নিঃশেষ হয় নাই । 'তুমি প্রকাশিত হও' ইহার অর্থ এখন বতদূর প্রকাশিত হইয়াছ ইহা অপেক্ষা আরও আমাদের নিকট প্রকাশিত হও । এ কথা বলিতে গিয়া পূর্বভাবের সহিত সঙ্গতিরক্ষা করা যদি আবশ্যিক মনে কর, তবে এইরূপে তাহা করিতে পারি :—মতোতে, জ্ঞানেতে, অমৃততে লইয়া বাইবার জন্ত প্রার্থনা করিলাম বটে, কিন্তু এখন, হে সত্যস্বরূপ, তুমি বতটুকু আমার নিকটে প্রকাশিত, ইহাতে অসত্য, অজ্ঞানতা ও মৃত্যুর সঙ্গে সংগ্রাম করিয়া জয়ী হওয়া হুঃসাধ্য, অতএব প্রার্থনা করিতেছি, এখন বতটুকু আমার নিকটে তুমি প্রকাশিত আছ, ইহা অপেক্ষা আরও প্রকাশিত হও যে আমি তাহাদিগকে অবহেলার পরাজয় করিতে পারি ।

বুদ্ধি । আচ্ছা, যদি এইরূপই সমাধান করিয়া লওয়া হও, তাহা হইলে 'আমাদিগকে রক্ষা কর' এ প্রার্থনার সঙ্গে তো যেন তেমন মিল হইতেছে না, কেন না নিম্নত সত্যস্বরূপের প্রকাশিত থাকিবার পক্ষে যে সকল আস্তুরার উপস্থিত হইতে পারে, তাহা হইতে রক্ষা পাওয়ার জন্ত এ প্রার্থনা ।

বিবেক । তুমি যাহা বলিলে তাহা 'প্রকাশিত থাক' এ কথায় সঙ্গে সাধিত

হইতেছে সন্দেহ কি ? কিন্তু জিজ্ঞাসা করি, সত্যস্বরূপের আরও প্রকাশিত হওয়ার পক্ষে কি অন্তরায় নাই ? যদি থাকে, তবে সে সকলের তিরোধানের জন্ত প্রার্থনা করা কি সমুচিত নয় ?

বুদ্ধি । আমি দেখিতেছি, তুমি যেমন তেমন ভাবে সমাধান করিয়া দিতে পার । এরূপ সমাধান কি সরল সত্যের পথ ?

বিবেক । সত্যের যেমন বহুদিক আছে সাধনেরও তেমনি বহুদিক আছে । সত্যের বহুদিক থাকতে যেমন পৃথিবীস্থ বিবিধ সম্প্রদায়ের সহিত যোগ রক্ষা করিয়া চলিতে পারা যায়, তেমনি ভিন্ন ভিন্ন ভাবাপন্ন সাধকগণের সঙ্গে তত্ত্বভাবে ভাবুক হইয়া যোগরক্ষা করা যাইতে পারে, ইহাতে কপটাচরণ বা সত্যভঙ্গ হয় না । সত্য বা সাধনকে সমুচিত সীমার মধ্যে বদ্ধ করিয়া না রাখিয়া বিশ্বজনীন করিয়া তোলা আমাদের সকলেরই পক্ষে কর্তব্য । বিশ্বজনীন করিয়া তোলা কর্তব্য বলিয়াই যে ব্যক্তিগত সাধনার জীবনোপযোগী ভূমিমধ্যে সত্যকে সাক্ষাৎ উপলব্ধির বিষয় করিবার জন্ত জীবনোপযোগী সাধনে আত্মাকে দ্রুতিষ্ঠ করিতে হইবে না, ইহার কোন কারণ নাই । ব্যক্তিগত ভূমিকে তৎসীমার মধ্যে অক্ষুণ্ণ রাখিয়া বিশ্বজনীন ভাবের সহিত যোগ রাখিতে হইবে । আমি যাহা বলিলাম তাহাতে তোমার সায় হইল কি না বলিতে পারি না । এ বিষয় তুমি ভাল করিয়া অনুধান করিয়া দেখিবে আশা করি ।

বুদ্ধি । তুমি তো উপাসনাতত্ত্ব বলা এক প্রকার শেষ করিয়াছ, কেবল আশীর্ষচনের কথা বলা অবশিষ্ট আছে । সে কথা পরে শুনিব । তুমি যে আর বার বলিয়াছিলে “ঈশ্বাদের গুটিকয়েক কথায় বিস্তৃতভাবে না হউক, সংক্ষেপে অনন্তের অপর দিক আরাধনার অন্তর্গত হইল এবং পূর্ব হইতেও আছে ।” অনন্ত হইতে প্রেমে আসিবার সময় দুচারি কথায় অনেকে অনন্ত ও প্রেমের ব্যবধান ঘুচাইয়া লন, এবং আচার্য্য কেশবচন্দ্র যে উপদেশে আরাধনার তত্ত্ব বলেন, তাহাতেও ঐরূপ করিবার কথা সন্নিবিষ্ট আছে, ইহা আমি জানি । “পূর্ব হইতেও আছে” এরূপ বলাতে এই প্রতীতি হয় যে, অনন্তের অপর বিভাগের ব্যাখ্যা তুমি যেমন করিতে উপদেশ দিয়াছ, ঠিক সেই প্রকারই আছে । কৈ তাহার তো কোন প্রমাণ পাই নাই ? তুমি কি ইহার কোন প্রমাণ দিতে পার ?

বিবেক । তুমি একথা অবশ্য জান পূর্বে অনন্তস্বরূপের পর আনন্দস্বরূপের ব্যাখ্যা হইত ; এ ব্যাখ্যা অল্পে অল্পে একেবারে আরাধনার অন্তিম ভাগে আসিয়া উপস্থিত হইয়াছে । এরূপ কিছু হঠাৎ হয় নাই । প্রথমে আনন্দের যে ব্যাখ্যা হইত, তাহা অনন্তস্বরূপেরই ভাবপক্ষ ছিল, তাহার দৃষ্টান্ত স্বরূপ কেশবচন্দ্রের আরাধনার এই কথাগুলি শ্রবণ কর :—“কোন দিকে গেলে, আবার এলেই বা কোন দিক্ দিয়া । এই না তুমি অচিন্ত্য হয়ে চলে গেলে ।.....ঐ ভক্তকে ধরে আনতে মোহিনীমূর্তি ধরে আনন্দময়ী হ’য়ে প্রকাশ হলে ।” এই সকল কথায় অনন্তের আনন্দ হইয়া পুনরাগমন অনন্তের অগ্র দিক্ । এখনও সাক্ষাৎসম্বন্ধে আনন্দের আরাধনা যে উপস্থিত হয় নাই, তাহা এই কথা গুলিতে বুঝিতে পারিবে :—“ছেলেদের ক্রন্দন শুনে, ‘মেরেছে তোদের ?’ অমনি এ কথা বলে, চক্ষের জল মুছাইয়া দিলে । আমি বলি কে আমার চক্ষের জল মুছিয়া দিলে ? আনন্দ দেওয়া তোমার কাজটা কি না, আনন্দ দিলে, দেখা নাই দিলে । আমি আশ্রয়তা কর্তে যাচ্ছিলাম, এমন সময় আমার এত উপকার কে করলে ? এমন জন্মস্থীটাকে আবার শান্তিসুখ দিলেন কে ?” অনন্তের ভাবপক্ষে যেমন সমুদায় জগৎ ও জীব তন্মধ্যে অন্তর্ভূত দেখা যায়, এখানেও তাহাই আছে । “হঠাৎ সুখের রাজ্য প্রকাশ করিলে” এইটুকুতে মাত্র জগতের উল্লেখ, কিন্তু জীবের উল্লেখ অতি সুস্পষ্ট । “তোমার পিছনে ওসকল লোকগুলি কি কচ্ছেন ? তাঁরা এত চেষ্টামেচি করেন কেন ? আনন্দরস পান করে মাতলামি আরম্ভ করেছেন ?” “ভক্তেরা কি কচ্ছেন আমরা কি টের পাচ্ছি না দূর থেকে ?” “তুমিই না সেই, হে আনন্দসমুদ্র ! যার মাঝে ভক্তগুলি নাছের মত বেড়ায়, একবার এদিকে একবার ওদিকে ।” এই আনন্দ যে রসস্বরূপ এবং রসস্বরূপে যে আনন্দের সহিত সাক্ষাৎসম্বন্ধ, তাহাও তৎকালে প্রকাশ পাইয়াছে !—“ঐ পাত্র রসে পূর্ণ বাহা দেখাচ্ছ ।” এই সাক্ষাৎসম্বন্ধ দিন দিন পরিষ্কৃত হইয়া আসিয়াছে, আর কেশবচন্দ্র বলিয়াছেন, “হাস দেখি, আমার পানে তাকাইয়া খুব হাস দেখি, যেমন করিয়া ভক্তদের মুখের পানে তাকাইয়া হাস ।” যখন এই ‘হাসির আমদানি’ তাহার নিকট হইল, তখন আনন্দস্বরূপের আরাধনার আরাধনা পর্যাপ্ত হইল ।

বুদ্ধি । তুমি অনন্তের ভাবপক্ষ পূর্ক হইতে আছে দেখাইলে কিন্তু আনন্দ-

বাক্য আরাধনার অর্থে গেলে যে ক'ক পড়িল, তাহা কি মিটিয়াছিল ?

বিবেক। যে কালের আরাধনার গুটিকয়েক মাত্র লেখা হইয়াছিল, সব আরাধনাতো লেখা হয় নাই। থাকিলে কি প্রকারে ক্রমোত্তম হইয়াছিল দেখান হইতে পারিত। আরাধনা বধন বুদ্ধিপূর্বক উদ্ভূত হয় না, ভগবৎ-প্রেরণার উদ্ভূত হইয়াছে। তখন যাহা লেখা হয় নাই, তাহাতে কি ছিল, ক্রমোত্তমের নিয়ম ধরিতা বলা হইতে পারে। “অনন্ত অনন্ত, সত্য অনন্ত জ্ঞান হইয়া, আশানিদের জ্ঞানের অতীত হইল। কে সেই সত্যকে আর জানিবে, কে সেই জ্ঞানের অন্ত পাইবে, উহার সীমা নাই, উহার অন্ত নাই।... ..আমি ও তিনি এই মাত্র বুঝা গেল, আর কিছু বোঝা গেল না। উপনিষৎ ভাবিতে ভাবিতে অদ্বৈতবাদে গিয়া দাঁড়াইল। সাধক ভীত হইয়া আশ্রয় দিকে দৃষ্টিপাত করিলেন, উপনিষৎ অতিক্রম করিয়া প্রেমভক্তির শাস্ত্র বাহির হইল। হরিলীলা সাধকের নয়নপোচির হইল। এট লীলার কথা বলিতে বলিতে সাধকের চৈতন্য হইল, তখন তিনি প্রেমের বাণ নিক্ষেপ করিলেন। মঙ্গলময়ের সাক্ষাৎকার হইল।” দেখ এই কথাগুলির মধ্যে কেমন সুস্পষ্ট অনন্তের সঙ্গে প্রেমের যোগ করিতে শ্রিয়া ভগবলীলা প্রত্যক্ষ করা প্রয়োজন হয় উল্লিখিত আছে। অনন্তের ভাবপক্ষে কি ভগবলীলার উল্লেখ হয় না ?

বুদ্ধি। আমি আশ্চর্য হইয়া যাইতেছি, তুমি পূর্বাপর কেমন আশ্চর্য্যভাৱে মিলাইয়া দেও। আমার মনে হয় না তুমি এ সকল ভাবিয়া চিন্তিয়া কর। যদি তাহা করিতে তাহা হইলে বধন অনন্তের ভাবপক্ষের কথা বলিয়াছিলে, সেই সময়ে একথাও তো তখনই বলিতে পারিতে ?

বিবেক। তুমি যেমন প্রশ্ন কর, আমি তেমনই তাহার উত্তর দেই। পূর্ব হইতে ভাবিয়া চিন্তিয়া কিছু বলিবার প্রয়োজন করে না, কথায় কথা উদ্ভূত হয়, এবং তদনুসারে উত্তর দেওয়াই প্রাভাবিক। অনন্তের ভাবপক্ষের নিরূপণ আমি এই কথায় করিয়াছি—“অনন্তব্রহ্মের অনন্তভূত সমুদায় জগৎ ও জীবের তৎসহ সম্বন্ধাবলম্বনে যে আরাধনা উপস্থিত হয়, তাহাকেই অবয়বপক্ষের অনন্তের আরাধনা বলে।” যে শাস্ত্র সম্বন্ধাবলম্বন করিয়া লিখিত, উহাচ ভক্তিশাস্ত্র, এবং এই সম্বন্ধ জন্তই ভগবলীলা প্রকাশ পায়। দেখ, বুদ্ধি, এট ভাবপক্ষের আরাধনা কেশবচন্দ্রের কথার সঙ্গে সম্পূর্ণ মিলিয়া যাইবে, ইহা আমি পূর্বে কিছুমাত্র চিন্তা

করি নাই। তোমার কথার উত্তর দিতে গিয়া ভূতকালের কথাগুলি সম্মুখে আসিয়া উপস্থিত হইল। তুমি 'ক্রমোন্মেষ' অর্থাৎ ভগবানের ক্রমিক ক্রিয়াতে সমুদায় উদ্ভূত হয়, এই মতে সন্দেহ বিচ্যাস কর, দেখিবে পূর্বাণয় লক্ষ্য কেমন তোমার নিকটে সহজে প্রতিভাত হয়। আজ আর তবে অল্প কথার প্রয়োজন নাই। তুমি কি বল ?

আশীর্ষচন ।

বুদ্ধি । আশীর্ষচনের বিষয় যদি দুকথায় হইতে পারে, তাহা হইলে তৎসম্বন্ধে কিছু বলিয়া উপাসনাতত্ত্বটি একেবারে শেষ করিয়া দিলে হয় না ?

বিবেক । আশীর্ষচনের কথা সংক্ষেপে বলিতে গেলে এই বলিতে হয় যে, প্রার্থনাতো করিলাম লাভ হইল কি, তাহাতো অভিযাক্ত করা চাই। আশীর্ষচনে লক্ষ বিষয় অভিযাক্ত হয়। লক্ষ বিষয় অভিযাক্ত না করিয়া মনে মনে জানা রহিল এই ভাবে কেহ কেহ আশীর্ষচন উল্লেখ করেন না। আমার বিবেচনার অভিযাক্ত করাই ভাল, তাহা হইলে সাধকের লক্ষ বিষয়েও একতা জন্মে।

বিজ্ঞান ও বিশ্বাস ।

বুদ্ধি । তুমি অনেকবার বিজ্ঞানের কেবল প্রশংসা করিয়াছ তাহা নয়, বিজ্ঞানকে ঈশ্বরের বাণী বলিয়া উপস্থিত করিয়াছ। আমি প্রথমে প্রথমে এ কথায় সায় দিয়াছি। বর্তমান অবস্থায় দেখিতেছি যে, যদি বিজ্ঞানের উপরে আমি তেমন করিয়া ভর দি, তাহা হইলে আমার মন শুকাইয়া যায়, বিশ্বাস খর্ব্ব হয়। তাই মনে করিয়াছি বিজ্ঞান বিজ্ঞান করিয়া মনকে শুষ্ক করিব না, বিশ্বাসকে খর্ব্ব করিব না। বর্তমানে যে বিষয়ে বিজ্ঞানের সাহায্য লইতে বলিবে, আমি বিজ্ঞানের সাহায্য না লইয়া বিশ্বাসের সাহায্য গ্রহণ করিব ; যাহা কিছু গোল আছে বিশ্বাস ঠিক করিয়া লইবে। এ যে মনের সাহায্যের জন্ত বলিতেছি তাহা নয়, বাস্তবিক এরূপ বিশ্বাস দেখিয়া গুনিয়া জন্মিয়াছে।

• বিবেক । বিজ্ঞান ও বিশ্বাস এ দুইয়েরই আমি সমান আদর করি। বিশ্বাস বিনা বিজ্ঞান দাঁড়ায় না, আবার বিজ্ঞান বিনা বিশ্বাসের মূল দৃঢ় হয় না। সুতরাং এ দুইয়ের মধ্যে কখন বিরোধ ঘটিতে পারে। ইহা আমি কখন বলি নাই, বলিব না। কিন্তু কেহ যদি এ দুয়ের মধ্যে বিচ্ছেদ ঘটায়, তবে তাহার প্রতিবাদ না করিয়া কি প্রকারে থাকিব ? যেখানে প্রকৃত বিশ্বাস আছে সেখানে বিজ্ঞান

কখনই অনাদৃত হইতে পারে না । বিশ্বাস কি কখন বিজ্ঞানের অনাদর করিতে কাহাকেও বলে ? ঈশ্বরে বিশ্বাসী ব্যক্তিকে স্বয়ং ঈশ্বর সময়ে সময়ে বিজ্ঞানের সাহায্য লইতে বলেন এবং বিজ্ঞানবিদগণকে ধর্মপ্রচারকের স্তায় সম্মান করিতে আদেশ করেন । তুমি যদি বিশ্বাসী হও, তাহা হইলে যদি স্বয়ং ঈশ্বর তোমার নিকটে বিজ্ঞানের সাহায্য লইয়া আইসেন, এবং তোমাকে বলেন, এ বিষয়ে তোমার এই এই উপায় লইতে হইবে, তুমি কি তাঁহার আনীত সাহায্য অগ্রাহ করিতে পার, না, যে উপায় লইতে বলেন সে উপায়ের প্রতি উপেক্ষা করিতে পার ? যদি পার, তবে তোমার তাঁহার প্রতি বিশ্বাস হইল কোথায় ? তুমি যে বিশ্বাসের অভিমানে তাঁহা হইতে আপনাকে বড় মনে করিতেছ ?

বুদ্ধি । আমি যখন বলিয়াছি 'যাহা কিছু গোল আছে বিশ্বাস ঠিক করিয়া লইবে' তখন তাহার অর্থ এই, বিশ্বাস উপায় আনিয়া উপস্থিত করিবে । উপায় আনিয়া উপস্থিত করিলে আমি উপায় গ্রহণ করিব না, এ কথা তো আমি বলি নাই । যদি আনীত উপায় গ্রহণ না করি, তাহা হইলে আমি বিশ্বাস করিলাম না, তুমি ইহা বলিতে পার ।

বিবেক । মনে কর তুমি বিশ্বাস করিলে, অথচ কোন উপায় তোমার নিকটে উপস্থিত হইল না, এ অবস্থায় তুমি কি করিবে ?

বুদ্ধি । যদি একরূপ হয় তদ্বিময়ে ধৈর্যধারণ করিয়া থাকিব ।

বিবেক । একরূপে ধৈর্যধারণ করিতে গিয়া যদি নিজের ও অপরের ঘোর বিপদের সম্ভাবনা থাকে, তাহা হইলে কি করিবে ?

বুদ্ধি । বৈরাগ্যাবলম্বন করিয়া বিপদকে বিপদ বলিয়া গ্রাহ্য করিব না ।

বিবেক । যে বৈরাগ্যে অপরের কোন প্রকার দেহাদির ক্ষতি হয়, সে বৈরাগ্যাবলম্বন করিবার কি তোমার অধিকার আছে ?

বুদ্ধি । অধিকার আছে কি নাই সে বিচার করিয়া কি করিব ? যখন উপায় হইল না, তখন বৈরাগ্য ভিন্ন আর উপায় কি ?

বিবেক । দেখ, বুদ্ধি, এতো বৈরাগ্য হইল না, ভগবানের প্রতি রাগ হইল । ইহাতে কি মন শুদ্ধ হয় না, অবিশ্বাস জন্মিবার হেতু উপস্থিত হয় না ?

বুদ্ধি । অবিশ্বাস হইবে কেন ?

বিবেক। আর কোন অবিশ্বাস না জন্মুক, ঈশ্বরের উপরে যে ব্যক্তি নির্ভর করিয়া থাকে, তাহার তিনি কোন উপায় করেন না ভিতরে ভিতরে এই ধারণা উপস্থিত হইতে পারে। এই ধারণা কি অবিশ্বাস নয় ?

বুদ্ধি। বিশ্বাস করিব, তিনি কোন মঙ্গলেরই জন্ত উপায় করিয়া দিলেন না।

বিবেক। মঙ্গলের জন্ত উপায় করিয়া দিলেন না, এরূপ বিশ্বাস করিয়া ঘোর বিপদ দুঃখ ক্ষতি বহন করাতে মনের বিষাদ ঘোচে না, ভিতরে ভিতরে অশান্তি থাকিয়া যায়। এ অবস্থায় সুকোমল ঈশ্বরপ্ৰীতিকুসুম প্রফুল্লিত হয় না।

বুদ্ধি। তুমি তো বাদ বিবাদ অনেক করিলে, এ অবস্থায় কি করিতে হইবে স্পষ্ট করিয়া বল না কেন ?

বিবেক। ঈশ্বরের প্রতি যে প্রকৃত বিশ্বাসস্থাপন করে, তাহার নিকটে উপায় উপস্থিত হয় না, ইহা নিরতিশয় মিথ্যা কথা। যদি উপায় উপস্থিত না হয় তাহা হইলে একথা নিশ্চয় যে, হাতের নিকটে যে উপায় আছে, তাহাকে অগ্রাহ্য করা হইয়াছে। নিকটস্থ উপায়কে সামান্য বলিয়া তুচ্ছ করিলে সে উপায়কে তুচ্ছ করা হইল তাহা নহে, যিনি উপায় নিকটে রাখিয়া দিয়াছেন, তাঁহাকে পর্য্যন্ত তাহার অগ্রাহ্য করা হইল। উপায় ক্ষুদ্র, ইহা বলিয়া তুচ্ছ করা উচিত নয়। ক্ষুদ্র উপায়ের যে ব্যক্তি সম্মাননা করে, তাহার নিকটে ক্রমান্বয়ে মহৎ হইতে মহত্তর উপায় আসিয়া উপস্থিত হয়। উপায়সকল শৃঙ্খলে পরস্পর আবদ্ধ। একটা উপায় শ্রদ্ধার সহিত অবলম্বন করিলে যতক্ষণ সে বিষয়ে কোন নিষ্ফলতা না হয়, ততক্ষণ পর্য্যন্ত উপায়ের পর উপায় উপস্থিত হইতে থাকে। তুমি কি বলিতে পার, তোমার হাতের নিকটে উপায় নাই ? ইহা কখনই বলিতে পার না। যদি তাহা না বলিতে পার, তবে নিকটস্থ উপায়ের প্রতি অবহেলা করিয়া কি প্রকারে আশা করিতে পার যে, তোমার মনঃকল্পনানুসারে উপায়ান্তর-প্রেরণ করিতে ঈশ্বর বাধ্য। ক্ষুদ্রেতে যে বিশ্বাস স্থাপন করিতে না পারিল, মহত্তর বিষয়ে সে বিশ্বাস স্থাপন করিবে, ইহা কি সম্ভব ? মহত্তর বিষয় উপস্থিত হইলে তখন বিশ্বাস হয়। তাহার পর বিশ্বাস নিবিয়া যায়। এরূপ হইবার কারণ এই যে, ঈশ্বরের প্রতিনিয়ত যে সকল দান উপস্থিত

সুং প্রতি অবহেলা। মানুষ যদি আপন দোষে দুঃখ পায়, তবে তজ্জন্তু ঐশ্বরকে মিথ্যা দাবী করিলে কি হইবে? আমার এসকল কথা কঠোর বলিয়া মনে হইতে পারে। কিন্তু জানিও এসকল কথা তোমার বিজ্ঞানচক্ষু প্রস্ফুটিত করিয়া দেওয়ার জন্য আমার বলিতে হইতেছে। বিজ্ঞানচক্ষু বিনা নিকটস্থ উপায় কেহ দেখিতে পার না। তাই তোমায় পুনঃ পুনঃ বিজ্ঞানের প্রতি সমাদর করিতে আমি অনুরোধ করি।

স্বরূপ গুলির পরস্পর সম্বন্ধ।

বুদ্ধি। পূর্বে অত্র কথায় তোমায় একটী কথা বলিতে ভুলিয়া গিয়াছি। তুমি আরাধনাসম্বন্ধে অনেক কথা বলিয়াছ, সে গুলি সমুদায় পড়িয়া স্বরূপসমূহের পূর্ক্যাপর সম্বন্ধ সকলে নির্ণয় করিবেন, তাহার সম্ভাবনা অতি অল্প। যদি সংক্ষেপে স্বরূপগুলির পরপর সম্বন্ধ তুমি দেখাও, তাহা হইলে সাধারণের উপকার হইবে। তাই সে সম্বন্ধে কিছু বলিতে তোমায় অনুরোধ করিতেছি।

বিবেক। বিস্তৃত বিষয়ের সংক্ষেপবর্ণনে অনেকের স্মৃতির সাহায্য হইতে পারে। সুতরাং তোমায় এ অনুরোধ রক্ষা করিতে আমার কোন আপত্তি নাই। তবে আমি ইচ্ছা করি না যে, কেহ সংক্ষেপবর্ণন পড়িয়া সন্তুষ্ট থাকেন, কেন না বিস্তৃত বর্ণন না পড়িলে সংক্ষেপবর্ণনের প্রকৃত মর্ম হৃদয়ঙ্গম হয় না। বিস্তৃত বর্ণন পড়িয়া সংক্ষেপবর্ণনপাঠ, বা সংক্ষেপবর্ণন পড়িয়া বিস্তৃতবর্ণনপাঠ ইহার যে কোনটি হউক অবলম্বন করা উচিত।

বুদ্ধি। আমি যদি বিস্তৃত বর্ণন আগে না শুনিলাম, সংক্ষেপ বর্ণনের জন্য অনুরোধই করিতে পারিতাম না।

বিবেক। মানুষের সকল বিষয়েই আলস্ত; সংক্ষেপ পাইলে আর বিস্তৃতের আলোচনা করিতে তাহারা চায় না; তাই তোমায় ঐ কথা গুলি বলিলাম।

বুদ্ধি। বাউক, প্রকৃত কথার আরম্ভ কর।

বিবেক। 'সত্য, জ্ঞান, অনন্ত' এই তিনটি স্বরূপে আরাধনার আরম্ভ অতি স্বাভাবিক; কেন না ব্রহ্মকে সর্ব প্রথমে সত্তামাত্রে গ্রহণ দর্শন-বিজ্ঞান-সিদ্ধ। ব্রহ্ম আছেন, ঠহাট নির্দিষ্ট ভূমি। এই ভূমিতে প্রবেশ করিয়া যখন জীব ও জগৎকে এই সত্তাবলক দেখিতে পাওয়া যায়, তখন এই সত্তার মধ্য হইতে জ্ঞানস্বরূপ প্রকাশ পায়। সত্তা ও জ্ঞান উপলব্ধির বিষয় করিতে গিয়া উহার

অমৃত পাওয়া যায় না, সূতরাং ব্রহ্মের অনন্তরূপ সাধকের হৃদয়ঙ্গম হয় ! ব্রহ্ম স্বয়ং অনন্ত, এই অনন্তত্বেই তিনি জীব ও জগৎ হইতে ভিন্ন ।

বুদ্ধি । সত্তা ও জ্ঞান উপলব্ধির বিষয় করিতে গিয়া অমৃত পাওয়া যায় না, তাহা হইতেই ব্রহ্মের অনন্তরূপ হৃদয়ঙ্গম হয়, এরূপ যখন বলিলে তখন অনন্তের ভাবপক্ষের কথা যে বলিয়াছি তাহা সিদ্ধ হয় কিরূপে ?

বিবেক । ‘যে অমৃত আনন্দরূপে প্রতিভাত হন’ এই শ্রুতিটী অনন্তের ভাবপক্ষে আমি নিয়োগ করিয়াছি । ‘যে অমৃত’—অনন্ত ব্রহ্মকে বুঝাইতেছে, কেন না ‘অমৃত’ শব্দ বেদে সর্বাঙ্গীত ব্রহ্মে প্রয়োগ করা হইয়াছে । যিনি সর্বাঙ্গীত তিনি যদি চিরদিন সর্বাঙ্গীতই থাকিয়া যান, তবে সৃষ্টি হয় না । স্বয়ং ব্রহ্ম বিনা আর কাহারও সৃষ্টি করিবার শক্তি নাই ; সূতরাং অনন্তব্রহ্মকেই সৃষ্টি করিতে হইতেছে । সৃষ্টি করিতে গেলেই সৃষ্টিতে তাঁহার অবতরণ অবশ্যস্তাবী । সৃষ্টিতে তাঁহার অবতরণ আনন্দরূপে সাধকের নিকটে প্রকাশ পায় । জগৎ ও জীবে যে সৌন্দর্যের প্রকাশ উহা আনন্দ হইতেই । যে অনন্ত সর্বাঙ্গীত ছিলেন, তিনিই এখন জগৎ ও জীবে লীলাকারী ব্রহ্মরূপে প্রকাশিত ।

বুদ্ধি । এখন দুটী শ্রুতির পরস্পর সম্বন্ধ বেশ হৃদয়ঙ্গম হইল । ‘শান্ত শিব অদ্বৈত’ এ শ্রুতির এইরূপ সম্বন্ধ স্পষ্ট করিয়া দেখাইলে সুখী হইব ।

বিবেক । ‘শান্ত’ এই শব্দটি আরাধনামধ্যে প্রায় কেহ উল্লেখ করেন না । উল্লেখ না করাতে বিশেষ ক্ষতি এইজন্য হয় না যে, ব্রহ্ম যে প্রপঞ্চাঙ্গীত, প্রপঞ্চের সহিত এক নন, প্রপঞ্চই তাঁহার স্বভাব পাইয়াছে, তিনি আর প্রপঞ্চের স্বভাব পান নাই, কথার না বলিলেও সাধকমাত্রেরই অন্তরে এ বিশ্বাস পোষণ করেন । জগৎ, জীব ও ব্রহ্ম বাহাদিগের মতে এক, ‘শান্ত’ শব্দটির অর্থ তাঁহাদের হৃদয়ঙ্গম করা বড়ই প্রয়োজন । শান্ত যিনি তিনি নির্বিকার, এই নির্বিকার ভাব প্রেমস্বরূপের ব্যাখ্যার সময়ে মনে না রাখিয়া স্পষ্ট উল্লেখ করা ভাল, কেন না মানুষের মনে প্রেমের সঙ্গে বিকার সংযুক্ত হইয়া পড়িয়াছে । কেবল বিকার নয়, প্রেমের বিবিধ প্রকাশ আর একটি আপদ আনিয়া উপস্থিত করে । সে আপদ এই যে, যে ব্যক্তি প্রেমের যে দিক্ দেখে সেই দিকে মুগ্ধ হইয়া পড়ে, আর তাহার দৃষ্টি অন্য দিকে যায় না । অধিকসংখ্যক ব্যক্তির এইরূপ অবস্থা

উপস্থিত হইয়া বহুত্ববাদ উপস্থিত হয়। সুতরাং সঙ্গে সঙ্গে অদ্বৈতস্বরূপের উল্লেখ প্রয়োজন।

বুদ্ধি। এ কথাতো তুমি পূর্বে বলিয়াছ, আবার উল্লেখ কেন ?

বিবেক। উল্লেখ না করিলে যে স্বরূপগুলির পরস্পর সম্বন্ধ বুঝান যায় না।

বুদ্ধি। যাউক, এখন শুদ্ধ অপাপবিক্লেয় কথা বল।

বিবেক। বিকারশূন্য দ্বৈধবর্জিত প্রেম যদি হৃদয়কে অধিকার করে, তবে যে শুদ্ধতা বা পুণ্য উপলব্ধির বিষয় হইবে, তাহা তো নিতান্ত স্বাভাবিক। ঈদৃশ প্রেম মনের বিকার ঘুচাঠয়া দেয়, দুইতে নয় একেতে মন অভিনিবিষ্ট করে, এক্রপ স্থলে পুণ্যের আবির্ভাব ভিন্ন আর কি হইবে বল ?

বুদ্ধি। এতদূর তো বেশ বুঝা গেল। এখন আনন্দ বা রসস্বরূপের কথা বল। 'যে অমৃত আনন্দরূপে প্রতিভাত হইয়াছেন' তাহার সঙ্গে এ আনন্দের পার্থক্য কি দেখাও।

বিবেক। জগৎ ও জীবের ভিতরে সৌন্দর্যের আকারে যে আনন্দ প্রকাশ পাইয়াছে, সে আনন্দকে সাক্ষাৎ প্রত্যক্ষের বিষয় করিতে গিয়া প্রপঞ্চাতীত-নির্দ্বন্দ্বিতার দ্বৈধবিহীন প্রেম এবং তৎসমুখিত শুদ্ধতা বা পুণ্য যখন মনকে মুগ্ধ ও সর্বপ্রকার বিকার দ্বারা অসংস্পৃষ্ট করিয়া তুলিল, তখন ব্রহ্মের সাক্ষাৎ আবির্ভাব সাধকেতে প্রকাশ পাইল। এই সাক্ষাৎ আবির্ভাব আনন্দ বা রসস্বরূপ। যখন বলা হইয়াছিল 'আনন্দরূপে প্রতিভাত হন' তখন জগৎ ও জীবমধ্যে সৌন্দর্য-আকারে আনন্দ প্রতিভাত হইয়াছিল এখন আনন্দমধ্যে জগৎ ও জীব প্রতিভাত হইল, ইহা কিছু সামান্য প্রভেদ নয়।

'তিনি' 'তুমি'।

বুদ্ধি। তুমি পূর্বে যাহা বলিয়াছ তাহাতে সন্দেহ হইয়াছি। একটি বিষয়ে আমার সন্দেহ আছে। সেটির নীমাংসা হইলে বড়ই সুখী হইব। সত্য জ্ঞান অনন্ত পড়তি স্বরূপগুলিতে আরাধ্য ঈশ্বর 'তিনি' শব্দে উল্লিখিত হইয়াছেন। এক্রপ স্থলে আরাধনা 'তুমি' শব্দে হয় কিরূপে ?

বিবেক। তুমি যাহা বলিলে তাহার আর উত্তর কি ? উপনিষদে ব্রহ্মসম্বন্ধে 'তিনি' শব্দেই প্রাচুর্য্য, 'তুমি' শব্দ নাই। এই কারণেই যখন ব্রাহ্মসমাজে

প্রথমে আরাধনা প্রবর্তিত হয়, তখন 'তিনি' শব্দেই আরাধনা হইত । এখনও ব্রাহ্মসমাজের এক বিভাগে আরাধনায় সেই 'তিনি' শব্দই প্রচলিত রহিয়াছে ।

বুদ্ধি । যদি শ্রুতির অনুসারে আরাধনা করিতে হয় তাহা হইলে 'তিনিতে' আরাধনা করাইতো ঠিক ।

বিবেক । দেখ বুদ্ধি, উপনিষদে 'তুমি' নাই, কিন্তু পুরাণে তব্ধে 'তুমি' আছে । যাহারা 'তিনি' শব্দে আরাধনা করেন, তাহারাও এইজন্ত স্তোত্রে 'তুমি' শব্দ উচ্চারণ করেন ।

বুদ্ধি । যখন শ্রুতিতে 'তিনি' আছে, তখন আরাধনা 'তিনি' শব্দে হউক, স্তোত্রে 'তুমি' শব্দ আছে, স্তোত্র 'তুমি' শব্দে হউক ।

বিবেক । তুমি তো এইরূপ বিভাগ করিয়া দিলে, কিন্তু যে সাধকের পরোক্ষ জ্ঞান চলিয়া গিয়া অপরোক্ষ জ্ঞান উপস্থিত, তিনি সাক্ষাৎসম্বন্ধে ব্রহ্মকে দেখিয়া অসাক্ষাৎসম্বন্ধের 'তিনি' বলেন কি প্রকারে ? তিনি পারেন না বলিয়াই স্বরূপ-দ্যোতক শ্রুতিগুলিতে 'অং' শব্দ উহু করিয়া লইয়াছেন—যেমন সত্যং জ্ঞান-মনস্তং ব্রহ্ম—ত্বম্ ; আনন্দরূপমমৃতং বদ্বিভাতি,—তৎ ত্বন্ ; শান্তং শিবমদ্বৈতং — ত্বম্ ; শুদ্ধমপাপবিক্রং—ত্বম্ ; [রসোটৈব সঃ—ত্বম্] । সাধকের যখন অপরোক্ষ জ্ঞান জন্মিয়াছে, তখন যেমন সকল শ্রুতি 'অহমে' পর্য্যবসন্ন হয়, তেমনি বর্তমান অপরোক্ষ জ্ঞানাপন্ন সাধকের নিকট শ্রুতিসকল 'অমে' পর্য্যবসন্ন হইবে তাহাতে আর কতি কি ?

বুদ্ধি । তুমি কি কতকগুলি কথা বলিলে, কিছুই বুঝিতে পারিলাম না । সোজা করিয়া বলিলেই হয়, অত সংস্কৃতে প্রয়োজন কি ?

বিবেক । শ্রুতির বিচার তুলিলে সংস্কৃতির ফেঁকড়া তুলিতেই হয় । তুমি না বুঝিলে, অন্ত্রে সংস্কৃতির ফেঁকড়া না তুলিলে বুঝিবেন কেন ? ঐ কথাগুলি সোজা কথায় বলিতে গেলে এই বলিতে হয় যে, উপনিষদের চরম সাধনে সাধক ব্রহ্মের সহিত এক হইয়া যান, তখন যে ব্রহ্ম 'তিনি' ছিলেন, তিনি 'আমি' হইয়া যান অর্থাৎ আ গ্রার সহিত অভিন্ন হইয়া 'আমি' শব্দে উল্লিখিত হন । এই কারণে সেকালের উপদেষ্টারা 'আমাকে যে পূজা করে' ইত্যাদি বাক্যে শিষ্যবর্গকে উপদেশ করিয়াছেন । একরূপ করার তাৎপর্য্য এই যে, উপদেশকালে উপদেষ্টা ব্রহ্ম সহ অভিন্ন হইয়া গিয়াছেন, ব্রহ্মই 'আমি' 'আমি' বলিতেছেন । যেমন ব্রহ্ম

এইরূপে 'আমি' শব্দের বাচ্য হন, তেমনি 'তুমি' শব্দেরও বাচ্য হন। 'সেই (ব্রহ্মই) তুমি' ইত্যাদি শ্রুতি ব্রহ্মকে 'তুমির' সঙ্গে এক করিয়াছেন। যখন এইরূপে সাধক ও ব্রহ্ম এক হইয়া গেলেন, তখন অপরোক্ষ জ্ঞান উপস্থিত হইল। ব্রহ্মের স্বরূপসমূহও সূত্রাং 'আমি' 'তুমির' স্বরূপ হইয়া গেল। বর্তমান কালের সাধকগণ যোগী ও ভক্ত উভয়ই, সূত্রাং ব্রহ্মকে 'তুমি' বলিয়া অপরোক্ষ জ্ঞান রক্ষা করেন এবং সমুদায় স্বরূপবাচক শ্রুতিগুলিতে 'তুমি' শব্দ উহা করিয়া লন। 'তুমি উহা করিয়া স্বরূপগুলির অর্থ হইল—'তুমি সত্য জ্ঞান অনন্ত' 'সেই অমৃত তুমি, যিনি আনন্দরূপে প্রতিভাত হন' 'তুমি শান্ত, শিব, অদ্বৈত' 'তুমি শুদ্ধ অপাপবিদ্ধ' 'সেই তুমি রসস্বরূপ।'

বুদ্ধি। এখন সোজা করিয়া বলিলে বলিয়া বুঝা গেল। প্রথমে সোজা করিয়া বলিলেই তো হইত।

বিবেক। বাহারা সংস্কৃতজ্ঞ তাঁহারা যেক্রমে বোঝেন তাঁহাদিগের জন্ম সেইরূপে বলিয়া, তুমি যেক্রমে বোঝ সেইরূপে তোমায় বোঝান ক্ষতি কি? যাউক যাহা জিজ্ঞাসা করিয়াছিলে তাহার উত্তর দিলাম।

প্রার্থনাপাঠ।

বুদ্ধি। তোমার একটা কথা জিজ্ঞাসা করি, স্বয়ং প্রার্থনা না করিয়া কেহ কেহ প্রতিদিন কেশবচন্দ্রের প্রার্থনা পাঠ করা উপাসনার অঙ্গ করিয়া লইয়াছেন কেন? ইহাতে কি নিজের কিছু প্রার্থনা করিবার নাই, ইহাই বুঝায় না?

বিবেক। কেশবচন্দ্রের প্রার্থনাপাঠ তাঁহাদের পক্ষে কোন কালে উচিত নয়, যাঁহাদের সেই প্রার্থনাপাঠে প্রার্থনার শ্রোত বন্ধ হইয়া যায়। যে সকল ব্যক্তির কেশবচন্দ্রের প্রার্থনাপাঠে হৃদয়ের দ্বার খুলিয়া না যায়, অধ্যাগ্নরাজ্যের নূতন তত্ত্ব তাহার সঙ্গে সঙ্গে হৃদয়ে প্রতিভাত না হয়, তাঁহাদের পক্ষে প্রার্থনা পাঠ নিষিদ্ধ। প্রার্থনাপাঠে আত্মা উচ্চভূমিতে উত্থান করে, জীবনে কোথায় কি লুকাইয়া আছে প্রকাশ পায়, এবং এইরূপে লুক্কায়িত বিষয়গুলি দেখিতে পাইয়া হৃদয় হইতে যে প্রার্থনা উদ্ভিত হয়, সে প্রার্থনার আত্মার অবস্থান্তরতাপ্রাপ্তি হইয়া থাকে। যে সকল ব্যক্তিতে এরূপ ঘটে না, তাঁহাদের পক্ষে উচ্চ সাধক-গণের প্রার্থনাপাঠকরা কদাপি প্রেয়স্বরূপ নহে।

বুদ্ধি । কেশবচন্দ্রের দেহ হইতে অন্তর্কানের পর এ নূতন উপায় অবলম্বিত হইয়াছে । তাঁহার সময়ে কি একরূপ উপায় কখন অবলম্বিত হইয়াছিল ?

বিবেক । হাঁ, হইয়াছিল । যখন প্রথমে দৈনিক উপাসনা প্রতিষ্ঠিত হয়, তখন প্রতিদিন 'Altar at Home' নামক প্রার্থনা পুস্তক হইতে প্রতিদিন একটী প্রার্থনা অনুবাদিত হইয়া পঠিত হইত । ষাঁহার প্রতি অনুবাদ করিয়া পড়িবার ভার ছিল, তিনি সে সময়ে সমগ্র গ্রন্থখানির অনুবাদ করেন । অনুবাদ মুদ্রিত হয় নাই, হারাইয়া গিয়াছে ।

বুদ্ধি । হৃদয়কে উচ্চ ভূমিতে তুলিবার জন্ত কেবল প্রার্থনা পঠিত হয় কেন ? উপদেশাদি পড়িলে কি সে কাজ হয় না ?

বিবেক । প্রার্থনাকালে সাধকের আত্মার সমগ্রভাব প্রকাশ পায়, ভাবা-স্তরের সংমিশ্রণ তাহাতে থাকে না, বক্তৃতা বিষয়টি বিবৃত করিবার জন্ত অবাস্তর বিষয় আসিয়া জোটে না, সুতরাং হৃদয়কে তদ্ভাবাপন্ন করিয়া লইতে হইলে প্রার্থনাই তৎসম্বন্ধে বিশেষ উপযোগী ।

বুদ্ধি । আচ্ছা, অল্প কাহারও প্রার্থনা পাঠ না করিয়া এক কেশবচন্দ্রের প্রার্থনা কেন পঠিত হয় ?

বিবেক । ষাঁহারা কেশবচন্দ্রের প্রার্থনা পাঠ করেন, তাঁহারা কেশবচন্দ্রের সহসাধক । প্রার্থনাকালে সে প্রার্থনার সঙ্গে তাঁহাদের হৃদয়ের সায় ছিল, প্রার্থনানুরূপ জীবনগঠনে তাঁহাদের সঙ্কল্প ছিল । সে সঙ্কল্প নানা কারণে সিদ্ধ হয় নাই । এখন সেই সঙ্কল্প স্বরণপথে আনয়ন করিয়া তৎসিদ্ধির জন্ত যত্ন ও সাধন পূর্ব প্রার্থনা পাঠের উদ্দেশ্য । এতদ্বারা পূর্বানুভূত বিষয়ের মধ্যে আনুষ্ঙ্গিক যে তত্ত্ব তৎকালে লুক্কায়িত ছিল তাহাও প্রকাশ পায় । এ সকল উদ্দেশ্য ষাঁহাদের নাই, আমি পুনরায় বলিতেছি, তাঁহাদের পক্ষে কেশবচন্দ্রের প্রার্থনা পাঠকরা বিধেয় নহে ?

বুদ্ধি । একরূপ ভাবে কোন ব্যক্তির প্রার্থনা পাঠ করিলে কি তাঁহাকে মধ্যবর্তী করা হয় না ?

বিবেক । ষাঁহারা প্রার্থনা পাঠেই সকল হইল আর কিছু করিবার নাই মনে করেন, তাঁহাদের এ দোষ ঘটে । কিন্তু পাঠে পূর্ব সঙ্কল্প উদ্দীপন, এবং সে সঙ্কল্পসিদ্ধির জন্ত সাধন ও প্রযত্ন, পূর্বে লুক্কায়িত ভাবে অবস্থিত তত্ত্বের পরিগ্রহ,

এই সকল যাহাদের লক্ষ্য, তাঁহারা আর প্রার্থনিতাকে মধ্যবর্তী করিলেন কোথায় ?

বুদ্ধি। যদি প্রতিদিনই পূর্বসঙ্কল্প উদ্দীপন ও তৎসিদ্ধির জন্ত সাধন চলে, তাহা হইলে সিদ্ধি হইল কোথায় ? সিদ্ধি না হইলে কি ক্রমে মৃতভাব আসিয়া উপস্থিত হয় না ?

বিবেক। সিদ্ধি না থাকিলে সাধন ও যত্ন বৃথা, কিন্তু জানিও সিদ্ধিরও শেষ নাই, সাধন ও যত্নেরও শেষ নাই, নূতন তত্ত্ব সমাগমেরও বিরতি নাই।

উপাসনার অন্তর্পার্থক্য।

বুদ্ধি। তুমি এ কথা বলিয়াছ, প্রার্থনাতে সাধনের আরম্ভ হয়। আমি বলি প্রার্থনাতে সাধনের আরম্ভ কেন, সাধনের আদি মধ্য অন্তে এক প্রার্থনারই সাম্রাজ্য। উদ্বোধন, আরাধনা, ধ্যান, এ সকলের মধ্যেও প্রার্থনা বিদ্যমান, কেন না বিনা আকাঙ্ক্ষায় যখন এ সকল অনুষ্ঠিত হয় না, তখন এ সকলের মধ্যে যে প্রার্থনা আছে, তাহাতে আর সন্দেহ কি ? যদি সর্বত্র এইরূপে প্রার্থনাই থাকিয়া গেল, তাহা হইলে উপাসনার এতগুলি ভিন্ন ভিন্ন অঙ্গ করিবার প্রয়োজন কি ?

বিবেক। তুমি যে প্রশ্ন করিলে ইহা অতি গুরুতর। আকাঙ্ক্ষা যে প্রার্থনা তাহাতে আর কোন সন্দেহ নাই। আকাঙ্ক্ষা বিনা উপাসনায় কেন, কোন কার্যেই প্রবৃত্ত হইবার কারণ থাকে না। এক ঈশ্বরই কেবল নিরাকাঙ্ক্ষ, কেন না তাঁহার কোন অভাব নাই। জীব যখন অভাবগ্রস্ত, তখন তাহার সে অভাব পূরণ করিতেই হইবে। অভাবপূরণ করিতে হইলেই তৎসম্বন্ধে আকাঙ্ক্ষা তো থাকিবেই। অভাবপূরণার্থ আকাঙ্ক্ষা যখন প্রার্থনা, তখন আদি মধ্য অন্তে প্রার্থনা, এ কথা বলিবার সকলেরই অধিকার আছে।

বুদ্ধি। যদি তুমি এ কথা দীকার করিলে, তাহা হইলে ভিন্ন ভিন্ন উপাসনার অঙ্গগুলি এত করিয়া ব্যাখ্যা করিলে কেন ?

বিবেক। ব্যাখ্যা করিলাম কেন, তাহার কারণ প্রত্যেক অঙ্গের সঙ্গে বলিয়াছি। দেখিতেছি সে বলাতে তেমন ফল হয় নাই। অতএব তোমার

প্রশ্নানুসারে প্রত্যেক অঙ্গসম্বন্ধে পার্থক্যের কারণ বলিলে বোধ হয়, তোমার সংশয় দূর হইতে পারে।

বুদ্ধি। যদি সংশয় দূর হয়, তাহা হইলে বড়ই আহ্লাদিত হইব।

বিবেক। আমি বলিয়াছি, বহির্বিষয় হইতে মনকে ঈশ্বরের দিকে আনয়ন করিবার জন্ত উদ্বোধন করা হইয়া থাকে। এখানে আকাজ্ঞা কি? মনকে উদ্বুদ্ধ করিয়া ঈশ্বরের দিকে আনয়ন। এ আকাজ্ঞাকে প্রার্থনা বলিতে চাও বলিতে পার, কিন্তু এ প্রার্থনা উদ্বোধন ভিন্ন অণ্ড কোন বিষয়ের জন্ত নহে। সুতরাং প্রার্থিতবা উদ্বোধন অণ্ড সকল প্রার্থনা হইতে যখন ভিন্ন হইল, তখন উদ্বোধন বলিয়া একটা অঙ্গ থাকিবে না কেন?

বুদ্ধি। তুমি যাহা বলিলে তাহা বুঝিলাম, আরাধনাসম্বন্ধে কি বলবে?

বিবেক। আরাধনার মধ্যে কোন আকাজ্ঞা বিদ্যমান ভাল করিয়া ভাবিয়া দেখ। দেখিতে পাইবে, এখানে ঈশ্বরের স্বরূপে আবিষ্ট হইবার জন্ত সাধকের আকাজ্ঞা, অণ্ড কোন আকাজ্ঞা এখানে নাই। স্বরূপে আবিষ্ট হইবার আকাজ্ঞা বা প্রার্থনা সাধারণতঃ যাহাকে প্রার্থনা বলা যায় তজ্জাতীয় কখনই নহে। যদি তজ্জাতীয় না হইল, তবে আরাধনার একটা স্বতন্ত্র স্থান উপাসনা মধ্যে থাকিবে না কেন?

বুদ্ধি। স্বরূপে আবিষ্ট হওয়া কথাটা ভাল করিয়া বুঝিলাম না। কথাটা ঠিক বুঝিলে তোমার যুক্তি ঠিক হইল কি না বলিতে পারি।

বিবেক। আরাধনাসম্বন্ধে তোমার এত কথা বলিয়াছি, অণ্ড ঈশ্বরের স্বরূপে আবিষ্ট হওয়া বিষয়টা কি, তুমি বোঝ নাই আশ্চর্য। দেখিতেছি, আমি এতদিন যাহা বলিয়াছি, তৎপ্রতি তুমি তেমন মনোবোগ দাও নাই, তাই মূল কথাটাই ভুলিয়া গিয়াছ। সত্য জ্ঞান প্রেম পূণ্য ইত্যাদি স্বরূপগুলির অনুরূপ স্বরূপ আমাদের আছে। ব্রহ্মে এ সকলই অনন্ত, আমাদেরগোত্রে ওগুলি বিন্দু বিন্দু। কিন্তু জানিও এই বিন্দুই ক্রমে সিদ্ধ হয়। আরাধনায় এক একটি স্বরূপ যখন আমাদের চিত্তগোচর হয়, তখন আমাদের ভিতরে যে সেই সেই স্বরূপবিন্দু আছে তাহারা তদ্বারা স্পৃষ্ট হইয়া পুষ্ট ও বর্দ্ধিত হইতে থাকে। পুষ্ট ও বর্দ্ধিত হয় কেন? আমাদের স্বরূপমধ্যে ভগবৎস্বরূপ আবিষ্ট হইয়াছে এতজন্ত। আমার মনে পড়িতেছে, আমি দেহের অন্নপানগ্রহণের সঙ্গে আত্মার অন্নপান-

গ্রহণের তুলনা করিয়াছি । এ অন্ন পান আর কি ? ব্রহ্মের স্বরূপ । সেই স্বরূপ আশ্রয় করিবার জন্য আরাধনা ।

বুদ্ধি । প্রার্থনা ও আরাধনাতে পার্থক্য দেখাটলে । এখন আরাধনার পর ধ্যান যে প্রার্থনা নয়, এটাই দেখাটবার বিষয় । আরাধনার এক অখণ্ড স্বরূপকে ভিন্ন ভিন্ন দিক্ দিয়া দেখিতে গিয়া পৃথক্ পৃথক্ সম্বন্ধানুসারে পৃথক্ পৃথক্ স্বরূপরূপে প্রতিভাত হয়, এবং সেই সেই স্বরূপের অনুরূপ প্রতিমানবের আশ্রয় স্বরূপগুলির তদ্বারা পরিপূর্ণ হয়, ইহা তুমি পূর্বে বলিয়াছ । খণ্ড খণ্ড স্বরূপ এক অখণ্ড স্বরূপে পুনরায় আনন্দ বা রসস্বরূপে অনুভবগোচর হইল, তখন সেই আনন্দ বা রসস্বরূপে নিমগ্ন হইয়া ঈশ্বরের সহবাসসম্ভোগ উপস্থিত হইল । এই সহবাসসম্ভোগই ধ্যান । সুতরাং এখানে প্রার্থনা নাহি, কেবল সম্ভোগ ইহা বুঝিলাম । কিন্তু সম্ভোগ করিতে করিতে প্রার্থনা উপস্থিত হইল কেন ? ইহাই জিজ্ঞাস্য । আশা করি, এ জিজ্ঞাসার তুমি সহজতর দিবে ?

বিবেক । আমি যাহা পূর্বে বলিয়াছি, তাহারই ভিতরে ইহার উত্তর আছে । পুনরায় বলা পুনরুক্তি হইলেও উপাসনার মত বিষয় যত পরিষ্কার হয়, তত ভাল বলিয়া পুনরায় সেই কথাই আর একটু পরিষ্কার করিয়া বলিতেছি । আনন্দস্বরূপে নিমগ্নভাবে বর্তমানবস্থায় জীবের অধিকক্ষণ থাকে না, সেই নিমগ্নভাবে হইতে পুনরায় বাহির হইয়া আসিতে হয় । যদি সে নিমগ্নভাবে হইতে জীব আর বাহির না হইয়া আসিত, তাহা হলে তাহার চিরসমাধির অবস্থা,—সংসারসম্বন্ধে মৃত্যু উপস্থিত হইত । যতদিন শরীরের সঙ্গে যোগ আছে, সংসারে ঈশ্বরের ইচ্ছা প্রতিপালনের অনুরোধ আছে, ততদিন সে নিশ্চেষ্ট হইয়া আনন্দসম্ভোগ করিবে, ইহা কখন ঈশ্বরের অভিপ্রেত হইতে পারে না । যাহা ঈশ্বরের অভিপ্রেত নয়, সাধক বলপূর্বক তাহা করিতে গিয়া কখনও কৃতকাৰ্য্য হইবে তাহার সম্ভাবনা নাই । সুতরাং সম্ভোগে কৃতকৃত্য হইয়া, দৃষ্ট ও পরিপুষ্ট হইয়া সংসারে ঈশ্বরের ইচ্ছা প্রতিপালনের জন্য প্রত্যাবর্তন, ইহা অবশ্যসম্ভাবী । এই অবশ্যসম্ভাবী কারণে বাধা হইয়া, সাধক যখন সংসারের দিকে কিরিতেছে, তখন সংসারে গিয়া আসতা, অন্ধকার, অধ্যাত্ম মৃত্যু দ্বারা আক্রান্ত না হয়, এ অভিলাষ তাহার পক্ষে সম্ভাবিক । এই অভিলাষ পরিপূর্ণভাবে জন্ম সত্যস্বরূপে স্থিতি করিয়া সংসারে বিচরণ করিবার এবং তাহার পাপকর্তৃক পতন হইতে রক্ষিত হইবার প্রার্থনাও

স্বভাবসম্মত । আনন্দস্বরূপে মগ্নাবস্থায় সমগ্র স্বর্গ ও পৃথিবীর জীবসমূহের সহিত যে একত্ব ঘটিয়াছিল, সেই একত্ববশতঃ সমুদায় মানবজাতির সহিত এক হইয়া এ সাধারণ প্রার্থনা হইয়া থাকে । এজন্যই আমি শব্দের স্থলে 'আমরা' শব্দ প্রয়োজিত হয় ।

বুদ্ধি । সকল মানবজাতির সহিত এক হইয়া প্রার্থনাতে কি ফল তাহা বুঝিতে পারিলাম না ।

বিবেক । সকল মানবজাতিকে লইয়া যখন সাধক আনন্দস্বরূপে নিমগ্ন ছিল, এবং সেই নিমগ্ন ভাব লইয়া যখন সত্যস্বরূপে সে আসিয়াছে, সে নিমগ্ন ভাব ছাড়িয়া এখন সে হঠাৎ একাকী হইবে কি প্রকারে ? আমি কি তোমার পূর্বে বলি নাই, মানুষ যে আপনাকে পৃথক্ ও স্বতন্ত্র মনে করে উহা ভুল, সমুদায় মানবের সহিত তাহার সম্বন্ধ এমনি ঘনিষ্ঠ ও মিশ্রিত যে, বহু আত্মা যেন এক আত্মা । এই সত্যাবলম্বনে সমগ্র মানবজাতির সহিত এক হইয়া প্রার্থনা হইয়া থাকে । একজন মানুষ মন্দ হইলে তাহার সঙ্গে সঙ্গে অপর মানুষের মন্দ হইবার যেমন সম্ভাবনা, একজন মানুষ ভাল হইলে তাহার সঙ্গে সঙ্গে অপর মানবের তেমনি ভাল হইবার সম্ভাবনা । সুতরাং অল্প মানুষের ভালমন্দনিরপেক্ষ হইয়া কেহ সংসারে বাস করিবেন তাহার সম্ভাবনা নাই । যখন মানবগণের পরস্পর এইরূপ ঘনিষ্ঠসম্বন্ধ, তখন সকলের সঙ্গে এক হইয়া অসত্যাদি হইতে নিবৃত্ত হইয়া সত্যাদিতে স্থিতিপ্রার্থনা কি সম্ভব নয় ? প্রতিবেশীর বাড়ীতে মড়ক উপস্থিত তাহাতে আমার ক্ষতি কি, ইহা মূর্খ ভিন্ন আর কেহই মনে করিতে পারে না । আমি আদারই জন্য প্রার্থনা করিব, আমি ভাল হইলেই হইল, এরূপ মনে করাও সেইরূপ ।

বুদ্ধি । তুমি আমার কথাগুলির উত্তর এমনি তীব্রভাবে দেও যে, আমার মনে বিলক্ষণ লাগে, অথচ উহার বিরুদ্ধে কিছু বলিতে পারি না । মাউক অবশিষ্ট কথা শীঘ্র শীঘ্র বলিয়া শেষ করিয়া ফেল ।

বিবেক । সাধারণ প্রার্থনার পর স্তোত্রপাঠ, ইহাকে তো প্রার্থনার মধ্যে কিছুতেই ধরিতে পার না, বরং আরাধনার সঙ্গে উহার সমতুল্যতা আছে । আরাধনায় ব্রহ্মের স্বরূপসমূহ আত্মাতে আবিষ্ট করা হইয়াছে, কিন্তু এই সকল স্বরূপ আবিষ্ট হইলে ঈশ্বরের সহিত যে বিচিত্র সম্বন্ধ সকল ক্রমান্বয়ে অনুভূত

হইতে থাকে, সেই সম্বন্ধানুসারে বিবিধ নামে তাঁহাকে স্তোত্রে অভিহিত করা হইয়াছে। এইরূপে বিবিধ নামে তাঁহাকে অভিহিত করিয়া সম্বন্ধ দিন দিন উজ্জ্বল হয়, ভক্তিপ্রমে অনুরাগ সঞ্চারিত হয়। যে সকল সাধু মহাজনগণ তত্ত্বসম্বন্ধে অনুরূপচিত্ত ছিলেন, তাঁহাদের সঙ্গে এতদ্বারা ঐক্য উপস্থিত হয়। এই ঐক্যানুভাবের পর তাঁহাদিগের প্রবচনগুলি পাঠ করিয়া তাঁহাদিগের সহিত যোগসমাধান করা হয়। এইরূপ যোগের পর যে উদ্দীপ্ত হৃদয় হয়, সেই উদ্দীপ্ত হৃদয়ে বিশেষ প্রার্থনা হইয়া থাকে। বিশেষ প্রার্থনার ফললাভ আশীর্ষকনে উক্ত হইয়া থাকে। এ সকল বিষয়ে পূর্বে যাহা বলা হইয়াছে, তাহাই যথেষ্ট, সুতরাং অবশিষ্ট কথা শীঘ্র শীঘ্র শেষ করিয়া ফেলিবার জন্য তোমার যে অনুরোধ তাহা রক্ষা করাতে কিছু ক্ষতি হইতেছে না।

সন্তানসম্বন্ধে দায়িত্ব ।

বুদ্ধি । উপাসনার তত্ত্ব মনে হয় আর না বলিলেও চলিতে পারে। যদি কখন কোন কথা তৎসম্বন্ধে মনে উপস্থিত হয়, তখন উহা তোমার বলিব ? আজ তোমায় একটি কথা জিজ্ঞাসা করি, নরনারী এ উভয়ের মধ্যে সন্তানসম্বন্ধে কাহার দায়িত্ব অধিক ?

বিবেক । উভয়ের সমান দায়িত্ব এ কথা আর কে স্বীকার করিবে না ? কিন্তু শৈশবে এমন কি ভূমিষ্ঠ হইবার পূর্নপর্ষান্ত সন্তানের পতি নারীর কর্তব্য অতি গুরুতর।

বুদ্ধি । দায়িত্বের একরূপ ভিন্নতা কেন হইল ?

বিবেক । কেন হইল, ইহাতো তোমার অতি সহজে বোঝা উচিত ছিল। নারী যখন দীর্ঘকাল সন্তানকে গর্ভে ধারণ করে, তখন তাহার কত সাবধানে থাকিতে হয়, মনের বাসনা সকল কেমন সংযত করিতে হয়। প্রত্যেক চিন্তা, প্রত্যেক ভাব, প্রত্যেক প্রবৃত্তি সমগ্র দেহের উপরে কার্য্য করে, স্নায়ুসকলকে উত্তেজিত করে, শরীর ও মনকে রূপান্তরিত করে। যখন সকল দেহমনের উপরে উহার কার্য্য প্রকাশ পায়, তখন তুমি কি মনে কর যে গর্ভস্থ শিশুর দেহ ও মানসাত্মকের উপরে উহার কার্য্য হয় না ? অনেক বিজ্ঞানবিৎ এজন্য মসৃণবস্ত্র নারীগণকে ধর্ম্মনিষ্ঠ, প্রশান্তচিত্ত, ঈশ্বরনিষ্ঠ, উৎকট দৃষ্টি হইতে

বিরত থাকিতে উপদেশ দিয়াছেন । অনেকে তাঁহাদের উপদেশের উপরে কোন আস্থা না রাখিয়া যে সন্তানগণের শরীরমনের অনিষ্ট সাধন করে, ইহা আর বলিতে হয় না । দেখ নারীর সন্তানসম্বন্ধে পুরুষাপেক্ষা কত গুরুতর দায়িত্ব ।

বুদ্ধি । তুমি যেরূপ বর্ণন করিলে এরূপ সাবধান থাকা কি কখনও কাহারও পক্ষে সম্ভব ?

বিবেক । সম্ভব নয় একথা বলিতেছ কেন ? সম্ভব নয় মনে করিলে সামান্য বিষয়ও অসম্ভব হয় ; আর সম্ভব মনে করিলে গুরুতর বিষয়ও সম্ভব হয় ।

বুদ্ধি । এ তুমি কি বলিলে ? যাহা সম্ভব, তাহা সম্ভব, যাহা অসম্ভব তাহা অসম্ভব ; ইহাই কি সত্য নয় ?

বিবেক । ইহা কি তুমি জান না, এক সময়ে যাহা তোমার পক্ষে অসম্ভব ছিল, এখন তাহা সম্ভব হইয়াছে । যদি তাহাই সত্য হয়, তাহা হইলে সম্ভব বা অসম্ভব মনে করা যে মনের অবস্থানুসারে ঘটে, ইহা তোমায় মানিতেই হইবে । মানুষ আকাশে উড়িবে, উপর হইতে পড়িলে অস্থিভঙ্গ হইবে না, ইত্যাদি প্রকৃতিতে যাহা অসম্ভব, সে সকল সম্ভবাসম্ভবের কথা বলা যাইতেছে না । মনের অবস্থানুসারে যাহা সম্ভব বা অসম্ভব বলিয়া মনে হয়, তাহারই সম্বন্ধে আমি যাহা বলিলাম তাহা খাটে ।

বুদ্ধি । চিন্তাভাবাদির উত্তেজনা বা উদ্বেগ কি কখন বারণ করা যাইতে পারে ?

বিবেক । যদি তাহা না পারা যায়, তাহা হইলে সংযম বলিয়া কিছুই একটা থাকে না । চিন্তা ভাবাদি দুই প্রকার । একটিতে আনন্দ আর একটিতে উদ্বেগ উপস্থিত হয় । আনন্দ অতি প্রবল হইলে শরীর ও মনের উপরে উদ্বেগের তুল্য অনিষ্ট সাধন করে ; পরিমিত হইলে দেহ ও মনের প্রশান্তি উপস্থিত করিয়া উহাদের উপকারসাধন করে । ঈদৃশ আনন্দ সদা প্রার্থনীয় । যে সকল চিন্তাদিতে উদ্বেগ উপস্থিত হয়, সে সকলকে অবরুদ্ধ করা সমুচিত । দায়িত্ববোধ থাকিলে সে সকল অবরুদ্ধ করা কিছু কঠিন হয় না, কেন না দায়িত্ববোধ থাকিলে প্রার্থনাদি দ্বারা মনকে প্রশান্ত করিবার জন্ত সহজে প্রবৃত্তি উপস্থিত হয় । চিত্ত

ঈশ্বরনিষ্ঠ হইলে দায়িত্বসংরক্ষণ যে কিছুই কঠিন নয়, ইহা কি তুমি আপনি বার বার পরীক্ষা করিয়া দেখ নাই? যাহা দেখিয়াছ, আমি তাহাই বলিতেছি, অসম্ভব কিছু বলিতেছি না।

সম্বন্ধ।

বুদ্ধি। পিতা মাতা প্রভৃতি কতকগুলি সম্বন্ধ আছে। যাহার প্রত্যেকটি বিশেষ, কিন্তু এ ছাড়া যত সম্বন্ধ সকলই তো সাধারণ। সাধারণ সম্বন্ধ মধ্যে প্রগাঢ় ভালবাসা থাকা কি সম্ভব? যেখানে বিশেষত্ব নাই সেখানে প্রেম স্থায়ী হয় কি না তৎসম্বন্ধে আমার গভীর সন্দেহ।

বিবেক। তুমি যে কথা বলিলে, সাধারণ সংসারীদের সম্বন্ধে এ কথা ঠিক। বরং তুমি ইহাও বলিতে পার, যে সকল সম্বন্ধ বিশেষ বলিয়া স্থায়ী হইবার কথা, তাহাও তাহাদের মধ্যে অনেক সময়ে অস্থায়ী হইয়া যায়। অনেক সময়ে এরূপ কারণ উপস্থিত হয় যে, এ সম্বন্ধও স্বার্থের গর্ভে বিকারগ্রস্ত হইয়া যায়। যেখানে এক সময়ে কাহারও প্রতি বিলক্ষণ মায়া মমতা ছিল, সময়ে সে মায়া মমতাও চলিয়া গিয়াছে, দিনান্তের কথা দূরে, বৎসরে একবার তাহার বিষয় মনে উঠে কি না সন্দেহ। পাণিব অন্নান্ত বিষয় যে প্রকার অস্থায়ী চঞ্চল, সম্বন্ধও সেইরূপ।

বুদ্ধি। সংসারী লোকদের উপরে দোষ দিলে চলিবে কেন? যাহারা আপনাদের সংসার ধর্মের সংসার বলিয়া অভিমান করে, তাহাদের মধ্যেও তো এইরূপ দেখিতে পাই।

বিবেক। তুমি ধর্মের সংসার কাহাকে বল? মুখে ধর্মের সংসার বলিলেই কি ধর্মের সংসার হয়?

বুদ্ধি। মুখে বলা না বলা কিছু বুঝি না। কি হইলে, বল, অমূকের সংসার ধর্মের সংসার ইহা মানা যাইবে?

বিবেক। সেই সংসার ধর্মের সংসার, যেখানে যাহার সঙ্গে একবার যে সম্বন্ধ হইয়াছে সে সম্বন্ধ আর কোন কারণে টলে না, যেমন তেমনি অটুট থাকিয়া যায়?

বুদ্ধি। ইহা কি কখন সম্ভব? একবার সম্বন্ধ হইবার পর এমন সকল অবস্থা আসিতে পারে, যাহাতে সমুদায় জীবন হয়তো তাহার সহিত আর

সাক্ষাৎই হইবে না, কোন প্রকার সম্বন্ধরক্ষা করিবার উপায় থাকিবে না, এস্থলে তুমি কি প্রকারে বলিলে, সে দুই ব্যক্তির মধ্যে সম্বন্ধ ঠিক আছে ?

বিবেক । আমি কতবার ভোমায় বলিয়াছি, দূরস্থ বা নিকটস্থ, ইহলোকস্থ বা পরলোকস্থ, এ সকল অবস্থার উপরে সম্বন্ধ থাকা না থাকা নির্ভর করে না । সম্বন্ধ কাল ও দেশের অতীত । যদি তাহা না হয়, সম্বন্ধ নিত্য সম্বন্ধ হইবে কি প্রকারে ?

বুদ্ধি । দর্শনশাস্ত্রের কথা ছাড়িয়া কার্যাতঃ সম্বন্ধ থাকে কি না, একবার বল, তাই শুনি ।

বিবেক । ভারতে সম্বন্ধের মর্যাদা নিরক্ষর বালিকারা পর্য্যন্ত রক্ষা করিয়াছে, ইহা কি তুমি চক্ষে দেখে নাই ?

বুদ্ধি । তুমি বুঝি হিন্দু বিধবাদের কথা বলিতেছ ? সেতো কুসংস্কারের ফল । স্বামীর সঙ্গে যাহার ঈশ্বর লইয়া কোন সম্বন্ধ হয় নাই, সে যে পতির সঙ্গে পরলোকে সম্মিলনের আশা পোষণ করে, উহা বল কুসংস্কার ভিন্ন আর কি ?

বিবেক । কুসংস্কার যদি প্রবল প্রলোভন অতিক্রম করাইয়া বালবিধবার বিশুদ্ধ জীবন রক্ষা করে, তাহা হইলে কি উহা সুসংস্কারাপন্ন প্রলোভনে প্রলুক্ক ব্যক্তি অপেক্ষা শ্রেষ্ঠ হইল না ?

বুদ্ধি । তুমি যেরূপ করিয়া বলিলে তাহাতে কুসংস্কারকেই শ্রেষ্ঠ বলিতে হয়, কিন্তু কুসংস্কার বাহা তাহা কুসংস্কার । অসত্যমূলক কুসংস্কার কি নিন্দনীয় নহে ?

বিবেক । বালবিধবার এ বিশ্বাসকে তুমি কখন কুসংস্কার বলিতে পার না । যদি সেই বালবিধবার জীবন পবিত্র হয়, ঈশ্বরগত প্রাণ হয়, তাহা হইলে তাহার আশা একেবারে অমূলক তুমি কি প্রকারে বলিবে ? তাহার স্বামী পরলোকে গিয়া এখানে যাহা ছিল তাহাই থাকিবে তাহার কোন কারণ নাই । সেও যদি সেখানে ঈশ্বরগতপ্রাণ হয়, তবে উভয়দ্বার সমাবস্থাবশতঃ পুনর্মিলনের হেতু আছে । এরূপ সম্ভাবনাস্থলে সেই বালবিধবা এখানে যাহা করিতেছে তাহা প্রকৃষ্ট বিশ্বাসমূলক বলিয়া অনিন্দনীয় ।

বুদ্ধি । কথার পৃষ্ঠে কথা আসাতে আসল কথাটা উড়িয়া গিয়াছে । সাধারণ

সম্বন্ধের মধ্যে যখন বিশেষত্ব থাকিতে পারে না তখন সেখানে প্রেম স্থায়ী হইবে কি প্রকারে ?

বিবেক । তুমি, বোধ হয়, জীবনে এক এক জনের সঙ্গে কিরূপ সম্বন্ধ হয় তাহা কখন ভাল করিয়া বিচার করিয়া দেখ নাই । যে গুলিকে সাধারণ সম্বন্ধ বলিয়া তুমি উড়াইয়া দিতে চাও, তাহার মধ্যেও দেখিতে পাইবে, এক জনের সঙ্গে যে রূপ সম্বন্ধ অণ্ডের সঙ্গে সেরূপ সম্বন্ধ কখন হয় না । অণ্ডের সঙ্গে অণুরূপ, তার সঙ্গে সেইরূপ, সম্বন্ধের এইরূপই নিয়ম । তুমি এক জনের সঙ্গে যে রূপ ব্যবহার করিয়াছ, অণ্ডের সঙ্গে সেরূপ ব্যবহার করিতে গিয়া সঙ্কোচ হয় । একরূপ হয় কেন, বলিতে পার কি ? ভিন্ন ভিন্ন ব্যক্তির সহিত ভিন্ন ভিন্ন প্রকারের ব্যবহার তত্ত্বসম্বন্ধে, এজন্যই এ প্রকার ভিন্নতা উপস্থিত হয় । ইহাতে কাহারও উপর প্রীতি অধিক, কাহারও উপরে প্রীতি নাই, ইহা প্রমাণিত হয় না । এই প্রমাণিত হয় যে, সাধারণ সম্বন্ধ বলিয়া যাহা মনে হয়, বাস্তবিক তাহা সাধারণ সম্বন্ধ নয়, উহার ভিতরে বিশেষত্ব আছে । ব্যবহারের তারতম্য দ্বারা প্রীতির তারতম্য না হইয়া একই প্রীতি ব্যক্তিতে ভিন্ন প্রকার হয়, ইহাই নির্ধারণ করা যাইতে পারে । পিতামাতা প্রভৃতির প্রতি প্রীতি থাকিলেও পাত্রভেদে উহার যে রূপ আকারভেদ হয়, এখানেও সেইরূপ বুঝিতে হইবে । তোমার সঙ্গে আমি যে ব্যবহার করিয়াছি, করিতেছি, ঠিক সেইরূপ অপরের সঙ্গে করিব, ইহা সম্ভব নহে । এমন কি একরূপ এক প্রকারের ব্যবহার মনেই তুলিতে পারা যায় না ; তাই বলিয়া অপরের প্রতি প্রীতি নাই, ইহা বলিব কি প্রকারে ? কেন না তাহাদের উপযোগী প্রীতি ও ব্যবহার সর্বদাই স্বভাবতঃ প্রকাশ পায় । উঃ, অনেক কথা হইল আর নয় । যেখানে সম্বন্ধ হয়, সেখানে সাধারণ সম্বন্ধ হয় না বিশেষ সম্বন্ধ হয়, এইটি মনে রাখিও । সাধারণ সম্বন্ধ অনেক সময়ে ফাঁকি, কেন না জীবনের উপরে উহার প্রভাব কিছুই প্রকাশ পায় না ।

প্রেম ও পুণ্য ।

বুদ্ধি । তুমি অনেকবার বলিয়াছ, যেখানে প্রেম আছে, সেখানে গুরুত্ব পুণ্য থাকিবেই থাকিবে, ঈশ্বরের ইচ্ছাবিরোধী কোন কার্য সেখানে হইবার

সম্ভাবনা নাই, কিন্তু আমি দেখিতেছি, পৃথিবী বাগাকে প্রেম বলে তাহা হইতে অচিরে, অশুদ্ধতা, অপূর্ণা ঈশ্বরের ইচ্ছাবিরোধী কার্য উপস্থিত হয়। তুমি বলিবে এ প্রেম দৈহিকাসক্তি। মনুষ্যস্বভাব মানিয়া তো তোমার সিদ্ধান্ত করিতে হইবে। মনুষ্যস্বভাবের মধ্যে প্রেমের সঙ্গে দুর্বলতা সংস্কৃত হইয়া থাকে, তবে প্রেমকে তৎস্বভাবাপন্ন তোমায় মানিতেই হইবে।

বিবেক। তোমার মনে রাখা উচিত পেম আনন্দসম্ভূত। আনন্দ দুই ভাগে বিভক্ত—বিষয়ানন্দ ও পরমানন্দ। বিষয়ানন্দে দেহের তুষ্টি, পরমানন্দে আত্মার তুষ্টি। বিষয়ানন্দ শীঘ্রই বিকারগ্রস্ত হয়, পরমানন্দ বিকারের অতীত। আনন্দের ভিতরে আকর্ষণ আছে, সাধারণ কথায় ইহাকে 'টান' বলে। যেখানে টান নাই আকর্ষণ নাই সেখানে আনন্দ নাই, অনুরাগ নাই, প্রেম নাই। রূপ, শব্দ, রস, গন্ধ, স্পর্শ, সকলের ভিতরেই আকর্ষণ আছে, সুতরাং ইহারা আনন্দদান করে এবং অনুরাগের বিষয় হয়। যে রাজ্যে রূপ, শব্দ, রস, গন্ধ ও স্পর্শের প্রাধান্য, সে রাজ্য বিষয়ের রাজ্য, সেখানকার আনন্দ ও অনুরাগ বিষয়ানন্দের অন্তর্গত। যেখানে আনন্দ আছে সেখানে সম্ভোগ আছে, সুতরাং রূপশব্দরস-গন্ধাদির আকর্ষণে যে আনন্দ উপস্থিত হয় সে আনন্দসম্ভোগ বৈষয়িক বা ইন্দ্রিয়ঘটিত। ইন্দ্রিয়গণ যদি ভগবানের ইচ্ছানুগত থাকে, তাহা হইলে এ ভোগে পাপ উপস্থিত হয় না, প্রেম পরিপুষ্ট হয়। কিন্তু অসংযতেন্দ্রিয় ব্যক্তিগণ ঈদৃশ ভোগে পাপে নিপতিত হয়, এবং ইহলোক ও পরলোক উভয়ই হারায়। সত্য, জ্ঞান, প্রেম, পুণ্য, আনন্দ, এ সকল বিষয়রাজ্যের অতীত। ইহাদের আকর্ষণে যে সকল ব্যক্তি আকৃষ্ট, তাহারা পরমানন্দে নিবিষ্ট। এ আনন্দেও সম্ভোগ আছে, কিন্তু সে সম্ভোগ বিষয়সংস্পর্শবর্জিত, কেবল আত্মিক। এ সম্ভোগে বিষয়বিতৃষ্ণা উপস্থিত হয়, সুতরাং উহাতে পাপ বা বিকারের সম্ভাবনা নাই। এখানে নিরবচ্ছিন্ন পুণ্যের আধিপত্য, কেন না এ সম্ভোগ সাক্ষাৎসম্বন্ধে ঈশ্বরসহবাসসম্ভোগ।

বুদ্ধি। 'এ সম্ভোগে বিষয়বিতৃষ্ণা উপস্থিত হয়' একথা বলাতে মনে হইতেছে বিষয় যেন নিরবচ্ছিন্ন পাপ ও দুঃখের আকর। এরূপ বিতৃষ্ণা কি বিষয়ের স্রষ্টার প্রতি অনাদর নয় ?

বিবেক। এ প্রশ্ন করিবার তোমার অধিকার জন্মিয়াছে ইহা মানি, কিন্তু

আমি যাহা বলিয়াছি তৎপ্রতি ভাল করিয়া মনোযোগ করিলে আর তোমার মনে এ প্রশ্ন উপস্থিত হইত না । আমি বলিয়াছি, “রূপশব্দরসগন্ধাদির আকর্ষণে যে আমন্দ উপস্থিত হয় সে আনন্দসন্তোষ বৈষয়িক বা হস্তিয়ঘটিত । ইন্দ্রিয়গণ যদি ভগবানের ইচ্ছানুগত থাকে, তাহা হইলে এ ভোগে পাপ উপস্থিত হয় না, প্রেমপরিপুষ্ট হয় ।” তুমি যাহা মনে করিয়া প্রশ্ন করিলে তাহার উত্তর কি এই কথাগুলির মধ্যে নাই ? তবে ‘প্রেম পরিপুষ্ট হয়’ এ কথার সঙ্গে ‘বিষয়বিতৃষ্ণা উপস্থিত হয়’ ইহার কি সম্বন্ধ তাহাই তোমার হৃদয়ঙ্গম হয় নাই বলিয়া তুমি ‘বিষয়বিতৃষ্ণা’ শব্দটির প্রতি বিরক্ত হইয়া এ প্রশ্ন করিয়াছ । প্রেমপরিপুষ্টির সঙ্গে বিষয়বিতৃষ্ণার কি যোগ, আজও কি তুমি বোঝ না ? প্রেম বত পরিপুষ্ট হয়, তত আত্মভোগবাসনা অন্তর্হিত হয়, অপরের সুখবর্দ্ধন লক্ষ্য হইয়া পড়ে । এরূপ অবস্থায় ভোগবাসনা এমনই সংযত হয় যে, ভোগ হউক বা না হউক তাহাতে মনের প্রশান্ত সুখ একটুও এদিক ওদিক হয় না । এখন প্রেমপাত্রের কল্যাণার্থ গুরুতর ক্লেশবহনও সুপদ হয় । একে যদি বিষয়বিতৃষ্ণা না বল, তবে আর কাহাকে বিষয়বিতৃষ্ণা বলিবে ?

বুদ্ধি । ‘বিষয়বিতৃষ্ণা’ বলিতে লোকে যাহা বোঝে, আমি তাই ধরিয়া প্রশ্ন করিয়াছি । বিতৃষ্ণার অপর প্রান্তে তৃষ্ণা থাকে, এ কথা সত্য হইলেও সে প্রশ্নটি কি তাহা তো বোঝা চাই ?

বিবেক । দেহ এক প্রান্তে আত্মা অপর প্রান্তে । দেহের প্রতি তৃষ্ণা হউক, আত্মার প্রতি বিতৃষ্ণা জন্মিবে, আত্মার প্রতি তৃষ্ণা হউক, দেহের প্রতি বিতৃষ্ণা ঘটিবে ।

বুদ্ধি । এইতো তোমার কথা ঠিক হইল না, বর্তমানে দেহের সঙ্গে আত্মা মিশিয়া আছে । দেহের প্রতি বিতৃষ্ণায় কি আত্মার ক্ষতির সম্ভাবনা নাই ? আর দেহই কি সকল ছুঃখপাপের মূল যে তাহার উপরে এত বিতৃষ্ণা ?

বিবেক । দেহের জন্ত দেহের সেবা বিতৃষ্ণার বিষয় হইলেও আত্মার জন্ত দেহের সেবায় আত্মার প্রতি অনুরাগ প্রকাশ পায়, এই কথাটা হৃদয়ঙ্গম করিলে আর তোমার ও কথা বলিতে হইত না । দেহ যদি আত্মার অনুগত থাকে, তবে উহা ছুঃখপাপের মূল হয় না সত্য, কিন্তু যদি বিদ্রোহী হয়, তবে কি উহা ‘ছুঃখপাপের মূল’ নয় বলিতে হইবে ?

রূপাদি ও সত্যাদি ।

বুদ্ধি । রূপ, শব্দ, রস, গন্ধ ও স্পর্শ এ পাঁচটি নিত্য প্রত্যক্ষ, ইহাদের সম্বন্ধে কখন কাহারও সংশয় উপস্থিত হয় না । রূপাদির জ্ঞান এমন কি পতাক সামগ্রী আছে, যাহার জন্ত মানুষ রূপাদির অহুরাগ ছাড়িয়া দিয়া তৎপ্রতি আকৃষ্ট হইয়া থাকিবে ? বৌদ্ধধর্ম রূপরাগাদি পরিত্যাগ করিবার জন্ত উপদেশ দিয়াছেন ; কিন্তু সে উপদেশে কৃতকার্য হইয়াছেন কি না, তৎপ্রতি আমার সংশয় আছে । যদি সে উপদেশের ফল হইত তাহা হইলে বুদ্ধমূর্তির পূজা ও বাহু বহু আড়ম্বর লইয়া বৌদ্ধধর্ম হীনপ্রভ হইয়া পড়িত না ।

বিবেক । আরবারে রূপ, শব্দ, রস, গন্ধ ও স্পর্শ, এ পাঁচটির পাশাপাশি সত্য, জ্ঞান, প্রেম, পুণা, আনন্দ, এই পাঁচটির উল্লেখ করিয়াছি, পাঁচের সঙ্গে পাঁচের মিল আছে বলিয়াই ওরূপ সংখ্যায় মিলাইয়া বলিয়াছি । আরাধনার বিষয় বিস্তৃতভাবে গুনিয়াছ, তাহা হইতে কি এমন কোন আলোক পাও নাই যাহাতে এই পাঁচের সঙ্গে পাঁচের মিল বুঝিতে পার ?

বুদ্ধি । আরাধনার মাতটি স্বরূপের ব্যাখ্যা হইয়া থাকে, এ যে পাঁচটি । সে দিন যাহা বলিলে তাহার সঙ্গে আরাধনার কথায় মিল কোথায় ?

বিবেক । ‘অনন্ত’ ‘শান্ত’ ও ‘অদ্বৈত’ এই তিনটিকে বাদ দেওয়া হইয়াছে । অনন্ত বলিলে শান্ত অর্থাৎ নির্বিকার প্রপঞ্চাতীত এবং অদ্বৈত দুইই বলা হয়, কেন না অনন্ত বিকারশূন্য ও এক বিনা দুই হইতে পারে না । অনন্ত কোন একটি স্বতন্ত্র স্বরূপ বলিয়া যে ধরা গেল না তাহার কারণ এই যে, সত্যাদি সকল স্বরূপের মূলে অনন্তত্ব আছে । সুতরাং অনন্তের স্বতন্ত্র উল্লেখ নিস্প্রয়োজন । যার অন্ত আছে, সেতো ঈশ্বরই হইতে পারে না । সুতরাং ঈশ্বরবস্তু অনন্ত ইহা স্বতঃসিদ্ধ । যে কোন স্বরূপ কেন আমাদের মনকে আকর্ষণ করুক না, তন্মধ্যে অনন্তত্ব বিद्यমান ইহা জ্ঞানে থাকা প্রয়োজন ; জ্ঞানে থাকিলেই যথেষ্ট হইল । রূপাদি স্বরূপ আকর্ষণ করে, তেমনি যে সকল স্বরূপ আকর্ষণ করে তাহাদিগকেই যথাক্রমে বিস্তৃত করা গিয়াছে । স্পষ্ট কথায় অনন্তত্ব সংযুক্ত কারণ না লইলেও যখন অনন্তের আকর্ষণ অহুত্ব হইত, তখন অনন্তকে তত্তৎরূপের সহিত অভিন্ন করিয়া রাখাতে কোন ক্ষতি হয় নাই ।

বুদ্ধি । আমার মনে পড়ে তুমি সব স্বরূপগুলিকে একস্বরূপে পরিণত করিয়াছ, এখন পাঁচটিতে আবার বিভক্ত করিলে কেন ? আর যদিই বা বিভক্ত করিলে, অনন্ত সকল স্বরূপের অন্তর্ভূত বলিয়া উহাকে বাদ দেওয়াই বা কেন হইল ?

বিবেক । রূপ, শব্দ, রস, গন্ধ ও স্পর্শ এ পাঁচটি একটি, ইহা প্রমাণ করা আর কিছুই কঠিন নয় । এক স্পর্শই যে ভিন্ন ভিন্ন ইন্দ্রিয় দ্বারা ভিন্নরূপে প্রতীত হয়, ইহা বিজ্ঞানসিদ্ধ সত্য । ইথরের তরঙ্গ, বায়ুর তরঙ্গ, রাসায়নিক প্রক্রিয়া এ সকলের ভিতরেই প্রতিঘাতের ব্যাপার রহিয়াছে, এই প্রতিঘাতে তত্তৎস্থলের ত্বকে স্পর্শবোধ জন্মায় । সেই স্পর্শবোধ হইতে রূপশব্দাদি প্রতীতির বিষয় হয় । সুতরাং রূপাদি সমুদায় স্পর্শ বিনা আর কি হইতে পারে ? অথচ ভিন্ন ভিন্ন ইন্দ্রিয়ের নিকটে একই স্পর্শ ভিন্ন ভিন্ন আকারে প্রকাশ পায় বলিয়া ভিন্ন ভিন্ন নাম দিয়া যেন এক নয় এইরূপ ভিন্ন ভাবে গ্রহণ করিয়া দর্শনাদি-ব্যাপার সিদ্ধ হইয়া থাকে । রূপাদির প্রত্যেকটির সঙ্গে উহাদের মূলভূত শক্তি অনুসৃত রহিয়াছে, অথচ উপলব্ধিকালে শক্তিকে স্বতন্ত্রভাবে গ্রহণ করা হয় না । সেইরূপ অনন্ত জীব ও জগৎ হইতে ঈশ্বরের স্বতন্ত্রত্বসাধন করে, এবং উহা প্রত্যেক স্বরূপের সঙ্গে অনুসৃত রহিয়াছে । রূপাদি হইতে শক্তিকে যেরূপ স্বতন্ত্রভাবে গ্রহণ করা হয় না, সত্য জ্ঞানাদি হইতে অনন্তত্বকে তেমনি স্বতন্ত্র ভাবে গ্রহণ করা হয় না । রূপাদি এক স্পর্শ হইয়াও যেরূপ স্বতন্ত্র প্রতীতির বিষয় হয় তেমনি সত্য জ্ঞানাদি এক হইয়াও আমাদের নিকটে ভিন্ন ভিন্ন ভাবে প্রতীতির বিষয় হয় ।

বুদ্ধি । গাউক, অত আর বিচারে প্রয়োজন নাই । সাধনে যেরূপে যাহা গ্রহণ করা প্রয়োজন, সেইরূপে গ্রহণ করাই ভাল । এখন রূপাদির সঙ্গে সত্যাদির সম্বন্ধ দেখাইয়া দাও ।

বিবেক । কোন একটি বস্তু আছে, ইটি রূপদ্বারা বোধের বিষয় হয় । বাহ্য বস্তুর অস্তিত্ব রূপের সঙ্গে চিরবদ্ধ । রূপ পরিবর্তনশীল, অস্তিত্ব স্থায়ী ; এই অস্তিত্ব সত্যমূলক । পরিবর্তনশীল রূপ পৃথক করিয়া লইয়া বস্তু চিন্তা করিলে তাহার সম্ভাব্য জ্ঞানের বিষয় হয় । সকলই উড়াইয়া দেওয়া যায়, সত্তা কিছুতেই উড়াইয়া দেওয়া যাইতে পারে না । এই সকল সত্তা এক অনন্ত সত্তার

সঙ্গে সম্বন্ধ হইয়া তাহার অন্তর্ভূত থাকিয়া প্রকাশিত, এজন্ত সত্যের উর্দ্ধ অধোতে দক্ষিণে বামে কোথাও অন্ত পায় না। এই সত্যই সত্যস্বরূপ, এবং সত্যই শক্তি, শক্তির সত্যই অন্তর ও বাহির হইতে আমাদের সাক্ষাৎ উপলব্ধির বিষয় হয়। জীবের অন্তরস্থ জ্ঞান শব্দদ্বারা প্রকাশিত হয়। সূতরাং রূপের সহিত যেমন সত্যের তেমনি শব্দের সঙ্গে জ্ঞান সংযুক্ত। ব্রহ্মের জ্ঞান আমাদের জ্ঞানের নিকটে প্রকাশিত হয়, আমরা সেই জ্ঞানকে শব্দদ্বারা ধরিয়া রাখি শব্দদ্বারা প্রকাশ করি। মাধুর্য্য রস আমাদের মূগ্ধ করে, ঈশ্বরের প্রেমও সেইরূপ করিয়া থাকে। গন্ধ দূর হইতে আমাদের আকৃষ্ট করে, পুণ্য যে সেইরূপ করিয়া থাকে তাহা নিত্য প্রত্যক্ষ। স্পর্শ সাক্ষাৎ উপলব্ধির বিষয়, আনন্দও সেই প্রকার সাক্ষাৎ উপলব্ধির বিষয়। রূপাদি যেমন এক স্পর্শেরই বিভিন্ন পরিণাম; ঈশ্বরের অগ্ৰাণ্য স্বরূপও সেইরূপ এই আনন্দেরই ভিন্ন ভিন্ন প্রকাশ। এ সকল কথা কোন না কোন আকারে পূর্বে তোমায় বলিয়াছি, সূতরাং আর অধিক বিস্তারিত করিয়া বলা নিস্প্রয়োজন।

বুদ্ধি। তুমি তো 'শান্ত' ও 'অদৈতকে' অনন্তের সঙ্গে এক করিয়া সেই অনন্তকে আবার সত্যাদিস্বরূপগুলির মূলে লুক্কায়িত রাখিলে, কিন্তু রূপ শব্দ! রসাদির ঞ্চায় সত্য জ্ঞান প্রেম পুণ্য আনন্দকে প্রত্যক্ষের বিষয় করিতে হইলে যে ভাবে উহাদিগকে গ্রহণ করিতে হইবে, সেই ভাব পরিষ্কার করিয়া না বুঝিলে বলা, সাধন হইবে কি প্রকারে? দেখ প্রথমেই গোল বাধিতেছে। তুমি অনন্তকে সকল স্বরূপের মূলে রাখিলে, সত্যকে সকল স্বরূপের মূলে রাখিলে না কেন? সত্য বলিতে অস্তিত্বমাত্র বুঝায়। ফাঁকা অস্তিত্ব কোন কালে চিন্তার বিষয় হয় না। অস্তিত্ব বলিলেই কিছু অস্তিত্ব বুঝায়। জ্ঞানের অস্তিত্ব, প্রেমের অস্তিত্ব, পুণ্যের অস্তিত্ব আনন্দের অস্তিত্ব, এইরূপ সাক্ষাৎ উপলব্ধি করিলে সত্য আর স্বতন্ত্র থাকিল কোথায়?

* বিবেক। দেখ বুদ্ধি সেবারে আমি যাহা বলিয়াছিলাম, বোধ হয় তুমি তাহা মন দিয়া শুন নাই। সকলই উড়াইয়া দেওয়া যায়, সত্যকে কিছুতেই উড়াইয়া দেওয়া যায় না, ইহা বলিয়া আমি সত্য, সত্য ও শক্তি এই তিনকে এক বস্তু বলিয়া নির্ধারণ করিয়াছিলাম। রূপাদির মূলভূত শক্তি তাহাদের সঙ্গে অনুস্থাত থাকে, আর রূপাদির সত্য আমাদের উপলব্ধির বিষয় হয়। ইহা যদি সত্য হয়,

তাহা হইলে সত্তা বা সত্য স্বরূপের সহিত যে শক্তি অনুস্থিত আছে, তাহা রূপাদিশূন্য সত্তামাত্র ? উপলক্ষিকালে সেই সত্তাতে শক্তি অনুস্থিত থাকিয়া যাটবে, ইহা আর একটা অবুদ্ধ বিষয় কি হইল ? রূপাদির সাহায্য বিনা শক্তিকে উপলক্ষির বিষয় করিতে হইলেই সত্তামাত্র পরিগ্রহ হয়, একটু ভাল করিয়া হৃদয়ঙ্গম করিয়া দেখ সহজে বুঝিতে পারিবে।

বুদ্ধি। আচ্ছা, জ্ঞান ও প্রেম ছাড়া আবার পুণ্যকে কেন স্বতন্ত্র গ্রহণ করিতেছ ? সপ্রেম জ্ঞানই কি পুণ্য নয় ? সপ্রেম জ্ঞান যেখানে আছে সেখানে কি পাপ প্রবেশ করিতে পারে ? ফল কথা পুণ্যস্বরূপ কি, ইহা আমি ভাল করিয়া ধারণাই করিতে পারি না।

বিবেক। ঈশ্বরের ইচ্ছা পবিত্র, তাহাতে মালিন্যের লেশমাত্র নাই, চহাতে বোধ হয় তোমার সংশয় নাই।

বুদ্ধি। একটু থাম। ইচ্ছা তো ক্রিয়াশক্তি। সত্যস্বরূপের সঙ্গে তুমি যে শক্তিকে গাঁথিয়াছ, সেই শক্তিই ইচ্ছা বা ক্রিয়াশক্তি, আবার পুণ্যস্বরূপে ইচ্ছাকে নিবিষ্ট করিবার যত্ন কেন ?

বিবেক। ঈশ্বর ইচ্ছা করিলেন আর জগৎ হইল, যখন এইরূপে বাখ্যা করা যায়, তখন সত্য স্বরূপের সহিত ইচ্ছাকে গাঁথা আর অযুক্ত হইবে কেন ? তবে পুণ্যস্বরূপে ইচ্ছাকে নিবিষ্ট করিবার অভিপ্রায়ান্তর আছে। জগতে ও জীবে ঈশ্বরের যে ইচ্ছা প্রকাশ পাইল, সেই ইচ্ছার অনুবর্তনে জীবে যে পুণ্য উপস্থিত হয় সে পুণ্য কোথা হইতে আসিল ? সেই ইচ্ছার মধ্যে পুণ্য আছে, তৎপালনে পুণ্যসঞ্চার হয় তোমাকে মানিতেই হইবে।

বুদ্ধি। জীবে 'পুণ্য' আসিল, এ কথা পুণ্য কি তাহা না বুঝিলে কি প্রকারে বুঝিব ?

বিবেক। জগৎ ও জীবে যে ঈশ্বরের ইচ্ছা প্রকাশ পাইতেছে তাহা হইতে বিচলিত করিয়া জীবেকে আশ্রয়বশে আনিবার জন্ত প্রবৃত্তিবাসনা নিয়ত বল প্রকাশ করিতেছে। মনে যে শক্তি উপস্থিত হইলে সেই বলকে পরাজিত করা যাইতে পারে, আমি তাহাকেই পুণ্য বলি।

বুদ্ধি। তাহা হইলে তুমি বিবেকোখিত নীতির বলকে পুণ্য বলিতেছ ?

বিবেক। হাঁ তাহাই বলিতেছি।

বুদ্ধি । কেবল শক্তি বল না কেন ?

বিবেক । শক্তি বলিলে ক্রিয়ামাত্রের সামর্থ্য বুঝায় । সুতরাং বিশেষ বিশেষ স্থলে প্রকাশমান শক্তিকে বিশেষ বিশেষ নাম না দিলে মনে তদ্ভেদবিশেষ-
ভাব পরিস্ফুটরূপে উপলব্ধির বিষয় হয় না । সুতরাং জ্ঞানশক্তি, প্রেমশক্তি,
পুণ্যশক্তি ইত্যাদি নামকরণের প্রয়োজন হইয়া থাকে ।

বুদ্ধি । তবে তোমার মতে সকলই শক্তি ?

বিবেক । তাহাতে আর ক্ষতি কি ? তবে একই রস যেমন নানা ফলে
নানা রসের উপলব্ধির বিষয় হইয়া নানা নাম ধারণ করে, শক্তিসম্বন্ধেও তাহাই
ঘটে এইটি স্বীকার করিলেই হইল ।

রূপ ও সত্য ।

বুদ্ধি । রূপ শব্দ রস, গন্ধ ও স্পর্শ এ পাঁচটির পাশাপাশি সত্য, জ্ঞান,
প্রেম, পুণ্য ও আনন্দ যেন তুমি রাখিয়া দিলে, কিন্তু ইহার এক একটির সাধন
কি প্রকারে হইতে পারে তাহা না বুঝিলে কেবল কথায় কি কিছু ফল হয় ?
এক একটি করিয়া ইহাদের সাধন যদি না বল, তাহা হইলে তোমার এত বল
সকলই বিফল হইল ।

বিবেক । সাধন প্রতিব্যক্তির সম্বন্ধে স্বতন্ত্র প্রণালীতে হইতে পারে । যে
ব্যক্তির যে প্রকার ভাব প্রধান, সেই ভাবানুসারে ইহাদের যে কোনটির প্রথমে
সাধন তাহাতে আরম্ভ হইবে ; সুতরাং সাধারণ ভাবে সাধনের কথা যদি বলি,
তবে তাহার বিশেষ প্রয়োগ ব্যক্তিবিশেষ আপনাতে করিয়া লইবেন, ইহাই
সর্বপ্রথমে বলিয়া রাখা উচিত ।

বুদ্ধি । তাহাতে আর ক্ষতি কি ?

বিবেক । সত্য এবং রূপ এ দুইকে একত্র স্থাপন করা হইয়াছে । সত্য
কিছু রূপ নয়, রূপ কিছু সত্য নয়, তবে এ দুইকে একত্র আনিয়া লাভ কি, তুমি
জিজ্ঞাসা করিতে পার । তোমার এ জিজ্ঞাসার উত্তরে আমি তোমায় জিজ্ঞাসা
করি, বৃক্ষের মূল ও তাহার স্কন্ধাখাদির সজাতীয় সম্বন্ধ না বিজাতীয় সম্বন্ধ ?
মূল ভূমিতে প্রোথিত, চক্ষুর অদৃশ্য, কিন্তু বৃক্ষের স্কন্ধাখাদি উহাকে অবলম্বন
করিয়া অবস্থান করিতেছে । বিজ্ঞান বলিবে মূলেরই উহার ক্রমিক পরিণতি ।

সত্তা, সত্তা বা ব্রহ্মশক্তি সর্বপ্রকার রূপের উপাদান । শক্তি যদিও রূপ নহে, কিন্তু শক্তির বিচিত্রসম্মিলিত রূপ । ধরিতে গেলে ছুঁইতে গেলে শক্তি বিনা আর কিছুই প্রত্যক্ষ উপলক্ষের বিষয় হয় না, কিন্তু উহার বৈচিত্র্য কত বর্ণ কত রূপ ! শক্তি আকারশূন্য হইয়াও এমন নিরেট সামগ্রী যে, উহার মত নিরেট আর কিছুই নয় । বর্ণ ও রূপ উহার কাছে ধোঁয়ার মত । এই ধোঁয়া ধরিতে গিয়া আমরা বস্তু ধরিয়া ফেলি ।

বুদ্ধি । ধোঁয়া ধরিতে গিয়া বস্তু ধরিয়া ফেলি, উহার অর্থ কি কিছুই বুঝিতে পারিলাম না ।

বিবেক । ধোঁয়া বলি কাকে ? যাহা মুহূর্তের পরে বিলীন হইয়া যায় । রূপ যে সেইরূপ সামগ্রী ইহা কি আর তোমায় বলিয়া দিতে হয় ? ধোঁয়া কয়েক মিনিটের পর আকাশে মিলাইয়া যায়, রূপ না হয় তদপেক্ষা বেশী সময় থাকে, কিন্তু উহারও যে মুহূর্ত পরিবর্তন হইতেছে, পরিবর্তন হইতে হইতে একেবারে উড়িয়া যাইতেছে । কিন্তু রূপ ধরিতে গিয়া যে শক্তি সাক্ষাৎ উপলক্ষের বিষয় হয়, তাহা কি আর কখন উড়িয়া যায় ? পূর্বকার সাধকেরা এই বিষয়টি বুঝাইয়া দেওয়ার জন্ত শক্তির স্থলে স্বর্ণ ও মৃত্তিকা, এবং রূপের স্থলে কুণ্ডলাদি অলঙ্কার ও ঘটাদি সামগ্রী গ্রহণ করিতেন । স্বর্ণ উপাদান তাহা হইতে কুণ্ডলাদি অলঙ্কার, মৃত্তিকা উপাদান তাহা হইতে ঘটাদি সামগ্রী উৎপন্ন হইল । আবার যখন কুণ্ডলাদি এবং ঘটাদির আকার চলিয়া গেল তখন সেই স্বর্ণ ও মৃত্তিকা যেমন তেমনই রহিল । সত্যের পার্শ্বে রূপকে রাখিয়া সাধনে এই প্রণালীই গ্রহণ করা হইয়াছে । রূপের সঙ্গে শক্তিকে রাখিয়া লইয়া ভাব, দেখিবে রূপ তোমায় লইয়া গিয়া সত্তা বা সত্যের সন্নিধানে উপস্থিত করিবে ।

বুদ্ধি । কথাগুলি বুঝিলাম, কিন্তু সাধনের প্রণালী ধরিতে পারিলাম না ।

বিবেক । ভাল করিয়া মনোনিবেশ কর, আপনি সাধনে প্রবৃত্ত হও, তবেতো বুঝিতে পারিবে । চারিদিকে কি দেখিতেছ ? কতকগুলি রূপ দেখিতেছ । সাধারণ লোকে রূপে বদ্ধ হইয়া থাকে, তুমি রূপে বদ্ধ থাকিও না । রূপ কোথা হইতে আসিতেছে, প্রতিনিয়ত তাহা চিন্তা ও প্রত্যক্ষের বিষয় করিতে গিয়া রূপের সঙ্গে সত্তা বা শক্তি প্রতিমুহূর্ত তোমার জ্ঞানগোচর হইবে । শেষে শক্তিজ্ঞান এমনই উজ্জ্বল ও প্রত্যক্ষ হইবে যে রূপ তাহার ভিতরে বিলীন-

প্রায় হইয়া যাউবে, অথবা শক্তিতে ওতপ্রোতভাবে অবস্থিত এইরূপ প্রত্যক্ষ হইবে। প্রথমটি যোগের দ্বিতীয়টি ভক্তির ফল।

বুদ্ধি। তুমি যাহা বলিলে তাহা সাধন না করিলে প্রত্যক্ষ হইবার বিষয় নয়। একটি যোগের ফল, আর আর একটি ভক্তির ফল, এ কথা অর্থ ভাল করিয়া বুঝিতে পারিলাম না।

বিবেক। সত্য, সত্তা বা শক্তিকে প্রত্যক্ষের বিষয় করিতে গিয়া যোগ তাহাতে এমনই মগ্ন হইয়া পড়ে যে, তদতিরিক্ত আর কিছুই প্রতীতির বিষয় থাকে না। ভক্তি ভগবল্লীলা দর্শনে পরিপুষ্ট হয়, সুতরাং সকল বস্তুতে সকল ব্যক্তিতে সেই সত্য সত্তা বা শক্তির লীলাবলোকন করে, এজন্ত যাহাতে লীলা-প্রকাশ পায় তাহাও তাহার সম্মুখে থাকে। ভক্তি জন্মবার পূর্বে বস্তু ও ব্যক্তি যেভাবে দৃষ্ট হইত, এখন আর সেভাবে দৃষ্ট হয় না। ভক্তি যখন উহাদিগকে ভগবদাবির্ভাবে পূর্ণ দেখে, তখন উহাদের সৌন্দর্য্য আর ধরে না। এ সৌন্দর্য্যে ভগবৎসৌন্দর্য্য প্রকাশ পায়, সুতরাং উহা বন্ধনের কারণ হয় না, ভগবানের স্বরূপরসে মগ্ন করে।

বুদ্ধি। সত্য বা সত্তাতে মগ্ন হইলে তদতিরিক্ত সকল উড়িয়া যায় এইটি যোগের পথ। ঈশ্বরসত্তাতে পূর্ণ জগৎ অপূর্ব সৌন্দর্য্য প্রকাশ করে, এইটি ভক্তির পথ। এ দুইয়ের মধ্যে শেষটি আমার ভাল লাগে, কেন না ইহাতে সত্তা ও রূপ এ দুই একত্র প্রকাশ পায়।

বিবেক। প্রথমটি না হইলে দ্বিতীয়টি সিদ্ধ পায় না, এজন্ত সাধনার্গীর প্রথমে সত্তাসাধন প্রয়োজন। সত্তাসাধনে সিদ্ধ হইলে, তৎপর সেই সত্তাতে সমস্ত জগৎ ও জীবকে পূর্ণ দেখিয়া সাধক সর্বত্র ভগবৎসৌন্দর্য্যদর্শনে কৃতার্থ হন।

শব্দ ও জ্ঞান।

বুদ্ধি। এখন শব্দ ও জ্ঞান এ দুইয়ের একত্র সম্মিলনে যে সাধন হয়, তাহা কিরূপে হইতে পারে দেখাইলে সুখী হইব।

বিবেক। এক একটি বস্তুর সঙ্গে একটি একটি শব্দ মানুষের মনে গাঁথিয়া গিয়াছে। সেই শব্দটির উচ্চারণ হইবামাত্র সেই বস্তুটি নিকটে না থাকিলেও

তাহার অস্তিত্ব মনে প্রতিভাত হয় । বাহ্যবস্তুসম্বন্ধেই কেবল এইরূপ হয় তাহা নহে, অর্থাৎ খবিনগসম্বন্ধেও শব্দের এইরূপ যোগ । শব্দ তাহা হইলে তত্ত্বদ্বিষয়ের জ্ঞান মানুষের মনে প্রতিভাত করাইয়া দেয়, ইহা তুমি মানিয়া লইতে পার ।

বুদ্ধি । এ তো প্রতিদিন প্রত্যক্ষ করিতেছি, ইহা আর মানিয়া লইতে পারিব না কেন ?

বিবেক । জ্ঞান প্রতিভাত করিয়া দেওয়া যদি শব্দের কার্য্য হয় তাহা হইলে শব্দ বিনা শব্দের কার্য্য হইল বলিয়া উহার শব্দের সহিত সৌসাদৃশ্য সহজে প্রতিভাত হয় । এষ্ট সৌসাদৃশ্য আছে বলিয়া 'অন্তরে ব্রহ্মবাণীশ্রবণ' এ কথা প্রচলিত হওয়া পড়িয়াছে । যে বিষয়ে সংশয় উপস্থিত, যে বিষয় জানা নিতান্ত প্রয়োজন, আত্মার উন্নতির জন্ত যাহা অবগত হওয়া নিরতিশয় আবশ্যক হইয়াছে, তদ্বিষয়ক জ্ঞান যখন অন্তরে প্রতিভাত হয়, তখন 'ব্রহ্মবাণী' হৃদয়ে অবতরণ করিল, সাধক বলিয়া থাকেন । সুতরাং শব্দ ও জ্ঞানের একত্র যোগ সাধনক্ষেত্রে নিয়ত স্বীকৃত হওয়া আসিতেছে । রূপসাধনে দর্শনযোগ, শব্দসাধনে শ্রবণযোগ সাধিত হয়, ইহা তুমি হয়তো বুঝিতে পারিতেছ ।

বুদ্ধি । রূপসাধনে কেবল সত্তামাত্রদর্শনের পর সর্বত্র সেই সত্তাদর্শনে ভগবৎসৌন্দর্য্যে বাহ্যরূপসমূহের ঔজ্জ্বল্য ও শোভা বাড়ে, শব্দসম্বন্ধে কি তাহা হয় ?

বিবেক । হয় বৈ কি ? অন্তরে ভগদ্বাণীশ্রবণেই শব্দসাধনের অবসান হয় না । সকল শাস্ত্র, সকল মহাজন, সকল ঋষি তপস্বী, সকল মানব মানবী, এমন কি চন্দ্র সূর্য্য নক্ষত্র বৃক্ষ লতা প্রভৃতি সমুদায় পদার্থ-ইহাতে সেই বাণী উথিত হইয়া সাধকের আত্মার গোচর হয় ।

বুদ্ধি । সকল স্থান হইতে শব্দ আসিবে কিরূপে ? যাহারা শব্দ করিতে পারে তাহাদিগের হইতে নয় শব্দ আসিল এবং সে শব্দে নূতন জ্ঞান প্রকাশ পাইল, কিন্তু চন্দ্র সূর্য্য প্রভৃতিতো আর শব্দ করে না, তাহাদিগের হইতে শব্দ আসিবে কিরূপে ?

বিবেক । হৃদয়ে জ্ঞান প্রতিভাত হওয়াকে আমরা শব্দশ্রবণ বলিয়া স্বীকার করিয়া লইয়াছি । চন্দ্রসূর্য্য প্রভৃতি হইতে কি নিঃশব্দে জ্ঞান হৃদয়ে প্রতিভাত হওয়া সম্ভব নহে ?

বুদ্ধি । তাহা আর সম্ভব হইবে না কেন ?

বিবেক । যদি অসম্ভব না হয়, তাহা হইলে সমুদায় জগৎকে, সমুদায় জীবকে—ঈশ্বরবাণীতে পূর্ণ—এই ভাবে গ্রহণ করাতে ক্ষতি কি ?

বুদ্ধি । বৃক্ষ লতা প্রভৃতি কথা কয়, জলের স্রোতে ঈশ্বরবাণী শুনা যায়, কবিগণের এসকল কথা তবে শুধু কবিত্ব নয়, সত্য ।

বিবেক । কোন কবি আপনি ঐরূপ প্রত্যক্ষ না করিলে উহা কখন প্রথমে লিখিতে পারিতেন না, কবি ও বিজ্ঞানবিৎ উভয়ের নিকটেই সমুদায় পদার্থ কথা কয় । যদি কথা না কহিত, নূতন নূতন জ্ঞানলাভ তাঁহাদের পক্ষে কদাপি সম্ভব হইত না ।

বুদ্ধি । দেখিতেছি তুমি প্রচলিত ব্যাপার লইয়া শব্দ সাধন করিতে বলিতেছ । ইহার মধ্যে কিছুই একটা তো অবোধ্য 'রহস্য' নাই ।

বিবেক । নিত্যসিদ্ধ বিষয় না হইলে তৎসম্বন্ধে সাধন হইতে পারে না । সেরূপ সাধনে কেবল ভ্রান্তির রাজ্য বাড়ে । ঈশ্বর যদি নিত্যসিদ্ধ বিষয় না হইতেন, তাহা হইলে কি তাঁহাকে দেখা বা শুনার কথা উচিত ?

বুদ্ধি । নিত্যসিদ্ধ বিষয়ে সাধন, এ কথাটা ভাল করিয়া বুঝিলাম না । যাহা নিত্যসিদ্ধ তাহাকে আবার প্রত্যক্ষ করিবার জন্ত সাধন কেন ?

বিবেক । নিত্যসিদ্ধ বিষয় হইলেও যে তৎসম্বন্ধে জ্ঞানলাভে সাধনের প্রয়োজন, সর্বত্রই তো তাহার শত শত দৃষ্টান্ত দৃষ্ট হয় । কোন কিছু থাকি লই যে বিনা আয়্যাসে উহা আমাদের জ্ঞানের বিষয় হয় তাহা নহে । মধ্যাকর্ষণতো চিরদিনই আছে, অথচ উহার আবিষ্কারের জন্ত নিউটনের এত খাতি হইল কেন ? ফলপড়া কে আর না প্রত্যক্ষ করিয়াছে, কিন্তু তাহা হইতে মধ্যাকর্ষণ নিষ্পন্ন করা যাহার তাহার ভাগ্য ঘটে নাই ।

রস ও প্রেম ।

বুদ্ধি । রস ও প্রেম এ দুই তুমি পাশাপাশি রাখিয়াছ । এ দেশে হৃদয়ের যে কোন ভাবকেই কবিগণ রস নামে অভিহিত করিয়াছেন । ভাব তো নানা প্রকার । তাঁহাদিগের মতে রৌদ্র বীভৎস পর্যন্ত রসের মধ্যে গণ্য ।

বিবেক । প্রেম হইতে নানা প্রকার ভাবের উদ্ভব হয়, সুতরাং এ

সমুদায়ই প্রেমের অস্তিত্ব। কতকগুলি তাব আছে বাহা প্রেমের বিরোধী, যেমন রোজ ও বীভৎস। যেখানে জ্বোধ উপস্থিত সেখানে প্রেম থাকিবে কি প্রকারে? প্রেমে ঘৃণাও স্থায় পায় না। তবে প্রেমের বিরোধী পাপের প্রতি ঘৃণা ও ক্ষুদ্ৰভাব প্রেমকে পরিপুষ্ট করিয়া থাকে, সুতরাং সে অবস্থার উহার প্রেমের অঙ্গীভূত হইয়া রসনামে খাত হইলে কোন ক্ষতি নাই। প্রেম কখন পরিহাসের বিষয় হইতে পারে না, সুতরাং হাস্যরস প্রেমের অনুপযোগী, কিন্তু প্রেমের বিরোধী বিষয়গুলিকে উপহাসের আশ্রয় করিলে প্রেমের তাহাতে উপচয় ভিন্ন অপচয় হয় না। এইরূপে বিরোধী রসগুলিকে বিরোধী বিষয়ে নিয়োগ করিলে উহার ও রসের মধ্যে গণা হইতে পারে। এইরূপে বিচার করিয়া দেখিলে প্রেমই যে মূলরস তাহাতে আর কোন সন্দেহ থাকে না।

বুদ্ধি। একরূপ বিচার দ্বারা রস ও প্রেমকে এক করাতে কিছু ক্ষতি দেখিতেছি না। তবে এখন রসের সঙ্গে এক করিয়া প্রেমসাধন কিরূপে করিতে পারা যায় তাহা বল।

বিবেক। আর্দ্রতা রসের স্বভাব। প্রেম হৃদয়কে আর্দ্র করে, এজন্য রসের সঙ্গে উহার সৌন্দর্য। প্রেম আছে অথচ হৃদয়ের আর্দ্রতা নাই ইহা একেবারে অসম্ভব। রসযুক্ত পদার্থমাত্র আর্দ্রতা উৎপন্ন করে, প্রনাম্পাদনও তেমনি হৃদয় আর্দ্র করিবার সামর্থ্য আছে। ঈশ্বরসম্বন্ধে রসের পার্শ্বে প্রেমকে যখন স্থাপন করা হইয়াছে, তখন ঈশ্বরের সেই দিক্ দেখা প্রেমসাধনোপযোগী যে দিক্ দেখিলে চিত্ত সহজে আর্দ্র হয়। মানবমানবীর ব্যবহারনিরপেক্ষ হইয়া ঈশ্বর তাহাদের নিয়ত কল্যাণ সাধন করিতেছেন, শত প্রতিকূলাচরণেও তিনি কখন প্রতিকূল হইতেছেন না, তাহাদের শরীর মন আত্মার যাহাতে সুখ শান্তি কল্যাণ হয়, তাহার জ্ঞান সকলই করিয়াছেন ও নিয়ত করিতেছেন, পৃথিবীর বন্ধ বাক্য আত্মীয় পরিত্যাগ করিলেও তিনি কোন অবস্থায় তাহাদিগকে পরিত্যাগ করেন না, ইত্যাদি ঈশ্বরের ব্যবহার দর্শন ও চিন্তনে চিত্ত আর্দ্র হয়। ঈশ্বর রসরূপ, তিনি আপনার প্রেমের ব্যবহারে কঠোর পাষণবৎ হৃদয়কে আর্দ্র করেন, অধিক দিন আর হৃদয় তাঁহার বিরোধে সংগ্রাম করিতে পারে না; ষোড়শতর দশাও একদিন তাঁহার প্রেম বৃষ্টিতে পারিয়া আর্দ্রচিত্ত হইবে, তাঁহার চরণে শরণাপন্ন হইবে। তাঁহার এই প্রেমের দিক্ দেখিলে মানবমানবীর হৃদয়ে

প্রেমসংকার হইবে, প্রেম প্রেমকে ক্রমান্বয়ে বাড়াইতে থাকিবে, সুতরাং বল ও প্রেমকে এক করিয়া সাধন করা আর কিছু জটিল নয় ।

বুদ্ধি । এ সাধনটি সহজ মনে হইতেছে, কিন্তু তুমি পূর্বে শক্তি ও জ্ঞান এ দুইকে পাশাপাশি রাখিয়া কি প্রকারে সাধন করিতে হয়, তাহা সবার কাছে বাহা বলিয়াছিলে, তাহা ইহার মত তত পরিষ্কার হয় নাই ।

বিবেক । প্রেম সকল সত্ত্বের মূল, সুতরাং শৈশব হইতে সকল সত্ত্বের সঙ্গে নরনারী প্রেমের পরিচয় পাইয়াছে । যে ব্যক্তি যাহার পরিচয় পাইয়াছে সে ব্যক্তির তাহা হৃদয়ঙ্গম করা সহজ । মানুষের অজ্ঞানতার জ্ঞান এমনই আবৃত হইয়া রহিয়াছে যে জ্ঞানের ক্রিয়া সে জীবনে ধরিতে পারে না । যে ব্যক্তি আত্মজীবনে জ্ঞানের ক্রিয়া ধরিতে পারে না, তাহার পক্ষে জ্ঞানসাধনতো কঠিন হইবেই । নিত্য নূতন জ্ঞান হৃদয়ে অবতরণ করুক, এরূপ অভিলাষ কল্পনের হৃদয়ে আছে ? নূতন জ্ঞান হৃদয়ে অবতরণ করিলে শক্তি তাহা বাহিরে প্রকাশ পায়, শক্তিসহযোগে উহা মনে চিরদিনের জন্য গাঁথিয়া থাকে । এইটি যদি তুমি হৃদয়ঙ্গম কর, তাহা হইলে জ্ঞান ও শক্তিকে পাশাপাশি রাখা তোমার অবোধতা বলিয়া মনে হইবে না । কোম একটি বিষয় বুঝাইতে গেলে উহার সব দিক দেখিয়া কথা বলিতে হয়, একজন্ম বিষয়টি জটিল বলিয়া মনে হয়, কিন্তু একটু মনোযোগ করিয়া গুনিলে ও ভাবিলে আর উহার জটিলতা থাকে না ।

গন্ধ ও পুণ্য ।

বুদ্ধি । আশা করি, আজ গন্ধ ও পুণ্য এ উভয়ের সম্বন্ধ দেখাইবে ।

বিবেক । পুণ্যের কথা তুলিলেই তার সঙ্গে সঙ্গে নীতির কথা আসে । নীতিতে সকলেই অতি কঠোর মনে করে, গন্ধের সঙ্গে তার সম্বন্ধ ভাবিতে গেলে হয়তো মন্দগন্ধের কথা উঠিতে পারে, একজন্ম সে পথটা আগে বন্ধ করা উচিত ।

বুদ্ধি । বাহারা নীতিমান নয়, তাহাদের নিকটে নীতি কঠোর বলিয়া মনে হইলেই তো আর নীতি কঠোর হইল না ?

বিবেক । পৃথিবীতে যথার্থ নীতিমান ব্যক্তির সংখ্যা অল্প । বাহারা নিজ নিজ স্বার্থে অন্ধ তাহাদের নীতিমান হওয়া কি সহজ ? স্বার্থহীন কল্পন লোক আছে বলিতে পার ?

বুদ্ধি। স্বার্থপরতা একটা অনীতি বটে, তুমি যে উহাকেই অনীতিনতার কারণ করিয়া তুলিলে।

বিবেক। অনীতির জন্ম কোথা হইতে চিন্তা করিয়া দেখিলে বুঝিতে পারিবে স্বার্থহইতেই সকল প্রকার অনীতির উৎপত্তি। স্বার্থ অপরের পাপ্য দেয় না, উহা হইতেই একের অপরের প্রতি কর্তব্যের পথ অবরুদ্ধ হইয়া যায়। চুরী ডাকাতি প্রভৃতি বড় বড় অনীতির কার্যগুলি এক স্বার্থ হইতে এইরূপে উৎপন্ন হইয়া থাকে।

বুদ্ধি। পিতামাতা পুত্র কন্যার মমতায় বদ্ধ হইয়া প্রতিবেশীর পুত্র কন্যার প্রতি সমুচিত কর্তব্য সাধন করিতে পারেন না, উহাকেও কি তুমি স্বার্থমূলক বলিবে? এখানে স্বার্থ কোথায়?

বিবেক। স্বার্থ এখানে নিজের প্রবৃত্তিচরিতার্থতা। পশুদের সন্তানের প্রতি অতিমাত্র টান তত দিন যত দিন সন্তানগুলির রক্ষার জন্য টান প্রয়োজন, তার পর উহারা যে কোন কালে তাহাদের সন্তান ছিন্ন, সে জ্ঞান পর্যন্ত থাকে না। মানুষ স্বাভাবিক টানে সন্তানের পালনাদিতে প্রবৃত্ত হয়, তৎপর নানা স্বার্থ আসিয়া সেই স্বাভাবিক টানের সঙ্গে মিশিয়া যায়। পরিশেষে স্বার্থই সর্ব্ব সর্ব্ব হইয়া উঠে, স্বার্থ পিতামাতাকে অপরের সম্বন্ধে অন্ধ করিয়া ফেলে। সংসারে ইহা যখন সর্ব্বদাই দেখিতে পাইতেছ, তখন অনীতি স্বার্থমূলক ইহা নির্ধারণ করিতে আর সংশয় কি?

বুদ্ধি। যাউক, এখন আসল কথা বল।

বিবেক। চরিত্রের সঙ্গন্ধ কিম্বে হয়? নীতিমত্তায়। নীতিমত্তা ঈশ্বরের ইচ্ছানুবর্তন। যেখানে আশ্বেৎসর্গ নাই, সেখানে নীতিও নাই, ঈশ্বরের ইচ্ছানুবর্তনও নাই। আপনাকে ছাড়িয়া পরের জন্ত যে স্বর্কস্ব না দিতে পারে, তাহাতে নীতিনতা কি কখন সম্ভব?

বুদ্ধি। এ যে তুমি নূতন কথা বলিতেছ। নীতি সাধারণ কর্তব্য মাত্র। সত্য কথা বলা, প্রবঞ্চনা না করা, পিতামাতা প্রভৃতির সেবা করা ইত্যাদিই তো নীতি বলিয়া জানি, তুমি আবার এ কি বলিতেছ?

বিবেক। লোকে মনে করে নীতি নিম্নভূমির সামগ্রী, আধ্যাত্মিকতা ভাবুকতা প্রভৃতি উচ্চ সামগ্রী। নীতি না থাকিলে আধ্যাত্মিকতা ভাবুকতা প্রভৃতি

মিথ্যা কল্পনামাত্র ইহা লোকে বোঝে না । সত্য কথা বলা, সত্য ব্যবহার করা, আর সত্যের প্রতি অনুরাগ হওয়া, সত্যের জন্ত প্রাণ দেওয়া, এ কি একই নীতি নয় ? সত্যানুরাগী ব্যক্তি সত্য বলিতে গিয়া সত্য ব্যবহার করিতে গিয়া প্রাণ হারাইয়াছেন, ইহার দৃষ্টান্ত কি ইতিহাসে নাই ? লোকে নীতিক কতক-গুলি গুরু নিয়ম মনে করে, তাই তৎপ্রতি অনুরক্ত হওয়া, এত অনুরক্ত হওয়া যে তাহার জন্ত প্রাণ দেওয়া, তাহাদের পক্ষে সম্ভব হয় না । সত্য ও ঈশ্বর যদি এক হইয়া যান, তাহা হইলে সহজে অনুরাগ জন্মে, প্রাণ দিতেও মন কুণ্ঠিত হয় না । ঈশ্বর বলিতেছেন, সত্য বল, সত্য ব্যবহার কর. সত্যের জন্ত অকাতরে প্রাণ দেও. যে ব্যক্তি ইহা স্বকর্ণে শুনিবে সে কি আর কখন নীতিকে গুরু কতক-গুলি নিয়ম বলিতে পারে ? নরনারীর প্রতি ঈশ্বর যাদৃশ ব্যবহার করিতে বলেন, সেইরূপ করিলেই তাঁহার ইচ্ছা প্রতিপালন করা হয় । যে ব্যক্তি সকল বিষয়ে ঈশ্বরের ইচ্ছানুবর্তন করে তাহার চরিত্র হইতে সত্যকে বাহির হয় এবং সেই সত্যকে দেবগণের পর্য্যন্ত মন মুগ্ধ হয় । সকল বিষয়ে ঈশ্বরের ইচ্ছানুবর্তন করিলে জীবনে পুণ্যের আবির্ভাব হয়, এবং সেই পুণ্যের সত্যকে সমগ্র জীবন পূর্ণ হয় । ঈশ্বরের ইচ্ছাপালন পুণ্যসাধন, পুণ্যসাধনে দিন দিন চরিত্র সত্যকে পূর্ণ হয় ; পুণ্যই গুরু ।

স্পর্শ ও আনন্দ ।

বুদ্ধি । রূপ, শব্দ, রস, গন্ধ ও স্পর্শ এক দিকে, সত্য, জ্ঞান, প্রেম, পুণ্য ও আনন্দ অত্র দিকে রাখিয়া এ কয়েক দিন যে সাধনের কথা বলিলে, আজ তাহার শেষ দিন । স্পর্শ ও আনন্দ এ দুটিকে পাশাপাশি রাখিয়া সাধনকরিবার কি উদ্দেশ্য আমি তাহা বুঝি নাই, আশা করি আজ তুমি উদ্দেশ্যটি বুঝাইয়া দিয়া এ সাধনের কথা শেষ করিবে ।

বিবেক । ঈশ্বর সত্য অর্থাৎ তিনি আছেন, তাঁহার সত্তা কিছুতেই উড়াইয়া দিহত পারা যায় না, সত্তাই তাঁহার রূপ । যাহা দেখিয়া আমরা বলিয়া উঠি, এই অমুক বস্তু, তাহাকে রূপ বলা যায় । এই ঈশ্বর, একরূপ বলের সহিত বলিবার পক্ষে সত্তাই যখন অনড়, তখন সেই সত্তাই তাঁহার রূপ । শব্দাবলম্বনে জ্ঞান আনাদের নিকটে প্রকাশ পায় এবং প্রকাশিত থাকে, সূত্রাতঃ শব্দ ও

জ্ঞানকে পাশাপাশি না রাখিলে চলিবে কেন ? একটি বাহ্য আর একটি আন্তর, রূপ বাহ্য, সত্তা আন্তর । ঘটাদির বাহ্য রূপ বিদায় করিয়া দাও, উহাদের সত্তা বিদায় হইবে না, তোমার জ্ঞানে উহাদের সত্তা থাকিয়া যাইবে । শব্দ বাহ্য, জ্ঞান আন্তর । শব্দোচ্চারণ অবরুদ্ধ কর, সেট শব্দে যে জ্ঞান প্রকাশ পায়, তাহা যেমন তেমনি থাকিয়া যাইবে । বাহ্য রস ও আন্তর প্রেম, বাহ্য গন্ধ ও আন্তর পুণ্য, এ উভয়সম্বন্ধেও এই কথা বলা যাইতে পারে । বাহ্য রসের আনন্দ রূপ-স্বামী, প্রেমের আনন্দ নিত্যকাল স্বামী বাহ্যগন্ধ শীঘ্রই উড়িয়া যায়, পুণ্যের গন্ধ ইহপরকালব্যাপী । স্পর্শ-ও-আনন্দ-সম্বন্ধে এইরূপ বুঝিতে হইবে । বাহিরে সকল ইন্দ্রিয়েতে স্পর্শই প্রধান ; অন্তরে সত্য, জ্ঞান, প্রেম ও পুণ্য, এ সকলই আনন্দস্বারা আমাদের সাক্ষাৎ অহুভবের বিষয় হইয়া থাকে, এইটি বুঝিলে স্পর্শের স্তায় আনন্দের প্রাধান্য তুমি সহজে হৃদয়ঙ্গম করিবে ।

বুদ্ধি । কি বলিলে, ভাল করিয়া বুঝিলাম না, বুঝাইয়া বল ।

বিবেক । জৈশ্বর সত্য, তিনি আছেন, এ কথা আর কে না মানে ? কিন্তু সত্য জৈশ্বর সাক্ষাৎ উপলব্ধির বিষয় হন কখন যখন সত্যোক্তে আমাদের আনন্দ উপস্থিত হয় । যাহারা সত্যের জন্ত প্রাণ দিয়াছেন, তাঁহাদের সর্ববিধ আনন্দ এক সত্যোক্তে প্রবিষ্ট ছিল, সত্য ভিন্ন আর কিছু যদি তাঁহাদের টানের বিষয় থাকিত, তাহা হইলে কি আর তাঁহারা সত্যের জন্ত প্রাণ দিতে পারিতেন ? সত্যের সম্বন্ধে যাহা বলা হইল জ্ঞানসম্বন্ধেও তাহাই বলা যাইতে পারে । জ্ঞানে যাহার আনন্দ হয় না, সে কি কখন জ্ঞানের সেবার সমগ্র জীবন উৎসর্গ করিতে পারে ? প্রেমের ভিতরে আনন্দাংশের কথা আর তোমায় বলিতে হইবে না, ইহাতো তুমি নিত্য প্রত্যক্ষ করিতেছ । উভয়গণ প্রেমকে আনন্দের সার বলিয়া থাকেন, প্রেম আর আনন্দ তাঁহাদিগের নিকটে ভিন্ন সামগ্রী নহে । এ কালে প্রেম ও পুণ্য উভয়ে মিলিয়া আনন্দ, এই মত দাঁড়াইয়া গিয়াছে । স্মৃতিরূপে বলিতে হইবে, স্পর্শ যেরূপ রূপাদি সকলের সঙ্গে ঘনিষ্ঠ যোগে বন্ধ, আনন্দও তেমনি সত্যজ্ঞানাদির সঙ্গে ঘনিষ্ঠ যোগে বন্ধ । স্পর্শট যেমন ভিন্ন ভিন্ন আকার-ধারণ করিয়া রূপাদি রূপে প্রকাশ পায়, আনন্দ তেমনি সত্যজ্ঞানাদি ভিন্ন ভিন্ন আকারধারণ করিয়া আমাদের নিকটে প্রকাশ পাউয়াছে ।

বুদ্ধি । তোমার এরূপ বলা বাড়াবাড়ি হইল । প্রেম ও পুণ্যকে আনন্দের

সঙ্গে এক করা অযুক্ত নয়, কেন না সম্যকভাবে জানন্দ যের নামে খ্যাত ; সাধুতে জানন্দ স্বা একথা বলিলে কিছু ক্ষতি হয় না। সত্য ও জ্ঞান এ দুইকে তুমি জানন্দের সহিত মিশাইবে কি প্রকারে ?

বিবেক। এক বার তোমার শৈশবকালের কথা স্মরণ কর, ~~যে~~ বস্তু-দর্শনে তোমার কিরূপ জানন্দ হইত, কোন একটি বিষয়ে জানলাভ হইলে তুমি কেমন নাচিয়া উঠিতে। জানন্দ সৌন্দর্যের নামান্তর। সকল সময়ে সৌন্দর্য, সকল জ্ঞানে সৌন্দর্য বিদ্যমান। বস্তুদর্শনে বস্তুর জানলাভে শৈশবে তোমার যে জানন্দ হইত, তাহা সেই সৌন্দর্য্যাত্মক। তোমার মন এখন নানাদিকে গিয়া শৈশবোচিত সৌন্দর্য্যাত্মক হারা হইয়া ফেলিয়াছে, এখন আর তুমি কি প্রকারে বুঝিবে সত্য ও জ্ঞান জানন্দমূলক।

বুদ্ধি। যাউক, এ সকল বিচারের কথায় আর প্রয়োজন নাই। এখন প্রস্তাবিত কথাসম্বন্ধে যাহা বলিবার আছে বলিয়া শেষ কর।

বিবেক। এতক্ষণ যাহা বলা হইল তৎপ্রতি যদি তোমার ভাল করিয়া অভিনিবেশ হয়, তাহা হইলে বলিবার বিষয় বলা হইয়াছে, অন্যায়সে বুঝিতে পারিবে। সত্য-জ্ঞান-শ্রেয়স পূণ্য অক্ষুণ্ণিত স্পর্শ যখন আত্মাকে স্পর্শ করেন, তখন সে স্পর্শে জানন্দ উখলিয়া উঠে এবং যিনি স্পর্শ করিতেছেন তিনি যে নিরবচ্ছিন্ন জানন্দ তৎসম্বন্ধে আর কোন সংশয় থাকে না। যদি তাহাতে নিরানন্দের লেশমাত্র থাকিত, সাধক ব্রহ্মস্পর্শে নিরবচ্ছিন্ন জানন্দে যত্ন হইতেন না। সাধনের চরম জানন্দ, কেন না এখানে ব্রহ্মসংস্পর্শ উপস্থিত। আমার বোধ হয়, এ সম্বন্ধে অধিক কথা না বলা ভাল, কেন না ইহা বলিবার বিষয় নয়, সাফাৎ উপলক্ষিকরিবার বিষয়।

ব্রাহ্মসমাজের ইতিহাসে স্বরূপের ক্রম।

বুদ্ধি। আজ অনেক দিন হইল উপাসনাতত্ত্বসম্বন্ধে কথা চলিতেছে। প্রত্যেক স্বরূপসম্বন্ধে ব্যাখ্যা শুনিয়াছি। স্বরূপের পর পর ক্রমের কারণও তুমি বলিয়াছ। ভিন্ন ভিন্ন বেদান্তের অংশ লইয়া স্বরূপগুলি একত্র সম্মিলিত হইয়াছে। এ সকল স্বরূপ কিরূপ ক্রমে ব্রাহ্মসমাজের ইতিহাসে সম্মিলিত হইল তাহা তুমি বল নাও ; তুমি যাহা বলিয়াছ তাহা যদি ইতিহাসসঙ্গত হয়, তাহা হইলে মন

নিঃসংশয় হইতে পারে, কেন না ইতিহাস বিধাতার ক্রিয়া প্রদর্শন করে। আশা করি আজ তুমি এ সম্বন্ধে যদি কিছু বলিবার থাকে তবে তাহা বলিবে।

বিবেক। ইতিহাস না থাকিলে এ সকলের সম্মিলন হইল কিরূপে? বে দিন হইতে ব্রাহ্মসমাজের স্বরূপাত হইয়াছে, সেই দিন হইতে বর্তমান সময় পর্যন্ত ইতিহাসের ভিতরে ভগবান নিত্য কার্য্য করিতেছেন, তাই স্বরূপঘটিত উপাসনা দিন। দিন পবিপুষ্টগাত করিতেছে।

বুদ্ধি। পূর্বে কি স্বরূপঘটিত উপাসনা ছিল না?

বিবেক। ঈশ্বরের কোন না কোন স্বরূপাবলম্বনে পূজাবন্দনাদি চিরদিন হইয়াছে, কিন্তু এখন যে প্রকার স্বরূপঘটিত উপাসনা পশ্চুটাকারধারণ করিয়াছে একরূপ পশ্চুটাকার কখন ধারণ করে নাই। বেদের সময়ে প্রার্থনাই প্রধান ছিল। কেন না তখন দৈহিক জীবনরক্ষা এতদূর প্রয়োজন ছিল যে, দৈহিক বিষয়সকললাভের জন্য দেবতার নিকটে প্রার্থনা উখিত হইয়াছে। তৎপর বেদান্তের সময়ে মনন ও চিন্তা প্রধান হইয়া উঠে। ইহাতে জগৎ ও জীবের মধ্যে ব্রহ্মের প্রকাশ তন্ন তন্ন করিয়া আলোচিত ও বিচারিত হয়। বেদের সময়ে প্রার্থনাপরিপূরক স্নেহশীল ঈশ্বরের নামে স্তোত্র গ্রথিত হইয়াছে, বেদান্তের সময়ে সর্বগত সর্বনিয়ন্তা ঈশ্বরের চিন্তনমননে সমগ্র উপনিষৎ পূর্ণ রহিয়াছে। সত্যজ্ঞানাদি স্বরূপ এই সময়ে ঋষিগণের অন্তঃশঙ্কুর নিকটে প্রকাশ পায়। বেদান্তে ব্রহ্মস্বরূপের প্রাধান্য হইলেও এখন যেরূপ স্বরূপঘটিত আরাধনা উপাসনা হইয়া থাকে, তখন তেমন হয় নাই। ব্রাহ্মসমাজের আরম্ভ হইতে এই স্বরূপঘটিত উপাসনা পশ্চুটভাবে প্রবর্তিত হইয়াছে।

বুদ্ধি। অতি প্রথমেই কি স্বরূপঘটিত উপাসনা প্রবর্তিত হইয়াছিল?

বিবেক। হাঁ হইয়াছিল, এ কথা নিঃসংশয় বলা যাইতে পারে। রাজা রামমোহন রায় ও '৩' তৎসং' এবং 'একমেবাদ্বিতীয়ম্' এই দুইটি অবলম্বন করিয়া উপাসনা প্রবর্তিত করেন। "একমেবাদ্বিতীয়ম্" এটি উপনিষদ্বাক্য, 'ও' তৎসং' যদিও বেদান্তঘটিত বটে, কিন্তু একরূপ আকারে পরিষ্কার উল্লেখ গীতাতে দেখিতে পাওয়া যায়। 'সৃষ্টিস্থিতি প্রলয়ের হেতু তিনি আছেন' তিনি একমাত্র দ্বিতীয় নাই' এইটি প্রথম স্বরূপঘটিত উপাসনা। তিনি আছেন, তিনি সং তিনি সত্য, তাহা ভিন্ন আর কিছু নাই, স্বরূপোপাসনার ইহাই আরম্ভ। জগৎ

ও জীব সাধকের চক্ষুকে আচ্ছাদিত করিয়া রাখিয়াছে । সে হৃদয়স্থিত গিয়া জগৎ ও জীবকেই দেখে, ব্রহ্মকে দেখিতে পার না । তিনি আছেন, জগৎ ও জীবের সত্তা হইতে নির্ধারণ করা সাক্ষাৎ দর্শন নহে । জগৎ ও জীব চলিয়া গলেও যে সত্তা চলিয়া যায় না, সেই সত্তার প্রত্যক্ষ উপলব্ধি সাক্ষাৎ দর্শন । তিনি ভিন্ন আর কিছু নাই চিন্তা করিতে করিতে যখন জগৎ ও জীব মন হইতে মস্তিষ্ক হইয়া যায়, জগৎ-ও-জীববিরহিত এক সত্তামাত্র চিন্তাপথে থাকিয়া যায়, তখনই “ও” তৎসৎ “একমেবাদ্বিতীয়ম্” এর স্বরূপঘটিত উপাসনার কার্য সম্পন্ন হইল । এরূপ সাধনে বৈরাগ্য পরম সহায় । এজন্য রাজা রামমোহন বায়ের মতে যে সকল সঙ্গীত আছে, উহা বৈরাগ্যঘটিত । জগৎ ও জীবে আসক্ত হ্রির মন হইতে জগৎ ও জীব কখন উড়িয়া যাইতে পারে না, সুতরাং তৎপ্রতি আসক্তিচ্ছেদনের জন্য বৈরাগ্য নির্ভীক প্রয়োজন ।

বুদ্ধি । জগৎ ও জীব উড়াইয়া দিয়া “সত্তামাত্র” অবশেষ রাখা এ সাধন কি খমতঃ মহাত্মা রাজা রামমোহনই প্রবর্তিত করিয়াছেন ?

বিবেক । তুমি যখন ইতিহাসের আদর জান, তখন এ প্রবর্তনার মূলে তকালের ইতিহাস আছে, ইহা সহজেই তুমি বিশ্বাস করিবে । বৌদ্ধধর্মে যে ষাণসাধন আছে তাহা তুমি অবগত আছ । এই নির্কাণ ‘সর্কোপরম’ বা বৃত্তি’ বলিয়া আর্থাশাস্ত্রে প্রসিদ্ধ । আচার্য্য শঙ্কর বৌদ্ধমতনিরসন করিতে । সর্কোপরম বা নিবৃত্তির মহাত্ম্য বিশেষরূপে হৃদয়ঙ্গম করিয়াছিলেন । তাহা উড়াইয়া দিয়া ব্রহ্মসত্তাপ্রত্যক্ষকরণরূপ নিবৃত্তিপথ তিনি হিন্দুসমাজে চর্চিত করেন । আচার্য্য শঙ্কর এই এক কারণেই প্রতিযোগী সম্প্রদায় হইতে হ্র বৌদ্ধ আখ্যা লাভ করিয়াছেন । আর সকল উড়াইয়া দিয়া কেবল মাত্রপরিগ্রহ বাস্তবিক নিন্দার বিষয় নয়, সাধনের আরম্ভে যোগকে দৃঢ় র উপরে স্থাপিত করিবার জন্য এ পথাবলম্বন অতীব প্রয়োজন । রাজা মোহন শঙ্করের অনুবর্তন করিয়া সর্কবিষয়নিরপেক্ষ সত্তায় ব্রাহ্মসমাজের মারম্ব করিয়াছিলেন । তিনি এই পর্য্যন্ত করিয়া গেলেন, কিন্তু ইহার প্রকৃত গগী তাঁহার পরে যাহারা আসিলেন তাঁহারা হইলেন ।

বুদ্ধি । “ও” তৎসৎ “একমেবাদ্বিতীয়ম্” এই দুইটি লইয়া ব্রাহ্মসমাজের মনার আরম্ভ হইয়াছিল । ইহাতে কেবল নিবৃত্তি বা অভাব পক্ষের সাধন

হইয়াছে, ভাব পক্ষের সাধন কবে কাহা হইতে প্রবৃত্ত হইল, তাহাই জানিবার জন্ত মন উৎসুক হইয়াছে, আশা করি ইতিহাসের সেই অংশ বলিয়া স্মৃতি করিবে।

বিবেক। উপাসনার ভাব পক্ষ বাহা হইতে প্রবৃত্ত হইয়াছে তিনি * আজও জীবিত আছেন। ঈশ্বর বাহাকে যে কার্যের জন্ত নিয়োগ করেন তাঁহার জীবনের প্রথমেই তদুপযোগী ভাবের যোগাযোগ হয়। তিনি দৈবযোগে উপনিষদের একখানি পত্র পান, তাহাতে যে শ্রুতিটি ছিল, উহা ঠিক তাঁহার ভাবী জীবনের উপযোগী। শ্রুতিটি এট—“ঈশাবাস্তমিদং সর্বং যৎকিঞ্চ জগত্যাং জগৎ। তেন ত্যক্তেন ভুঞ্জীথা মাগৃধঃ কশ্চস্বিক্রনম্ ॥” এই জগতে চরাচর যাহা কিছু সকলই ঈশ্বরকর্তৃক আচ্ছাদিত হইয়া আছে। অতএব আসক্তিপরিহার-পূর্বক সকল ভোগ কর, কাহারও ধনে লোভ করিও না। তিনি প্রচুর পার্থিব সম্পদের অধিকারী, সে সম্পদের প্রতি লোভ জীবনের কার্য হইতে তাঁহাকে বিরত করিতে পারিত, তাই অধ্যাত্ম জীবনের প্রথমোক্তেই ধনের প্রতি লোভ ত্যাগ করিয়া সমুদায় ভোগ করিবার কথা তাঁহার নিকটে আসিল। ব্রহ্মযোগ সাধনের জন্ত তাঁহাকে সংসারত্যাগ করিতে হইল না, সংসারে অনাসক্তভাবে থাকিয়া ব্রহ্মযোগে যোগী হইবেন, এই ইহার প্রতি আদেশ হইল। কি ভাবের যোগী হইবেন, তাহাও এই শ্রুতিটি ইহাকে বলিয়া দিল। সমুদায় ঈশ্বরেতে আচ্ছাদিত দেখিতে হইবে। চন্দ্র সূর্য্য গ্রহ তারা প্রভৃতি সমুদায় ঈশ্বরে আচ্ছাদিত হইয়া আছে, ইহা প্রত্যক্ষ করা ইহার জীবনের লক্ষ্য হইল। উপনিষদের একখানি পত্র দেখিয়া সমুদায় উপনিষদের প্রতি ইহার প্রগাঢ় ভক্তি জন্মিল। সূত্রাং উপনিষদগ্রন্থালোচনা করিতে গিয়া “সত্যং জ্ঞানমনস্তং ব্রহ্ম,” এবং সকলই ঈশ্বর কর্তৃক আচ্ছাদিত হইয়া রহিয়াছে তদুপযোগী “আনন্দরূপম-মৃতং যদ্বিভাতি” এই দুইটি শ্রুতাংশ ব্রহ্মস্বরূপসাধনে তাঁহার সহায় হইল। জগতে ঈশ্বরের যে সত্তা, জ্ঞান ও অনন্তত্ব প্রকাশ পায়, সকল বস্তুতে তাঁহার সৌন্দর্য্যামুভব হয়, এই দুই শ্রুতাংশ তাহাই ইহার নিকটে প্রকাশ করিল। জগতের ভিতর দিয়া ব্রহ্মকে দেখা, ইহাতে ইহার চিত্ত পরিতুষ্ট হইল না, সমুদায়

* বর্ধি দেবেল্লনাথ ঠাকুর। বিষয়টি যখন লিখিত হয়, তৎকালে তিনি জীবিত ছিলেন। প্র।

জগতের আবরণ উন্মোচন করিয়া যে ব্রহ্ম প্রকাশিত, তাঁহারই জগৎ তাঁহার মন ব্যাকুল হইল। “শান্তং শিবমদ্বৈতং” এই শ্রুতাংশ এবং “ধাম্মা স্বেন সদা নিরন্তকুহকং সত্যং পরং ধীমহি” ভাগবতের এই আদিম শ্লোকটি ইহার মনের সাধ পূর্ণ করিল। সত্যং জ্ঞানমনন্তং ব্রহ্ম, আনন্দরূপমমৃতং যদ্বিভাতি, শান্তং শিবমদ্বৈতম্, এই তিনটি শ্রুতাংশ ইহার সাধনের বিষয় হইল, এবং ইনি সাধন দ্বারা ব্রহ্মবস্তুর প্রত্যক্ষ করিলেন। পূর্বে যে উপাসনার তত্ত্ব তামায় বলিয়াছি, তাহাতে তিনটি শ্রুতাংশের বিষয় যাহা বলিবার অনেকটা বলিয়াছি, আর সে সব কথাই পুনরালোচনা নিম্নয়োজন।

বুদ্ধি । সে সব কথাতো শুনিয়াছি। উপাসনার ভাবপক্ষ এই সকল দ্বারা দাঁড়াইল কি প্রকারে, সে সম্বন্ধে তো কিছু শোনা চাই। যদি তাহাতে পুনরুক্তিও হয় ক্ষতি নাই, কেন না এ সকল কথা যখন সাধনার্থীদের জগৎ, তখন পুনরুক্তি দোষ পরিহার্য।

বিবেক । সত্য জ্ঞান অনন্ত কেবল এই তিনটি স্বরূপমাত্র যদি সাধনের বিষয় হইত তাহা হইলে সমুদায় উড়াইয়া দিয়া এক অভাবপক্ষই ব্রাহ্মসমাজে দাঁড়াইতে পারিত, কিন্তু ব্রহ্ম আনন্দরূপে সর্বত্র প্রকাশ পান, তাঁহার আনন্দের প্রকাশে সমুদায় জগৎ ও জীব সৌন্দর্য্যে পূর্ণ, এ কথা বলিলে জগৎ ও জীব উড়িয়া গেল না, তাহাদিগেতেই আনন্দরূপে সৌন্দর্য্যরূপে ঈশ্বর সাধকের নিকট নিয়ত প্রকাশিত রহিলেন। “সত্যং জ্ঞানমনন্তং ব্রহ্ম” “আনন্দরূপমমৃতং যদ্বিভাতি” এ দুই শ্রুতাংশে পরোক্ষভাবে ব্রহ্মদর্শন সম্ভবে। ‘শান্তম্’ এই শব্দটির অর্থ প্রপঞ্চের অতীত। জগৎ ও জীব প্রপঞ্চের অন্তর্গত। যিনি মঙ্গলময় তিনি প্রপঞ্চের অতীত এ কথা বলাতে এই হইল যে, যিনি সকলের মঙ্গল বিধান করিতেছেন, তিনি জগতে বদ্ধ নহেন, তিনি সাক্ষাৎসম্বন্ধে সকলকে কল্যাণ বিতরণ করিতেছেন অথচ তাঁহাতে কোন বিকার উপস্থিত হয় না, এখন এক প্রকার তখন অন্য প্রকার এরূপ ভাবের বাতায় কখন তাঁহাতে ঘটে না। তিনি এক দিকে যেমন প্রপঞ্চের অতীত, অন্য দিকে তেমনি একই মঙ্গলভাবাধিত। ভাগবতের শ্লোকাংশটিতে অপরোক্ষভাবে ব্রহ্মদর্শন অতিস্পষ্টবাক্যে নিবদ্ধ রহিয়াছে। জ্ঞানের প্রকাশে সমুদায় আবরণ ভেদ করিয়া সত্যস্বরূপ বিরাজমান, এ কথা বলিলে সত্যস্বরূপের আবরণক জগৎ ও জীব কিছুই রহিল না ইহাই

বুঝায়। অভাবপক্ষে সমুদায় জগৎ ও জীব উড়িয়া গিয়া এক সত্ত্বামাত্র ছিল, সেই সত্ত্বা এখন মঙ্গলময় হইয়া সাধকের সঙ্গে সাক্ষাৎসম্বন্ধে আবদ্ধ, তিনি এখন তাঁহার চক্ষুর সন্মুখে নিয়ত বিরাজমান।

বুদ্ধি। ধর্মপিতা রাজা রামমোহন সমুদায় জগৎ উড়িয়া গেলে তবে ব্রহ্ম-সাক্ষাৎকার হয়, এই কথামাত্র বলিয়াছিলেন, কার্যাতঃ জগতের কারণ ও নির্বাহক ঈশ্বরকে পরোক্ষভাবে অর্চনা বন্দনা করিবার তিনি ব্যবস্থা করিয়াছিলেন। 'ওঁ তৎ সৎ' 'একমেবাদ্বিতীয়ম্' এ দুই বাক্যের সাধনে জগৎ উড়িয়া যাঠবার কথা ছিল, কিন্তু যতদূর বুদ্ধিতে পারা যায় তাহাতে এই প্রতীতি হয় যে, তাঁহার সময়ে কেহ এ দুই বাক্যের সাধন করিয়া সিদ্ধমনোরথ হন নাই। যিনি পরে আসিলেন তিনি কি এই উভয় বাক্য সাধন করিয়া অগ্রে জগৎ উড়াইয়া দিয়া তৎপর সাক্ষাৎসম্বন্ধে ব্রহ্মযোগী হইয়াছিলেন?

বিবেক। জগৎ উড়াইয়া দেওয়া তাঁহার সাধন ছিল না, জগতে ব্যাপ্ত ব্রহ্মদর্শন হইতে তিনি সাধনের আরম্ভ করিয়াছেন। ব্রহ্ম প্রপঞ্চে বহু নন তাহার অতীত, এই সাধন করিতে গিয়া জগৎসম্বন্ধবর্জিত সাক্ষাৎ ঈশ্বর প্রত্যক্ষ করা তাঁহাতে ঘটিয়াছে। তিনি চক্ষু মুদ্রিত করিয়া হৃদয়ে ব্রহ্মসত্ত্বা সাক্ষাৎ উপলব্ধির বিষয় করিয়াছেন, সুতরাং এইরূপে তাঁহাতে অপরোক্ষভাবে ব্রহ্মদর্শন সম্ভবপর হইয়াছে। ইহার পরে যিনি আসিয়াছিলেন, তাঁহার দ্বারা অভাব ও ভাব উভয় পক্ষের উপাসনা সাধনের পূর্ণতা লাভ করিয়াছে।

জীবনে স্বরূপসাধন।

বুদ্ধি। সাক্ষাৎভাবে ঈশ্বরের স্বরূপ প্রত্যক্ষ করিয়া আনন্দলাভ, ইহা কিছু সামান্য নয়। এরূপ কয়জনের জীবনে ঘটিয়া থাকে? তবে স্বরূপ প্রত্যক্ষ করিয়া তদ্বারা অনুপ্রাণিত হওয়া, জীবন গঠিত করিয়া লওয়া, ইহাই স্বরূপ-প্রত্যক্ষের মুখালক্ষ্য। এ লক্ষ্য ব্রাহ্মসমাজে কিরূপে সাধিত হইয়াছে, তাহা জানিতে মন উৎসুক। আশা করি, এ সম্বন্ধে যাহা বলিবার তাহা বলিবে।

বিবেক। স্বরূপজ্ঞান ও স্বরূপোপলব্ধি জন্ম আনন্দ হইলে তবে উহা জীবনের উপরে কার্য প্রকাশ করিয়া থাকে, স্বরূপজ্ঞান ও স্বরূপোপলব্ধিজন্মিত আনন্দ ভিন্ন ভিন্ন সময়ে ব্রাহ্মসমাজের দুইজন প্রধান পুরুষে সম্পন্ন হইল; জীবনের উপরে উহাদের কার্যপ্রকাশ তৃতীয় ব্যক্তিতে ঘটিল। এ সম্বন্ধের ইতিহাস এই

ব্যক্তির জীবনালোচনা করিলে সহজে হৃদয়ঙ্গম হয় । জীবনটি সকলের সম্মুখে রহিয়াছে, উহা অধ্যয়ন করা সকলেরই প্রয়োজন । কেন না যে ক্রমে স্বরূপের ক্রিয়া সে জীবনে প্রকাশ পাইয়াছে, সকল স্বাভাবিক জীবনেই সেই ক্রমে উহার ক্রিয় প্রকাশ পায় ।

বুদ্ধি । সকলের জীবনেই কি স্বরূপের ক্রিয়া হয় ? স্বরূপজ্ঞান ও স্বরূপ প্রত্যক্ষ হওয়া কি সাধনসাপেক্ষ নহে ?

বিবেক । যাহা স্বভাবতঃ নাহি, সাধন দ্বারা তাহা উৎপন্ন হইবে কি প্রকারে ? যাহা প্রচ্ছন্ন আছে, সাধন দ্বারা তাহাই উদ্ভূত হইয়া থাকে ।

বুদ্ধি । তবে কি জীবনে নূতন কিছুই হয় না, কেবল যাহা আছে তাহাই উদ্ভূত হয় মাত্র ?

বিবেক । যাহার যাহা হইতে হইবে, তাহার তাহা হইবার উপযোগিতা তন্মধ্যে বিद्यমান থাকে । উপযোগিতা না থাকিলে বাহির হইতে বহ্ননোপযোগী উপাদান গ্রহণই সম্ভবে না ।

বুদ্ধি । এ সকল অবাস্তুর কথা থাকুক, প্রস্তাবিত বিষয়সম্বন্ধে যাহা বলিবার তাহাই বল ।

বিবেক । তৃতীয় ব্যক্তির* জীবনে সকলগুলি স্বরূপের ক্রিয়া যুগপৎ প্রকাশ পায় নাই, ক্রমে ক্রমে প্রকাশ পাইয়াছে । সত্য এবং জ্ঞান এই দুই স্বরূপ লইয়া জীবনের আরম্ভ অতি স্বাভাবিক । প্রথমে এই সত্য ও জ্ঞান নীতির সহিত সংযুক্ত থাকে, সুতরাং যে কোন ব্যক্তির পক্ষে এ দুই স্বরূপের ক্রিয়া জীবনারম্ভে স্বভাবসিদ্ধ । তৃতীয় ব্যক্তি নৈতিক জীবন লইয়া ব্রাহ্মসমাজে প্রবেশ করিলেন । তাঁহার সঙ্গী যুবকগণও তাঁহারই ভাবে ভাবাধিত ছিলেন । কথায় ব্যবহারে উপাসনা প্রভৃতিতে সত্যানুসরণ করিতে হইবে, সর্বতোভাবে সত্য রক্ষা করিতে হইবে, সত্যেরই জয় হয়, এই ভাব তাঁহাদের সকলেরই মনে প্রবল হইয়া উঠিল । প্রাচীন সমাজের সঙ্গে শত অসত্যের বন্ধনে তাঁহারা বদ্ধ ছিলেন, সে বন্ধন তাঁহারা ছিন্ন করিয়া ফেলিলেন । সত্য, সত্য, সত্য, এ ভিন্ন অন্য কথা আর তাঁহাদের মুখে ছিল না । যিনি নেতা তাঁহার যে ভাব সে ভাব যেন ইহাদের অত্যন্ত স্বাভাবিক ছিল । সত্যানুসরণের সঙ্গে জ্ঞানালোক সংযুক্ত না হইলে

সত্য কি দেখিতে পাওয়া যায় না, সত্য দেখিতে না পাইলে তাহার বক্ষা বা কি প্রকারে সাধিত হইবে, সুতরাং জ্ঞানদীপে তাঁহার আগমনের অবস্থা এবং জনসমাজের অবস্থা ভাল করিয়া হৃদয়ঙ্গমপূর্বক আত্মস্থ ও সমাজস্থ পাপ-কুসংস্কারের বিরুদ্ধে সংগ্রামে প্রবৃত্ত হইলেন। এই সংগ্রাম করিতে গিয়া অনুতাপের সমাগম হইল। অন্তরে রিপু বাহিরে প্রলোভন জ্ঞানদৃষ্টিতে ইহা যখন প্রকাশ পাইল এবং এই রিপু-ও-প্রলোভন-পরাজয় করিতে গিয়া পদস্থান হইতে আরম্ভ হইল, তখন সত্যানুরাগী হৃদয়ে অনুতাপের অভ্যুদয় হইবে। ইহা আর বলিবার অপেক্ষা রাখে না।

বুদ্ধি। সত্য ও জ্ঞানের ক্রিয়ায় অনুতাপের অভ্যুদয় কি স্বরূপান্তরে প্রবেশ করিবার জন্ত ঘটিল ?

বিবেক। তুমি ঠিক বুঝিয়াছ। জ্ঞান যখন পাপ দেখাইয়া দিল, সত্যের সঙ্গে জীবনে কোথায় বিরোধ রহিয়াছে প্রদর্শন করিল, তখন পুণ্যের প্রয়োজন হইয়া পড়িল। পুণ্যের অভ্যুদয়ের পূর্বে অনুতাপ চাই, অনুতাপ বিনা হৃদয় শুদ্ধ হইবে তাহার কোন সম্ভাবনা নাই। পুণ্যস্বরূপের আবির্ভাবের পূর্বে হৃদয়শুদ্ধি চাই। এই হৃদয়শুদ্ধির উপায় পাপের জন্ত অকৃত্রিম অনুশোচনা। পুণ্যের আবির্ভাব হইবার পূর্বে তৃতীয় ব্যক্তির পাপরোধ ভীষণ মূর্তি ধারণ করিল, এবং তাঁহার সঙ্গিণের মনে অল্পবিস্তর পাপবোধ উদ্ভিক্ত হইল।

বুদ্ধি। শুনিয়াছি, তৃতীয় ব্যক্তি আজন্ম শুদ্ধ, তাঁহাতে কেহ কোন দিন পাপের লেশ দেখিতে পায় নাই। এমন ব্যক্তির আবার ভীষণ পাপবোধই বা কেন, অনুতাপই বা কেন ?

বিবেক। তৃতীয় ব্যক্তি আজন্মশুদ্ধ ইহা আর কে না জানে ? ইহার পাপ-বোধজনিত সম্ভাপ পাপের সম্ভাবনা হইতে উৎপন্ন।

বুদ্ধি। আশ্চর্য্য, লোকে পাপ করিয়া অনুতপ্ত হয় না, ইহার পাপের সম্ভাবনা ভাবিয়া তীব্র সম্ভাপ, এ কি রকমের কথা !

বিবেক। তৃতীয় ব্যক্তির এখানেই অসাধারণত্ব। তিনি যে উচ্চ নীতি স্থাপন করিতে আসিয়াছিলেন, তাহা পাপের সম্ভাবনা হইতে লোকের চিত্তকে সংশোধন করিবার উপযোগী। সুতরাং তিনি যে পাপের সম্ভাবনা লইয়া জন্ম-গ্রহণ করিয়াছিলেন, সে সম্ভাবনা সকলেরই রক্তমাংসের দেহের সঙ্গে জড়িত।

সেই সম্ভাবনাকে অসম্ভাবনা করিবার জন্ত তাঁহাতে তীব্র পাপবোধ স্বয়ং ভগবান্ রোপণ করিয়াছিলেন। এই তীব্র পাপবোধ যতই পাপসম্ভাবনার অসম্ভাবনা করিয়া তুলিল, ততই পুণ্যের সিংহাসন তাঁহাতে প্রতিষ্ঠিত হইল।

বুদ্ধি। অনুতাপে যখন প্রাণ অস্থির হয় তখন ঈশ্বরের দয়ার দিকে মন সহজে ধাবিত হয়। তাঁহার দয়ার মন যখন একান্ত তাঁহাতে আসক্ত হয়, তখন আর পাপপ্রবৃত্তি থাকে না, সুতরাং সহজে পুণ্যের রাজ্য প্রতিষ্ঠিত হয়। প্রেম পুণ্যে যখন সাধকের হৃদয় পূর্ণ হয়, তখন সেই পূর্ণতা আনন্দরস হইয়া তাঁহারে আনন্দের সাগরে মগ্ন করিয়া ফেলে, এবং সমুদায় জগৎ ও জীবকে তিনি তন্মধ্যে নিমগ্ন দেখিতে পান। তুমি পূর্বে যে সকল কথা বলিয়াছ, তাহা হইতেই সহজে এ সকল মনে প্রতিভাত হয়।

স্বর্গ।

বুদ্ধি। যেখানে দেবগণ সাধু মহর্ষিগণ বাস করেন, তাহাকে স্বর্গ বলে। এখন শুনিতেছি 'ঈশ্বরগত জীবনই স্বর্গ'। এ ছই কথার ভিতরে ঐক্যই বা কি পার্থক্যই বা কি, তাহা জানিতে ইচ্ছা করি।

বিবেক। ঈশ্বরকে ছাড়িয়া স্বর্গ হইতে পারে না? ঈশ্বরই স্বর্গ। দেবগণ ও সাধু মহর্ষিগণের জীবন যদি ঈশ্বরগত না হয়, তাহা হইলে তাঁহারা স্বর্গব্রষ্ট, স্বর্গবাসী নহেন। ঈশ্বরকে ছাড়িয়া তাঁহাদের দেবজীবন নাই, অপরেও ঈশ্বরকে ছাড়িয়া তাঁহাদের সহিত মিলিত হইতে পারে না।

বুদ্ধি। ঈশ্বরকে ছাড়িয়া দেবগণের সহিত কেহ মিলিত হইতে পারে না, এ কথা তুমি নূতন বলিতেছ। পৃথিবীর লোকে ঈশ্বরের নিকটস্থ হইতে পারে না বলিয়া তাহারা দেবারাধনা করিয়াছে, সাধু মহাজনের শরণাপন্ন হইয়াছে। যদি একরূপ করিয়া তাহারা তাঁহাদের সহিত মিলিত হইতে না পারিয়া থাকে, তবে পৃথিবী কি এত কাল বৃথা কল্পনার রাজ্যে বিচরণ করিয়াছে?

বিবেক। পৃথিবী এত কাল কল্পনার রাজ্যে বিচরণ করিয়াছে এ কথা বলিতে ভয় কি? কল্পনার অনুসরণে ভাবোদয় হয়, জীবন ভাল হয়, কাব্যের এ গুণ আছে। ভাবোদয় হইলে জীবন ভাল হইল, ইহাতেই যে সব ঠিক হইল, একথা কিরূপে বলিবে? ঈশ্বর তাঁহাদের অনুসরণে তাহাদের একটু ভাবোদয়,

একই ভাষা হওয়া তো কিছুই নয় । সাক্ষাৎসম্মুখে ঈশ্বরগত জীবন না হইলে কেহ অন্যস্ত উন্নতির পথে দাঁড়াইতে পারে না ।

বুদ্ধি । অনেক ঈশ্বরনিরপেক্ষ হইয়া দূরস্থ বা পরলে ত আত্মার সহিত যোগানুভব করিয়া আনন্দলাভ করেন, তাঁহাদের এ আনন্দলাভ কল্পনা ?

বিবেক । ঈশ্বরনিরপেক্ষ হইয়া আত্মায় আত্মায় যোগানুভব পদস্থলন প্রয়াস শুদ্ধ কল্পনা নহে, উহাতে বিশেষ অনিষ্টের সম্ভাবনা আছে ইহা

বুদ্ধি । কেন, অনিষ্ট হইবে কেন ?

বিবেক । সত্যের অনুসরণ না করিয়া কল্পনার অনুসরণ করিলে অনিষ্ট ভিন্ন ইষ্টের সম্ভাবনা নাই । ঈশ্বরনিরপেক্ষ হইয়া আত্মায় আত্মায় যোগ হইতে পারে না । দুই ভিন্ন আত্মা এক হইতে গেলে মধ্যে কোন একটি পদার্থ থাকা চাই যদ্বারা উভয়ের যোগ ঘটিবে । চক্ষু ও বস্তু এ উভয়ে যেমন আলোক ভিন্ন হইতে পারে না, তেমনি আত্মায় আত্মায় যোগ ঈশ্বর কখন সম্ভবপর নহে । যদি সম্ভব মনে করা হয়, উহা সত্য নহে, কল্প এই কল্পনার অনেক ঘোর অনিষ্ট উপস্থিত হয় । ঈশ্বরকে ছাড়িয়া যোগ করিতে গেলে, শীঘ্রই পার্থিব ভাব সকল মনে জাগিয়া উঠে, এই পার্থিব ভাব আত্মায় আত্মায় যোগ সাধিত না করিয়া এমন একটি কল্পনার ছবি মনে উদ্ভিত করে, যাহাতে নীচ বাসনা কামনা সকল উদ্দীপিত হইয়া উঠে । নিজের বাসনার ছবিতে আত্মাকে গঠিত করিয়া লইলে উন্নত না হইয়া হীন হওয়া অনিবার্য ।

বুদ্ধি । এক আত্মা অন্য আত্মাকে চিত্তা করিবার সময়ে এরূপ ঘটে ইহা নিজেও প্রত্যক্ষ করিয়াছি । এ অনিষ্ট নিবারণের উপায় কি ?

বিবেক । যোগের সত্য পছন্দলক্ষণ, এ অনিষ্টনিবারণের উপায় । মনকে অগ্রে ঈশ্বর দ্বারা পূর্ণ করিয়া লইতে হইবে । যখন ঈশ্বর দ্বারা মন পূর্ণ হইল তখন তাহার সঙ্গে সঙ্গে নীচ বাসনা কামনা সকল অস্তহিত হইয়া গেল । এখন ঈশ্বরের ভিতরে ষাঁহার বা ষাঁহাদের সহিত যোগানুভব করিতে যত্ন করিবে, তাঁহাদের সহিত আর বাসনাবিকার সংযুক্ত হইতে পারিবে না, তাঁহাদের দেবতাবের সহিত আত্মা যোগানুভব করিবে । ঈশ্বরগত আত্মা বিত্তক আত্মা, উহাই উহার নিত্যস্বরূপ । সুতরাং ঈশ্বরগত আত্মার সহিত যোগ করিব ঈশ্বরগত না হইয়া কি প্রকারে সম্ভবে ?

